


UTL AT DOWNSVIEW



D RANGE BAY SHLF POS ITEM C
39 12 05 14 09 008 4



PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

DR 'Abd al-Hamid II, Sultan of
571 Turkey
.5 Hatirat-i Sultan 'Abdul-
A23A29 hamid
1922

2437

8c/1



Abd al-Hamīd II, Sultan of Turkey

حیاتِ اُتّی

Hātirāt-ı Sultān Abdülhamīd

سلطان عبد الحمید خان ثانی

وداد عرق بک ریاست ادبیہ سندھ اولہرق عطار د مجموعہ سندھ بر قسمی صلاحیت
ومساعدہ مخصوصہ اوزرینہ تفرقہ ایدلشد

صاحب و طابعی :


مہرانہ کتابخانہ سی



۱۳۳۸ — ۱۳۴۰

« جهان » — برادرز مطبعہ سی

استانبول



بر قاج سوز

DR
571

5
A23 A29

1922

اداره حکومت بر معمار . ترقی ویا تندی اسبابك استناد كاهیدر . تأمین تعالینك
الكتریق پیلاری بو اداره به باغیدر . مركز ایشه تاج وختدر . بو مقام و عنوانك غیر
مسئول صاحبزینی بشریتك شخصیت معنویه سی برچوق مجبوریتله تابع قیلار . اتباع ایدله دیکی
تقدیرده عكس العمل محققدر . مواجهه وجدانده مسئول اولور .

استئنار بر طرف ، حکمدارلر ، ارثاً جالس تحت اولورلر . « حشمینه » عزرائی عالمیه
منسوب بولونانلرک هپسی صیراسی کلدجه احراز ایدر ، ایدیلور . لیاقت ، احتیاجات
ملتی ادراك قدرتی ، رؤیت اموره وقوف و الخ کبی منیتلر موضوع بیث اولماز ،
تجربه آرنماز . حکمدارلرک چوغی تجربه دیده معینك بوسبله اکثریا بازیجه سی اولور . اداره
ایتمه ، ایتدیرر . هوسلره ، یا کلاش تلقینلره قایلور . رؤیت اموری دوشومکن زیاده غربت
اندیشه لره دوشر . تاریخ بمر صحیفه لری آراشدیرلسین ، محیطك اغفال صرصرلرینه قایلماش
چوق محدود حکمدار ، سردار بولورسکز .

حکمدار ایچون نه بوپوک بر مظهریتدر ، که ملتلرینک حقیق احتیاجلرینی یاقیندن
آ کلابیلورلر ، مقصد بر محیطك تلقینلرینه قایلمازلر .

متین سجه لی حکمدارلره صاحب اولق اعتبارله اک زنکین تاریخ ، اولاد عثمانک تاریخ
مملکتی در . شعشه نثار صحیفه لری آراسنده واقعا قارا کلق سطرلر هیج یوق دکدر .
سفاهلر ، هوسلر اوغورینه امور ملتی لیاقتسزلرک آله تمامله تسلیم ایتش حکمدارلره
تصادف ایدیور . فقط هر مملکتده بو واقعدر ، معذور کورولمک ایجاب ایدر . فرانسزلرک
لایوت داهینسی (پهر قورنه ی) ک دیدیکی کبی :

« حکمدارلرده انساندر . بز نه ایشهک اولنرده اودر » . حکمدارلر ، ملتک نه درجه
ذی قدرت آمری ایشهلر ، الهامک حضورنده او نسبتده عاجز برر « قول » درلر . قول
قصورسز اولماز .

قوة اجرائیه ملتدر . قوة اجرائیه به ، شرفه لایق قوق ویره کده مملکتک ، قرال
ویا امپراطور اولسین ، رئیس جمهور اولسین ، سردار اولسین ، آمری کیمسه اودر .
ملت بر کوکده به تشبیه ایدیلسون ، حکمدار کوکده نک باشیدر . باشمز وجودک عمری
یوقدر .

ملتی انقراضه سور وکله مک آرزوسنده بولونان بر حکمدارک موجودیتنه احتمال ویرمک
ساده جه منطقسزلق دکل ، اعظمی حماقت اولور . حکمدارلر انقراض ایسته یه منزلر . بآن
شرط ، که مجنون اولماسینلر !! . اتجار دیبه جکسکز !... حقکز وار . فقط اونوتایککز :

منتحرلر، مجنوندرلر. جناب حق ویردیکی جانی نزع ایتک حق قوله ویرله مشدر، که بر انسان غنبدالامهده مسئولیتک اک آغریخی بیله آتخار ایچون یوکلن سین...! قرآن کریم، بو خصوصده بخش ازان ایدر.

دستور بشر، ملک وملت دوغریدن دوغری به حکمدارلرک مالی کبی قید ایدر. بر انسان تصور ایدیله، که دشمن لهنه تاجی، تختی، مملکتی، قیصه جهینی توز مالی، جاتی فدا ایتین...!

حاشا!... بویله رک اوله ماز...!

بوسطرلردن استدلال ایدیلکینه کوره ملتک حیات، سعادت صیانت مأمور حکمدارلرک طالعک لطیف نتیجه سی عنوان ایله برابر ازغانده صاحب اولانلری، ملتیریک سویه عرفاتی نظر دقته آلیرلر، آکا کوره اختیار سیاست ایدرلر. اک دوغری سیده بودر. هر خسته به بویرین علاج آیری اولدیگی کی هر ملت آیری بر سیاست ایست. بالفرض مشروطیت، بر قوت علاجنه بگزهر. فقط زمانده ویرلرله بو علاجدن شفا کورلر.

سلطان عبدالحمید خان ثانیک آکلاندیگی آچی حقیقتلردن بری ایشته بو اولدی.

سلطان عبدالحمید خان ثانی حقنده کی حکمی تاریخ، قسماً اولسین، ویردی بیله...! صلاحیت حکم چونکه یالکز تاریخه عائددر.

یالکز شوراسی محققدر که:

اعلان مشروطیت سه وینجلی آراسنده تصور ایدیلن قورقاق منطقسز، عقلسز ظالم حکمدار ایله حقیقی سلطان عبدالحمید خان ثانی آره سنده پایانسز بر فرق واردر. غثائیلرک شو قدرنجی پادشاهی حقیقت خالده نه منطقسزدی، نه عقلسز، نه ده غدار، قورقاقانی قاله آلا یورم. چونکه قورقاقانی، حماقت ظالم علامتی دکادر.

حیات خصوصیه سنه دائر نشر ایدیلن قاتلی حکایه لر - که، هر مره نک آسوده دالغه لری آره سنده بیکارجه ارباب ذکک کومدور وولدیکنی ادعایه قدر واریوردی - سواقلرده شرقی سوله نیله سوله نیله صایلان دستانلر درجه سنده چوروکدی. مملکتی محو ایتک املنده بولندیگی ادعا ایدنلر، ده مملکت لفظک معنای اصلینی بیله مدرک اوله دقلرینی چوروک ادعایله نک رعنا اثبات ایتدیلر. قطعی محاکمه ایچون صلاحیت لازمدر. اولنرک عجا هانکیسی بو صلاحیت قسماً اولسون صاحبی؟..

سلطان عبدالحمیدک علیهنده بولنانلر جوقدی. فقط بو علیهدارلر، سلطان عبدالحمیدی ودورینی تفسیح ایتدکلرندن دکل، تحقیرک بر موده شکنه کیرمش اولدیگی ظن ایدهرک کوری کورینه تام مناسیله صافدلانه تحقیر تزییف یاغدریورلردی.

دوره سلطنتده سلطان عبدالحمیدک قصور ایشله میدیکنی سوله مک دوغری اولماز، اوله ماز. مثلاً معارف خصومتی امثالی بو خطارک بویوکدر. اثواب، مزایا بوکا مقابل او قدر جوقدی که!

بعضیلرینک دیدیکی کی معارف نامنه هیچ برشی یوقیدی؟ البته واردی. فقط کافی دکادی. نقصان ایله عدم کفایت عینی معنایی تضمن ایتز. بری موجب مسئولیت ایسه

دیگری محتاج همتدر ، او دور ، بو نقصانه رغماً اذ کیا جمعی ایدی . صکره لری قیمتلری پک ای آکلاشیلان «اسکی ذهنیت» رجالی هیچ اولنرسه تجربه لری سایه سنده بر موجودیت کوستره بیلورلردی . خصوصیه سیاست خارجیه پک مکملدی . حکمدارک شخصی سیاست خارجیه نك متن بر طرزده بقاسنده اك بوپوك عاملدی . مشكاپسند اجنبیلرك چوغی بيله ، ناقابل انكار بر حقیقتدرکه ، عبدالحمید ثانیك نفوذ نظریك ودرایت سیاسیه سنك تقدیرکاری . ومفتونی اولدقلرینی مکرراً اعتراف ایتدیلر .

ایچلرندن بری ده او زمان نشر ایتدیکی خاطراتنده :
— سیاستده کی عجزی تورکارك ذکی نظری پادشاهی قارشیسینده چوق یاقیندن ، ونامیه آکلام .

سوزلرینی قید ایله مشدی .

بر چوق مسائل مهمده طرز حرکتی خافان اسبقك نفوذ نظریته مؤبد دلیل ایدی . صانیلرینی کی استبدادك حار بر طرفداری اولوب اولدیغی ، طرفدار دکل ایسه نه ایچون مشروطی حکومت اصولی تطبیق ایتهدیکنی صدراعظمالردن خلیل رفت پاشا ایله آرالردیم . کچن بر مکالمه قولایقله آکلاتیر :

خلیل رفت پاشا اختیارلنی حسبیه پادشاهك بوپوك بر حرمتته صاحبدی . حتی آره . صره ذات حضرت پادشاهینك «رفت پاشا بابا» تعبییری قولاندیغی ایشیدنلر اولوردی . رفت پاشا اوزی ، سوزی دوعری بر آدمدی . ربانی تقبیح ایدردی . دشمنلرینك ادعالریته رغماً جسوردی . فکرینی آچیقجه سویلردی . وپادشاه بوکا قیزمازدی .

بر کون رفت پاشا سرای هایونده نائل شرفشول اولدینی صرهده عبدالحمید ثانییه آوروپاده ژون تورکارك ترتیباتندن وپروپاغاندلردن بحث ایدر .

— مشروطیت ایستیورلر . بر مجلس مبعوثانك کشادینی بکیورلر . نه دیهلم ؟...

دیر .

سلطان عبدالحمید آیاغه قالقار ، باشی صالار . اوداده کزینککه باشلار . دوداقلرند . معیندار بر تبسم بلیر . صدر اعظمك قارشیسنه کچر . نظریینی نظریته دیگر .

— پاشا ، دیر . مشروطیت اداره ایستیورلر ، بر مجلس مبعوثانك کشادینی بکیورلرسه بر آز صبر ایتسینلر . ملتیه بونك بر دوا اوله جغنی بیاسهم صانیره یسك که اولنرك اخطاری بکارم . فقط هر شینك بر زمانی وار . عجله ایدرسهك ضرر کورورز . دکلکی ؟

ینه اوداده دولاشیر . بر قاچ دقیقه صکره علاوه ایدر :

— عجله ایشه شیطان قاریشیر درلر .

عبدالحمید ثانی ، استبداد ادارهك مفرط بر محافظه کاری اولق املنده بولنسهیدی ، رفت پاشانك مشروطیته دأر اوزون سوزلری هر حالده تجربه دیده صدراعظمك عزلیله نتیجه لیردی .

پادشاهك اصابت نظرینی ، اعلان مشروطیتی تعقیب ایدن حادثات اك علیه دارلریته بيله تصدیق ایتدیردی .

حریت لفظی حقیق معناسندن تجرید ایدلدی .

بالفرض روم ایل* شرق مسئله سنده سلطان عبدالحمیدك مهارت سیاسیه سی ، ماكدونیا یومسانك انفلاقته اوزون مدت مانع اوله بيلمشدی . بو موفقیتی ضعف تلقی ایلدی . باشمه بر ماكدونیا ماده سی چیقارلدی . دیارمرك اك سه وئلی قسملری دشمن آنه کیدی . اوچ بیش کیشینك بازچیه سی اولدی . نه گروه ، نه بادره لره سوروكانمه دك .

بعض چیلغینلرك حرکتلرنی تعمیر ایچون ازیلن ینه زواللی مدت اولدی . یاوزك نجیب طورونلری اوز یوردینی مدافعه ایتدی . چاك فاتحانه سی حالا قولاقلمزده در . بوتون بوفلا کترلده سلطان عبدالحمید خان ثانی کیم بیلیر نصل آغلادی ...

چیرغمنده حتی واردی . اونکله برابر کنجلك ده اسکی دورك اسکی رجائی چوق آراردی . سیاستك اداره سی ایچون او رجال واجیدی .

مانیاسی زاده رفیقك تجدك حار طرفدارلرندی ، مشروطیتك اعلانندن اول وصره اتحاد و ترقیتك پروگرامنه دائر جریان ایدن مهم مذاکره لرده تکرار ایتدیکی سوزلر ، سلطان عبدالحمید دورینك رجالی حقنده بر فکر ویرمه کافیدر :

— مملکتده اسکی رجالی غائب ایتك دوغری دکادر . کنجلك چیلغینلرینه میدان یراقش اولورز . بوايه موافق دکادر . کنجلردن استفاده ایتك تجربه صاحبی اوللرینه قدر تجربه دیده لرك قومانداسی آنتنده بولملری ایله قابلدیر .

مشروطیتی تأسیسه چالیشانلرك حسن نیتی هر درلو شهیدن وارسته در . اونلر تسالی* مملکت ایچون چالیشدیلر . چرپندیلر . حمالی بر فعالیت کوستردیلر . فقط یالکز ... اوت یالکز تجربه سزلکلرینك قربانی اولدیلر .

جمعیتهک بدایت تشکانه اعلان ایتدیکی پروگرام ملتک قلبکاهنده اک بویوک امیدلرك مولدی اولمشدی .

فقط اک بویوک خطا ، سلطان عبدالحمید خان ثانی دوریه دکل یالکز قطع رابطه ، او دوری وکلاسیله ، وزراسیله ، الحاصل مجتمه تبعید ، تحقیر ، تزییفله ، تذلیل ایتك اولدی .

ایشته اک بویوک عونه :

۲۲ حزیران ۱۳۲۴ تاریخنده اسواقه تعلیق ایدیلن بیاننامه :

« حکومت حاضره کز غیر مشروعه در . »

« چونکه قوانین دولت آنک مشروطیتنی تأمین ایتش ایکن طرز اداره تحویل ایدلکه چالیشیلهرق حکومت مطلقه حالنده اداره اولتمقده بو اوغورده برچوق معصومیتك دملری اراقه ایدلکده در . بویوک محکمه انسانیت ، حقنی طلب ایدن ملتی قوانین موجوده حکومت ایله تصدیق و تأیید وشکل اداره نی اوتوز سنه دنبری تغییره چالیشان حکومتی تکذیب و اتهام ایلر . »

عثمائی اتحاد و ترقی جمعیتهک وجود مقدس و نازنینی حکومت حاضره کزجه آرتق تعین ایلدی . بک اعلا آکلادیکزکه بو هیئت مقدسهک شخص اعتباریه هیچ بر فرد حقنده یر سؤ نیتی یوقدر . حقوق مشروعه و صریحه ملتی استرداددن بشقه بر مقصده چالیشمز . عزم و قصدی عصر حاضرک شدتله استلزام ایلدیکی (۱۲۹۴) اداره مدینسک تأمین و تطبیقندن

وسفهانك آمال غير مشروعه لرينه آرتق بر حق تعيينندن بشقه برشی دکادر . قانون طبيعت هر فرده مدافعه حیات حقنی اعطا ايلش و بو اوغورده استعمال جبر و شدتده کنديسنه مأذونيت و برمشدر . بولايتغير برقاونددر . قوه بازوايله تغيير ايديله من . تعرضات جنایتکارانه مدافعات مشروعه محافهاتی استلزام ايلار . کرک حکومتک و کرک منسوبی اولان بعض ادانينک مستئي شهوت و اقبال ايله ترقی و اتحاد هیاتی علیهنده اوزاتعه باشلادقلری خطوه تعرضی بوکونکی حدودنده توقف ايله ملیددر . آرتق غلافندن چکامش اولان سیف عدالت و جلالت ملته کنديسنی چارپانلرک سؤ عاقبتلری ، مسئولیتی آنجق کندیلرينه غائد قاله جقدر . گروه گروه سفها و جلاد بیلیدرکه عثمانلی حکومتی بر ملت و برده مثال ملت اولان پادشاهدن عبارتدر . بو ایکسینک آره سنده ديلره ، شهوت اسیرلرينه ، رذيللره ، اقبال سرخوشلرينه بر موقع مخصوص یوقدر . بوکی ادانی آرتق ساحه حیات امتدن چکاملی . منحوس و مشغوم اولان موجوديتلرينه بر نهایت و بریلیدرلر . امت پادشاهی ، پادشاهده امتی ايله بلا واسطه کوریشوب سهویشه چک ، یکدیگيرینک آغوش حرمت و محبتنه آتيله جقدر . بو ایکسینک حرماک اتحاد و وصالنده اغیار بدسیرته محل و موقع یوقدر . عثمانلی اتحاد و ترقی جمعیتی کندی . علیهنه سلائیکه کوتورلمش و بر قای کون مقدم اوتوز سنه در دارالشفقهیه تحویل ايله مش اولدقلری آستانه وطنه التجا ایتش اولان اوایی شخص لئیمک بر دها بو طرفره عودت . ایتملری بالخاصه کندیلرینک منفعتنه اوله رق توصیه و مناستر ، سلائیک ، اسکوب موقعارینه صورقلغه چالیشان فاسقینه رجعت ایللری . امر ایدر .

اشبو جمیت مقدسه اجابدن جاهلر ، ماضلر ، رشوتلر قبول ایدن و ساحه سراب اقبالده کندیلرينه ده بر موقع خیالی تدارکنه یلته من لئیم الطبع سفهانک و امثالک اوصول اوطورملری اخطار ايله حق و صیات حق اوغورنده ظالمة معترضین ايله آتیا وقوعی متحقق کورینان مصارعه و مصادمه سندن طبیعی الحصول اولان قائل و فوجیع منظره لرک مسئولیت مادیه و معنویه سنک کاملاً ظالمة و مستبدینه راجع اولدیغی بیان ایلر . محکمه انسانیت و مدیت قابل تمیز اولیان حکمنی اعطا و عموم سامعین ايله مهملره تبلیغ و تفهیم ایلدی . بو دقیقه دن صکره اشبو قطعی المفاد حکم عدلینک تطبیقی ایجاب ایتدی . ای امت و کیلنک و کیلی ! سن که مناستر ولایتنده حق و کالتی ایفایه ، خلفا و کلانک صفات غیر مفارقتدن اولدنی وجه ايله هر ذی حاکم حقنی کندیشنه اعطایه مأمور و بونکله مکفاسک . معیت مأمورلرینک ایچنده کی ظلمه و اراذلک تجاوز و تعرضلرينه برحد چک ، عمومکوزک احوالنه سنی وکیل ایدن ، نصب ایلان بو ملت نکهباندر . نقاب ریا ايله تستر ايله مش اولان ادانینک لوح قلوبنده منقوش اولان جل جنائیهی بو ملت او قومقدن عاجز دکادر . بو ملتدن پاره ییوب استقامتسزلاک کوسترنلرک عاقبت احوالی نمان اولسه کرکدر . بو حقیقی آنلرک منفعتنه اوله رق اونلره تفهیم ایت . بیلیرسک که سکا ملت یوزلرجه ، بیکارجه لیرلری آنجق بونک ایچون و بریور . البته بونک حسابی وارددر . . آلدیغک پاره ايله کوردیک خدمت مقایسه ایديله چک و صوريله جقدر . وظیفه انسانیتک سکا امر ایلدیکی طریق اوزرنده یورو . معیتندم بولنان مأمورلردن عقد پیوند فساد ایلنلری بزیک اغلا طانیوز . بونلره اخطارات خیر خواهانه منری تبلیغ ايله ، مدافعه مشروعه مرک انتحاج ایده چکی قائل نتیجه لره محل قالمق ایچون حقسز

تعرضیته نهایت ویرلین . بز قان دو مک هوسنده دکلز : زیرا دو کیلن قائلر کافدر . فقط (کل مضر بقتل) دستورینک خریطه اجرا آتمک بر کنارنده نیر حقیقت ایله یازلش اولدینی کورمکدهیز .

عالم انسانیه مضر و برسم قاتل اولان بهائیک ساحة حیاته ابقاع مضرت ایلمیه آرتق میدان ویرلیه جکدر . جنایتلر ، رذائلر ، ظلملر نهایت بولسون . قانون انسانیت حکمران اولسون .

ای ملتک مناسیر وکیلی : مافوقه عرض ایتک اوزره سیکا اعلان ایلرزه که بر ملتک قانونی هر یرده سیلان وهر موقعده حکمفرمادر . بناء علیه حکومت حاضره مستبد و ظالمه کز طرفندن طلب حق ایله دیکی ایچون مظنون اوله رق ایسته یلمش اولان ذواتک لاجل الاستجواب استانبوله جلبنده هیچ بر لزوم قانونی یوقدر . قانون و محاکم امت هر موقعده واردر . مظنون طانیقلری کزک منسوب اوله قلیر مواقع محاکمه تودیعی ایدملری انجرب ایدرکن استانبوله جلب ایدملری او منفور انکیزیسیون خاطره لرینی او یاندیره - خندن شدتله رد ایدله جکدر . بو اصوله نهایت ویریکز . حکومت ظالمه کزجه مهم طانیقلر کز ذواتی منسوب اوله قلیر محاکمه تودیعی ایدیکز . ییلدیز ، طاش قیشله ، باب ضابطه کبی انکیزیسیون مؤسسانه معصوم کوندردک ایسته میوز . بوکا نهایت ویریکز . عکسی تقدیرده مسئولیت سزه عائددر .

بز معروضاتیزی قولاً دکل فعلاً نظر حکومته عرض ایده جکز . مقصدک سوزله دکل فعلاً اله کیره جکنی چوقدن اکلا دق . حکم قانون هر یرده واردر . و کمال احترام ایله قبول ایدیلر . فقط جبر و استبداد ، آرتق اولانجه حدت و شدتله جولانه باشلامش اولان قائلری صوگ داملاسته قدر صرف ایچون اصراره بر عزم و متانت بخش ایدیور . (الحق یعلو ولا یعلی علیه) بوکون انظار فاسقین مناسیر ولایتی اصراری اوزرینه معطوفدر . عثمانی ترقی واتحاد جمعیتی ده اشبو مخطره سنی بوولایت والیسنه تقدیمه لزوم کورمشددر . »

مناسیردن باشلایان بوخرکتلر - ینه تکرار ایدهلم که - حسن نیته مقرون ، فقط هیچ شبهه سز افراطه مستغرقدی .
بوافراطه مؤثر نتیجه لرینی کوستردی و سلطان عبدالحمید ثانینک قورقیدنی بعضی فلاکتلری دوغوردی .

سلطان عبدالحمید خان ثانی تحقیر ایدنلر تابوتی اک درین برحس حرمتله و درایت سیاسی سنک - مع الاسف چوق کیچ - اک بویوک بر تقدیرکاری صفتیه بوغولامش نظر لرله تشییع ایدنلرک باشنده ایدی .

زوالی سلطان عبدالحمید ثانی !

ملتک استغفار قصورینی آنجق قسماً کوره یلیدی .

ایمین ، که ملتله مغیر دکلدی ، اولادی . ایلک اوکجه (آلاطینی) کوشکنک سادم

دیوارلری آره سنده ، صکره لری بکار بکی سرایتک بیاض سالونلرنده مقدرات مملکتک سلامتی ایچون سسسز ، اندیشناک ، فقط اک صحیحی بردعاخوان اولدی .

سلطان عبدالحمیدخان ثانیئک کرک دوره سلطنتی ، کرکسه خلغنی متعاقب کچن حیاتی حقنده چوق شیلر یازلدی . چوغی ، وثائق تاریخیه قیمتی حائر اولمقدن اوزاقدیر . «عطارده» ده نشر ایتدیکم «خاطرات سلطان عبدالحمیدخان ثانی» آرزولریله کرک تحریری ، کرکسه شفاهی نوظلرندن مستخرجدر . بویله برائرك موجودتی ده اوزمان بویوک بررغبت وحرمتله قارشیلانمشدی . خاطراتده ، سلطان عبدالحمید ثانیئک نوظلرینک تحریف ایدلمش اک اوافق برنقطه سی بیه یوقدر .

بوخاطراتی دوغریدن دوغری به سلطان عبدالحمیدخان ثانیئک مدافعلری طرفندن وجوده کتیرلش برائر تلقی ایتک اک بویوک حقسزلق اولور ... محتویاتی ، محض حقیقتدر . وثائقه مستند اولقمسزین شخصی غرضلره کندیسنی لکهلک ایسته یلره قارشى اک مهم ، اک صاغلام مدافعه وثائق در .

خاطراتی ویره ن منبع پک عالی بر شخصیتدر . اثری نشر ایده نلر یونک ایچوندرکه هر درلو شبیه لی نظرلری بر طرف ایده جکارندن امیندرلر .

— ارنکوی —

وراء عرفی

۱ مارت ۱۳۴۳

اخیراً خبری تقویم قبول ایدله‌مش اولسه‌یدی، بوکون یکی برسنه‌من باشلاردی
 یزم ایکی تاریخیمز وار بری دینک که محرمله، دیگری دولک که مارت ایله ابتدا
 ایدر. بوندن صکره سنه باشمز (کانون ثانی) اوله‌جقدر. بیلیم، دواثر عاتده‌سیله
 هیئت وکلا و مبعوثان و اعیان هیئت‌ریله محترم برادرم حضرت‌تری (کانون ثانی)
 تعبیریه یکی بر سنه‌یه کیرله‌نک براز معناسز و براز کولونج اوله‌جقنی دوشوندیلرمی؟
 برسنه کانونک (اول) نده پیتیور. و خلغی اوله‌جق ییل‌ده (ثانی) نامیه
 بسمله‌کش حاول اولیور. خبری تقویمک قبول ایدله‌یکنه اعتراض ایندیکم ظن
 ایدله‌سون. بالمکس تصویب ایندیکم ایچوندرکه شورقاج سطری یازدم. برتجدد،
 حاقص اولورسه فائده‌سی‌ده اکیلیور.
 مأمول که زمان بونی‌ده اصلاح ایتسون.

★ ★

۲ مارت ۱۳۴۳

دون قید ایندیکم بومطالعه بنی بوکون براز دوشوندیردی. شیمیدی به قدر
 سیفاره دوماقبری آرمندده قشکرله یکن کونلریک بعض خاطراتی قید ایتیمده‌کی
 ااهاله حادثا نام و متأسف اولیورم. اوزون بر حیات و بردوره حکومت یگیردم.
 خاطراتم بالکیز بنم دکل، براز تاریخک و منحصرأ تاریخکدر.
 بن سلطنتده ایکن منتظم تحصیل و تبعه وقت بولایوردیم. شهزاده‌لکم ده
 بیوک برادرم کبی قیدسز قلقر ایچنده یکمشدی.

بیوک برادر حضرت‌ترینک اطرافنی آلان ادبا ایله صکره بنم علیهمده بولناظر
 سلطان مرادی عالم، شاعر، محبتکار، متین اوله‌رق خلقه طامق و سودیرمک
 ایستلردی. حایوکه مرحومک علم و کمالی شویله طورسون، افشا و املاسی بیله
 ضعیف ایدی. صدراعظم فوآد پاشا برای تداوی نیسه کیدرکن کلینی نعمت خانم‌ه یازدینی
 یرتد کره‌نی اوزمان کورمش و برورتی قید ایتشدم. برادرم مرحوم، فوآد پاشادن
 چوق هم پک چوق قورقاردی. بوکا او وقت پک اولانضیا پاشانک (وراثت سفیه)

مسئله دایر رساله شکننده انتشار ایتمش اولان مکتوبلری سبب اولمشدی . ضیا بک فوآد پاشایه غرضی واردی . کویا عثم مرحومه فوآد پاشایی صدر اعظم نصب ایتمشی کندیشی کندیشی توصیه ایتمشکن صدارتده وقوعیولان مراجعتلرینی حسن اسراف ایتماش . بن ضیا بکی اوزمانده سومدم . ضیا پاشا اولدقندن صکرده ده . چونکه ذکاسنی خیردن زیاده غرضه صرف ایدر ، حریص وانتقامجو بر آدم ایدی . ایشته بوخوف و مدارا سائقه سیله ولی عهد مراد افندینک فوآد پاشا عالمه سینه یازدیغی مکتوب عیناً شودر :

« عقتلو خام افندی :

« پدر والالری پاشا حضرتیرینک نامزاج اولدقنری وتبدیل آب وهوا ضمنندم . کله جک هفته ظرفنده اوروبایه عزیمت بیوره جقنری رسیده سامعه تأفمن اولدی . جناب حق و فیاض مطلق قریباً کسب عافیت احسان بیه رسون . طوغریسی شوحاله آشوری درجه ده مفحوم ومکدر اولدق . وشافع حقیقی اولان جناب پروردگار دن شفای عاجل احسان بیورمسی دعواتی عن خلوص البال یاد وتذکار ایلدک . هر حالده حفظ خداده بولمگنری متمنای خلوصوری یه در .

۲۱ . مجازی الاخر سنه ۲۷۵ .

امضا : (م)

مرحوم بوند کریمی یازارکن بن یاننده ایدم . ابتدا اوزون اوزادی یه مسوده سفی یاپدی . صکره دقتله وآغی آغی بدیش ایتمدی .

بن سلائیکه کتدکن وحال وتحولک الحجاب ایتمیشی قنور ایکی اوچ آی ظرفنده زائل اولدقندن صکره منتظم تحصیل ایتمکه باشلادم . ادبیات ایله تاریخ اک سودیکم شعبات معرفتدن دز . بن استراحت کبی ، شان وشرفک ده بیوک بر قسمنی زمان منکوبیتده قازاندم . ایشته بوکون له الحمد فکرمی اولدقجه دوز کون بر اسلوب ایله افاده ایده بیلورم . فرانسه جه دن قولاق طواغونلغیه بر چوق کله بیلیردم . سلائیکک اوزون کونلرنده بولسانی منتظماً تحصیل ایتمکه چالیشدم . شیمدی اوقودیم غزتلرله رساله لری قاموسک معاوتله فقط سهولته اکلایورم .

آه!! بنی ادبیانه دشمن ظن و بویله اعلان ایدرلردی . خایر!! بن ادبیاتک دکل ، ادبیزلکک و ادبانک دکل ، ادبیزلرک دشمنی ایدم .

ضیا بکی وزارت و ولایتله استانبولدن تبعید ایتمه که بنی سوق یتیمش اولان قوت افکار عمومیه دکل ، اونک علم و فضلنه حرمت ایدی . مدحت پاشا خلق نظرنده دها زیاده ذی نفوذ وایکی خاعده اک مهم عامل ایکن اوروپایه نفی ایدلدیکی زمان قاچ آدم سس چیقاردی ؟ ..

بن ادبیاته دشمن اولسه ایدم ، کمال بکه وفاتی کوننه قدر کیسه مدن معاش ویرمز و اوغلانی خدمتمه آمازدم .

بن ادبیاته دشمن اولسه ایدم ، عبدالحق حامد بکی طولغون معاشلرله ترفیه ایتدکن صکره آره صره بورجلرینی ده ویرمک کی خیر خراهلقلرده بولمازدم . بن ادبیانه و فن تاریخه دشمن اولسه ایدم ، برآراق تاج و تختله ده اوغراشمق ایسته مش اولان مراد بکک هرمناسبتیزلکینه قانلاناراق ، سلطنتک صوک دمنه قدر مستوفی معاش ایله خدمت دولته قائل اوله ما زدم .

خایر ، تکرار ایدرم که بن ادبانک حقیقی و مشفق بردوستی ایدم . اکر اونلره دشمن اولسه ایدم ، بنم ده سواق اورته لرنده ادیب و محرر تولدوره چک آداملرم یوق دکلدی !!...



سلطان عبدالحمید بر یانفین بر اقدیمی؟...

۳ مارت ۱۳۲۳

بوصباح مصاحب سویلدی : دون آقشام قاضی کوی واپورینک یان قماره لرندن برنده درت ، بش افندی حرارتله مباحثه ایدیلورلر مش . ایچلرندن بریسی سفالت حاضرینی آجی برلسان ایله تنقید ایدهرک بوندن حکومت حاضرینی مسئول طوتمش . صاری بیقلی بریسی منفده قارشى قاشلرینی چانه رق درشت برطور ولسان ایله :

— بویانفینی عبدالحمید بر اقدی . مدحت پاشانی آندقدن واولدورتدکدن صکره طوندینی یولک قاقنی بورایه چیقمق ضروری ایدی . دیمش .

وبوصوک سوزی سویلینده سلانیکلی دوقتور ناظم بك اولایفنی مصاحب مراق ایدرک تحقیق ایله اوکرنمش .

دوقتور ناظم بکک آدینی یکریمی سنه دن بری صیق صیق ایشیدیردم . اولاحمد رضا بکله برلکده علمیمده چالیشدی . اتحاد ترقینک متمصب بررکنی بولندیفنی وکیمسینی بکنمز وکیسه ایله خوش کچینمز را-ام اولدیفنی سویلرلردی . محالفلمک حیات و حرکاتی اعتکافنکاهمدن آرہ صره تعقیب ایدییدوم . دوقتور ناظم بکک مسلکی اولان طلبه اصلا اشتغال ایتهرک دائما سیاسیات ایله مشغول بولندیفنی بیلیردم . بالکیز بر مزینتی سویلورلر : حرص جاهدن بری ، بیوک ، کوچوک هبیج برناموریت قبول ایتمه مکله رفقاسی آرہ سنده متعیز بر وطنپرور ایش . ارث واستحقاق ایله طاشیدینم عنواندن بیله اسمی تجرید ایتمه ک نفننده صلاحیت کورن دوقتور ناظم بکک شخصی دکل ، قاضی کوی واپورینک یان قماره سندن حقمده برکره ده صاورور دینی بومبتدل هجویینی بوراده موضوع بحث ایدہ جکم .

عبدالحمید ریازفین ایقاع ابتدی ، ایتدیمی ؟ .. وعبدالحمیدک دورینه قدیم ایدن اوچ بوز سنه ک ادوار نشندن مدور مواد مشمله وارمیدی .

یوقیدی ... بونك جای مناقشه سی بوراسی دکلدر ، تاریخدر : دو قنور ناظم بکله اخوان اجتماعیه ده برکون داخل اوله جقلری تاریخ ... بن ۱۳۲۴ سنه سنك تموزده حکومتی بوجاهدلره ۱۳۲۵ نیساننده ده سلطنتی شوکتلو برادریم حضرتلرینه تسلیم ایتدم .

بنم زمانده حدود منر ، اشقودره دن بصره کورفرینه ، قره دکزدن صحرای کبیر جوللرینه امتداد ایدردی . (الماناق دو غوطه) نك ۱۹۰۸ سنه سنده نشر اولنان نسخه سیله بوسنه چیقانی قارشیلادیریلر سسه ، اخلافه ، یانین دکل ، بر اولنکا ، اوتوز مایونی متجاوز نفوس ، براردو ترك ایتمش اولدیغ آکلاشیلیر . شویله بویله اون سنه اولدی . یعنی مدت سلطنتمک برثلثی . آثارمک اوچده دکل ، اونده برینی وجوده کتیردیلرمی ؟

مقام حکمداری بهکلیکم زمان اوچ یوز میلیون لیرایه تقرب ایتمش اولان دیون عمومیه - منری ایکی بویوک حربک و برچوق داخلی قیاملرده کی سوقيات عسکریه بک ایجاب ایتدیکی مصارفی تأدیه ایتدکدن سوکره - اوتوز میلیونه ایتدیرمکه موفق اولمشدم ، یعنی برعشرینه ، ناظم بکله رفقاسی ایسه بنم بیراقدیم اوتوز میلیون بورجی بوکونه قدر درت یوز میلیونه چیقاردیلر ، یعنی اون اوچ مثله . دیمک که خلفلم (مقام سلطنتده اجرای حکم و نفوذ ایدن یالکیز برادریم اولمادینی ایچون خلفلم دیورم) یالکیز مقدار دیونی تزئید خصوصنده ابدال فعالیت و احراز موفقیت ایتشدیر .

بن ، نه کی شرائط داخلده و ناصل بر زمانده جلوس ایتدم ... بونی خاطر لاتاق ایسترم . بوسنه ، هر سك قیام ایتمش ، صربستان منتظم و تهاکمی بر قوتله اعلان حرب ایلشدی .

بو بادره دن اومدهش روس محاربه سی دوغدی . بو محاربه یی تولید ایدن وقایع داخلیه و خارجییه بنم زمانده تحدث ایتمشدی .

بن ایکی خلمدن و طقسان اوچ کونلک بر فترت اداره دن ، بر فاصله سلطنتدن سوکره پادشاه اولمشدم . ملت رشیدی ادعا ایدیوردی .

عمومک اعتمادینه مظهر اولان مدحت پاشایی در حال صدارته کتیردم . روسیه نك تکلیف ایتدیکی موادی و یا روسیه ایله محاربه یی قبول ایدوب ایتمامکی یننه ملتیه بیراقدیم .

بونی مذا کره ایچون منعقد مجلس عمومی بدهد ملتک او قدر سودیکی و اعهاد ایتدیکی مدحت پاشا ریاست ایتدی .

بناءً علیه ۹۳ محاربه سیله بونک نتایجندن بن نه شیخصاً ، نه موقعاً مشغولم .

حربک اداره سنه کلنجه : اوزمان تعیین واستخدام ایتدیکم قوماندانلر ، عثمانلی تاریخنک اودورنده دکل ، اوندن اول وصوکره کی ادوارنده ده ااثاله نادر تصادف اولنان ذوات ایتدی .

وسائط قلبیه نک فقدانی ، روم ایلده کی عناصر غیراسلامیه نک تا ادرنه ولایتی داخلنه قدر سرایت ایدن نائرة عصیانی نیم زمانده و نیم یوزمدی تحدث ایتش مصائب صیره سنده کورستیلر سه تاریخنک عدل انصافنه دوقونلش اولور .

او محاربه نک ایجاب ایتدیکی فلا کندن متأثر اولانلرک امدادینه یتشدم ، اومه اجر دینداشلری رفیه واسکان ایچون ممکن اولان شیلرک هیچ بری دریغ اولمادی .

استانبولدن سیواسه ، حلبه قدر حاجا معمر مهاجر کویلی واردر . بونلرک برچوغمده کی جواع شریفه نک مصارفی جناب حقاک بکا ودیعه بیوردینی عبادینه عاجزانه بریادکار اولمق اوزره کندی کیسه مدین ویردم .

(ملی تجارت) نامی آلتنده اوج ، بش کشینی باطلانجهیه قدر طویورمق ایچون خلقک معده لرینه کیره جک لقمه لره قدر آن اوزاتمق ، بوله طار و مصیبتی کونلرده دکل ، اک کنیش و آسوده زمانلرده بیله خاطرمدن چیقمايان شیلر ، عباداللهک نفقه سی ، محروقاتی ، ادویه سی ایدی . بونلری کندیچی مدافعه ایچون سوبلیورم . چونکه یریمه کچنلرینی هر حرکتلریله او قدر مدافعه وتز کیه ایتدیلرکه دین ودولتمه کتیردکاری فلا کتک خاطرمدن اولماسه یدی کندیلرینه بونک ایچون تشکر بیله ایدردم . بن تعداد ایتدیکم خدمات ناچیزانه ایله افتخار ایتکده نفسمنده حق کورمیورم .

چونکه همیسی وظیفهم ایدی . بوکون اسف وندامتله کوریورم و یاشارسه م ایلرده کندی قلممله تفصیلاً اعتراف ایده جکم که برچوق قصورم واردر . هایدی ، اوحیتلی دوقبور ناظم بکه حق ویررک کندیسیله برلکده اعلان ایده میم که :

— بویانغینی عبدالحمید براقدی ...!

فقط او حتمی دوقئورده مرد برانسان ایسه کم ایتسون که او یانغینی کویا سوندورمک ایچون کلنلر صویرینه پتول استعمال ایتدیلر .
اختیاراق ضعیفی دها زیاده یازمغه مانع اوله جق، یورولدم ، مدحت پاشا ایچونده سویلیه جک سوزلرم وار ، وقم اولور والاده ایسترسه بوندزده یارین بحث ایده جکم .

مدحت پاشا

۴ مارت ۱۲۳۳

خاطرمدده قالدیغنه کوره جتتمکان پدرمک صوک وزیر مدحت پاشادر . صوک وزیر اولماسه بیله وزراسندن در . عجم مرحومک معیتنده اوروپادن عودت ایدرکن مدحت پاشانک طونه ولایتنده کی اعمارات واجرا آتی هیمزک نظر تقدیرینی جلب ایتمش واوروپادکی کوردیکی معموریتیه حیران اولان عجم طونه ولایتنه داخل اولور اولماز مدحت پاشایی خیر دعا لاله یاز ایتلشدی .

پاشانک شورای دول ریاستنه کتیرلمسی مقدمه صدارتی کی ایدی . فقط سلطان عبدالعزیز عالی پاشایی رئحیده ایتماک مسلیکنی اوروپادن عودتی متعاقب تقویه ایتمش اولدیغندن مدحت پاشا شورای دولته ، یعنی استانبولده چوقجه طوره مادی .

جتتمکان عجم پک وقور برحکم دار ایدی . مالی پانایی بوصورتله التزام ایتسند . اوله ظن ایدیورم که اوچنجی ناپولئونک ده دخل وتأثیری واردر . فقط مرحوم بیویه برنفوده تابع بولنغنی هیچ کیمسه یه احساس ایتزدی .

بر کون عالی پاشا سلطان عزیزه کلهرك ، بغداد ولایتك فوق العاده كسب اهمیت
ابتدیكنی وشعیلمك متوالیاً تزايد ابتدیكی ، عجم شاهك عتبات زيارت وسیله
اورالده سیاحت ایده جکی متواتر بواندیغی سوبلیهرك و والی نقی الدین پاشاك
اداره منه اعتماد ایتمدیكندن بحث ایدرك كندیسنك بوولایته مأمورایدیغی عرض
ایندی .

عالی پاشا پادشاهك كندیسنی استانبولدن اوزاقلاشیریمیه جفته امین ایدی .
نتیجه ظنی کبی ظهورایتدی . احوالده (رئیس پاشاقوللرندن مناسب بر والی بوله
میورم) دیدی . ومدحت پاشاده بو صورتله بغداد والیسی اولدی .

بغداد ولایتك حدودی اوزمان پك واسع ایدی . مدحت پاشا ، ظن ایدرم ،
اوج سنه دن فضله بغدادده قالدی . حسن اداره ابتدیكی و بعضی اعمارات واصلاحات
موفق اولدیغی ایشیدییوردق . اولایكتمك ایستمدیکی بوولایتدن مدحت پاشاك
آریلیركن پك زیاده متأثر اولدیغی ده ایشیتدك .

مدحت پاشایی بغداددن قالدیرمق عالی پاشاك برینه صدراعظم اولان محمودندیم
پاشاك خطاسی ایدی . چونكه رقابتندن عالی پاشاك بیله احتراز ایتدیکی برآدم
محمود ندیم پاشا ایچون تهلمکلی بر مخالف اوله بیلیردی نته کیم اوله اولدی .

مدحت پاشا تعیین ایدلیدی ادرنه ولایتنه کیتمه دن بریولنی بوله رق كندیسنی
حضوره قبول ایتدیرمش ومحمود ندیم پاشایی اسقاط ایدرك برنه یکمشدر .

مدحت پاشا ابی بروالی ، فقط اداره سیاسیه می خطالی ایدی . اوزمان
پادشاهك ووکلانك نظرنده شهلی اولان آدم لرله صیق صیق اختلاط ایدر وبر
شرق پادشاهنی دکل ، اك مشروطی حکمدارلری بیله شهه لره دوشوره جك اقوال
واحوال ، صدراعظمك آغزندن وقوناغندن انتشار ایدردی .

سالمطان عبدالعزیزی خلع فکری اك اول حسین عونى پاشاده حاصل اولدی .
سببی ده پادشاهك كندیسنی ده اول اسپارته به نفی ایتسی ایدی .

عمم مرحوم وقور وهرکی کندی کبی کریم ظن ایده جك قدرده خیرخواه
ایدی حسین عونى پاشا کبی کیندار برآدمی برآز صکره هم عفو ایتدی ، هم
عسکرلک کتیردی . ایشه موجهم بو خطاسنه قربان کیتمشدر .

مدحت پاشا خلع ایشنه قاریشمله اداره آدمی اولمقدن جیقهرق اختلاجیلر
صنفته کچدی . حکمدارلرک هیج بری خلع ایشنه قاریشمش بر آده اعناد ایده مز .
ولو حکمدار مخلوع خصم جانی اولسون . و دنیا ده هیج بر اختلاجی کوروله مشدرکه
یقمقده کوستردیکی موفقیتی پامق خصوصنده کوستره یلمش اولسون .
بن جلوس استدیکم زمان صدراعظم مدحت پاشا دگادی . افکار عمومیه نك
کندیشه میل وتوجهی وزمانك فوق العاده نازك وتهدکلی بولمشی جهتیه درحال
موقع صدارته کتیردم .

شونی تأمین ایدرم که مدحت پاشا اداره لی وتدبیری بر صدراعظم اولسه یدی
هیج اولمزه روس محاربه نك ختامنه قادر صدارتده قایردی . حالبوکه ايلك
کوندن اعتبار آ بکا عادتاً آمر ووصی کسیدلی . ومعاملاتیده مشروطیتدن زیاده
استبداده منایل ایدی .

مدحت پاشای یاقیندن طایانلر رأی واجرا آتنده نه قدر مستبد بولندیغنی
کتیم ایده مزلر . طونه ولایتندن بری الكعز احباسندن بولغان ومحکمه تمیز رئیس
اولی ایکن ، مدحت پاشایه اولان محبتی حسیه طهرمرده افنای عمره قائل اولان
رامن منلانك بیروت مرکز نیابتی اشناسنده مجلس اداره ولایتده بر مسئله مذاکره
اولنوزکن (بواسطه مدحت پاشانك طوبه والیسی ایکن دوشونمش اولدیغنی برشیدر .
پاشا حربی یالکز کندی نفسی ایچون ایستردی . بونك خارچنده مستبدک مستبدی
ایدی) دیر . مدحت پاشایه کورمندن عاشق اولانلردن برينك بوسوز کوکلنه پك
فنا تاثیر ایدرک ، بلا اختیار برچین جبین کوسترر . رامن منلا بوانفعا لك فرقته
واره رق مجلس طاغلقدن صکره اوزاتی یاشه جاغیرر . واوزون بیاض صقالنی
آله آله رق ،

— باتی اوغلم ، بن بوصقالی یالکز سنملرک متاعیه دکل ، برابرچده مدحت
پاشا یوزندن چکدیکم محن غریبله آغارندم . شمدی سنی کوچندیرن بوسوزی بن
پاشانك یوزنه قارشیده دفعات ابله سوبله مشدم . بن شونك بونك خاطرینه دکل ،
یالکز حقیقته توفیق کلام ایدن بر آسم .

دیمش اولدیغنی رامن منلانك وفاتندن صوکره او حوالی اها لیسندن بر ذات
یرکون بکا حکایه ایتشدی .

مدحت پاشا-انك ايكنچي صدرتنده قانون اساسي حقنده كي خط هايون بنم طرفدن اصدار اولندي. معلوم اولديني صورتده قرائت اولندقدنصكره آقشام مدحت پاشانك قوناغنده طوبلانيرلر . اوزمانك حريتپرور شعراسي ، ادباسي هپ برابر او كيجه مهم امور دولت يرينه عيش وعشرت موضوع اشتغال اولور . مدحت پاشا تا كنجلدكنندن بري بدمست اولقله مشهور ايدى .

قانون اساسي اعلانك و برديكي نشويه كئولك بخش ايتديكي سرخوشلقده انضمام ايدر ، يمكدن قانقديني زمان دوشمه مك ايچون ايكي قولنه كيئرلر . آني بيقرار كن ، ديئلري طولاشه طولاشه انشته سي طوسون پاشايه :

(ئه پاشا ! . بوندن صوكره بنى كيم عزل ايدم بيلير ؟ . . سويله باقاييم پاشا . بن يوسف قاج سنه صدرتنده قاله جقم ؟ .) ديمش ، طوسون پاشاده (بوكيديشله برهغه قاله مزسك) ديهرك وعادتاسوروكليهرك حرم دائره سنه كوتورمش . بن وقعيني او كيجه خبر آلمشدم .

مدحت پاشانك مزيايتي انكار ايتم . فعال ، مستقيم بروالى ايدى . فقط مزيايتي قدر نواقصي ده واردى . هله سياسيائده ايجابات زمانه بني صفوت وادهم پاشالار درجه سنده مدرك دكلى .

طونه واليسى ايكن بلغارجه نك بلغار مكتبهلرند تدريس اولتمشي تشويق وحميه ايتمش وبونك وخاتمتي اخطار ايدنلرده (هانكي لسان اولورسه اولسون ، تك اوقوسونلر) ديه ظاهرده پارلاق برموجب ايله قرارنده عناد كوسترمش اولديني معلومدر .

سلطان عبدالعزيزك شهادتي مسئله سي درجات محاكمدن كچمش برايش ايدى . بن صادر اولان اعدام حاكمي تخفيف ايتمكدن باشقه برشي ياپمادم . اكر غيرطبيعي براجل ايله وفات ايتمش ايسه بنم بونده دخلم يوقدر .

وفاتندن تقريباً اون سنه صوكره اورويانه طبع اولتمش تركجه برسالده صورت قتلنه دائر برطاقم تفصيلات موجود واسملر مذكور ايدى . برسالنه نك مندرجاتي صحيح ايسه وقعنه فاعللري آراسنده مكاه مسوب كيمسه لك بولونماسي ده كوسترركه اومسئله ده بنم علاقم يوقدر .

فی الواقع مدحت پاشا دن دانا احترام از ایتم . فقط او قدر معروف بر ذاتی - حتی محکمه دن اعدامه حکم اولندی بی زمانده بیله - حکم اعلامی اجرا ایتمه جک قدر مستحق محافظه کور مشکن صو کره نیچون ، نه فائده ملاحظه ایدرک اولدورته یم ؟ ... دشمنی شهیدلر صیره سنه چیقارتمق یم منفعتمه مغایر اولوردی .

هابدی ، علمیه ده کی بو افترا یی ده واقع فرض ایدرک عیناً قبول ایامیم . سره قاج خلیفه کوستره یم که احترام ویا استرقاب ایتمک لری ذواتی بر آنده افنا ایتمشدر . . . خاقای اسلامیه نک الکیوکلرندن اولان خلیفه عباس منصور دوانقی خاندانک ولی نعمتی اولان ابومسلم خراسانی بی اعدام ایتمیرمیدی ؟ . هارون الرشیدک او قدر سودیکی جعفر بر مکی بی اعدام ایله قناعت ایتمیرک اقباسنه ایتمیکی ظلم ، یم مدحت پاشابه اولان معامله مدن اهو نمیدر . . . خصوصیه بن مدحت پاشانک تجاوز محتمله - که میدان بولسه یدی بو احتمال تحقق شکلی آلیردی - یالکنز تدابیر احتیاطیه اتخاذ ایتمکله مقابله ای دییوردیم . آدم لری نه هیچ دو قونیه رق عائله سنه مستوفی معاشر تخصیص ایتم . یتشدر دیککی وزرادن عبدالرحمن و خلیل رفعت پاشالر کی ایشه یارایان ذواتی تا صدارت موقعه قدر چیقاردیم . و مشیر شاکر پاشا و رائف پاشا کی رجلی ده مناصب مهمه ده استخدام ایتمیم .

فاتح سلطان محمدک خلیل پاشا کی وارنه مظفریتک احراز ایدلسنه سبب اولمش دکرلی بر صدر اعظمی اعدام ای دی یورمی هر حالده روملری مقاومتده تشویق خیانتی کوسترن مکتوب افسانه سنه مستند بر معامله دکل در . صوقوللی محمد پاشانک شهادتده مراد ثالث مدخلدار اولندی ادعا اوله بیلیرمی ؟ ... علمدار مصطفی پاشا وقعه سنده جدم سلطان محمود حضر تلی پاشابه خیر خواهلق کوستردیمی ؟ ...

او قدر اوزاقلره کیدوبده تاریخدن مثاللر آرامغه حاجت یوق . درت سنه اول تقویم وقایع ده او قوم مشدم . محمود شوک پاشانک قتل ایدیله جکی محل وساعت حکومتجه - ده اول خبر آنش ایکن ، قوجه بر صدر اعظم و سربیه ناظری کوبه کوندوز حریبه نظارتک اوکنده وریا وریله برلکده بارچه بارچه ای دیلبور .

واون یدی قورشون آتیلبورده یمه بر پولیس ، برزاندازه نقری میدانده چیقمیور .

اوتوموبیل ایله قاچه‌سایان برطوپال اونساهیدی ، احتمال که وقعه‌نک فاعلاری ده
مأمورین ضابطه کی میدان چیممازدی ..

✱ ✱

بکار بکی سرایی ۴ مارت ۱۳۳۳

مدحت پاشا مسئله‌سنده بوقدر اصرار ایدیشم بواسطه حیاطه برلکه صورتسده
سورمک ایستلمسنده کی عاد عمومیدن جدا متأثر ومتنفر اولدیغمندیر .
دیورلرکه بزده قانون اساسینک واضعی مدحت‌پاشا در . فی الحقیقه او اونه‌دنبری
مشروطیتک طرفدارای ایدی . لیکن اسحنی وبعض کتابلرده مدحنی ایستمکه
حاصل اونس برطرفداراق . مدحت پاشا مشروطیت اداره‌نک اوروباده تأمین ایتیش
اولدینی فوائدی یالکیز کورمش ، فقط بو عمرانک دیگر سائق وسبیلرینی تدقیق
ایتماشدی . سولفاتوهر خسته‌اغ ، هر بنده یارامدینی کی اصول مشروطیتک ده هر قوم
هر استعداد ملی به مفید اوله‌میه جفتی ظن ایدردم . او وقت مفید اوله‌میه جفتی ظن
ایدردم . شمعی ایسه مضر بولندیغه قائم .

مدحت پاشا قانون اساسینک همه حال اعلان اولمیشی تکلیف ایتدیکی زمان
هیچ بر دوائیک قانون اساسینی تدقیق ایتماش و بوباده اساسی بر فکر ایدینه‌مامش
ایدی . رهبری اودیان افندی ایدی . اودیان افندی ایسه او زمان بیله بزده انک
تمتاز بر حقوقشناس دکلدی . هله مملکتی هیچ بیلمزدی . ظن ایدرم که بو ووقفسزلق
مدحت پاشا ایله (طائف) قلمه‌سنه قدر برابر کیتدی .

۹۳ ده ضیا پاشا لر . کال بکار ، عابدین پاشا لر قانون اساسینک لایحه‌سنی احضاره
چالیشدقلری کی ، سرکاتم سعید پاشا و اوصرده مشیراولان مکاتب حربیه‌ناظری
سلیمان پاشا ده بر لایحه تنظیم وقدم ایتشلردی . لیکن بو ذوائک هیچ بری
آراسنده موافقت افکار یوقدی . کال بک بو خصوصده هم مدحت پاشایه ، هم
کندی آرقاداشلریله سعید پاشایه معارض ایدی . بکا بکرمی به یاقین عریضه و بردی .
بیلدیز سرائیک حربیه نظارتنه نقل اولنان اوراقی آره‌سنده محفوظدر . بو کاغذلرک
قیمت تاریخچیدن بشقه دکرلری اولمادیغندن یغما و فروخت ایدلماشدر امیدندیم .
خواص آراسنده اوزمان قانون اساسی به معارض بولمانلر طرفدار اولانلردن

پك زیاده ایدی . ادهم پاشا ، صفوت پاشا ، ودیگر برچوق وزرا و متمجزان رجل دوات برملته حاضر لانه دن جف القلم سربستی تام ویرلمسك علمنده ایدیلر . حتی تونسلی خیرالدین پاشا کی سوزنی اسیر که من بر وزیر بیله صدر اعظم ایکن بکا بالماسبه (اجلائی قانون ایله سلاحلاندیرمن اول بر چوق دوشونك اقتضا ایدر) دیمشدی . بوتعبیر عیناً خیرالدین پاشانمکدر .

فقط بن اوزمانکی جبریاك اوزمانده اوکنه کچه مزدم . (مادام که ملت کنیدی مقدراتی برده کنیدی اداره ایتك تجربه منده بولمق ایستور ، ملتک ایستدییکی اولسون) دیدم . و موجود لایحه لر آراسنده مدحت پاشانککنی تعدیلات جزئییه ایله تصدیق ایدرک معلوم اولان خط هایونی اصدار ایتدم .

مدحت پاشانک لایحه سی دیگر لرینه تقدیماً و ترجیحاً قبول ایتمکده مضطرا ایدم . چونکه (مدحت) اسمك انجد حسابیه (دواء ملت) اولدیغنی کشف و اعلان ایتمش اولان خسته بر خاقه یه اونك اخطار ایتدییکی دوا یی ویرمک ضروری ایدی . باشقه صورتله اسکات ایده مزدم .

روسیه محاربه سی مدحت پاشا حاضر لاش و مات مجلسی حربك جریانیه شاهد و ناظر بولمشکن نتیجه ك هر فلاکت و ششامتی منحصر آ بکا تحمیل ایتك بیله ایستمشلیدی . حالا بواعراض و تعرضلر اوتوده بریده تکرار ایدیلور . آجیق آنله ادعا و وثائقه اثبات ایدرم که ملت (آستانفانوس معاهده نامه سی) فی امضالادی بن ایسه (براین قونفره سی) نك مقرراتی وجوده کتیردم . بن حربك ملتیم ایچون آفت اولدیغنی جلوسمدن مقام حکمداری یی ترك ایتدیکم کونه قدر نظر دقت اوکنندن آیرمیوردم . (قلمبه) وقعه سی حربمنز کچیردیکم ایچون اوزاقدن ، یقیندن نه قدر دوچار عتاب اولدم . یونان ایله محاربه یی قبول ایدرکن اوقدر دوشونمش ایدم که بولزوملی وحقلی اندیشه لری بیله علمیمده بولمانلردرلو درلوشکل و معنایه صوقه رق بر آت تزویر ایتدیلر .

بو حرب عمومییه سلمه السلام کیروب تیرمامکی پك چوق دوشونور ، هله غالب اوله جفته ریاضی برقاعتله امین اوله میه جف طرفه النیات ایتزدم . بنجه برملت ایچون آفتلرک اک بویوک محاربه در . مظفریتلرله بیتنلری بیله ملتی بیتیر ، یورار . مدحت پاشا ، صدارتنده ملتک کنیدیسی اوقدر سودیکنه قانع ایدی که عزله

ایتدیکم آئده بیوک براختلال حقیقه رق بنم خلع و بلیک اعدام ایدیه جگمی کتم ایتدیکه بیه لزوم کورمزدی . حالبوکه بن اونی اورویایه تفریب ایتدیکم زمان هیچ کیمسه آغزینی آچادیغی کی ، بر چوق وزرا و رجال بنی تبریک ایتدیلر ، شاعرا بکا قصیده ، اوکا محبوهلر یازهرق غزلهلرله ، کتابلرله نشر ایتدیلردی . حتی او ذوت آراسنده غازی احمد مختار پاشا بومسئلهیه متفرع برماجرائی ، اخیراً نشر ایتدیکی (خاطرات) دده اوتوز بوقدر سنه صوکره اعتراف ایدیور .

مدحت پاشانک درجه صفوتی کوسترمسایدی شوه مثله بنی بوراده ذکر ایتدیکه لائی کورمزدیم . کندیسنه حریت و برمش اولان برولی نعمتک ، هنوز اثربنک مرکبی قورومدن دوچار تبعید اولسنه عوامی سکوت و خواصی تشکرایدن برملک مشروطیت ادارهیه نه قدر لائی اولدیغی بن سولیک ایسنه هم . بنی استبداد اداره نک اک بیوک طرفدار ی و دنیانک اک بیوک مسئیدی اعلان ایدلر ، حقیقتی هیچ اولمازسنه بن دار فادن آل چکدکن صوکره . اعتراف ایدهرک اونلرده بنندن آل چکسونلر .

مدحت پاشانی نیچون محاکمه و محکوم ایتدیرمش اولدیغی ده ایکی ده برده مواخذه کارانه سؤال ایدیورلر .

اورتمده موهوم دکل ، معین برحادثه واردی که اوده عمیجه مرحومک قانلی ارتحالی ایدی . سلطان عبدالعزیز انخارمی ایتدی؟ .. بوقسه اونی شهیدمی ایتدیلر؟ .. بن حالا بوقعا تدمیم که عم عزیزم منیجر دکل ، هقتولدر . اول ، طیب راپوری اوقدر الاسیقلیدر که دنیانک هر یرنده اک بیوک علمای طب طرفدن مناقشه ایدیه بیلیر .

برمنتحر ایکی قولنک طمرلرینی نصل کسه بیلیر؟ .. بونی دها اوزمان طیبیلر نظر دفته وضع ایتمش ، ادیبیلر کتابلرینه کچیرمشدی .

احمد مدحت افندی مرحومک (اس انقلاب) ندکی شهبلی سطرلر مدحت پاشانک محکوم بیدن ده ، محاکمه سندن ده اول یازلمش و طبع و نشر اولنمشدی . هم درت سنه اول احمد مدحت افندی ایسه پاشانک دشمنی دکل ، یتشدیرمه سی ، بئنده سی ایدی .

محاکمه عذاً اجرا ایدلدی . اصول محاکمات خلافیه هیچ برمعامله سبق ایتماشدر .

شاهد لردن بشقه بعض مجرم لرك اقراری ده وار. جنایت و تمیز محکمه لربنك بوقدر مهم بر مسئله ده حقانیت و عدالتدن انحراف ایده جك قدر وجدانسنز و پرواسنز اعضاسی و هیئتاری بولندیغنی ادعا ایتك ایچلرنده مدحت باشاده برفردی اولان بتون ماتی تذلیل ایلکدر .

درجات محاکدن کچمش اولان حکمی برده وزرا و رجال علمادن بر هیئت فوق العادهیه تدقیق استیرهرك مطالعه لرینی سـویلدیم . هیچ کیمسه نی معناً و مادهً تضییق ایتماش اولدینده ایچلرنده بعضی لربنك غایت سربسته تانه بیان فکر ایتسیله تابندر . دقت اولانسه شخصیه بیله تعریض ایدنلر اولدی . بویه اولمقله برابر طوپالانان رایلر محکوملر لهنده برا کثرت تأمین ایده مامشدی . بن بوخصوصه محکمه لردن ده ، اعظم رجال دولتمدن متشکل هیئت فوق العاده دن ده منصف قاهره ق محکوملرك حیاته مرحت ایتدم . حکم اعدام هیچ بری حقه ده اجرا ایدلمدی .

طیب راپورندن ، محکمه حکمندن ده قوتلی بر دلیل عقلی ده بن ایراد ایده یم :

سلطان عزیز ی خلع ایتك فیکری الك اول سرعسكر حسین عونى باشابه گلشدی . مدحت پاشا ایله دیگر ارکان خلع حسین عونى پاشا طرفندن بوایشه عادتاً سورود . کلندیر یلره ك قارشمشلردر .

سرعسکری پادشاهه خصم ایدن سبب ، بر آراق رتبه و نشانلری رفع اولنهرق مملکتی اولان اسـپـارطیه مقهور آتقی ایدلمش ایدی . کیندار حسین عونى پاشا بونی اونونمادی . والسه کچن ایلک فرصته انتقامی آلدی . اسرافلر ، فلانلر هب بالادر ، بهانه در . (مارتینی هانزی) تفنگلربنك حین اشتراسنده حسین عونى پاشا ضررخزینه قارشیشنده کوپوره بر متعصب اولمادیغنی عالمه کوسترمشدی .

حسین عونى کیندار اولدیغی قدرده احتیاطکار ایدی . سلطان عزیز اتحار ایتك دکل ، یاشامق و کندیشنك آرانه حنی برکونی کورمک ایستردی .

طوبقپودن سلطان مراده کوندردیکی سوزشلی تذکره ده بونی اثبات ایدر . هیچ بر حکمدار مخلوع بوقدرکه خاقک کندیشنی نادمانه آرامقده اولدیغنی کوروب ایشتمه دن اولمکی آرزو ایتسون .

سلطان مرادك خسته لانی دها ایلك كون بیعت مراسمی شناسنده حس و مشاهده اولندی . سلطان عزیز غافل آولانمشدی . و طرفداری بك چوقدی . آزمدت ظرفنده اهنه بیوك برعكس العمل حاصل اوله جفتی قورناز سرعسكری فردای خلمده كوردی . تهلكی . نه صورتله اولورسه اولسون ، ازاله ایتك اولك ایچون واجب اییدی . ایشته سلطان عزیزك حادثه شهادتی بوسبيله ایقاع اولندی .

وفاتك اتخار اولوب قتل یوزندن وقوعه كلدیكي بوسورتله تحقق ایتدكن صوكره ، محكومار آراسنده معصوم بولنوب بولنادینی ایکنجی درجه ده قایلر .

(بوسطری یازدقن صوكره خاطر مه كلدی . اونونماق ایچون قیدایدیورم . حسین عونی و مدحت پاشالره دیگر رفتای مقصدلری بشكطاشده کی موقتخانه ده مكاتب حربیه طلبه سنك ورودینه خاجان ایله انتظار ایدركن معین ساعتك كلوب كچمش اولدینی و هم ایله ظن ایتدكردن (آه سامان پاشا ! .. بزی آله وردی ، خیانت ایتدی ! ..) دهرك بری بریله حسب حال ایتشار . بو حادثه هیچ کیمسه نك انكار ایدمه یه چکی برحقه قنادر .

اوت ، محكومار آراسنده معصوم بولنوب بولنادینی مسئله سی . جرمك تحریف و یا اختراع ایدلدیكي تحقق ایتدكن صوكره ایکنجی درجه ده قایلر . ذهول وارسه حاکم لینه عاندر .

مدحت و محمود پاشالرك برکیجه اسملری مضبوط ضابطالره افراد عسکریه طرفندن طائف قاعه سنده کی محبسلرنده بوغولمش اولدینی ادعا ایدیورلر . طوغری اولسبيله بنم بونده مدخلم دکل ، حتی رضامده یوقدر . خاطر مه کان بروقه یی بوراده اولدینی کی نقل ایدرك تاریخی تاریخ ایله برلکده مدعیات واقعه یی تنویر و تأیید ایتك ایسترم :

محكوملر ، طاقه كوندرلدیكي زمان امیرمه شریف عبدالمطلب اییدی . و شریفك ارکان خلمه و بالخاصه مدحت و محمود پاشالره خصومت علیه سی واردی . آیاقرینه زنجیر اوردیردیغنی ایشتمش و سوء معامله دن توفی ایتسنی همان امر ایتشدم .

شریف عبدالمطلب معلوم اولدینی وجهله حجاز والیسی و قوماندانی عثمان پاشا طرفندن توقیف اولنهرق امارتن عزك ایدلدی ، شریف اوزمان بكا یازدینی بر عریضه ده (مدحت و محمود پاشالری مصره قاچرمق ایچون بمض اجانب طرفندن

تثبت واقع و کند یستک بوتشدنه وائف ومانع اولدیغنی و دوچار اولدیغنی معاملیه نیک بوندن منبعت بولندیغنی (سوبایوردی . شریف عبدالمطلبک هیج رحل وقلاده اعتماد ایتمزدم . بونکله برابر ادعای نظر دفته آلمایه حق قدر اهمیتسز دکلدی . بوپاشالر فرار ایدر لر سه محافظاری شیخاً مسئول طوته جعی و هیج بر عذر و بهانه قبول اتمیه جکمی عثمان پاشایه اخطار ایتدم . اراده می تبلیغ ایدن اوزمانکی باش کاتبم رضایاشا ایدی . رضا پاشا اوزی و سوزی طوضری بر آدم اولدیغندن بومناستله محکوملر حقنده فضله تضیق واذیت که سترلاماسی ده اخطار اولتسنی حسب الانسانیه استیدان ایتدی . تقدیر ایله تصویب ایتدم . سرائیک اوراقی آراسنده مسوده سی حالا موجود اولسه کرک . شمدی دوشونیورم :

احتمال که محافظار باشلارندن قورقهرق بویله بر امر واقع احداث اتمکی کندی منفعت و سلامتبرینه موافق کورمشلردر . مع مافیه بکا کلن راپورلرده هر ایلیسنک اجل موعود ایله اولدکاری ییلدیر یلیور واطبانک شهادت لریله بواسعار توشیق ایدیلایوردی .

ایشته مدحت پاشا حقنده سوبلیه جگم سوزلر بونلردر . تکزار ایدر که نفسی دکل ، نامی حقسز هجولردن محافظه ایچون شو صحیفه لری یازدم . دنیاده دهانه قدر قاله جگم بللی دکلدر . اولوم بکا اوقدر یاقلاشیور که عان تا خطوم لری نیک سسارینی طویورم . بوحقه قتلرک هر کسجه معلوم اوله جنی بر کونک کله جکنه امین اولسه . پک مستریج بروجدان ایله کوزلرمی قابایه جگم اللهمک حضورینه عدل و الطافندن امین اوله رق حیقاجگم ...



شرقی روم ایلی مسائلی

۵ مارت ۱۳۳۳

شرقی روم ایلی مسئله سنده نیم ضعف کوسترمش اولدیغی پک چوق ادعا ایتدیله (ضعف کوسترمک) موجود قوتدن استفاده ایتماک دیمکدر . هانکی قوت موجود ایدی ده شرقی روم ایلمده کی حق حاکمیتی مدافعه امرنده استعمال ایلدی ؟ ... بونی دوشونن وسویلین بر انصاف صاحبتی بوکونه قدر ایشتمه دم .

بلغار پرستی « دوبائبرغ » فلبهیه مستولی اولدقدن صکره وقعه مدن بزم حکومتعز خبردار اوله بیلدی . اوده روس سفیرینه کلن بر تلغرافنامه دن تاغراف ناظری عزت افندیك بی خبردار ایتسیله ممکن اوله بیلمشدی . صدراعظم سعید پاشا ایدی . ترك تخت ایتدکدن صکره او قودیغ بعض بیانات و محرراتنده سعید پاشانک وقایعی کندی لهنه تحریف ایتش اولدیغی حیرتله و تأسفله کوردم .

سعید پاشا ، بلغارلرک تجاوز ایده جکلرندن ده اول خبردار اوله مادیفی کبی ، وقعه استانبوله عکس ایتدکدن صکره ده — بر مدت تردد ایدره ک — مذاکره ائلمشده شورای دولت رئیس عا کف پاشانک بیاناتی اوزرینه قانع اولمشدی . اووقت بومسئله ایچون فلبهیه عسکر سوق اولمقده هم مشکلات ، هم تهلیکه واردی . طقسان اوچ سفیرنک تارمار ایتدیکی اردو هنوز طوپلانا مامشدی . خزینه تام طاقیردی . عسکرک لوازمی و مأمورلرک معاشاتی بیله پک کوچ تدارک اولنیوردی . ولایتلر واردی ، که ژاندارمه لری یکر می آیدن ، اوتوز آیدن بری معاش آله میورلردی . بویه برزمانده صرف برنامدن عبارت قالمش اولان بر حق حاکمیت نامنه نتیجه سی مجهول و قراکاک بر حربه کیریشمکی بن تهلیکه لی کوردم .

کویا سرایی محافظه یه مأمور اولان ایکنجی فرقه دن برقاچ طاہور آیرماق ایچون بئم بومسئله عزممزلک کوستردیکمی سوبیلدیلر . ایکنجی فرقه نك برقاچ طاہوری کیدوب کتامش . بوندن نتیجه اوزرینه نه تأثیر واقع اوله بیلوردی ؟

دها طویلی وزه نسبتله دها حاضرقلی اولان صرب اردوسنی مغلوب ایدن اووقتی باغار اردوسنی ایکنجی فرقه نك برقاچ طاہوریمی انهمزاه اوغراده جقدی ؟ . دول معظمه نك بوخصوصه کی نیت و مسلیکی ده معلوم دکلدی . ایلک تخمینلر ، ضربه نك روس طرفندن گلش اولدیغنه معطوف ایکن صکره دن کورولدی ، که روسیه بو مسئله ده باغارلره معارض و مخاصم ایمش .

جسم دواتی شدید صاریصیتیلردن وقایه ایچون آره صیره کچوک فداکارقلر لازم ایدی . شرق و غربک علممزه یورودیکی برصره دن هر طرفه میدان او قویمازدم . اکر بلغارلرک قلبیه دخولی اوزرینه سلمه السلام میدانه آتلمه یدم ، بلغارلره صربلر محارب دکل ، متفق اولورلر ویا لکنز شرقی روم ایلی مسئله سی دکل ، ما کدونیا ماده سی ده [*] برابر حل ایدرلردی .

بلغارلرک شرقی روم ایلی یه تجاوزی اوزرینه بالقان موارنه سنه خللی کلدیکنی ادعا ابله آلاصونیه حدودنده تحشیداته قیام ایدن یونان دخی یانیه حواله سنه

[*] روم ایلی شرقی مسئله سفده سلطان عبدالحمید ثانی نك برضعف سیاسی کوسترمش اولدیغنی ادعا ایدن رجال دوات بوق دکلی . یو ادعاده بولونانلر ، خدمتانی تشخیص اتمکدن تداوی اتمک ایستینلره بکزمه . سلطان عبدالحمیدک زمان رجانه ای تقدیر اولونه بیان بهارت سیاسیة حق تاریخ ، هم ده بک قیصه برمدت انجمنه ، اثبات و تقدیر ایدی . دها دوغریبی تقدیر ایتیردی . نه سیاه و نولم رتقه در ، که مملکتی قورناروق ایچون کوستردیکی بوسنیایی بهارتی و موقتی ، ترک ایمپراطورلرک اوز دشمنلری سلطان عبدالحمیدک تبه بندن چوق اول ، دها اوزمان اکلا دی . روم ایلی شرقینک صاحب لری ایسه نه آجی تجربیلردن صکره ! .

بلغارلرک فوران ایتیمه یه ، فقط ایتدیریلن یانار داخلرنده بونجه عصر اترک نفوذ و قدرتنک سرعتله اوردیکنه و پارچه لندینه شاهد اولورکن بکار بکننک غریب ، سس سس ، حشمت پناه مسافری کیم بیلور نه کوزیانه لری دوکی . بعضیلرینک که ادعاییه رشماً هر حالده وجدان هذابی طبعی مادی . سیاستک مفید نتایجنه اعهادی واردی . زوالی عبدالحمید ثانی زوالی ملی ! .

و آطلاره حائد مطالبی قبول ایتدیرمک ایچون اونلرله برلشیر و اشقودره یه ایتمک
اک بویوک املی اولان قره طاعی بفرصتدن استفاده ایتمکدن هیچ برقوت منع
ایده مزیدی.

(غاوریل پاشا) آدلی بر باغارک روم ایلی شرقی و الیلمکندن تبعید ایدلمش
اولمندن طولانی کوزم قیزاره رق ایشه کیریشسه یدم ۱۳۳۸ سنه سنه کی فلاکتی
اوزمان یعنی اردوسز ، پاره سز ، پولسز ، حاضر لقمیز بولندیغمز بر وقتده کندی
المه احضار و دعوت ایتمش اولوردیم. بالفان وقایع اخیرده سی نیم قابمی چوق قاناندی.
یالکیز بر شیله متبلی اولیورم که بن ۱۳۰۱ سنه سی ایوانده کی حزم و احتیاطمله
یومصیتی یکریمی سکز سنه توقیف ایده بیلیمش.

سعید پاشای باقیندن طانیانلر تصدیقه تردد ایتزلرکه پاشا بوکی مهم مسئله لرده
صریح برفکر بیان ایتز. دائماً (شویله یاییلیرسه بو ، بویله یاییلیرسه شو) محذور
واردر (دیمک کاری و شعاریدر . حاجوکه (لیتامل) دوری دکل ، قطعی برقرار
ویرمک زمانی ایچنده بولونیوردق . کامل پاشایان ایلک دفعه اولارق موقع صدارته
کتیرمکله شرق روم ایلی مسئله سنک ایلک حاد دورینی کچیردم .

کامل پاشانک بو صدارتی شرقی روم ایلی مسئله سنده کی میلمی حسن ایدرک رضا
جولوق ایتمک ایستدیکندن منبع ظن ایدنلر خطا ایدرلر . کامل پاشایان ده اول
ذهنده صدارته نامزد ایتشم .

سعید پاشانک کامل پاشایان استرقاب ایتدیکنی آکلار و مجلس وکلاده آره صیره
غیاباً استخفاف ایتمکده اولدیغنی ایشیدردیم . سوریه والیسی حمدی پاشانک وفاتی
خبرینی سلاملق رسمنده آلدیم . سوریه نک اهمیتته بناء کیمک مناسب اوله جفقی
شیخ الاسلام عربانی زاده احمد اسعد افندیدن صورمشم . افندی ، اوقاف ناظری
کامل پاشانک اوحوالیده مأموریتی و حسن صیتی اولدیغنی بیان ایله سوریه والیلمکده
تعیینی رایخده بولندی . کامل پاشانک وکلا آراسندن اوزاقلاشدیرلمسی ایچون ینه
وکلا آراسنده بر جریان اولدیغنی آکلادم . ایشته سعید پاشانک رقیبی کامل پاشایان
استخلاف ایتسنه سبب بودر .

سعید پاشا

سعید پاشا كرك صدا عظم ، كرك معزول ايكن استشاره ايتديكمز زمانلرده قطعی بررأی درمیان ایتزدی . مسئولیتدن ، افكار عمومیه دن ، تاریخدن و بونلر قدرده یندن قورقاردی . بووهمی احترازلر اوندن قطعی برسون سوبله مك قدرنی نزع ایتشدی .

سعید پاشایی جلوس ایتدیكم كونه قدر طانیمازدم . اووقت تجارت ناظری داماد محمود پاشا توصیه ایتدی . مکتوبیحیسی ایمش . فی الحقیقه مقتدر برکاتب ایدی . ارزمان بك مشهور اولان ضیا پاشادن ، کمال بکدن و امثالندن آشانی قالمایان برکاتب . باب عالینك معروضاتی بالذات تدقیق ایدر و امور جریه ایله ده مشغول اولوردی .

نفوذ حکومتك سرایده طوبیلاغمسی اونك رأی واجتهادی اثری ایدی . باب عالی حکومتك ، سرایده سلطنتك مرکزی ، اولسنه نظر آ سلطنتك حکومتك تفوق ایجاب ایدرمش .

بونی سوبله بن بالذات مرحوم ایدی . فقط بن چکلد کدن صکره انتشار ایدن خاطر اتنده او بوبله سسوبله مبور . بنم سوزم باب عالینك قیود اتیلده مؤیددر . (خزینة اوراق) دن آشیمش وثائق وارسه (ییلدیز) سر ایندن کیدن اوراق جیر نقصان ایدر .

نونس ، مصر مسئله لرنده ده هپ (لیت لعل) ایله کونلر و آیلر یکیرمشکن ، خاطراتنده قصوری بکا تحمیل ایدیور . حالبوکه بکا قصور صورتنده اسناد ایتدیکی

شماره بن افتخار ایدرم، اومسئله‌لی برر وسیله حرب انخذاجتمک فکرنده دگدم.
بن داتما حریک علمنده بولدم. تونسه اصرار ایتسه بدم بلکه سوریه‌نی، مصرده
عناد کوسترسه بدم محقق فلسطینی و بلکه عراقی غائب ایدردم.

بالکیز سید پاشانک نعمتی انکار دکل، حقیقتی ده تحریف ایتسه نه تأسف
ایدیورم. لفظی حاکمیتلی محافظه ایده حکم دیه حقیقی حاکمیتلی ته‌لیکه قویق
جائز دکلدی.

اوقدر متدد ووهام اولان سید پاشا بعضاً جسورده اولوردی. مصر مسئله‌سنده
بر آراق انکلتراهیه اعلان حرب وقره دن عسکر سوق ایدلسنده اصرار کوستردی.
انکلیزلرک مصری اشغال ایتسه فرانسلرک معارض بولمندن امیدوار اولمشدی.
بن مانع اولدم. مع مافیه غازی احمد مختار پاشاده حاضر اولدینی حلدیه کیفیتک بر
کرده مجلس وکلاده تذکر ایدلمسی توصیه ایتدم. مختار پاشانک قطعی وحقلی اعتراضی
اوزرینه یوتماکه صاوشدیرلدی. وفرانسه‌ده بوکونه قدر نه آلی اوزاتدی، نه ده
سنی چیقاردی.

بودوات انشاه قورقدیم نتیجه‌لره اوغراماز. اراده‌سی متین اولمایان شوکتلی
برادرم حضرتلی دولتک مهم اموریه بالذات اشتغال ایده‌مدی. بوندن صکرده
کله‌جک برادر و اوغلارمه نصیحت ایدرم که آرتق اوزون، قیصه محاربه‌لرله
اوغراشما سینلر.

برکره ده دیمشدم: غایبته بیتن حربلرده مغلوبیتله نتیجه‌لنلر قدر مانق
یورار.

(شان و شرف) کبی شمار هر طرفی معمور و حال واستقبالی امین مملکتلرده
خوش کورونور. خرابه‌لرده آج و جیلاق طولاشانلرک شان و شرف ادعا‌سنده
بولنلری و شان شرف پیدسنده قوشمالری قدر هم کولونج، هم فجیع برشی یوقدر.

*
*

سلطنتک صوک دورلرنده برالفان اتحادی وجوده کتیرمکی امل ایدیمشدم.
پارس سفیری منیرپاشا بوخصوصده خفی، عالی چالیشیوردی. بالفان دولتلری ایکی
ته‌لیکه قارشینسنده ایدیلر: روسیه و آوستریا.

احوالک ایلرده نه شکلی آله جینی بیلنمز . روسیه نك حرب عمومیده انحلال
ایتدیکی کورولبورسده طالعی هنوز تعیین ائتمه مشدر . برسنه ی متجاوز زماندن
بری داخلنی صارصان اختلالدن قورتولورسه — دها بیوک اولماسه بيله — دها قوتلی
برروسیه میدان کایر . شمدی اوراده فکر مجادله سیدر . فرانسه انقلاب کیرنده کی
مجادله دن دها شدتلی برچدال فکر .

بن بالقانلیلری بواکی تهلیکه مشترکه قارشیدنده ایقاظ ائتمک چالیشیوردم .
بوسنه وهرسک مسئله سنده قوری برنامدن عبارت اولان حاکمیتدن وازچکم
کی لفظی برفدا کاراغه مقابل تعویضات مفیده آله جقدم . رومانی قوالی قارول اول
اعتمادسزاق کوستردی سده یاواش یاواش یوله کلیوردی . باشلایان مذاکرات ثمره سی
ویره جکی زمان تموز انقلابی تحدث ایتدی . حتی منیرباشا استانبوله گلشکن شهره
اوغرامه دن عودت ایتدی . بندن صکره عناصر داخلیه یی تألیفه چالشدیلر .
وبواشلای تأمین ائتمه دن دنیایه میدان اوقودیلر .

ایشته نیم اوقدر ارزو ایتدیکم وچالشدیغم اتفاق هیچ ایسته مدیکم برشکلده ،
یعنی علمهمزده واقع اولدی . وکونک برنده درت بالقان دولتی بردن اوستمز
آتیلدیلر .

ارمنی مسئله‌سی

۱۱ مارت ۱۳۳۳

مصاحبه اولی کون فرانسه جه کوچوک برکتاب کنیردی . آدی [(پیه رکیار
(Pierre Quillard) ك خاطر سه نه] در . مدحیه و هجو یه لردن متشکل بر اثر منشور .
مدح اولونان پیه رکیار دن . هجو ابدیلن ده بن .

(پیه رکیار) ی اسماً بیلیم . یکریمی اوچ سه نه اول استانبوله کیشیدی .
ارمنی مکتبیلرنده فساد معلمی ایدی . اوچ ، دت سه نه قالدقدن صکره دفع
اولوب کیتدی .

تحف !... بکا (قیزل حیوان - Bête-Rouge) لقبی ورن پیه رکیار ایش .
سوزی بیلیرد مسده قائل مجه ولم ایدی . حامل اولدیغ اجنبی نشاندیری قدر ، ینه
او اجانب طرفندن توجیه اولمش بویه بر جوق عنوانلم واردر . بن بونرله افتخار
ایتمکده حق سر دگلم . ایشه باقیگز ، (قیزل حیوان) پایه سنک سبب اعطاسی بو
کتابدن او کرندم . و او کرده نده آهارونیان و چوبایان نامنده کی ابی ارمنی
خطیبک حراز تلی نطقلریدر .

مصاحبه کتیردیگی کتابده مشهور ، نامشهور بر جوق فرانسه ادباسنکده
نطق طرزنده هجو یه لری وار سه ده (قیزل حیوان) کندیس سنک نیچون قودور مش
اولدیغی اعدای خارجیه سندن دگل خصمای داخلیه سنندن ایشتمک و او کرتمک ایستر
بودها زیاده حائر وثوق و دها زیاده لائق اعتماددر . آهارونیان افندی ده ، موسبو
چو نایان ده یکلسان اوله رق تکرار بته کرار دیورلرکه :

پیه رکیار ارمنی مکتبیلرینه معلم صقیله بیک سکز یوز طقسان اوچ سه نه سنده
استانبوله کیش . ارمنی کنجلیرینه فلسفه ، تاریخ ادبیات ایله برلکده (ترکلرک
بووندوروغندن قور تلق ایچون چالشمق) تعلیم ایش . ارمنی طلبه سنک فلسفه ایله

تاریخ ادبیاتہ نہ قدر مستفید اولدقلری معلوم دکلدرد. فقط اختلاخلیلکی تلمیم وتلقین ایتکده اوقدر موفق اولمش ، که صاسون مسئله سنده ، زیتون مسئله سنده بانقه مسئله سنده ، حاصلی ارمنی قانک دوکولمش وارمنی اوجانک سوغش اولدینی هر . مسئله ده پهرکیارک نام وهمنی تقدیس وشکران ایله یاد اولونمق ارمنی جماعتنه مقدس بروطفه اولمش . ضابطه برآرائی ارمنی حسابنه چالیشان بفرانسرزدن شبه لایور . وتوقیف ایدیور سده فرانسر سفسارنک مداخله سی اوزربنه بن تخلیه ایدیورم . فی الواقع بویه بر مسئله و مداخله خاطر مه کلیمور . پهرکیار محسندن چیمقله رابر نفسی امنیتده کورمه مدیکندن - که ، یمین ایدرم که شخصی ایچون بزم طرفدن هیچ بر تهلهکد ملخوظ دکلدی و بونی کندیمی پک ایی بیلیدی - استانبولی ترک ایدیور . اوقدر سودیکی ارمنیلری ده دیمک که اولا جناب حقک حفظ وصیائنه ، صکرده بنم صرحت وشفقتمه تودیع ایدوب کیدیور . بونی سویلینلر برچوق فرانسر - لرله رابر موسیو آهارونیان وچوبانیان افندیور .

مطلوم ارمنی ماتی نامنه تهیچ ایتش ، قیام ایتش اولان بوجاهد فداکار ، یعنی پهرکیار ، استانبولده کی - مقداری هر حاله چوق اونیاچق ! - معاشی ترک ایله اورویاه عودتی اختیار ایدیور . وارمنی قتل عاملرینی خبر ویریور . او وقته قدر قوجه اورویا بوفجایمندن یخبر ایتش . وحکومتلرده التزامی بر سکوت ایله تلقی وقایع ایدیورمش . بونی سویلین بن دگلم ، برچوق فرانسر وارمنی خطباسیله محوری در .

حتی استانبولده کی راسمه تکریمه اشتراک ایدنلر آراسنده حسین جاهد بک بیله بولنیور و ایشیدیور .

پهرکیار اورویاه کیتدکن وارمنیلرک ماجرای دلخراشی لاقید ومنفعتجو انسانیته خبر ویردکن صکرده ارمنیلره اولان محبتی نظمین ایده مامش . بوعشقت سوبله (ایلولوسترسیون) ک محارلرکئی درعهده ایده رک کیتدیکی بونان اردوسنده کوکللی صفتیله بولنش ، ترکارله حرب ایتش .

بوده اوکتابده یازیلی .

شمی (قزل حیوان) نامیله تذلیل ایتک ایستدکری انسان هر بنی نوعندن صورارکه مثلا از میرلی عبیداه افندی ، قالقوبده کتسهیدی واوراده

اقلیتی دكل ، حق اكثریتی ده دكل ، كلیتی وعمومیتی تشكیل ایدن مسلمانلرك بزم ارمنیلر قدرده حقوق سیاسییه مالک اولمادقلرینی کوردرک رقت وتأثردن بویچاره مسلمانلره (سزكده محروم اولماق ، مظلوم اولماق، مقهور اولماق کبی برحقکنز واردر ! ..) دیسهیدی واصرار ایتسهیدی ، الك زیاده انسانیتپرور وحقشناس اعاضمندن عد اولنان رؤسای وکلاسنندن بزم ترك خواجهسنك صاریقنه تشکرمی ایدرلردی ؟ ...

*
* *

۱۲ مارت ۱۳۳۳

دون یازدیغم سطرلری بوکون بردها اوquدم . غلادستونك (قیزل سلطان) ى صحفه تاریخدن چککلی سیکیز سنه اون بر آی اولدی . عجبا ارمنی وطنداشلرم حالارندن دهامنون و آتیلرندن دهامینمیدرلر ؟ ...



۳۱ مارت ؟!..

مدخلدارمی ؟ ... مدخلی اواسایدی ؟ ... کامل پاشا حقهنده برقچ سوز ...
۳۴ مارتی ترتیب ایده نکر ... بیکباشی انور بک ... مجلس مبعوثان اوکنده ...
قراری تبلیغ ایده ن ... تشریح .

۳۱ مارت ۱۲۳۳

تاریخی وضع ایدرکن بلاختیار تترهدم . واقعا یکی تاریخ حسابیه اوکونه [۱] :
اون اوچ کون دها وار . بواسم ، رقم اولفدن چیقمش ، بر دور تاریخه علم اولمشدر .
۳۱ مارت وقعه سنک تحدث ایدم جکئی اولدن پک آز کیمسه لر حس ایتدیلر . فقط
حقیقتی وسبب و مسبدیلرینی هیج بر آدم تمامیه بیلمه مشدر . بومسئله نك مستور
قالسنی اصلا ایسته مم ، هیچ برجهتی کتم و تحریف ایتمه رك یازم جغم .

[۱] ۳۱ مارت ۱۲۳۳ . تاریخ شناسان تقدیر ایدر ، که عثمانی تاریخک عصر حاضرده
اک مهم صحیفه سی (۳۱ مارت) در .

اختلالک مرتبه لر حقه مکى تحالف افکارک و قناعتلرک بر جوق مساعیه رغماً قطعه له
شهمه مه سی غریب بر تردد تواید ایتدی .

سلطان عبدالحمید خان ثانی - پک چوغی شخص اغراض اوزرینه - لیکه له مک ایسته یلره
و کثیر دشمنلره بر مجوم وسیله سی اولدی . سلطان عبدالحمید خان ثانی اوتوز بر مارت حادثه -
سنک دوغریدن دوغری به سربئی اولغله اتهام ایلدی . بوانهم ، خلع ایلله نتیجه له ندی . اتهام
ایده ی ملت دکل ، ینه اونک دشمنلریدی . شخصی دشمنلری ! . . . خلی تیایه ، اأمور هیئت
اعضاسندن برناظرک رقاسندن برینه :
« — فضله کیدله دیعی ؟ . . . »

سوزی - که بونک سوبله یلیدی مختلف شاهلرک افاداتیله میندر - آجی حقیقتی نه قدار
قولایقله اکتلتور ! . . . سلطان عبدالحمید خان ثانی ملتیه مغیر اولجق درجه ده نه محروم
ازغان ایدی ، نه ده طایه وجدان . . . حقیقتی بیلبوردی . بیلیدی اچوندور ، که بکلدی ،
سس چیقارده قسزین طائفک روزکارلرینه متکین ، صبور تسلیم نفس ایتدی . محض اوچ
بش دشمنک تلقیلرله دورده سلطنتی اولدیقی شخصی ، نامنی ، شرفی . . . حتی عرضی
تحقیر ایدن نانکوردلرک هجوملر به کوکس کردی . محتاجی اولدیلری جزانک کبیلرینه
وبرلسنی جتاب حقک قدرتی آلرینه برافندی . بوقسه اوتوز بر مارت حادثه سنده سلطان
عبدالحمید خان ثانی نك دشمنلری قهر ایدم بیله جک بر قولی واردی . محافظه سنه ، اأمور قوتلر ،
سلانیک درمه چانه عسکرلرندن چوق فضله صاحب انتظام ایدی . علاقه دار بولونمادیقی
بو حادثه ک ایچ یوزنی یافندن اوکره نمشدی ، ترتیبانه مقابله ایتماکی دها موافق کوره شدی .
صکرمه لر . . . چوق صوکره لر ایضاً کافکاهنده خاطره لرینی قید ایدرکن ۳۱ مارت حفته کی
اتماماته سسزم ، صبور مدافعه لرینی حاضرلادی . بوسطارلر ، سلطان عبدالحمیدک ۳۱ مارتده
اک اوفاق دخلی اولمادیقی تأییده کافیدر . بونی یالکیز کندیسی دکل ، مایده دکل ، زمان
و تاریخ شمله اثبات ایتدی . بر تاریخ شناس تصور ایدیلر ، که عکسکی ادعایه قافشسین .
(و داد عرفی)

۳۱ مارت حادثه سنده بنم قطعاً مدخلم یوقدر . حتی کندیکنندن کلمش اولان بوفرصندن استفاده به بیله تنزل ایتدم . مدخلم اولسهیدی واستفاده ایتک ایسته . سهیدم بن بوکون بکبر بکنده دکل ، ییلدیز سراینده بولنوردم .
 ۱۰ تموزده پک ضعیف اولدقلری حالده بنم مماشات ایتش اولمه می ضعفمه ویا قوتندن استفاده یولی . بیلمدیکمه حمل ایدرک (اتحاد ترقی جمعیتی) بلا پروارانه آتوب طومغه باشلامشردی .

باقیتونه ویریلجک ضیافت مسئله سنده کامل پاشانک حقلی اعتراضی باب عالی ایله مرکز عمومینک آراسی آجدی . (نکجهان مشروطیت) اولق اوزره اوچنجی اردودن کتیریلان آوجی طابورلری و بو طابورلردن ایکنجی فرقه دن برطابوری بردن یره تأدیب ایتدک قیامی استانبولده کی عسکرلرک قابنی قیرمشدی .
 اتحاد ترقی هرکون بر آزدها دوشیوردی . ایکی طرف مطبوعات ایسه بالخاصه اسلاملری بری برینه دوشورمکده ایدی . کامل پاشا تدابیر قطعیه به توسل ایتدک نرومی وزمانی اولدیغی سویلیدی . ادرنده بولونان ایکنجی اردو قوماندانی فریق ناظم پاشاده اتحاد ترقی جمعیتک مداخلاتندن جمعیه منسوب ضابطانک اوضاعندن بیزار ایدی . قطعی تدابیرده بولونلسنی بکا تحریراً بیلدیریوردی . آوجی طابور- لرینی اعاده و بوراده کی عسکرلری تسکین و تقبیل ایتدکی قرارلاشدیرمش ایدک .
 حریبه ناظری علی رضا پاشا مقتدر برعسکر ایسه ده پک حلیم بر آدم ایدی . وبوندن بشقه جمعیه ده تسلیم اراده ایتشدی . ناظم پاشانک او وقت افکار عمومیه ده بزموقبی واردی .

وقتیله ارزنجانه نفی ایدلمش اولمسی ، سیاسی برسبیلله اولماقله برابر ، پاشایی خلقه سودیرمشدی . امل حال طبیعی بی اعاده ایله مراقبه ملیه آسوده وساکت ایهای وظیفه ایتدیرمکدی . ناظم پاشا ایله اولان هرماجرائی اونوتدم . و حریبه نظارتنه کتیرلمسنی تصویب ایتدم . بحریه ناظری ده جمعیتک مجلوبلرندن ایدی . بوزطارتده ده وکالته حسنی پاشانک کتیرلمسنی موافق بولدم .

مطبوعاتک برقسمیه مبعوثان و اعیان بونی برضربه مشروطیت تلقی ایتدیلر . کامل پاشا قایمه سنده بولونان اتحاد ترقی ارکانی ناظرلر هان چکلدیلر . عدلیه ناظری مانپاسی زاده رفیق بک بر آز صکره موتیله نتیجه لشمش اولان خسته لقله خانه سنده

و یتاقدہ ایدی . جمعیتک بعض ارکانیہ و بالخاصہ سلاشیکلی رحمی بکله آرالری آچیق بولندیقنی ایشیدیوردم .

مایاسی زاده فکر آکامل پاشایہ طرفدار ایدی . بو خصوصہ استعفا ایتک ایستہ مہمشکن جمعیت ارکاندن ساهی پاشا زاده سزانی بکله بیکباشی انور بک خانہ سنہ قدر کیدرک استعفا نامہ سنی اولوم دوشکنده امضاتدیر مشلردر .

ناظم پاشا اک اول نیکہیان مشروطیت طاہور لرینی یانیہ کوندر مکہ تشبث ایتدی فقط او کون انعقاد ایدن مجلس مبعوثان کامل پاشا قایمہ سنی اسسقاط ایتک قرار ویرمسی اوزرینہ ہر تشبث عقبم قالدی . بو جلسہ نیک نہ صورتہ واقع اولدینی معلومدر . باشہ انور بک اولدینی حالدہ برسوری ضابط و افراد ، رسمی و سیویل البسہ ایلہ مجلس مبعوثانک داخان طومشلر و برزرہ لی بی مبعوثان دائرہ سنک خذاسنہ کتیر مشلردی .

مجلس مبعوثانک قرارینی بکا رئیس احمد رضا بک کتیردی . و ملنک ہوارزوسنی تبلیغ ایدرکن بویلہ حریت پرورانہ مذاکرات و مقرراتک (زمان ہایونیکزہ شرفبخش اولہ حق) موفقیات تاریخیدن اولدیغی دہ کال صفوتلہ علاوہ ایتدی . ملنک بو خصوصہ نہ قدر ارزو کش اولدیغنی بیلمم . لیکن کامل پاشانک بو صورتہ اسقاطی خیرلی دکلدی و خیرلی دہ اولمادی .

مجلس مبعوثانک اکثریتہ استناد ایان جمعیت ، حسین حلمی پاشانک صدارتی ایستوردی ، مشکلاتی تزئید و ادامہ ایتمش اولماق ایچون قبول ایتدم . بندن امین دکل ایدیلر . بو سبیلہ داخلہ نظارتی پک زیادہ کووہ نکلری حسین حلمی پاشانک عہدہ سنہ تحمیل ایدیلر . کامل پاشا طرفدارینہ دیگر برحقو غیر ممنونلردہ النحاق ایتدی . ایکی طرف آچیقندن مختصانہ باشلامشلردی .

غزتلر ، مشروطیتی دہ ، اتحاد و ترقینک ارکانیہ کامل پاشا و طرفدار لرینک شخصی غایہ و احتراصلرینی دوشونوبورلردی .

حریت ، بزم قابلیتیزی تمامیلہ کوستردی . نلرہ مقتدر ونہ کی شیلرہ عاجز اولدیغیزی سایہ مشروطیتدہ و اوچ ، دوت آی ایچندہ تمامیلہ اوکرہ ندک . تہلکہ آچیقندن آچیفہ کورونیوردی .

بوصیرہ دہ (اتحاد محمدی) ہیئتئ تشکیل ایتدی . برہوا کسینک ایدی . بو جمعیتی

تأسیس ایتش اولان درویش وحدتی قبریسی بر سر سری ایش . بر آراق آناتو-
لی به ده نفی اولتمش ایش .

کامل پاشانک مخدومی سعید پاشا بواناده اک جوق چالیشیوردی . اسماعیل
کمال بکله دیگر غیر ممنونلرده سعید پاشا ایله برابر ایدیلر . عسکر آره‌سنه بیوک برنفاق
آلدیغنی خبر آلدیم . براختالاک وقوعی و خصوصیه عسکرک بومسئله‌له قارشمسینی
هم شیخیم ایچون ، هم دولت حسابنه فوق‌العاده تهلکلی کوریوردیم .

حسین حلمی پاشایه کیفیتی خبر ویردم . حتی بر کیجه حربیه ناظر یله خاصه
اردو قوماندانی غازی مختار پاشا زاده محمود پاشایی سربایه جلب ایدرک صدراعظمه
داخل اولدیغنی حالده اوزون اوزادی‌یه مذاکره ایتدک .

احوالک وخامتتی تقدیر وتدابیر احتیاطیه‌نک اتخاذ ایدیله جکینی تأمین ایتدیلر .
تدابیر اتخاذ ایدلجکه احوال قاریش-یوردی . اورته‌ده عجز واردی . غزنه‌له ،
جمعیتر ، قلوبلر کوروکلیه کوروکلیه ۳۱ مارت یانغینی اعلان ایتدیلر .

وقعه‌نک مسئولیتنه اشتراک ایتمه‌مک ایچون بن قارشیم . حسین حلمی پاشا
حکومتنده عزم و سرام اولسه‌یدی ایکی ساعت ظرفنده قیام باصدیریلیردی . چونکه
آدملریمک تحقیق وتأمینلرینه کوره اک اول حرکت ایدن برقاچ عسدرمش . بونلری
اغوا ایدن حمدی چاوش آدی بر آرانوودی بولان یازده ویرنده کامل پاشا زاده
سعید پاشا-ایدی .

سعید پاشایی مشروطیتدن صکره یالکیز حضورمه قبول ایتشدم . سببی‌ده
اوصیره‌ده صدراعظم بولان پدرینه‌علم‌همده نشر اولنه‌رق کوپری اوستنده صایان
(محکمه کبری) آدی بر هجومه ایله امنالی نشریانک حکومتجه رسماً منع اولنسنی اخطار
ایدی . سعید پاشایی بریاورم صفتیله جاب ایدرک صدراعظمه اراده تبلیغ ایتدیرمشم
(محکمه کبرا) مقدا اوووباده طبع اولنشیدی . محرری‌ده مکتب حربیه
معاملرندن - اسمعی تخطر ایده‌مدیکم - بر بیگباشی اولدیغنی تحقیق ایدرک نفی
ایتدیرمشم . استانبولده طبع اولنه‌رق علناً توزیع ایدلجکینی اوغلم احمد افندی
فوق‌العاده متأثر اوله‌رق و آغلا به‌رق سوبلیدی .

کامل پاشانک مخدومی بو تأثرله چاغیردم . کیم اولسه بویله حرکت ایتمی
طبیعی حق و وظیفه‌ی ایدی . هم بادشاه ایدم همده اک آغیر شتوم ایله علناً

تحقیق ابدیلورد . ملت می جانن عفو ایدرم . اوچ ، بش آدمک یاغرمسی سوکیلی
ملتک حیاتی دکادی . آلتی یوز سنه دن بری (بابا) دیمکه آیشدقلری بر پادشاهی
نیم صادق ملتکتمک روحی سب و شتم ایتمز .

صدده کلهیم : حسین حلمی پاشا ایله ارقداشلرنده عجز و تردد اولماسیدی اونوز
بر مارت حادثه سی بر ساعتدن زیاده دوام ایتمز و بلکه ده هیچ اولمزدی . یانغین باجانی
ساردقدن صکره حسین حلمی پاشا قاپینه سی استعفا ایتدی . آیاصوفیه میداننده
ظوپلانش اولانلر کامل پاشانک صدارتیه ناظم پاشانک حربیه نظارتی ایستدیلر .
احتراسی تشدید ایتمش اولمه مق ایچون بیطرف توقیق پاشایی صدارته وغازی
ادهم پاشایی ده حربیه نظارتیه توصیه ایتدم .

اتحاد ترقی ارکانک نره ده مختفی اولدقلری بیلیورد . باب عالی دن لیلّا و مخفیاً
مقری کوینده کی خانسنه عربیه ایله کوتوربان احمد رضا بکی محافظه ایچون اعتماد
ایتدیکم آدملری مأمور ایتمدم .

علی قبولی بکک تلمند مدخل اولدینغی غزنه لرده صوکرادن اوقودم . بو افتراء
بی ده نفرتله رد ایدرم . اکر اخذنار ایتمک لازم کلسهیدی وین ده بوکا تنزل ایتمش
اولسیدیم علی قبولی بک کی انقلابده دردنجی ، بشنجی درجه نی بیله طوته مامش
وده ها دوغریسی هیچ برشی یاه مامش بر صوجسز آدمی می قتل ایتدیردیم : غازی
مختار پاشانک مخدومی محمود پاشایی جمعیت بکا قارشی اتحاد ایتدیکی تدابیر احتیاطیه
صیره سنده خاصه قوماندانی تعین ایتدیرمشلردی . بونکله برابر اوتوز بر مارت
کورولتوسی صیره سنده محمود پاشایی اولومدن قورنارمش اولان نیم .



بو حقیقی بیلیز و قاضی کوی تاغرافخانلرینک وثائق انبات ایدر . ۳۱ مارت
ایچون (اتحاد ترقی) جمعیتله ، بوجعیه استناد ایدن حکومتک تجربه سزلدی و تدبیر
سزایکی اسباب حاضرلادی . و باشده کامل پاشا زاده سعید پاشا ایله اسماعیل کال بک
اولدقلری حاده بر طاقم اتحاد و ترقی غیرممنونلری بو حالدن استفاده ایتدیلر . مطبوعات
بیلمیه رک و تهاکیمی حسن ایتمیه رک آتشی کوروکلیوردی . نیشنالک برنجی کونی
انتشار ایدن غزنه لر عمومیتله ارباب قیامک مداحی اولمش و مراد بکک (میزان) ی

اك ايلرى يه كيدرك ضابطلرني اولدورمن افراده غازيلك عنواننى توجيه ايتمشدى .
اوكونكى ميزانى اوقويان قالع اولوركه بوقيامك مرتبى وپيشواسى مراد بكدر .
حالبوكه ترتيب شويله طورسون ، قيامندن وقوعندن بيله ميزان محررى
خبردار دكادى .

او كندى كندينه اويله برسوس وپرمش وهرشیده اولدينى كى ، بوخصوصده
اوكونوب دوزممشدى . اكر بومسئله ايچون مراد بك صاب ايديلنر آراسنه
قاريشديرلمش اولسهيدى ، بك كناه اوله جقمى .

بن مراد بكى هيچ بوقت سوه مدم . شمدى برحياتميدر ، دگيدر .؟ بيلم .
بشقعلرينك اثبات ايتدكارى حقايقندن زياده ، كندى خيالنه ايناير وطاقار آدمى .
(ميزان) غرته سنى ايلك دفعه استانبولده چيقارركن مهاجرين قوميسيونى رئيسى
يوسف رضا پاشا واسطه سيله بكا انتساب ايتمشدى .

يوسف رضا پاشا او وقتكى صدر اعظم كامل پاشانك خصم جاني ايدى . مراد
بكك كامل پاشايه اولان شدتلى هجوملريله رضا پاشانك غرضنى و مرافى ده بك زياده
اوقشاوردى .

ارمنى مسئله سنك اك حاد بردورمسنده بكا باش مابجيم حاجى على بك واسطه سيله
برخطره وىردى . خصوصمه قبول ايله اوزون اوزادى يه مشاوره ايتدم . اوللرى ده
برقاچ كره كوروشمشم . او آقشامكى اوضاعندن بكا تحكم ايتك ايسنه ديكي آچيقدن
آچيغه آكلاشيلوردى . بالاخره نشر ايتديكى لايحه دن بشقه معروفاتى ده واردى .
بونلرى ده نشر ايتمش اولسهيدى مراد بكك تكليف ايتديكى شيلرده خيال ايله
محالك حقيقتله امكاندن بك چوق اولدينى كوريلور واوندن زياده بكا حق وپريلايدى .
مراد بك حسن نيت صاحبي بر آدمدر . يالكنز نفسنه چوقجه اعتمادى وحسنه ده
اقراط درجه ده مغلوبيتى وار . بوقصورلرى كندي سنى ده هيچ بر ايشده موفق ائمه مشدر .
٣١ مارت هنگامه سنه مراد بكى وقايع دكل ، بالذات كندي سنى قاريشديرممشدى .
اوچنچى اردودن كان ضابطلرله صوكرادن جمعيته النحاق ايدنلر عسكرك ، سيويل
هر كس تحقير ايدن اوضاع ايله دنيايى علملرينه جلب ايتديلر .



وقايكم وعجمى بر اداره نك هركون بر صورتله احضار ايتديكى مواد مشتمله

البته انفلاق ایده جگدی . حتی ۳۱ مارته قدر تأخری بیله شایان حیرتدر . هیچ برکیمسه به حساب ویرمک مجبورینده بولادیغ بوزمانده ، مع القسم تأمین ایدرم که بن بر فالق اولمامسنه آمدن کلدیکی قدر چالیشدم . نهالکک نك تأخر وقوعنده بوماسغی خیرخواهانك دخلی بولندیغی ظن ایدرم .

خلق عصبیه شد کجه اتحاد ترقی نك ارکانی عظمت وتهیدی آرئدر بیورلردی . ۳۱ مارتدن بری ایکی آی اول (بهرابالاس) اولتنده ویرلنك پارلاق ضیافتده ، مجلس مبعوثان رئیس احمد رضا بك ، اتحاد وترقی مخالفین قهر وتنکیل ایده . جگکری معظم برنطق ایله آجیقندن آجیغه اعلان ایله مشدی . مطبوعاتك بو نطق اطرافنده قویاردیغی ولوله نك ۳۱ مارت حادثه سی برعکس مؤملی دکلدر ؟ .

جمعیت غزته لری اطرافی اولومه ، یانغینه قورقودیورلردی . قوتلرندن امین اولانلر هیچ بروقت قورقومتق تنزلنده بولنزلر . بردن بره موقع اقتداره حاکم اولان افندیلر ، هراخافه ایله کندی ضعفرینی برکزه دها اعلان ایدیورلردی . کوچوک واعیتسز حادثه لر برطرفه بیراقیلرسه ، ۳۱ مارت وقعه سنك باشلیجه اسباب وعواملی یازدیغ حادثاتدر .

اهل قیام آراسنده سرایه اوزاقدن ، یاقیندن مناسبتی اولانلردن هیچ برکیمسه نك بولناماسی ده انبات ایدرکه بن اومسئله ده علاقه دار دکلم . ۱۰۰ تموزدن صکره ویرلش برایی جورنالک اوراقم آراسنده ظهور ایتمی ، کویا بنم مشروطیتدن صوره بویه شیرله اوغراشدیغی انباته کافی امش . توتون قیه جیمی مصطفی افندی برایی دفعه شونک بونک کاغذلرینی کتیرمشدی . محضا جریان احواله مطلع اولمق ایچون قبول ایتدم . باش کاتب جواد بکک مصطفی افندی بی بویه شیرله پادشاهی مشغول انجه مسفی اخطار ایله تقبیح ومؤاخذه ایتدیکنی ایشیتمش وجواد بکک حق ویرمشم .

حرکت اردوسنک سلائیکن حرکت ایتدیکنی الك اول عثمانی باشمسی خبر ویردی . کله جک قوتک درمه چاقه شیر اولدیغی وکوکالی نامیه پیشلرینه طاقیلان قافله نك ماهیتی کلام مقده ده دوچار تاخرا اولامد . خاصه اردوسنک پانخنده کی افرادی جدأ حاضر لانمش هم مقام خلافته ، هم شخصمه صادق کزیده عسکرلردی . حرکت اردوسنک بولده توقیف اولمنسی باشلرنده ناظم باشا اولدینی حالده بر طاقم

اصداقای رجال توصیه ایتدیلر . قبول ایتدم . ادرنده کی اردوناك قسماً حرکت اردوسنه اشتراك ایتش اولدیغی ده خبر ویردیلر . هیچ تلاش ایتدم : چونکه افعلالمن بنی قورقوده جق برشی یوقدی .

آیاستفانوسدن استانبول اوزرینه یورودکاری زمان استانبولده کی عسکرلرک قیشله لردن چیقارلاماسنی و بر مقابله اولماماسنی شدتله ارزو و تنبیه ایتدم . قیشله داخلندن چیقوبده متلاً کاغذخانه صیرتلینه یا یاسه لردی : بو عسکری سلائیكك درمه چاته قوتی می مغلوب ایدزدی ؟

*
* *

بن ایستمدم که بنم عسکرلرم آراسندد قان دوکولسون . کوریوردیم که آرتق ملک بکا امنیتی یوقدر . سکون حاصل اولنجه کندیلکمدن چکیله جکدم . بن بو آرزوی ده اول اظهار ایتدم . مانع اولدیلر . احمد رضا بکله ایلك کورشیدیم زمان اسبی معارضم بکا دیمشدی که :

— افندم ، آرتق ملکه زله آراکزده هیچ بر اختلاف یوقدر . ذات هایونکزه بدمما باشم زده اوله رق ، میقادونک ژاپونیایه ایتدیکی خدمتلی کنندی ملکه کزه ایدال بیوره جقسکز .

مقادو موتسوهیتو ، اوزمان بر حیات ایدی . فی الحقیقه ژاپونیایه پک بیوک خدمتلی ایتدی . ژاپونیایی ممالک عثمانیه به بکرتک و بونک پادشاهندن اونک ایمپراطوری کبی موفقیت بکلمک نه قدر موافق اولور بیلم ! ، ژاپونیا بحر محیطک بر طرفنه چکلمش اطهره یراشمش ، یکنه صر ، یکدین دینیه جک قدر وحدت ملیه سنی تأمین ایتش بیوک بر هیئت اجتماعیه ، دنیانه ، هیچ بکزه میدیکی بر قطعه وارسه اوده بزم بیچاره مملکت مزدر . کردله ارمینی ، رومله ترکی ، عربله بلغاری فصل برلشیدیردم ؟ . .

بندن صوکره اداره بی دردست ایدنلر ، علیمزده کی عناصر آراسنده کی اختلافی ازاله و لهمزده اولان عرقلر آراسنه تضاد اقامه ایتدیلر . یرکلیسا قانونیه روملر بلغارلرک قوجاغنه آتلدی ، ترکاره ده ملیت داعیه سی دین غیرتنه ترجیح ایتدیریلرک ، عربلر کوسدیرلدی . بونلر یاکلش حرکتلردی .

داخلی ملیت غوغا لرله هرچ و سرچ ایدنلر ، ضربدرکه ، خارجی ده (اتحاد اسلام)
دعوا لرله تلاشه دوشور بیورلردی .

میفادوموتسوهیتو هیچ بروقت او یله موانع و ژاپون یاده بویله عواقب قارشیدنده
بولمادی . بن ، مثلاً شرقی آناطولیده ، کچوک بر یول یاپدیر سهیدم روسیه قیامت
قوپارلردی . بونکله برابر ، یاواش یاواش چالشم . اورالده مکتب کی ، یول کی
تأسیسات نافه نك قسم اعظمی بنم زمانده وجوده کدی . بو بایده اسلافک هپسندن
دها بختیارم .

میفادونك اطرافده طوپلانان اطاضی بن بوله مادم . کرک موجودلرده ، کرک
بنم یتشدیر دکلامده دثما بر شی واردی که هر امل ترقی بی خاسر براقیوردی . بنم
مزاجده کی ترددی ده بو آرا ده ذکر ایدی یورلر . بونکده تأثیری اولدیغی انکار
ایتم . عیب و قصور دن خالی جناب حقدر . یالکیز ترقی ده دشمن اولدیغ ادهاسنی
شدتله رد ایدرم ،

بن بو حالی او زمان احمد رضا بکه سویل سهیدم ، احتمال که ، خوف و تلاش
ایله نفسی مدافعه ایدی یورم ظن ایدردی . حکمدارلر ، افراد قارشیدنده دکل ،
دنیا ده تاریخ ، عقبا ده الله حضورنده زمان سلطنتلرینک حساسی ویرلر .

مجلس مبعوثانی ایکنجی دفعه کشاد ایدرکن ، ایملک سده سبب ملنک حال
رشد . واصل اولماش بولمسی کوسترمشم . بونی اووقت تزییف صورتنده تنقید
واوتوز سنه بی متجاوز بر زمان صوکره کلن و ایچلرنده اولکیلرله قابل قیاس اولمیه حق
صورتده مکمل تحصیل کورمش ، منور آدملر بولنان مبعوثلر نه قدر رشد و سداد
کوستر دیلر ؟ . . .

برنجی دوره اجتماعیه شو یله بویله کجه بیلمشیدی . ایکنجیسی قارمه قاریشقی .
بو تردد او درجه یه واردی که طرابلس غرب الدن کیدرکن محافلر سویچلرندن
مبعوثان سالون وقوریدورلرنده خورا تبدیلر صوکرده موافقلر حرب عمومی بی
آلقلارله قبول ایدیلر .

غز نلر ، برشی یاز میورلر سهیده مقربلر مدن ایشیتدیکمه کوره ، مبعوث افندیلره
واغون ایشاری کی کلیتی قمتلرده تأمین ایدیلمورمش . ملنک حیانه تعلق ایدن
مسائلک اک مهمنی مراقبه ملیه به مأمور اولانلرک بر تجارت ، همده عادی و یا مشروع

بر تجارت شکانه ، حاله افراغ ایتماری ده کوستردی که بن اصول مشروطیتله اداره ایدمک
ایچون اقتضا ایدن رشد و سدادی ، ملتکم هنوز احراز ایده مدیکنی تخمین ایتمکده
هیچ ده خطا ایتمهشم . . .

اعتراف ایدرمکه بن مجلس معیشتی کشاد ایتمک خصوصیه کنندی تاج
و تختیمک و شخصیمک منافعی ده منفعت دوات قدر دوشوندم . یالکیز محافظه استبداد
امانی تعقیب ایتمش اولدیفی ادا و یاظن ایدنلر ، غرضکار دکسهلر ، مطلقاً
حقه مزدرلر .

مشروطیت اعلان ایدلدی ده نه اولدی ؟ .. (*) دواتک بورجیمی آزالدی ؟ ..
ملکیتک یوللری ، لیسانلری ، مکتبلری می چوغلدی ؟ .. قانونار شمدی ده
معقول و منطقی تنظیم ایدیلور ؟ .. مصونیت شخصیه اولکندن زیاده تأمین
ایدله بیلدی ؟ ..

اهالی دهامی مرفهدر ؟ .. وفات تنافله تولدات تزايدی ایدی ؟ .. افکار
عمومیه جهان ده زیاده می له مزدهدر ؟ .. ایشه بر سوری سؤال که نه قدر تکثیر
اولسه هیچ برینه مثبت شکله جواب ویرله مز .

اصول مشروطیتله اداره نک علمنده علی الاطلاق بر فکر و قناعت بولندیفی ظن
اولماسون ،

(*) سلطان عبدالحمید خان ثانی دوره سلطنتده امور دولته ادا ایدلکی قدر فنا
اداره اولوغدیفی ، مشروطیتک اعلانده چالشانلردن پک چوغلک امککار و بیاناتی تأیید
ایدز . سلطان عبدالحمید اک بویوک مزبترلندن بری ، مهم مقاماته تعیین ایده چکی ذواتی
تجربه مکتبتک ایلری کلش صنوفدن سچمسنده ایدی . تجربه می موفقیت انجمن اک بویوک
حامل عر ایده نلردندی ، فکریتهک دوغرو اولوب اولمادیفی زمان اثبات ایددی . عبدالحمید
ثانی سلطنتده واقعا رتبه ، شان ، نشان چوقدی . کنج پاشارک قوردون بارلیتلری مسبره
محلارنده ، سالونلرده ، آرابالرده کوزه چارباردی . اصلزلرله صبیق صبیق توجیهات
اولورلردی . دقت ایداسین ، بونلر ایچنده مهم بر مقامه صاحب اولان بوقدر ، وارسه بیل
مفقوددر . هسی فخری یاورلکارده ، اعضا ملازمه لکارنده استخدام ایدیلورلردی . صاحب
نام و شان ایدیلر ، فقط صاحب مقام اولممازلردی . مهم مقاملره ، صاحبی صفاتی سقیفه
دولته کامه لرنده ، آتش اوجاقلرنده آغارتمش تجربه دیده اختیارلر آنجق تصاحب ایده .
ییلورلردی . اختیارلر ! . . . چوق کنچلرک « بوناق » تمیزی انخاف ایدکاری بورجال ،
سقیفه ذواتی ساحل سلامته چقارمق قدرنی حائر قابودنلری ایدی ؟ . . . بوقسه دکلی ؟ ..
بوسواله ایجاب ایدن جوابی بنه زمن و تاریخ ویره جکدر . بلکه ده قیما وپردی بیل ؟ ..

طیب اولمابان ویا اصول استعمانی بیلمه بن آدم لک الله علاج شافی بیه
زهر قائل اولور .

چوق نأسف ایدرم که وقایع پک آز زمانده بی تصدیق ایتدی .



۱ - نیسان ۱۳۳۳

مارتک اوتوز برندن نيسانک اون اوچنچی کوننه قدر چوق مضطرب اولدم .
یا تحتہ آسایش سراپا مختل . نفر لر ، راست کتیر دکلی ضابطلرله بعض سیویلری
اولدیر یورلر . حکومتک وسائط رسمیه سی ضعیف . طقوز آباق چیلغیلقلر مقام
خلافت و سلطنتک نفوذنی فوق العاده صارصمش . بویله اولماسه بدی ، فترت
واغتشاش دوام ایتمز وحی ظهورده ایتمزدی .

عسکرک مقابله سی ایسته مدیکم کی ، تفنیکجیلر مدن خلیل بکک مقابله ایچون
وقوعبولان تکلیفی ده رد ایتدم . بوسادق بندمک آياقلر مه قیانه رق و آغایه رق
سویله دیکی شو سوزلری تخطر ایدر . وهر دوشوندکجه افندیسنه صداقت یولنی دار
آغافنه قدر تحدید ایتمش اولان خلیل بک ، بوانی قابلی مرد آرن اوودی رحمتله
و فاتحه ایله یاد ایلرم .

مایاسی زاده رفیق بکک - که تاریخ اک ذکی بر سما اوله رق قید ایدور - بواسی
رجاله هر حالده بویوک بر اعمادی اولمالی ... ایشته بر مثال :

منتظم بر مرکزلی اولمادی ایچون مایاسی زاده رفیق بک ورنقاسی اوزمانلر ، رفیق
بکک یازبخانه - منه طویلانیلر مش . حق مصطفی بها بک وسائر ذوات بواجتماعلر ده منتظماً
بولونورلر مش . رفیق بک امور حکومتی رؤیت ایچون سلطان عبدالحمید خان ثانی رجالتک
مهم مقامنی اشغال ایتملری بر مجبوریته کی کورور مش . ژون ترکاک اعظمی مأموریت
اوله رق شعبه مدبر لکریده : مستشار اقلر ده - حق مستشارانی بیله فضله تاقی ایدرمش -
بولونایله بککی ، تجربه دیده ذواتدن استفادہ ایتمه نک اک مهم خطا اوله جفی حرارتله
سویله رمش ...

— آسر اولاق ایچون تجربه ، اسم ویرمک ایچون تجربه لازم ...
سوزنی دانه تکرار ایدرمش . نه قار یاز بقدر ، که رفیق بکک سوزلری آرقاداشلرنجه
مظهر قبول اولمادی . مقام ویرمک شویله طور سین ، تجربه دیدم رجال زریف ، تحفیر ،
تعبید ایدلدی .

— مساعده بیوری کز پادشاهم ... اوزون سنه لر نان و نعمت کزی یدم ، اتم ،
 کیکم ، چو جو قلمک اتری ، کیکاری سزک ا کیک کزله وجود بواشد . اوچ بحق
 سرسریشت سزه تاج و تخت کزه تجاوز اتمسنه قارشى سگوت ایدرسه ک یالکیز وجدانم
 اوکنده محجوب اولقله قالماز ، قوم و قبیله من حضور نده بدنام و ردیل اولورز .
 زوالی خایل بک ! . . . بونلری بکا اوقدر صمیمتله سوبله مشدی که اراده مه
 حاکم اولمسه یدم ، بلکه تأثیرینه مغلوب اولوردم . اعدام اولورکن عجباً بکا منکسر
 دکلای ایدی ! . . .

پادشاهی اوندن راضیدر . اللهه اوندن راضی اولسون .

*
*
*

حرکت اردوسی . قورقاق کورون قهرمان کورون قورققلره
 نه قدر بکزیوردی . مجلس ملینک آیاستفانوسده انعقد ایتدیکنی ایشیتشم .
 مدت سلطنتمه آدیشه خلع خی صبق صبق یحضور ایدرکن ، غریبدرکه ، ۳۱
 مارت دن مجلس ملینک قرار اتخاذ ایتدیکنی کونه قدر اک امین و آسوده بر زمانم
 اولدی . چونکه حرکتمدن امین ایدم . حکومتک - طوقی اتحاد و ترقی جمعی ،
 جمعیتک قوتی ده ۳۱ مارت حادثی قیرمشدی . اگر مقام خلافت و سلطنتک تفویضی
 حسن استعمال ایتمه من اولسه یدم کرک استانبولده ، کرک ولایتلرده قان کوده یی
 کوتوردی .

چوق قابلیتمزلر . کندیلرنده قابلیت اداره کورور کی اولدیلر ... اولدیلر ... و ...
 دؤولم قبیله چیقدی .

شوراحقده برحکایه یی قید اتمکسزین کجه مه حکم :

کونک برنده میتندن بری علی پاشایه دیرک :

... آستاده دواتی برخرده اولسه دوندیر ! . . .

دیر . عالی پاشا قاشلری چاتار ، باشی صالار .

... اوت ! . . . فقط جوابی و برر ، دوندیر ! . . . بکونه ! . . .

هابدی ، بز بوکا « اهنجه مه » ديلم . زوالی ملت ! . . . حقیقه شواو ، اون دوت

سنه ظرفنده نه لک ، نه احقرک بازیجه سی اولمادی ! . . . (و داد عرفی)

کویا بن بوسنه و هر سکن بشقه ده فدا کار قلدرده بولنه رق ، آوستریادن شخصم
ودوام سلطنتم ایچون حمایه طلب ایتمش ایتمش . بو افترا بی ده کمال نفرتله رد ایدردم .
بن هیج بروقت نفسم ایچون دول و اشخاص اجنبیه دن حمایه دیلمنمک تنزلنده بولنادم .
۳۱ مارته و بونی متعاقب کونلرده نه ایستهمه یدم یابا بیلیردم . بری برینه رقیب اولان
دولتلر کوزمک ایچنه باقیورلردی .

..

۲. مارت ۱۲۳۳

۱۰ تموزدن ۳۱ مارته قدر گذران اولان احوال ملنک قابلیت واسه تمه ادینی
ودرجه رشد و سدادینی کوستر مشدی . بن ایستهمه یدم خلع قواری ویرلده دن او
قرارک اصداری محال قیله جق بر حال احداث ایدم بیلیردم . بوکا تنزل ایتمدم . حفظ
حیات اندیشه سیله بیقرار اولدیغ هر کسجه ظن ایدیلرکن ، بندن توکل و متانتله عاقبت
احواله انتظاردن بشقه بر حرکت کوزولمادی .

صوک ساعته قدر فرار ایتمک بیله یداقتمدارمده ایدی . بن بر مدت آوروپایه
چکله یدم ، آرادن چوق کچمز ، ینه عودت ایدردم . بونی بیلدیکم حالده ینه فراره
تنزل ایتمدم . حالبوکه ۳۱ مارت کونلرده قاپادایا قلدرندن بشقه مزیتلری
اولمیان محاصرم ، صافلانه دق ، قاچه جق شهرلر و خانلر آرادیلر . دیلمک که او
یکانه مزیتلری ده یالان ایتمش .

بنی خلمدن زیاده ، خلمک صورت تبیینی متأثر ایتدی . اعیانده ، مبعوثلردن
بر هیئت انتخاب ایتمش . سامه السلام او طهمه قدر کلدیله . بونلرک ایچنده بولنان
تیرانی اسعد پاشا غایت قبا و کستاج بر طور ایله یوزیمه قارشى :
— ملت سنی عزل ایتدی .

دیدى .

(خلع) گم سنی بیله بکا قارشى (عزل) شکله قویهرق تذلیل ایتدیله .
زوالی ملت ! ..

کندیسی بکله من مقدراتی بیاسه یدی ! ..

بو اسعد پاشانك كيم اولديغی هر کس بیلیر . فقط بنم بیلدیکم بعض شیلر واردرکه
بك آز کیمسه لرجه معلومدر .

ارضرومی حافظ محمد پاشای سور و شخصنه اعتماد ایدردم . بکا مشیر درویش
پاشا توصیه ایتشدی .

حافظ محمد پاشا دراج متصرفی ایکن ، بو اسعد پاشانك کوچوک برادری غنی
بر طاقم مناسبه سزا بکوردده بولنش دراج سنجانك تیران قضاسی متحیزانندن اولان
غنی بك طویطانی عالیه سنه ، نسوبیدی . اوراده قالمی مناسب کورمدم . محظوظ آستانبوله
کوندر دیرلر . مهاجرین قومیسینو ریسی یوسف رضا پاشا دلالتیه بکا بر تلغرافنامه
کشیده ایتشدی . تخلیه ایله سرایده آلیقویدم .

بو وقعه خاطر مرده قالدیغنه کوره ، فلیه و یونان حادثه لرندن بر ، ایکی سنه صکره
اوج یوز اوج تاریخلرنده ایدی . سرایده راحت طور مادی . خرپوطه نفی ایتدم .
آرناوودلق احوالنك بر آراق اخذ ایتدیکی شکل سبیلله فناق ایتیه جکنه
کفیل آلهرق اسنانبوله جلب ایتدم . یاورلک ویرمشم و قائمه قالمغه قدر جیقارمشم .
غنی بك ، اشقیا طینتلی بر آدم ایدی . برادری اسعد پاشاده دها تمیز بر خلقتده اولمادی بی کی .
اعتراف ایدرم که بن غنی بکه فضله میدان ویرمش اولمقله محق و مناسب بر حرکتده
بولناشم . یاشاسیدی بالطبع بنه خرپوطه و بلکه دها اوزاقلره دفع ایدردم .

غنی بک مقتویاتی نه سیاسی بر وقعه در ، نه ده بر انتقام اثریدر . بروسه لی حافظ
نامنده و کندی عیارنده بر مخلوق ایله اتفاق ایتشلر . اونه یی بری بی تهدید ایله صویارلر مش
بر صویغون حاصلاتك یوزندن آرالرنده منازعه ظهور ایتمش . غنی حافظی اولدوره جکی
صرمه ده حافظ دها تنك طاورانارق غنی بی قتل ایله مش . وقعه بوندن عبارت .

مقتولك قان نوده مهیه حسب القومیه مجبور اولان برادری اسعد پاشا حافظی
تعقب ایده جک یرده بر قاق کون اول بیوک اطه ده غنی بک بر تعرضه اوضرا دیندن
دولایی مقتولاتی شایعه سی اوزرینه اظهار ممنونیت ایتمش اولمقدن بشقه قصوری
وجنایتده هیچ مدخلی اولیان صدر اعظم خلیل رفعت پاشانك مخدومی جاوید بکی
کوبری اوستمنده کوپه کوندوز اولدورندی . کوندر بکی قاتل ده حاجی مصطفی آدی
بر آرناوود ایدی .

رفعت پاشانك شخصیه عالیه سی افرادین ایکنجی بر انتقامه هدف اولمقدن وقایه

مقصودله وینه رفعت پاشانك رجاسی اوزرینه جاوید بکك قاتلنه ویرمش اولان اعدام جزاسنی مؤید کوره که تحویل ایتدم .

بن اسعدپاشانك شریخی دفع ایچون ژاندارمه قوماندانلقلرنده برمدت استخدام ایتشیدم . اونی مراقبه ملییه قبول ایدنلر غنی بکك هر صورتله برادری اولان بو آدامه اویله اغتیار ویردیلرکه ، برخلیفهیه ، قدر الشهنك ویرمش اولدینی برحکمی تبلیغه مأمور وایچلرنده روم ، ارمنی یهودی جماعتلرندن آدملرده موجود هیئت آرهسنه کیره بیلدی وبونلرک آرهسندن کندیسنه فناالق ایتمه مش ورجوق فناالقلرینه تحمل کوسترمش برخلیفهیه ، برپادشاهه بی ادبانه :

— سنی ملت عزل ایتدی .

دیعه که امکان و قدرت بولدی . عزل اولناندن زیاده عزل ایدن اونانسون .



تاریخدن برایی اقباس

محری : و داد عرفی

سلطان عبدالحمیدخان ناینگ وجوده کتیرمش اولدینی «خاطرات» ک برچوق نقطه‌لری واردر ، که شاهانه محریسک اصابت نظرینه شدتلی دایملردر .
دوره سلطتی ، تاریخ مملکتک اک مهم صحیفه‌لرینی اشغال ایدن بر خاقانک چیزدبکی درت بش سطر قیمت تاریخیه‌سندن باشقه برده قیمت معنویه صاحبدر .
بوندن شبهه ایدیه‌منز .

«کان کیده‌نی آراتیر» سوزی مشهوردر . کلنلر واقعا سلطان عبدالحمیدی چوق آراندیلر . بوکا سبب کلنلرک یالاکیز سیامی واداری خطالری دکل ، بونلرک خاع ایتدکلری حکمدارک ذکاوتی ودرایتی ایدی . «استبداد زنجیری» تعبیریه توصیف ایدیلن «دور» ک عظمتی نه قادر باریقدر ، که چوق کچ ، ایش ایشدن کچرکدن صکره آ کلاشیه بیلدی . بوکون ملتی قورتارمغه چالیشان قهرمانلر برطاقم «چوچق» لرک اون درت سنه‌لک «جهات سیئه» لردن مملکتی آرتق بوندن صکره اولسین تمیزله مکه عزم ایتمش بولنان چلیک قوللردر .

«خاطرات عبدالحمیدخان ثانی» نک برنجی کتاسک ختامنده وایکنجی قسمتک ایشارینه انتظاراً ، دوره سلطنتی حقنده احمد رشید بک افندینک محصول قلمی اولان تاریخک بعض صحیفه‌لرینی عیناً اقباس ایدیوروم :



دور سلطان عبدالحمید خان ثانی

(۱۸۷۶ - ۱۹۰۹)

سلطان مرادک شرعاً و سیاستاً مقام خلافت و سلطنتدن اسقاطی ایله یرینه وارث مشروع اولان سلطان عبدالحمیدک اجلاسی بین الوکلا تقرر ایتمش و بو قران سرایده بالجه رجال دولت و علمای ملتدن مرکب عقد اولنان مجلس عمومیده تذکر اولنه رق بوباده برده فتوای شریفه اخذ ایدلمش اولغله هان سلطان مرادک چراغان سرایته نقلی و یرینه مشار الیه سلطان عبدالحمید ثانیکنک اجلاسی اجرا قانمشدر .

مسائل موجوده یکی پادشاهک زمان سلطنتنه عین شکل و صورتان انتقال ایتمش ایدی . بلغارستانی انککتره شدیداً حمایه ایدهرک روسلر دخی صربستان و قره طاقه عانی صورتده معاونت فعلیهده بولمقده ایدیلر . بونکله برابر دول معظمه مسائل موجوده ک جمله سی حقننده بینلرنده اتفاق و اتحاد حاصل ایتمش اولدقلرندن باشده انککتره اولدیفنی حالده مسالمت عمومیه یه اساس اوله حق بر متارکه کنب قبولی باب عالی یه شدتلی برسان ایله اخطاردن خالی دکلر ایدی .

باب عالی عساکر عثمانیه کنب صربستانده کی غالبیتی و بو دفعه علیکنسناج موضع مستحکمکنک سقوطبله صربستانک مقاومتدن عاجز برحاله کلدیکفی نظر مطالعه یه آلهرق اقتطاف ثمره غالبیت ایتک اوزره دولتره اقتضاییدن جوابلری و یرمکده تردد ایتمه کله برابر نتیجه سی روسیه کنب مداخلات فعلیه سنی و دول متوسطه کنب انکسارینی موجب اوله حق احوالدن توقی و محاببت مسلکینی دخی الدن برافق ایستمد . یکنندن ثمرات مظفر یاتندن برجه یه بیله دسترس اولمقسزین متارکه حقننده سردار اکرم عبدی و قره طاغ قوماندانی مختار باشالره تلغرافله امر و یرمکه مجبور اولمشدر . روسیه دولتی دلخواهی اوزره آلتی هفته ایچون حرکات خصمانه کنب تعطیلی تأمین ایدن متارکه رسمیه یی باب عالی یه قبول ایتدیردکن صکره شرائط صاحبیه یی احضار ایتک اوزره بین الدول عقدی تقرر ایدن قونفرانسک عقدندن اول کیشنوده

بيوك براردو جمعنه ابتدار ايتمش و بوردونك اساس تحشدي قونفرانسك قرارينه باب عالي بي اجبار ايچون بر نمايش عسكريدن عبارت اولديني اول وقتلا كلاشيلمش ايدى .

قونفرانس استانبولده انعقاد ايدم جكندن دولتلر طرفندن مرخصلر كوندرلدى كه مشهور سالزورى ده بونلر مياننده انيكلتره طرفندن كوندرلمش ايدى وقونفرانسك رياستى دخى حسب الاصول خارجيه ناظرى صفوت پاشايه توديع اولنهرق ويانه سفيري ادهم پاشا آيروجه مرخص تميمين قلندى . قونفرانسك عقدى كوني برمدتن برى مذاكره سيله اشتغال اولنان قانون اساسى رشدى پاشانك استعفا سنه مبنى صدارته كلان مدحت پاشا واسطه سيله طوپلر و آلفيشلر آراسنده اعلان ايدلدى .

(۷ ذى الحجه سنه ۱۲۹۳)

دولتك دور مشروطيته انقلابى كوسترن بوقانون اساسى يه سرايك اصرارينه اتباعاً برايكى ماده دخى علاوه اولنمشدى كه ۱۱۳ نجى ماده بونفردن برى ايدى . بناء عليه مشروطيتك صباح الخير انقلابى اولان بو اعلان دولتك طريق صلاح و مدنيتده آتدني برخطوة ترقى و تعالى ديمك ايدى .

ترسانه قونفرانسك قرارى دولتجه قرين قبول اولمديغىندن رد ايدلدى . مرخصلر ك خلاصه مقررآتى : بلغارستانك ايكي ولايته تفريق ايله واليبرينك اوروپا دولتلرى طرفندن انتخابى و بش سنه مدتله نصب و تعيينى ، مختلط قوميسونلر تشكىلى ، بلچيقادان ۵۰۰۰ عسكرك جايى ، عسا كر عثمانيه نك شهرلرده اقامتى ، اعشارك لغوى و صربستان ايله قره طاغه تحديد و تنظيم حدود ستره سى آلتنده اراضى تركى كى مواد مضمره دن عبارت ايدى .

شرائطك آغيرانجى دركار اولوب هيئت وكلا جف القلم جواب رد ويرمكى موافق كورمديكندن هرصنف رجالدن مركب عقد اولنان بر مجلس عموميده طول و دراز مذاكره دن سوكره قونفرانس مقررآتلك عدم قبولنه قرار و يرلدى و بوقرار دولتله رسماً تبليغ ايدلدى . بونك اوزرينه مرخصلر مملكيتلرينه عودت ايلديلر .

باب عالي قونفرانس مقررآتى رد ايتكمكه برابر مدت متاركه نك انقضا سندن اول قره طاغ و صربستان ايله عقد مسالمت ايدلك اوزره مذكور پرسنلكره بيسان حال ايتمش و خلاف مأمول جواب موافقت آلمش ايدى .

مارالبیان صربستان مصالحه سی مدت قلیله طرفندمه ختامه ابرمش ایسه ده
قره طاغ امارتیه بردزو اووشیله مدیغندن مرخصلرک روسیه طریقیله مملکتلرینه
عودت ایتلری ایله امارت مرقومه ایله اعاده محاصمه تکرار قرارگیر اولمشدر .

قره طاغ مصالحه سنک بر نتیجه به اقران ایدمه مامسی ولوندره پرتوقولینک عدم
قبولی روسیه نی دولت علیه به اعلان حربه مجبور ایتمش وروسلرک اولجه رومانیایله
عقد ایتدکاری معاهده اتفاقیه اوزرینه روس اردوسنک بلامزاحم طونه ساحلارینه
قدر اتمسی کسب سهولت ایلمشدر .

بونک اوستنه روسیه دولتی کشنوده متحشد اردوسنی رومانیان امراروطونه نی
بالسهوله کچرک روم ایلیه بایلدینی کی آناتولی حدودنی دخی تجاوز ایلدیکنندن
دولت روسلره مدافعه خصوصنده فوق العاده اعتنا ایله حدودلره عساکر کلیه سوق
واعزام وبحر سیاهنده دخی هوبارت پاشا قومانداسیله سوق ایدیلان دونتا واسطه سیله
ابلوقه وضعنه اهتمام ایلمشدر .

روس محاربه سی ائساننده قره طاغ دخی حرکات خصمانه ده دوام ایتدیکی جهتیه
قوة عثمانیه نك بر قسم مهمی دخی اولجوالیده اجرای حرکانه مجبور اولمشدر .

الحاصل مدت مدیده دوام ایدن روسیه حربنک نتیجه وخیمه سی ضرریمزه
اوله رق ختام بولیش وعاقبت آیاستفانوس معاهده مضره سی بزی قبوله مجبور ایتمشدر .
بالقان شبه جزیره سی محارباتنه نهایت ویرن آیاستفانوس وبرلین معاهده لری
عثمانلی دولتنک همان شکل حاضر نی تأسیس ایلمشدر . پلونه نك سقوطنده صولوغی
بای تخنک سورلری آلتنده آلان مسقوف اردوسنک سلطان عبدالحمید امضا ایتدیردیکی
آیاستفانوس معاهده نامه سی طونه ایله آطه لر دیزی آره سنده بر بیوک بلغارستان
تشکیل ایتدیرمش ایدی .

آوستریا وانگلتره آیاستفانوس معاهده سنه شدیداً اعتراض ایتدیلر . بهمارق
واسطه سیله برلین معاهده سیله تمدیانله روسلری ده بالضرور موافقت ایتدیردیلر .
(۱۸۷۸) آیاستفانوس معاهده سنه نظراً دولت عثمانیه برلین معاهده سنه بر آزکاری
جیقمشدر . بای تخنه جوار اولان تراکیا وارناوودلق وایر قطعه لری بلامانه
دولت اداره سنده قالدی .

آناتولی جهتندن اردهان ، باطوم ، قارص کی قلاع مستحکمه روسلره ویرمش

ایدی . روم ایلی جهتندن دخی رومانیادن دوبریجه به مقابل بسارابیا آلتق صورتیه روس حدود جنوبیه سی طونه به قدر ایصال اولندی .

قبریس اطه سی انکلتراه به با معاهده مخصوصه ترك اولندیغندن انکلیزلربحرسنیدك حوض شرقیسی تأمین وتقویه به موفق اولدیلر ؛ آوستریا دولتی یکر می بش سنهمدته بوسنه وهرسك قطعه لر نی تحت اشغال آلدینی کی فضله اوله رق بیکی بازار سنجاغنه دخی یارمق ایلمشیدیرمشدی . بوجهته دولت مشارالها روسلره قارشی بر موقع رقابت اکتسابنه موفق اولمشدر .

اولجه برر واسال اولان قره طاغ و صربستان پر نسلكلری اراضیجه جزئی کالی توسع ایتدکلی کی طونه ایله بالقانلر آرمه سنده صورتا باب عالی به تابع و فقط معناً استقلاله نامزد بر بلغارستان امارتی تشکل ایلدی و بونك جنوبنده دخی بلغارستانه آتیباً التحاقه حاضر ووالیمی خرسیتیان اولمق شرطلریله بر ایالت ممتاز و وجوده کتورلدی ؛ دوبریجه قطعه سنك علاوه سیله حدودینی توسیع ایدن رومانیایه و نیش و بیروت سنجاقلرینك الحاقیله ضعفی قدر بیویان صربستان و اولمكون وبار لیمانلرینه قدر امتداد ایدن اراضینك علاوه سیله حدودینی آذربایق ساحلرینه ایصال ایدن قره طاغ کسب استقلال ایتدیلر ؛ اطه لر دکنی بریونان ایچ دکنی حالنه کتورمك فکرینی بسلمکده اولان یونانستانه تسالیا قطعه سی اعطا اولندی .

تونس و مصر

(۱۸۸۱ - ۱۸۸۲)

بالجمله مغرب اقصى مثللو تونس قطعه سی دخی اجزای مهمه عثمانیه دن بری اولوب امتیازلی برصورتده تحت اداره عثمانیه ده بولمقده ایدی . بوندن ماعدا جهت جامعه اسلامیه نقطه نظرندن دخی تونسک مقام خلافت اسلامیه به مربوطیت معنویه وقویه سی وار ایدی .

دولت ۱۸۴۱ ده مصرده خدیویتی تأسیس ایتمش و محمد علی خاندانسه عائدیتنه دائر فرمانلر ویرمش ایدی . خدیولرک مرکز سلطنته مربوطیتلری یالکیز ویرکو ویرمک و بیوک مأمورلرک تعینتی باب عالی به عرض ایله اجرا ایتمک کبی محدود برحاله کلش ایدی .

محمدعلینک اخلاقی برآرائی مصری بک پارلاق برحاله کتورمشلردی . اوروپادن کلان متخصصینک معاونه ایله بولاق موزه سی تأسیس و سویش قنالی کشاد ایدیلرک آمریقالک کشفندن بری قوتی ضایع ایتمش اولان مصرک موقع و اهمیت تجاریه سی اعاده اولمش ایدی .

خدیو اسماعیل پاشانک سیاست مالیه سی اوروپا منفعتدارانک مداخله سی انتاج ایدرک مصر مالیه سی قونترول ایتمک اوزره تشبثات وقوعنده اسماعیل پاشانک تعند ایتسی خدیویتدن سقوطی ایله نتیجه لندی .

بونو متعاقب مصرده عربی پاشانک قومانداسی آللنده ملی برپارتی تشکل ایتمش و بو پارتینک مقاصدی مصری ایدی اجانبیدن تحلیص ایله مسنقل برحکومت حانه افراغ ایتمک کیفیتی اولوب اوروپالیلردن تجار ومأمورین گروهی تهدیدی آللنده قالمش ایدی . بونک اوزرینه انکلتزه ایله فرانسه مشترکا مداخله ایله اسکندریه به دونما سوق ایتدیلر .

اوروپانک بونمایشی برلی اهلانینک تهیجیات وغایان افکارینی موجب اولمغله عربلرله اوروپالیلر آرمسندمه مدهش برمصادمه باش کوستردی . برچوق اوروپالیلر

یارہ اندیلر . خانہ لری . یغما ایدلدی . برچوغیدہ دونمایدہ التجا ایلہ تخلیص نفسه موفق اولہ بیلدیالر . رئیس اغتاش اولان عراقی اسکندریہ اطرافہ استحكاملر یامغہ وشہری تحکیمہ باشلامش ایدی . انکلیز آمرالی «سیمور» عملیات تحکیمہ نك تعطیلی حقنہ مصر لیلرہ بر اولتپاتوم ویرمش ایسہدہ جوابسنز قالدیغندن در حال شہرہ قارشى آتش آجدی وبرقاج ساعت ظرفندہ ایکی زرہلی بی لیانہ ادخالہ موفق اولہرق شہر ضبط اولمشدر .

غارنہ وولسلہی قومانداسندہ اولان دیگر براردو سوبش قنالی جہتندن مصرہ وصول ۱۳ ایلولدہ تل الکبیر محاربہ سندنہ عراقی عسکرینی طاغیدہرق قامرہ بی تحت ضبطہ کچیرمش وبوصورتلہ خطہ مصریہ انکلترونك تحت تصرفنہ کیرمشدر .

مع هذا خطہ مصریہ نك عمومی انکلترونك تمامیلہ تحت اشغالنہ کیرمہ مش ایدی . وسودان ایلہ تجارت ایدن عرب تجارلری واسطہ سیلہ مصر جمعیت اسلامیہ سی سودان ایلہ دخی اوروپا مداخلاتی علیہندہ عقد اتفاق ایلش اولدیغندن اجنبی علمدارانی قطعہ سودانیہ دخی سرایت ایتش وانکلیزلر علیہنہ بر نفرت عمومی اولانمش ایدی . نیل جزیرہ لرندن بریسنده منزویانہ عمر کچیرمش وبوسیلہ بین الناس فوق العادہ حائر شہرت اولمش اولان محمد احمد نامندہ بریسی غلیان ایتش اولان افکار عمومیدن بالاستفادہ قیام وپك آز زمان ایچندہ بیوک بر جمعیت تشکیل ایدلدی . وبوجعیت سنوسی جمعیتی طرفندن دخی اقدار وتشویق اولنمغلہ مصرک جنوبندہ پک مدہش بر قوت استحضر اولنش اولدی کہ بوکا متمدہی اسمنی ویرمشدر .

متمدہیہ قارشو کوندریلن عسکر دوچار ہزیمت اولیور ایدی . انکلیزلر قاہرہ یہ یرلشدکدن صوکرہ متمدہی علیہنہ سوق ابتدکاری اردو دخی مدہش بر ہزیمتہ دوچار اولمشدی . خرطومہ کوندریلان غوردون پاشا لایعد دشمن چتہ لری ایلہ احاطہ اولنش وامداد کوندریلکہ وقت قالمقسنزین متمدیلر شہرہ داخل اولہرق انکلیز اردوسنی طوغر امشلردی (۱۸۸۵) .

سودان قطعہ سی بوجہلہ بر مدت اسیر تجارانی ادارہ سندنہ قالدی کہ بو کیفیت انکلیز حکومتی ایچون مصرک اشغالی حقنہ بدحق حالی ! آلمشدر . مصری اشغالہ سبب تشکیل ایندیکی ایچون انکلترونك متمدیلری تشکیلیدہ عجلہ ایتماک کبی بر سیاست تأسیسی بوندن ایلری کلشدر .

سردانده تهيجات اسلاميه سهڪونت ڪلڊڪده آشاغي قونغونڪ .تصرفي اولان
فرانسه بحر محيط اطالاسيند بحر احمره طوغري آفريقاي قطع ايمڪ اورره مارشان
قومانداسنده برهيٽ سفرهيه حاضرلامش ايدى . وبو هيٺ سودان اورته سندن
چڪرڪ نيل واديئني فاشودهده قطع ايدجڪدى . انڪتره خفي صورتده بسلهديي
تشبائندن طولاي بوندن مغير اولديغندن مصر نامنه سودانڪ فتحنه قيام ايتهدر .
ولورد ڪينچنواسطهسيه اوچ سنهدوامايدن محاربات نتيجه سنده متهديدلر خوطومدن
طرد واخراج ومتهدى غائلهسي برطرف ايدلى .

بونڪله برابر فاشودايه داخل اولان مارشان هيٺ سفرهيهسي انڪتره ايله فرانسه
آراسنده نهايتي محاربهيه منجر اوله بيله جڪ صورتده برودت توليد ايتمش ايدى .
بناء عليه فرانسه دولتي مارشانه تعليمات ويرمش اولديغندن مذکور هيٺ فاشوداي
ترك ايله حبشستان طريقه بهرحرحر ساحلنده واقع اوبوق ليماننه واصل اولشدر .
سودان مصرينڪ اسڪي شڪل وهيئي پي درپي انڪتره اداره سنده تأسس ايتمهڪ
باشلامش ايدى . آنجق انڪلزلر ايچون مصرده عرباني پاشانڪ ا ڪيكي تخم مخالفته
اتباع ابدن مصر بارتيزانلرينڪ حرڪات فعوالانلريني دخی حسابه قائمق اقتضا
ايديدور ايدى .

بلغارستان

و

روم ایلی شرقی اعتشاشی

(۱۸۸۵ - ۱۸۸۷)

برلین قونفره سی قرار یله تشکیل ایدن بلغارستان بر آراق صوبرائیه نك قرار یله پرنس دوباتمیرغی پرنسلیکه انتخاب و تعیین ایتمش ایدی . بونك زماننده بلغارستان اردوسی تنظیم ایدلدی و تکمیل ضابطان قادروسی روسلر طولودوردقلردن بلغارستان اوزرنده روسیه نك عادتاً برحمایه سی تأسس ایتمش ایدی . فقط بلغارلر روس تحکمنه تحمل ایده مدکاری جهتله آرالرنده و صوبرائیه ده روس نفوذینه مخالف ملی بربارتی تشکیل ایتدیلر . بونك نتیجه سنده روس ضابطانك اردو ایله مناسب تیلری قطع ایدمکله مملکتلرینه عودته مجبور اولدیلر .

بلغارستانك جنوبنده شرقی روم ایلی نامیله بر ایالت ممتازه تشکیل اولنش و بونك والیسی خرسیتیاندن اولوق مشروط بولنش ایدی . ایلك والی علقو و مؤخر آغاوریل پاشالار ایدی و مرکز ولایت دخی قلبه شهری ایدی .

اهالیسنك قسم اعظمی بلغار اولان بوالیتمده ایستفانوس معاهده سی احکامنك بلغارستانه عائد قسمی تخطیر ایله بلغارستان امارتنه التحاق ایتمک هوسیه بر حرکت اتحادیه اوپاندی و مقصدلری بلغارستانه التحاق ایتمک ایدی . استرانسکی اسمنده بریسی بو حرکت ملیه نی اداره ایدیور ایدی .

۱۸۸۵ ایلولنك اون سیکیزنده فلبه ده بر قیام ظهور ایتدی . فقط قطعاً قان دوکولمیه رك کمال سکونت اوزره اداره اولوندی . ارباب قیام والی غاوریل پاشانی توقیف واستانبوله اعزام ایتدیلر واسترانسکینك ریاستنده تأسس ایدن حکومت بلغارستان پرنسی باتمیرغك والیایکنی اعلان ایلدی .

پرنس پاریتک اصراری اوزرینہ روسیہ نك مخالفتہ رغماً بووالیلكی قبول ایتمش
ووفلیہ ۶ کلرک مظفرانہ صورتہ قبول اولہرق و ایکی بلغارستان پرنسی ، عنوانی
آلمشدر .

بلغارستانك بو صورتہ توسع ایتسی صربستانك بادئ اندیشہ سی اولوب برلین
قونفرہ سنك خلافہ اولان و بالقان موازنہ سیاسیہ سی اخلاص ایدن بو اتحادی پروتستو
ایتدی و قرال میلان صرب اردوسنك باشنہ کچوب بلغارستانی استیلا و صوفیہ اوزرینہ
یوریمکہ باشلادی . آنجق بو حرکت سربازانہ میلان اچون حسن نتیجہ ویرمامشدر :
پرنس باتمبرع صرب اردوسی اوزرینہ یورودی و چارپیرو ، ایسلیو نیچہ مظفر
اولہرق نیش اوزرینہ یوریه رك صربستانی تہدید اچنمہ براقیدنی صرہدہ اوروپا
دولتترینك مداخلاتی اوزرینہ تعطیل حرکاتہ مجبور اولمشدر .

بومغلویت قرال میلانك صربستاندہ توجہ عامہ دن سقوطنہ سبب اولدی و عاقبت
حکومتی اوغلی برنجی علیکساندرہ ترك ایلہ صربستاندن چیقمنہ مجبور اولدی .
روسلر بیزانس یولی اوزرنده بویلہ بر موانع عظیمہ نك وجود بولمسنہ صوك
درجہ حدت ایتشلردی . زیرا بیزانس طریق کسب مشکلات ایتمش ایدی .

بناء علیہ روس اتفاقاتی صورت غریبہدہ تظاہر ایلدی . ۲۱ آگستوس سنہ ۱۸۸۶
کیجہ سی ایدی کہ روس پاریسی طرفدارانی پرنسك او طہ سنہ دخول و پر مقرر و ولور
تکندنہ اولدینی حالہ جبراً برسنمہ استعفا امضا ایتدیردیلر . پرنس امضاسنك البته
« الله بلغارستانك معینی اولسون » جملہ سنہدہ علاوه ایتمش ایدی . اولوقت پرنس
ایلہ برادری برلکدہ اولہرق اورمانلر آراسندن طونہ یہ ایصال و اورادن برکمی یہ
ارکاب ایلہ روس طور اغندن معدود اولان رہنی یہ اعزام قلندی . بعدہ صدور
ایدن برامر عالی اوزرینہ بو ایکی پرنس ایکی ژاندارمہ رفاقیلہ آوستریا طور اغنمہ
واقع لمبرغہ سوق ایدمشلردر .

حقوق عمومیه یہ بو وجهلہ وقوع و عبولان تجاوز اتدن متہیج اولان بلغارلر استانبولوفك
تحت ریاستندہ برقایندہ تشکیل و پرنس باتمبرعی بالتغراف مملکتہ جاب ایتلمیلہ مومی
الیہ عمومی آلتیشلر آراسندہ مملکتہ داخل اولدی و همان چارہ غایت کبارانہ بر
عریضہ تقدیم ایتمش ایسہدہ چارک تہدیدکارانہ جوابی پرنسی استانبولوفك ریاستندہ
برادارہ تشکیل ایلہ بلغارستانی ترکہ مجبور ایتلش ایدی .

باتمبرغك عودنندن صوكره صوبرانيه بلغارستان پرنسلكي ايجون ۱۷ حزيران
۱۸۸۷ سنه سی آوستريا اردوسی ضابطانندن ولوی فیلیك والدہ جهنندن طورونی
اولان پرنس فردیناند دوقوبوغ غوطایی انتخاب ایلدی .

برنجی فردیناند ایله استانبولوف ، روس طرفدارانی ایله خیلی مدت مبارزه
ایتدیلر واستانبولوف بومبارزه نهایجی اولهرق فدا ایدلش ایدی . مع هذابوقوتلی
اداره سایه سنده بلغارستان اجنبی وصایا آلتنده بولمقدن سوکوب چیقمش وکوندن
کونه تزیدقوت وتأسیس مدنیت ومعرفت ایدهرک بالقان حکومات صغیره سی طریق
ترقیده قات قات کچمشدر .

ارمنی مسئله‌سی

انا طوایده آارات طاغی اطرافندن کلیکیایه قدر اولان اراضیده مسکون ارمنیلر بیننده ملیت فکرلرینک اوپانمسی برلین معاهده‌سی ایله باشلادی . زیرا بومعاهده موجبجه دولت ارمنیلرک مسکون اولدقلری محللرده اصلاحات اجراسنی درعهده ایتمش ایدی .

ارمنیلرک شکایاتی اوزرینه انکلتزه بونلری حمایه قرار ویردی وارمنیلرک روسلر طرفندن حمایه اولملری احتماله قارشى بونلره مظاهرت کوسترمکه باشلادی . ماورای قفقاسده روسیه‌نک ترقیانه سدره اولوق ملاحظه‌سیله ارمنستانده بر مختاریت تأسیسی فیکرینه خدمت ایتمکه باشلادی . بونک ایچوندرکه پترسبورغ قابینه‌سی ارمنی نقطه نظرنی فنا بروضعیله تلقی ایتمش ایدی . حتی قونت لوبانوفک ده بر ارمنی بلغارستانی ایسته‌میز ، دییه باغرمش اولدینی مرویدر .

ارمنیلر اوروپانک مداخلاتی جلب ایچون برعصیان چیقارمقده تعجیل ایتدیلر . صامسون وقعه‌سی اوروپانک نظر دقتی جلب ایده‌جک درجه‌لرده اعظام اولنش ایسه‌ده سلطان عبدالحمید مسئله‌نی یاتیشدیرمقده مهارت کوسترمشدر . ۳۰ اغشتوس ۱۸۹۴ ده ارمنیلر استانبول سوقاقلرندهده بعض تمایش اجرا ایتمشلردی .



کرید مختاریت اداره سی

(۱۸۹۷)

قریم محاربه سی متعاقب کریدایلرله بعض مساعداتی شامل بر فرمان ویرلش ایدی . مرور زمان ایله اشبو فرمان اوروپا ته داتیله کسب قوت ایتیش ۱۸۷۸ ده حالیا مقاوله نامه سی شکله کیرمش ایدی . اسلام والی ایله مجلس آره سنده آهنگ ایشلاک خللدار اولمش سلطان عبدالحمید فرصت اتخاذا ایدرک حالیا معاهده سی بیر تارجه سینه معامله ایله کریده بر عسکری قوماندانی اعزام و والینک صلاحیتی تزئید ایدی . بواجراآت آرتق کریده ویریلان مساعدات مخصوصه نک الفاسی دیمک ایدی . بونک اوزربنه کریدایلر اوروپا دولترینه بلرماجه مداخله لرینی جاب ایتمکه دول مظمه کریده تعیین ایدبله حک والینک خرسیتین اولمشنی باب عالیدن طلب ایتشلردر .

سلطان عبدالحمید بومراجعه ظاهر آمو افقته اطه نک بر خرسیتان واسطه سیله اداره سینه قرار ویردی وقره طودوری پاشای والی اوله رق اطه یه کوندردی ۱۸۹۵ . شکی اداره ده کی بوتبدل اطه ده ایو بر نتیجه ویرماش ایدی ؛ اهالی اسلامیه پروتستو ایدیلر . قوماندن والینی طانیادی . سوء قصدلر ، اختلال تهدیدلری کی قاریشقلر ظهوره باشلامقله قره طودوری پاشاک برینه طرخار پاشا والی نصب ایدلدی . یینه اغتشاش نسکین اولنه ماش ایدی . اهالی سلاخانیدلر ویکدی کربنه قارشو خصومتکارانه معامله یه دوام ایدیبورلرایدی . حایه یولاری قیاندی . روس یونان قونسولوسلری اولدیرلدی . اهالی اسلامیه ساحلده کی شهرلره چکلیدلر . خرسیتانلر ایسه طاغلرده مکان طومشلا ایدی .

استانبول اطه یه یکدن عسکر سوقته مجبور اولدی . آتیه حکومتی دخی کواکایلر کوندرمکه دوام ایدیبور ایدی . اطه عادتا بر مقتل حالی آتش ایدی . متصل اسلام وروم قانونی درملر کی آققسده ایدی . بوحال اوزربنه اوروپا دولترینی مداخله ایله اجنبی سفائن حزیبه سی اطینی ابوقه تحته آلدی و سلطان عبدالحمید

مراجعتله اطه ایچون مساعده لر استحصال ایلدیلر . (۲۵ اگستوس ۱۸۹۶) .
 کریده جورجی پاشا ولی کوندرادی . خالیا معاهده سی آرتق اعاده اولمش ایدی .
 اوروپا یلردن مرکب بر قومسیون اجرا آتی تفتیش ایده جک ایدی . کربد عادنا
 بر مختاریت اداره یه واصل اولمش اولدی .

کریدک بوشکل اخیریه اوزرینه ینه اغتشاش بر درلو تسکین ایدیله میوردی .
 بودفعه اسلاملر ایله خرسیتیانلر بینده بیه عظیم بر مجادله باش کوستردی . اورتاق
 ینه قاریشدی . حکومت قوناعی دوچار تعرض اولدی . حانیه یونان قونسولوسی
 بوحالی آتیه یه فوق العاده صورته اعظام ایدرک بیلدیرمش و « هیچ برامید یوق
 بتون خرسیتیانلر قتل عام ایدیله جگر در » دهرک آتیه یلیری دوچار تهییج ایش ایدی .
 قونسولوسک بو اخباری عالم یونانیده فوق الحد بر حس انتقام او یاندیردی . بتون
 روم غزیه لری کرید آتیه سنک امدادینه قوشمغی آمال وطن پرورانلک برنجی درجه سی
 اوله رق تعداد ایدیورلر ایدی .

آتیه حکومتی کرید ضولرینه بر فیلو دونما ایله میرالای واسوس قومانداسیله
 اوچ طابور سوق ایتدی . بوقوت کریدی یونان قرالی نامنه تملک ایده جک
 ایدی . بوندن ماعدا یونان ولی عهدی پرنس قونستانتین دخی تسالیا اردوسنک
 باشنه کچهرسه مملک عثمانیه یه هجومه آماده ایدی . والحاصل یونانلیلرک طاتلی برخلیا
 و امید ایله حربیه حاضر نلشلردی .

یونانیلرک بوجر انکار قلمری ما کدونیا و آرانووداق روملردن مرکب ۳۰۰
 بیک کیشنک دخی کندیلرینه التحاق ایدرک عثمانلی حکمدارینک ناچ ونختی دوبرمک
 کی خیالره مستند ایدی .

انکاره و فرانسه باشده اولدیفی حالده دول معظمه کریدک مختاریتی اعلان وقوه
 بحریه لر یله اطه یی اشغال ایتشلر و یونانیلری بوحکم لرینه اطاعته اجبار ایتشلر ایسه ده
 تسالیا حدودنده عسا کر عثمانیه ایله یونانیلرک مصادماتی منع ایتمکه موفق اوله مدیلر .
 بونک اوزرینه عثمانی فرقه لری حدودی تجاوزله تسالیا یه یاییله رق و برر برر
 مواقع مستحکم یی ضبط واک صوک خط مدافعه ارلان دومک کی دخی اشغال ایله
 اوچ هفته ظرفنده حرکات حربیه یی تمام ایلدیلر . یونانیلرک دول معظمه نک وساطتنه
 دوشملری تسالیانک ینه اعاده سنه سبب اولمش و آنجق ۴ میلیون تضمینات حربیه تعهد
 ایتدیراش ایسه ده بو تعهد یونان مالیه سنک قونترول آتیه آتیه ایله اوده نه بیلمشدر .

ما کدونیا احوالی

عناصر مختلفه ایله مسکون اولال ما کدونیا قطعه سنده ترک عصرینک مقداری اقوام سارهبه نظراً محدوددر . اون طقوزنجی عصردن بری فکر استقلاله بجه وقوعات اولمق اعتباریله بر ساحة مجادلات اولان بوقطعه یونانیئر ، صربلر ، بلغارلر ایچون بر مهد استقلال اولشیدی .

روملر سواحله و بالخاصه خالکیدیا شبه جزیره سنده ونا استانبوله قدر سواحله و آسیای صغرانک سواحل غریبه سنده و اطهرده بر اشمش لردی . بونکله برابر ما کدونیا ده اصلو عنصری یونلره غلبه ایتشدی . صربلیلر ۱۸۷۸ . قدر هر سیک و بوسنه کی کندیلیرینه التحاق فکرنده ایدیلر . آنجق برلین معاهده سنک براییکی ولایتی آوستریا و مجارستانه تأمین ایتمی صربک استقبالی ایچون پک بیوک بر ضربه تشکیل ایتش ایدی . بوندن صکره نقطه نظرلری اطهر دکزیه طوغری توجه ایلدی . واردار بونی و بلغراد - سلاویک تیوربولی امتدادنجه پروباغاندارینی تقویه به مجبور اولدیلر و ۱,۴۰۰,۰۰۰ نفوسی شامل اولان بو منطقه ده ۹۰۰ بیگ تخمین ایدیلان صرب عنصرینک مقداری نظر اعتباره الهرق ادعای نصر فیه قیام ایتدیلر . حالبوکه بو مقدار صربلیتک قسم اعظمی بلغاردر .

بلغارلره کلنجه بونارک ما کدونیا ده کی مقداری البته صربلیلردن زیاده در . ۱۸۷۰ ده بلغار اورتودوکس کلیسای باب عالیدن صورت رسمیه ده طایفه سنه دار استیصال مساعده ایتش و بوندن باشقه بلغارستان خارجنده مسکون اولوب بر بلده مک ثلثانی تشکیل ایدن بلغارلرک طرفه ا کسار خلفه ارزولریله مذهباً مریو - طبیته دخی دولته مساعده ایدلمش اولدیغندن بومسئله تراکیا و باخصوص ما کد - و تیاده بلغار پروباغانداسی ایچون بروسيله مشروعه تشکیل ایتش ایدی . باخصوص انوغرافیا خریطه سنه کوره طونه ایله اطهر دکزیه اره سنده بیوک بلغارستان تشکیلی پروژه لری بلغارلره پک بیوک بر امید حرص و طمع و یرمش ایدی . کرچه

بو بیوک بلغارستان بر این مهادده سیله طونه ایله بالقانلر اراسنه حصر ایدلش ایسه ده روم ایلی شرقی ایله بلغارستانک التحقی بیوک بلغارستان تشکیلی تصوراتی ایچون بر خطوه موفقیت صورتده تلقی ایدلش ایدی . بلغارلر عثمانی - یونان محاربه سندن بالاستفاده ما کدونیاده کی پروپاغاندا لری تزیید وتقویه سنی تضمینف ایتدی . صوفیه ده بر ما کدونیای قومیتسی تشکیلی ایتدی . بو قومیت صورت مکرر ده کی قیاملرله ما کدونیانک بلغارستانه التحاقی و هیچ اولماز ایسه اوراده بر مختاریت تأسیسی ایچون فعالانه چالیشمغه باشلادی . بوجل اوزرینه اورویادوتلری مداخله مجبور اولدیلر . ما کدونیاده کی مقاتلات و مجادلاته نهایت ویرمک ایچون اجرای اصلاحاته لزوم کوردیلر .

اصلاحات و تجددات

دولت عثمانیه ده فکر و تجددات ابتدا سلیم ثالث فکرنده تجسم ایتش (۱۷۸۹- ۱۸۰۷) اولدیغندن مشار الیه حضرتلری عثمانی مجدولرینک برنجیمی عد و اعتبار اولنور .

فرانسه انقلاب کیری تورکیاه فوق العاده صورتده طنین انداز اولمش و جمهوریتک مضطربانی پک بارلاق صورتده عکس ایتش ایدی . زیراً اوزمانه قدر فرانسه نک استابولده بیوک بر نفوذی وار ایدی . حکومت عثمانیه بو انقلابدن تجدداته عائد بر چوق قواعد و اصوله دسترس اولمق فکریله فرانسه انقلابنه بر اهمیت مخصوصه عطف ایتک ایستدی و بون تسهیل ایتک اوزره حتی استابولده ژاقوینلره متعلق بر قلوب بیله تأسیس ایش ایدی . بونک اوقدر اهمیت یوق ایدی . آنجق سلطان سلیم فرانسه دن استابولده سفیر صووتیه مایانس مدافع لرندن بری اولان جنرال « وبر دوپات » ی جلب ایتدی . جنرال رفاقتمده بر کوچوک هیئت عسکریه ایله استابولده گلش ایدی . مومی الیه عثمانی اردوسنک اصلاح و تنظیمی تحمیل اولدیغندن آزر بر

زمان ظرفنده نظام جدید دنیان آلایلر تشکیل و تأسیس اولمشدر .

جنرال اوپر دویانتک وفاتی و مصرک فرانسلر طرفندن استیلاسی برمدت ایچون دوت علیه و فرانسه مناسباتک انقطاعه و تنسیقات عسکریه نك توقفه سبب اولمش ایسهده اوسترلیچ مظفریتنی متعاقب سفارته تعیین اولان جنرال - سیاستیانک حسن ادارهسی سایه سنده اسکی مناسبات اعاده اولمقله تنسیقات و اصلاحات یکیدن باشلامشدر .

سلطان سلیم ثالث ۲۷ مایس ۱۸۰۷ تاریخنده بریکچیری اختلالی اراسنده تختدن اسقاط و برارز سوکرده بر صورت فجیعهده شهید ایدمش ایدی . خلفی اولان سلطان مصطفی رابع نعوام اصلاحاته کافی صاحب اقتدار ونده اصلاحات اجرا ایدمچک صورتده امتداد سلطنته مالک اولمادیغندن برسنه سوکره مخلوعاً سلطنتدن ساقط اولمش ویرینه سلطان محمود ثانی جلوس ایشدر . مشارالیه ۳۰ سنه دوام ایدن مدت مدیده خلافتنده عموجه سنک مساک مجددانه سنه دوام و امر اصلاحاته فوق العاده صورتده اقدام و اهتمام ایشدر .

سلطان محمود شعبات سائر دولتهک اصلاحاته اساس اوله جنی ایچون تجدیداته اصلاحات عسکریه ایله بدأ ایتدی . وبتون غیرتنی بوکا صرف ایش ایدی . سلطان محمود ترقیاتنده پک بیوک مشکلاته تصادف ایدیور ایدی .

اجرای تصعیهات ایدنلر یالکیز ترقیات دشمنانی پارتی اولمیوب محیط خارجیدهکی یونانستان غوائی ، مصر مسئلهسی و سائره دخی پادشاهک تحدید همتنه برر انیکل تشکیل ایشلر ایدی . بونکله برابر پی در پی بو مشکلاتک کافه سنی اقتحامه موفق اولمشدر . (۱۸۲۶) سنهسی بریکچیری اوجاغی جیقاردقاری بر عصیان قریان اولهرق بواسم اورته دن قالقمشدر .

سلطان محمود عثمانلی اردوسنک تنسیق و تعلیمی ایچون اوروپا اردو نرندن متخصصلر ، معلملر جلب ایتدی . آتیک مارشال مولتسکه سی اولان موسیو مولتسکه بوزلردن ایدی .

سلطان محمودک وفاتنده (۱۸۴۸) آرتق عثمانلی اردوسی تنظیم و تنسیق اولمش ایدی . اردو نظامیه وردیف اولهرق ایکی صنف اوزره مرتب ایدی . (۱۸۴۹) دن (۱۸۷۶) تاریخنده دکین اصلاحات و ترقیات پک مهم نتیجه لر

کوستر مشدر . کلخانه خطهایونی ایله اعلان اولنان واصلاحات دولت ایچون برطاقم قواعد واصولی جامع بولنان اصلاحات اوروپا نظرنده ترقیاتکزک جدیدیه پک مهم بر سند صورتنده تلقی ایدلمشدر .

مشروطیت اداره

۱۲۹۴ سنه سی قانون اساسیسی

(۱۸۷۰) سنه سی محاربه سی فر نسه نك استانبولده کی غایت واسع فوذنی کسر ایتمش وامیدلر محو اولمش ایدی . (۱۸۷۰) سنه سی اغستوسنده میچک تسلیح نك ابرتسی کونی روسیه دولتی (۱۸۵۶) سنه سی پارس معاهده سنك قره دکزه عائد اولان ماده سیسی اخلال ایدلرک لیمانلرینی تحکیم وسفائن حوبیه انشاسنه باشلامشدر .

ایشته بوزمان اصلاو دوری ایدی . بتون روسلر روسیه نك تحت اداره سنده بیوک بر اصلاو حکومتی تشکیلی فیکرنده یک زبان اوله رق پان سیلاویزم مسلکینه قوت ویرمک ایستمشلر ایدی . بو فیکرک الک قولای جهتی دخی بالقان شسبه جزیره سنده متمکن بتون اصلاولرک روسیه تابعیتنه ادخالی وهیچ اولماز ایسه پرنسلك صورتیلرینه روسیه حایه سنه آلمنی ایدی .

دولت عثمانیه نك استقبالی و تمامیت ملیکیه سی حقنده شق ثانی نك تهادکیسی شق اولدن دها آز دکل ایدی . روسلرک بومقصدلرینک حصولنه معاونت ایتمک اوزره استانبول محیطنده پک مکمل واسطه لر موجود ایدی . علی الخصوص دور عزیزینک الک مهم مسافری اولان جنرال ایقنائیف خرسایان تبعه عثمانیه بی تسمیم ایتمکده و اداره دولتی دوجار ضمهف ایدمیلرچک هر درلو اجرا آتده پک بیوک مهارت لر کوستریور ایدی . بوسنه - هر سک قیامی ، بلغارستان قتالی روسیه ایچون مهم فرصت لر تهیه ایلدی . بو ائشاده عبدالعزیز خان ومعاقباً سلطان مراد خامس تحت سلطنتدن خلع ایله ایکنجی عبدالحمید تحت سلطنته اجلاس اولندی .

عصیانلرک ویردیکی انتظامسزلق اوروپا مداخلتسیله نتیجه بولمش ایدی .
دول معظمه یکی پادشاهی بو خصوصده صیقلشدن مقصدن خالی قالمیورلر و متصل اصلاحات
ایستورلر ایدی .

و آتی بعدن طانیورلر ایدی . سلطان عبدالحمید رسم تتوجنی بر صورت
مهارتکارانده اجرا ایتدیکی حالده بتون دول معظمه مرخصلری مطالعه موقع
ایچون صورت رسمیده قونفرانس عقد ایتدکالندن عبدالحمید صدارتی اصلاحات
جدیده نلک ان بنام طرفدارای اولان مدحت باشایه توجیه ایلدی . بونک اورزینه
دولتیر اصلاحاتک اجرا و بو اجرا نلک مقدمه اصلاحات اوله جفته کسب قناعت
ایتمشلدی .

فی الحقیقه ۲۴ کانون اول سنه (۱۸۷۶) ده عموم ترکیه و بریلان بر مشروطیت
اداره طوپلر و شنلیکلر ایله اسلامانلر ق اعلان قلندی .
باب عالی بو اجرا آتی طاریجه نظارتی واسطه سیله دولتمره تبلیغ ایتدیکی کبی بونک
بر وعددن عبارت اولوب حقیقی بر تجدید اولدیغنی ده تبلیغ ایلدی .

هیئت دولت قانون اساسییه مستنداً مسئول بر هیئت وکلا ایله ایکی قاره دن
مرکب بر مجلس ملیدن عبارت ایدی . مجلس ملی اعضاسی حکمدار طرفندن
منسوب اعیان و کذا اعضاسی اهالی طرفندن منتخب برده مبعوثاندن مرکب
ایدی . اشبو مشروطیت اداره حریت مطبوعات واتحاد و اتق و عدالت و مساوات
متکفل اولوب دولته اوروپا نلک حریت پرور بر حکومتی شکافی و بریور ایدی
و بالجله کنج عثمانلی جمیعتک مسلك مخصوصی احتوا ایتش ایدی .

پای تحنده مقیم دول معظمه خر - قیازلرله مسکون اولان ولایات عثمانیه ده بوسنه و بلغارستانه
طبقاً اجرایی مقتضی اولان اصلاحاتک جدولی باب عالییه تقدیم ایتش ایدی . سلطان
عبدالحمید بونک اورزینه تکمیل و جالده لندن ۱۸۰ کشیدن مرکب بر مجلس عمومی تشکیل
ایتدردی . بو مجلس اوروپا نلک بایده کی مداخلتی استقلال سلطنت سنییه و دولته
تمامی ملکینه مضر عد ایدرک متفقاً قرار ویرمشدر . بونی متعاقب کشاد
ایدن اولان مجلس ملی دخی ذکر اولنان مجلس کیرک رای و مطالعه سی وجهله
رد ایتک صورتیه نظاهرات ملیه بی ارئه ایتکله روسلر سلاحه مراجعت ایتدیلر

وعاقبتی دولت عثمانیه خسار نامتناهید بیله نهایتاً نمیش اولان بالقان محارباتی وقوعه
گلددر .

انقلاب

۱۹۰۸ - ۱۹۰۹

۱۹۰۳ تاریخندن اعتباراً بانلایان ما کدونیاده براندارمه تشکیلات و تاسیساتی
ژون تورک لک بوقطعه ده ساحه فعالیتلری سالم بر صورتده تحت تأمینہ آلمش اولد .
یغندن پی در پی ما کدونیا افکار و احرارانه ایچون پک واسع بر زمین استحضارات
حاله کلش و سلاطینک شهری بر مرکز حریت صرد سنه کچمشدر .
۱۰ تموز ۳۴۴ تاریخنده قانون اساسی یکیدن اعلان اولندی . ملت وکیلری
کال سکونتله انتخاب و مجلس ملی کشاد ایلدی .
انقلاب عثمانینک بویله قان دو کولمکسزین کال سکونت و سهولتله وقوعی
اوروپالیلری دوچار حیرت ایتشددر .

مع یافیه عقیب انقلابده یک مهم وقعه لر تحدث ایلش ایدی .
بلغارستان پرئسی برنجی فردیناند عثمانلی انقلاب مسعودینی متعاقب ملتک اسکی
حسابلری رؤل ایده جکینی و شرقی روم ایلی اتحاد غیر مشروعی ملت مجلسنده
شایان قبول اوله میه جفی آکلادی و اوتهدنبری بسلدیکی وقت و فرصته انتظاراً
اختیار سکوت ایلدیکی استقلال مسئله سنک دور سابقه قیاساً یوریه میه جکینی کسد
بردیکی جهتله ۱۹۰۸ سنه سی اغستوسنده بلغارستانک طرنوه قصبه سنده غایت طنطنه لی
صورتده قرالانی اعلان ایلدی و غریبی شوراسیدرکه فردیناند بو قراللق کیفیتده
پک کولنج بر کوچکلک کوسترمش ایدی اوده بلغارستان قرالغیله اکتفا ایتیه رک
بلغارستان خارجنده واقع بلغارلره دخی نامل اوله حق صورتده بلغارلر قزالی عنواتی
کخذ ایتیش اولمسی ایدی .

دواتك مشاغل موجوده عظیمه سی واوروپا لیلرک صورت میدهده کی توسطلری بواسطه قلاک دولته طائمه سی انتاج ایلدی .

آوستریا دولتی دخی یکریمی بش سنه ایچون برلین قونفره سی قرار یله تحت اشغاله ترک ایدیلن بوسنه هر سکا بعد الانقلاب عثمانلی حکومتک برلین قونفره سنه استبداداً استرداد ایچون اصرار ایتمی مطالعه سنه مبنی بواشاده امر الحاقی دخی جزئی برتمعوض مقابلنده اجرا ایدیویرمشدرکه آوستریا کی دوست کورینان بر دولتک بو زبونکشلرک تنزی عثمانلی حسیات عمومیه سی پک فنا بر صورتده جریحه دار ایشدر .

صربلیلر بوسنه حقنده امید استقبال مخیلاتنک بو الحاق صورتیله محو اولدیغی کوردکارنده شدید بر پروتستوده بولیشلر ایسه ده کوندکلری روسیه طرفندن معاونت کورمه دکاری جهته امر واقع قارشوسنده اختیار سکوته مجبور اولشلردر . انقلاب عثمانینک وقوعیله کرید روملری دخی اطه نک یونانه الحاقی یکیدن مطالبه قیام استدیالر . بواشاده ژون ترک پارتیسی حقنده استانبولده بر نهجیات وقوعه کلش ایدی .

.

ایشته بعض کسان طرفندن حاضر لشمس بواولان ۳۱ مارت وقعه سی ایدی . سلطان عبدالحمید خان ثانینک زمان سلطنتده جریان ایدن وقایعی بالا خره معروض قالد . یغمز فلا کتترلله مقایسه ، خاقان مشارالیهک هر حالده لهنده در . تکرار ایدیورم : بوکون سرحدلرده ملتی قورتارمق ایچون جانسپاراننه چالشان ، خارقلر کوسه ترن قورمانلر ، اون درت سنه ایچنده « چو جقاق » لریله ممالکیتی انحطاطه دوغرو سوروکلکهن بعض « جهالت » ایزلرینی مؤبداً صیرمغه چالیشانلردر . وار اولسونلر .

-- ارنکوی -- صدر اسبق خلیل رفعت پاشا حقیدی

وداد عرفی



Kāmil Paşa, Kıbrıslı Mehmed

كامل پاشا

الحسين بن سعيد باشا

Kāmil Paşanın A'yân re'isi
Said Paşaya cevâbları



دفعه ثانیہ

قسط طبعیہ

مطبعہ ابو الضیاء

۱۳۲۸

او تصورك ترك اولدینی بیان و یونانستانه اراضی ویرلمی بختدهده بو اراضینك درجه و سعتی تعین ایچون حکمداراندن برینك حکم تعینی تکلیفه داخله ناظری محمود ندیم پاشا مظاهر اولوب طرف عاجزانه مدن دخی آلمانیا ایمپراطورینك حکم انتخابی مجاس وکلایه تکلیف، حتی بوباده برلایحه مفصله اعطا اولنمش ایسهده بالمباحثه تکلیفمدن فارغ اولدیغ، دیگر رفیقلمی کنیدیسی (سعید پاشا) ایله متفق اولهرق یالکیز محمود ندیم پاشانك اقاعی قابل اولدیغندن اکثریتله اقلیتك مستند اولدینی اسباب و دلائل بامضبطله مفصلاً حضور پادشاهی‌یه عرض قلندینی بیان بیوریلور .

فیالحقیقه انهای مذاکرده حضاردن بعضلمی طرفندن قوجه تسالیا قطعه‌سی ویرله‌جکمه بوکا بدل دولته مادهٔ هیچ بر فائده‌سی اولمدقندن باشقه مصدره شکلات اولدینی بیانله کرید جزیره‌سی همجوار کوچك آطهلرله یونانستانه ترك اولنسه ده‌ا یو اولمازمی ؟ سؤالی دریمان اولنمسلیله بو صورتیه صرف افکار اولدینی صرده حاضر بالمجاس اولان احمد مختار پاشا حضرتلمی خریطهده پرکارك بر آیاغنی کریدك اوزرینه وضع ایله دیگر آیاغله واسع بر دائره چویرهرك کریدك بحر سفید سواحلیله آطهلرك وسطنده بر نقطهٔ حاکمه اولدینی وبونك ترکی سواحل عثمانیه ایله برطاقم آطهلردن واز کچمك دیمك اوله‌جغنی ارئه و بیان ایلمی اوزرینه بو ملاحظه‌جه‌ه بالتصدیق او بختدن صرف نظر اولنمش واکا دائره‌یچ برقرار ویرلماشدر . حتی بوکرید تکلیفی هر نه واسطه ایله ایسه اولجه یونان حکومته اسماع اوله‌رق یونانیلرك تسالیه‌ی بالترجیح کریدی قبول ایتمدکلمی ایشیدلمش ایدی .

اووقت ایسه بن برمدت اول طشردهن استانبوله واصل وهیئت وکلایه هنوز داخل اولدنغمدن بدایتدن بری ایشك ایچنده وبالطبع ده‌ازیده امور دیده اولان ذواتك اکثریت عظیمه تشکیل ایدن رایلرینه مخالف بر تکلیف سردینه محل و امکان کوره‌مز ایدم . هله بوباده طرفندن برلایحه مفصله اعطا اولدینی قولی قافیه ایچون انشاد اولنمش بر علاوهدر .

حالبویه ایکن جریان مذاکره‌نك شکل مذکورده تصویری و بوکا « داخله مستشارلغندن اوقاف نظارتنه مأمور اولان کامل پاشا » قیدینكده علاوه‌سی مسلاک معلومی عندالعموم مذموم اولان محمود ندیم پاشا ایله بی انظار ناسده همحال وهم افکار کوسترمك مقصدینه می میندر ؟ نه‌در ؟ بیله‌مز !

خاطراتك قرق آلتنجی صحیفه‌سنه (دفعه‌خامسه اوله‌رق خدمت صدارته کلدیکمده اون سنه ایچنده یابلیش اولان استقراض حقنده مالیه نظارتندن معلومات ایسته‌مش ایدم . ویریلان اجماله نظراً کامل پاشا و جواد پاشا زمانلرنده عن ۷ مایس سنه ۳۰۲ الی ۱۰ مارت سنه ۳۱۰ عقد اولسان یدی طاقم استقراضاتك رأس الماللرندن دیون باقیه ۳۸,۷۵۴,۸۹۲ عثمانلی لیراسی و بونلرك فائض سنویسی ایله رأس الماله محسوب اچقه‌سی اوله‌رق تخصیصات سنویسی جمعاً ۱,۹۸۰,۱۰۱,۹۹۲ لیرادر .) طرزنده بر اشارت صیقیشدیرلش اولدینگی کبی دیگر جهت‌لرینه دخی سهام تنقیداتك قسم کلیسنه زمان مأموریت عاجزی هدف اتخاذایدلهرلك از جمله استقراضات واقعه‌یه‌داثر اختیار کلفتله خلی مقالات تحریرینه همت اولدینگی کورلمشدر .

سعید پاشا حضرتلری درخاطر بیورملیدرلرکه بدایت نصبلرندن اعتباراً مسند وکالت و صدارته، آردهه پك جزئی فاصله‌لر ایله، بش بچق سنه‌یه قریب مدت سایه انداز اولدقدن صکره حین انفصاللرنده، دیون عمومیه‌دن غیری، حکومتی یکریمی اوج میلیون لیرایه قریب دیون متفرقه و غیر متظمیه مستغرقاً ترك ایتش ایدی . مشارالیهك انفصانه قریب زمانده ضرورت مالیه‌ك نه‌درجه‌یه ککش اولدینگی خاطراتك ۲۲۸ نجی صحیفه‌سنده (عیداضحی مناسبیله عسکره ودواثره برمعاش اعطاسی ایچون مقتضی یوزیتش بیك لیرانك سیله آنجق آلتش بیك لیراسی طشره‌دن کتیردیله‌بیلوب اوست طرفی تدارک‌امکان کوردیله‌مامسیله استقراض بولنه کیدلدیکنی) مین اولان حکایه تمامیه تعینه کافیدر .

بناء علی ذلک سعیدپاشایه خلف اولدیغمده لازم الادا بولنان دیون مذکورهنك ثقاتی تحتده ومأموریت عاجزانه‌مدن درت بش کون اول سرزده ظهور اولان روم ایلی شرقی وقعه‌سنك قارشوسنده بولنیوردم .

مدت ماضیه‌ده بو دیونك تأدیسه‌سی چاره‌سی دوشونلندکدن بشقه تسویه‌سی وعدیه‌ده اشحاب مطلوب تأمین ایدلمدیکندن اعتبار مالی دولت اودرجه زوال‌پذیر اولش ایدیکه عثمانلی بانقه‌سی حکومتله معامله‌سنی قطع ایلدیکی کبی دیگر بانک‌لر دخی مالیه آرتق باره اقراضندن متوقی اولمسیله واردات خزینه ایله هم اداره داخلی و مصارف جاریه‌یه همده روم ایلی شرقی عصیان‌ه قارشی پیدرپی تجمع‌ایدن

قوه جسيمه‌نك مصارف فوق‌العاده‌سنة پاره يتشديريله بيلمكده بيوك مشكلات چكلمكده ايدى .

سكره‌لرى بيله عيذ فطرده استانبولجه عمومى بر معاش و يرليك ايجون اچقه تداركمنده اووقت مالیه ناظرى بولنان محمود جلال‌الدين پاشا دوچار حيرت اوله‌رق هر طرفه مراجعتله نهايت الامر عرفه كيچه‌سى با اراده سنيه مابين هايونه جاب ايديلان شركت خيريه‌مدبرى حسين خاكي افندى قيصر برمدتله يوز اللى بيك ايرانك اقراضه اماله و ارضا ايدلمش ايسه‌ده مالیه ناظريله ميانه‌لرنده مقرر مقاوله‌يه كوره دينك ايفاخى صدارتك تعهد ايلسى مشروط اولديغندن دعوت واقعه‌يه بناء مابينه كيدوب بالضروره شرط مذكورى تصديق و مقاوله‌يى مالیه ناظريله معاً امضا بيلمكلكم اوزرينه پاره استيفا و اويله مشكلات ايله بيرام معاشى اعطا اولنه بيلمشدر .

بالاده زمان مأمورتمه انتقالي يازديغم ديوندن اون ميلون كسور بيك ليراسى مستقرضات موفته‌يه و باهق حساب جاريسته عائد اولوب اگرچه سعيد پاشا خاطر انك ۱۸۳۳ نجى صحيفه‌سنده كويا سوء استعمالات و غير مشروع مطلوبانك منع وردى اسابنه تشبث صدرسنده بانق عثمانيك ادعا ايلديكي آلتى بچق ميلون ليرانك ادله منضمه‌سى بيان ايله تسويه‌سى رد اوله‌رق بانقنك ده دعواسنده اصرار ايتديكنه و مؤخرأ ايسه بانقه بو آله بچقى تصديق ايتديرديكندن يايلان بر صورت تسويه موجبجه حالا كمر كردن استيفا ايتكمده بولنديغنه متدار بر فقره منظور ايسه‌ده بو افاده ، خاطراتك همان هر مقاله‌سنده نمايان اولديغى وجهله قورى بر تمدح ايله آخره عزو قصور عزمندن بشقه برمعناي مفيد دكلدر .

مادامكه بروجه افاده سرد ادله ايله بانقنك آلاجنك تسويه‌سى رد بيورلمش و او ده دعواسنده اصرار گوسترماشدر ، مشاراليه حضرتلرى بوندن بالاستفاده بانقنك مطالبى فعلاً ابطاله و شوايشى اولسون نتيجه قطعيه ايصاله عنايت ايتسه ايدى بيت‌الماله كرچكدن بيوك بر خدمته بولنش اولورلر ايدى .

حالبوكه مشاراليه كويا حلى و موقع تطبيقه وضعى درعه‌ده و تصور ايدوبده كيم بيلير سكره‌لرى ، ايلروده ايضاح اولنه‌جق « ذوات عشره‌يه » ضميمه ، عددى نه مقداره واران رقبانك القا آتيله موفق اوله‌مدقلى و زياده صيقيشنجه استعفا و استعفا ايله قورتمق ايستدكلى اكثر مسائل و غوائل مثالبو بانقنك مطلوبى مسئله‌سى دخی سورونجمه و اديسته سوق ايله اخلافه براش و عثمانى بانقنه‌سى ناميله

بر موجب مقاولات امتیازات و صلاحیات معلومه بی حائز بولنان او مؤسسه بی الك بحرانلی بر زمانده حكومتله قطع معاملهیه وارمق موقعنده بولندیره جق بر « لیت لعل » بولتیقه سنه هدف ایتمکدن چکنامشدر .

بالاده بر نبذه تصریح ایدیلان احوال مضایقه اشتمال آره سنده اداره مصلحته آرتق امکان قالماسیله مهما ممکن داینلری بالتأمین اعتبار مالی دولتی اعادهیه صرف مساعی اولنمی مرتبه وجوده کورندیکندن خزینه جه یوزده بش فائضلی آلتی بچق میلیون لیرا قیمت اعتباریه سنده استقراض تحویلاتی اخراجی قرارلاشدیرلمش و عثمانلی بانقه سنك آلا جق اولمق اوزره ادعا ایلدیکی مبالغه که ، آلتی بچق میلیون دکل بدی بچق میلیون لیرادر ؛ بانق مدیرلریله متمادیا اوج آی مدت جریان ایدن تدقیقات و مذاکرات عمیقه نتیجه سننده درت بچق میلیون لیرایه بالتزویل مذکور استقراض تحویلاتندن درت بچق میلیون لیرالنی باشه باش ویریلرک ایفا اولنمشدر . غلطه بانکرلریله سائر سرمایه دارانك آلا جق لیرینه کلنجه بولنرک دین سنداتنده بعضلیرینه یوزده اون ایکی برطاقمه یوزده بش وبر قسمنده یوزده اون سکرز فائض اعطاسی مالیه خزینه سنجه تعهد ایدلمش بولندیغندن کافه سنك فائضلری تنزیل اولندقدن صکره متباقی دیون ، مارالذکر تحویلاتندن کذلک باشه باش ویریلرک تسویه اولنمش ایدیکه عندالحساب اصحاب مطلوبك نقداً اقراض ایتمش اولدقلری پاره دن زیاده اللرینه چوق برشی کیرماشدر .

یالکز دیون مذکورەنك تأدیاتی انشاده اصحاب مطلوبدن موسیو لورانلو آلا جقنی قرارلاشدیرلینقی وجهله استیفایه راضی اولمش ایکن شریکی اولان بیوک برادری صورت تسویه مقرریه موافقتده تردد ایتدیکندن بونکله عین حالده بولنان موسیو توبینی نك تأدیة مطلوباتی او صروده تأخره اوغرایوب مع هذا هر فرصت دوشدجه کندیلرینی اقباع ایله استحصال موافقتلرینه چالیشیلیمقدن کیرو قالماقده ایدی .

بندن صکره نه مرحوم جواد پاشا ، نه ده مشار ایله سعید پاشا زمانلرنده بو ماده مهمسه نلهمش اولمق کرکدرکه بالآخره مومی الیه مانك شکایت واقعلری فرانسه سفارتنك مداخله سنی دعوت ایدرک و کیدرک بودخی دولت علیه ایله فرانسه بینه بر مسئله شکانی آلمغه نهایت خلیل رفعت پاشا مرحومك اواخر صدارتنده اجرای نمایش ایچون سوق اولنان فرانسز دونانماسی مدلولو آطه سنه عسکر

اخراجیه لکه رک وارداتنک ضبطنه قیام ایدلمسی اوزرینه اساساً اوچ یوز کسور بیک لیرا زاده‌سنده ایکن دعوی تحتنده بش یوزبیک لیرایه قدر قابارمش اولان مذکور ایکی دین مجبوراً ایفا اولمغله برابر آنک ضمنتده بالعموم مؤسسات مذهبی و خیریۀ اجنبیه‌نک تصدیق موجودیتلریله معفوایات معلومه‌دن تأمین استفاده‌لری کی دولتجه معنوی و مادی خساری مؤدی بر تکلیفی قبول ایله مسئله‌نک برطرف ایدلدیکی آکلاشلمشدر .

بروجه محرر سلفدن انتقال ایدوب قسماً اجنبیلره عائد اولان مبالغک تعدیل و تسویه‌سنه زمان مأموریت عاجزیده شتاب ایدلامش اولسه طوردجه فائضلری قاباروب و صورت تسویه‌لری امثالی کی کشاکشه دوشوریلوب مداخلات اجنبیه وقوعیله عین نتیجۀ وخیمیه سبب ویرمسی مستبعد عداولته مازایدی. هر نه حال ایسه مارالیان تسویه دیون ملابسسه‌سیله اعتبار مالی دولت مهما امکان عودت ایده‌رک بانق عثمانی ایله اولان معاملات مالیه دورانه باشلامشدر .

سالف‌الذکر یکر می اوچ میلیون لیرایه قریب دیونک بقیه‌سی که سنه بسنه بودجه آچیفندن منبعث اوله‌رق تراکم ایدن بورجلر ایدی ، خزینۀ جلیلهیه بشقه‌جه بارکران و معاملاتجه مانع حسن جریان اولان بودیونک تسویه‌سی ایچون دخی بر چاره آرائسی مقتضی و خزینۀ مرکز و ولایاتده ویرکو و اعشار و سائرۀ دن او مقداردن زیاده مطلوباتی بولندینی قیداً ثابت اولمغله بو دیون و مطلوباتی قسماً قارشولاشدیرمق اوزره یدی میلیون لیرالق تصفیۀ تحویلاتی اخراجی قراری اتخاذ اولمش و خزینۀ دولتک مشکلاتی بو صورته‌ده بالتخفیف اعتبار مالی برقات دها دوزلمش ایدی .

بواجرا آت مجلس وکلانک مذاکرات و مقرراتی ایله لدی‌العرض صادر اولان ارادۀ سنیه موجبجه موقع تطبیقه قونیلوب آنجق تدابیر مشروحه‌نک تدقیقات و ترتیب‌اتنده اوزمان مالیه ناظری بولغان و خدماتی سعید پاشا حضرت‌تلیرنک خاطراتنده حسن صورته یاد اولنمان ذهنی پاشا حضرت‌تلیرنک وقوع بولان هم‌کار آکاهیسی حقا که سزاوار تقدیردر .

سعید پاشا حضرت‌تلیرنک مذکور تصفیۀ تحویللارینه « عادتلی وجهله » اعتراض ایدلدیکی خاطر اتک ۲۵۹ نجی صحیفه‌سنده محرردر . بو تحویلاتک اخراجی قراری هیچ‌دکله خزینۀ نک بورجه آلاجنفی قارشولق کوستره‌رک تخفیف غوائله یول

یولوق کچی معقول بر اساسه مستند ایدی . حالبوکه خاطراتک یکریمی بشنجی صحیفه‌سنده پاشای مشار الهک اصلاحات مالیه‌یه متعلق محاسن اجرا آتی صره‌سنده صایلان خصوصاتدن ، کیملرک سبب اولدقلری ، نه مثللو احوال الیمه‌نک تأثیرات مشئومه‌سیله موقع تداوله قونلیدینی معلوم وخزینة مالیه‌یه عدم قبولندن ناشی اعتباری فوق‌العاده منزل اولان قوئم نقدیه‌نک و آکا تردیفاً سکه‌نک نحاسیه‌نک منع تداولی ملاپسه‌سیله حامللری حقلرندن محروم اولدقلری مثللو سکه‌نک مغشوشه‌نک تنزیل قیئتندن دخی بالجه اهالی ضرر کورمش وچونکه برکیمسه‌نک بونوع مسکوکاتدن برکون مالک اولدینی بیک غروش فرداسی ناکهان بش‌یوز غروشه تنزل ایدرک سرمایه‌سنگ نصفی هدر اولوب کیتمش ایدی .

کמוש ایله آلتون بیننده‌کی فرقی قازانق‌تصوریه لیرایوز غروش واحد قیاسی اعتبار و مجیدیه‌نک قیمتی اون طقوز غروشه تنزیل ایدلمسی یوزندن ده اهالی،تضرر اولوب بوتدیر ایسه مقصدی تأمین ایتمه‌رک آلتون ایله کמוש بیننده‌کی فرق الیوم‌باقی وجاریدر . صده کله‌م .

دینله بیلیرکه اگر زمان مأموریت عاجزیدن اول دولتک قدرت مالیه‌سینه ادرجه ضعف‌کلی طاری اولمامش اولسه ایدی بوجهتی نظر دقتدن دور طوئیمان بلغارلر بلکده اوزمان عصیانه جسارت ایتزلر ایدی . تعریف دیکرله باب عالینک غفلتیه برابر قدرت مالیه‌نک پک زیاده دوچار ضعف اولسی بو حاله شبهه‌سزکسب وقوف ایدن بلغارلرک قیامنه بلکده جرأت بخش اولدی .

هرنه حال ایسه ایلمک مدت صدارتم اولان آلتی سنه ظرفنده عقد اولنان استقراض، بالاده بحث اولندینی اوزره زمان سابقک اطفای دیوننه حصر ایدلمش اولان آلتی بحق میلیون لیرا اله انا طولی شمندوفری صاحب امتیازی موسیو قولاً و ساططیه دویجه باتقدن یوزده بش فائضله عقد اولنان استقراضدرکه بونک اعتباری (نومینال) اوتوز میلیون مارق اولوب قیمت نقدیه‌سی بر میلیون انکلین لیراسندن عبارتدر .

بویکی استقراضدن صکره بری باتق عثمانی دیکری موسیور وچیلدر ایله تحویل دیون معامله‌لری اجرا اولنه‌رق بونلردن متحصل فوآندک ، حسن انتظام ثمره‌سیله اولدقجه ترقی ایدن وارداته انضمامی سایه‌سنده چرخ اداره مالیه محور مخصوصنده دورانه باشلامشدر .

خاطر آنک ۲۵۹ نجی صحیفه‌سندہ محرر افاداندہ سعید پاشا حضرت تلی عثمانی
 بانقہ سبلہ منعقد آلف الذکر تحویل دیون استقراضی تحویلاتنک یوزی یتش
 بش غروشه بانق عثمانی به اعطای اولنه جغنی برای مطالعه ارأه اولئان اوراقدن
 ا کلامسبله وقوع بولان معروضاتی اوزرینه تحویلات مرقومه‌نک بر بحق میلیون
 لیرالقی بر فرقی بانق عثمانی یتش آلتی غروشه قبول ایدره‌نک متباقی اوچ بحق میلیون
 لیرالقی تحویلاتنک ایسه ینه یوزی یتش بشه بانقہ ویریلدیکی بیان اولنیور. حالوکه
 تحویلات مبحوث عنہانک بر میلیون اوچ یوز کسور بیک عددینی بانق مقطوعاً
 یتش آلتی به آلمسی اووقت مالیه نظارتندہ بولان اغوب پاشا ایله بانق عثمانی بینندہ
 عقد ایدیلن تحویل دیون مقاولہ نامہ‌نک یکرمی آلتنجی مادہ‌سی ایجابندن اولوب
 بناء علی ذلک تحویلاتدن اوقسمنک بانقہ جہ یتش آلتی به قبولی خاطرہ رعایتدن منبعث،
 یاخود بر صدر اعظم معزولنک اعتراض و اخطارینه مبتنی دکلدر. بقیہ تحویلاتنک ده
 دکری یتش آلتی اولسه اوندن دون فی ایله ویریلہ مزیدی بونده سعید پاشانک
 مقصدی نظارتہ اہمالدن زیادہ سؤ استعمال اسنادی اولہ جقسدہ بونی نہ اغوب پاشا
 ونده مافوق ارتکاب ایتیمہ جکی سعید پاشا کیلردن ماعدا جملہ نک مسلمیدر .

شو حقایقہ قارشئ تحویلاتدن بر قسمی بانقہ‌نک یتش آلتی به قبول ایتسی کیفیت
 مقررہ سنی پاشای مشارالہک کندی نہ مال ایدنمی دفتر اعمالنک ایراد جہتی قبارتمق
 ایچون صرف ایلدیکی مساعی بپہودہ جملہ سندن معدددر .

خاطر آنک ۲۶۰ نجی صحیفہ سندن کی تفصیلاتہ کورہ موسیو روچلہ ایله عقد
 اولئان تحویل دیوان استقراضنہ متعلق مجلس وکلا مضطلہ‌سی دخی کندوسنہ
 (سعید پاشایہ) ارسال اولنمغلہ لدی المطالعہ او باندہ خاقان سابقہ معروضاندہ بولندیفی
 آ کلاشیلور؛ معروضات واقعہ‌نک (حال بوکہ روچلہ بانقہ‌سی خدیویت مصریہ
 ایله اوئاندہ یوزدہ اوچ بحق فاضلی استقراض تحویلاتی ۹۱ غروش فیئالہ تداولہ
 چیقارمش و آندن زیادہ تداول ایدرسہ فضلی حکومت مصریہ ایله بانقہ بینندہ
 تقسیم اولنمنی مقاولہ ایش و تحویلاتنک عقب اخراجندہ فیئاتی دخی ۹۵ غروش
 بولش ایدی ینہ خدیویتک یوزدہ درت فاضلی بر استقراضی دہ روچلہ بانقہ‌سی
 یوزدہ ۹۸ غروش فیئالہ آلمش ایدی . بورالزندن بمحشلہ استقراض مذکورک
 شروطنی پک فاحش بولدیغی جواباً و تحریراً حضور عالی به عرض ایتدم .)
 فقرہ‌سی اوقونور و صکرده انکلیز اشغال عسکریسی تحتندہ و امور اداره ،
 باخصوص معاملات مالیه‌سی ید اجانبندہ بولان مصر حکومتنک ینہ انکلیز ہیئت

مالیه‌سیله عقد ایلدیکی استقراضلرک شرائطی بزم استقراضمزلک شروططیله مقایسه‌یه تصدیق نه درجه‌یه قدر مناسب دوشه‌جکی دوشونیلور ایسه ، امثالنه مقیس اولان معروضات مذکوره‌نک ده رأس کارده بولسانلرک ایجابات ضروریه‌یه مستند تدبیرلرینی بوزوب موقعلرینی مشککلاشدیرمک املندن ایلرو کلیش اوله‌جینی شبه‌سزدر .

*
* *

سعید پاشا حضرتلری خاطر اتنک الی بشنجیدن یتش ایکنجی صحیفه‌سنه قدر قسمی مرحوم مدحت پاشا محاکمه‌سنه دائر مجلس وکلا و فوق‌العاده جریان ایدن مذاکرات و مقرراته حصر ایتش اولوب بونده تعقیب ایدیلان مقصد برطاقم تفصیلات ایچنده مضمر اولسه‌ده سیاق سیاقندن بر، عتاد تبرئه ذمت و بشقه‌لرینه عز و قباحث ضمتنده قلمه آلمش اولدینی آکلاشیلور .

خاطر اتنک الی سکنجی صحیفه‌سنده بیان قلندینی اوزره و قیله آوروباده منتشر بعض غزته‌لر مدحت پاشا محاکمه‌سنی سعید پاشایه اسناد ایتش اولدقلرندن مشار الیه سعید پاشانک بوکا قارشو مدافعه حق مشروعنی استعمال ایلمه‌نه برشی دنیله مز . آنجق مشار الیه حضرتلری خاطر اتلرینک انتشارینی بکله میوب مقدا طنین غزته‌سیله بعض مقالات ، حتی مجالس مذکوره‌ده بولانلره عائد رأی و اضالرک بالانزیم فوطوغرافله آلدیرلمش صورتلرینی نشر ایتدیرمش اولوب اورای و امضا صاحب‌لرندن بری دخی بن اولدیغ جهتله بالضروره بو بحثده‌ده توضیح حقیقه لزوم کوردم .

مذکور غزته‌لرده کی مقالانده جتیمکان سلطان عبدالعزیز خانک قاتللری حقنده کی محکمه تمیز اعلامنه دائر مجلس وکلا مضبوطه‌سنک صورتی درج ایدلدکن سوکره بونک (محکمه تمیز جزا دخی حاکم نظامیه‌نک طبقه انتهاییه‌سی اوله‌رق اوراده تصدیق اولان حکملری نقض ایده‌جک قانوناً دیگر بر مرجع اولماسنه و مجازات قانونیه‌نک اجراسی یا خود غفو و تخفیفی حقوق سنیة حضرت پادشاهیدن اولسنه نظراً اجرای ایجابی منوط اراده سنیة حضرت تاجدارای اولدینی تذکر اولمشدر) جمله‌سنی تفسیراً (محکمه تمیزدن ویریلن حکمی نقض ایده‌جک بر مرجع قانونی اولماسی قیدی حکم واقعک لزوم نقضنه و فقدان

مرجعیت آکا مانع اولدیغنه دلالت ایتزمی ؟ او جمله ده کی عفو کلمه سنک مدلول مهمی بدیهی دکلیدر ؟ (دینلمش و جمله مباحث عنهانک معنای صریحی جزا حکمنک قانوناً کسب قطعی ایتدیکنی وعفو و تخفیفی حق استعمال بیولماز ایسه اجرایی لازمه جکنی متضمن اولدیغی حالده بوجهت بر معنی شکننده کوستریله رک حلی عمومک رأینه حواله ایدلمش ایدی که مشارالیهک اویله فکر دقیق و تفسیر رقیق ایله شخصنی ایشک ایچندن چیقارمغه اوغراشوب کندندن ماعدا آرا و امضا اصحابی حقدنه جلب نفرته سعی ایلسی محیر عقول غرابدندر .

آنحوق ذات ماده یه باقم . سلطان عبدالعزیز خان مرحومک وفاتی اتحاراً و یا مقتولاً می واقع اولمشدر ؟

سعید پاشا حضرتلری لطفاً بوراسنی تصریح ایدرلر ایسه حل مسئله یی تسهیل بیورمش اولورلر . اگر مقتولاً ایسه سالف الذکر مجلس وکلا مضبوطه سنی بوجه بالا مبهم صورته تفسیره حاجت اولیوب اگر کندی وقوف و اعتقاد لرینه کوره اتحاراً ایسه و حالده ده تشبث اولنان جنایت محاکمه سی سلطان مشارالیهک خلغی وقوعه کتیرنلرک وجودلرینی اورته دن قالدیرمق مقصد یله سراجیه تصنیع ایدلمش بر دعوی اوله جفندن سعید پاشا بودعوانک عدم صحتنه منی و خامنه خنکاری اقناعه مقتدر اوله مدیغی تقدیرده بونی تصنیع و ترتیب ایدنلردن چکینه جکی یرده مأموریتدن چکلمسی لازم گلز ایدی ؟ طوغریسی انصاف صاحبی بر صدر اعظم مسندینی دکل دار و دیارینی ترک ایدرده بر طاقم معصوملرک اعدامی حکمنک اجرایی ترویج ایلز ایدی .

بن اوزمان طشره دن کله لی چوق اولیوب خلغ وقعه سنده هیچده استانبولده بولنامش اولدیغمدن اوبایدکه کی معلوماتم غزته لرده مطالعه قیلان حوالده منحصر کی اوله رق یالکیز محاکمه نک ابتدالرنده محمود بک (پاشانک) مقدما سرای هایونه تقدیم ایلدیکی بر جاریه نک وقعه دن صکره سرایدن چیقوب محمود بک خانسه نه عودتنده جتتمکانک قتل اولندیغنه دائر معلومات ویرمسيله محمود بک بو معلوماتی حضور هایونه عرض ایلسی اوزرینه ماده قتلک تعقیب و تحقیقه اراده صادر اولدیغندن موجبنه محاکمه یه شروع اولدیغنی ایشتمش ایدم .

شوراسنی ده علاوه ایده یمکه محاکمه نک ختانی متعاقب بر اقشام سعید پاشا ، محمود ندیم پاشا و خارجیجه ناظری عاصم پاشا ایله بو عاجز سرای هایونه دعوت

اولنش ایدک . بعدالطعام حرم باغچه‌سنده برکوکچک کوشکه کوتورلدک که سلطان عبدالحمید اوراده ایدی . وقوعبولان امر و اشارت اوزرینه قعودمزده خنکار جتیمکان سلطان عبدالعزیزک کیفیت قتلندن بحث ایدرک یاننده بولسان مهرلی بروغچه‌ی آچوب درووندن چیقاریلان برطاقم قانلی البسه‌ی بزه ارئه ایش وینه طوپلایوب بوغچه‌لیه‌رق اوزرینی کندی مهرمله بکا مهرلتش ایدی . قاتلر حقنده جمله من لغت خوان اوله‌رق اوילה بر تأثیر الیم تحتنده جنایت واقعیه دأر بر آز دها مکالمه‌دن صکره مساعده سینه اوزرینه نزد شاهاه‌دن آیرلش ایدک . صکره‌لری آ کلاشلدیغنه کوره کرک سعید کرک محمود ندیم پاشا‌لر سراپک درون ویرونده جریان ایدن احوال و معاملات اوکرتمک ایچون وسائط کافییه مالک اولدقرلندن وقوع حال کندیلرنجه خفی اولیوب قانلی البسه ارئه‌سندن مقصد فعل قتلک صحتی حقنده عاصم پاشا ایله بنم ذهنمه قناعت القاسندن عبارت ایش . هر نه حال ایسه ختام محکمه‌ده محکمه تمیز جزا دأره‌سنگ عدلیه نظارتندن باتذکره باب عالی‌یه مرسل اعلامی اوراق متفرعه‌سیله مجلس وکلا‌یه حواله و مسئله‌نک غایت مهم اولسی حسبله بعدالتدقیق اصولی دأره‌سنده برر برر بیان مطالعه ایدلمسی طرف ریاستدن افاده اولومس‌سیله بمالذاکره نافعیه ناظری حسن فہمی افندی (پاشا) بیان مطالعه ضمتنده غزته‌لرده بعض شیر کورلمکده اولوب بومسئله‌ده دوشونیلجک جهت وارسه اجرا آنک اوروپاچه حسب الزمان برسوء تأثیری اولوب اولمیه‌جئک بیلنمسی لازم وبونک تعینی‌ده خارجیه نظارتنه عائد اولدیغنی درمیان ایلسیله خارجیه ناظری عاصم پاشا سفرا طرفدن بوکا دأر شیمدی‌یه قدر هیچ برئی سویلنلمدی یالکیز انکلتزه پارلمنتوسنده موضوع بحث ایدلجکی موسوروس پاشا طرفدن بیلدرلمشدر دیسی اوزرینه سعید پاشا حضرتلری بومثللو سیاسی خصوصاتک شیمدیدن کشفی قابل اولامیه‌جنی جوابیله مقابله ایش و موسوروس پاشا‌نک صورتی خاطرانده محرر تلغرافی هر نه دنسه مجلسده میدانه چیقاریلوب اوقونما‌مشدر . مع‌هذا مذاکرت جاریه اتفاق آرا ایله نتیجه‌لندیریلوب مضطه‌سی اوپولده تنظیم و تقدیم قیلنمشدر .

بوندن طقوز اون کون صکره بارادہ سینه مابین‌هایونده صدراعظم معزوللری و هیئت وکلا ایله شیران و متحیزان فریقاندن مرکباً بر مجلس عقد اولوب سعید پاشا حضرتلری هر نه حکمته مبنی ایسه ، شہسز موافقت شاهانه ایله ، کندنجہ

بر تدبیر مخصوص اولوق اوزره بوجلمسه ریاستدن بالاستنکاف ریاست صدر اسبق صفوت پاشایه حواله اولمش ایدی. سعید پاشا حضر تلیرنک خاطر اتلرنده (بر طرفدن حضارک بر چوغی رأیلرنی بالذات تقریر و بعضاری تعریف ایدرک یازد بر دقدن صکره صره ایله ضبطی امضا ایتمکده ایدیلر. نوبت امضا عدلیه ناظری جودت پاشایه کلدیکی انشاده ایدیکه شیخ الاسلام و صدر معز وللری حضوره ایستیلدک. ذات شاهانه باعث اجتماع اولان خصوص حقنده بعض تبیینانده و علی الخصوص خاندان سلطنت سینه اعضاسندن بعضارنک بر سوؤ قصدله (نصرتیه) قصرینه صورت دعوتلرینه دائر ایضا حانده بولندیلر. اهمیت مسئله سببیه سراید منعه اولان جمعیت علمیه ده بتکرار مذاکره کیفیت ایدلمکده اولدینی اراده سینه دن آ کلا شلمغله هیئت وکلایله امرای عسکرینه دن ترکیب ایدن مجلس فوق العاده نك قراری ابرتسی کونه تملیق و بناء علیه اعضای باقیه یعنی جودت پاشا ایله آندن صکره اسماری یازیلان اون بر کشی طرفدن مضبطه به وضع امضا ایدله مامش ایدی . . الخ) دنیلدیکی حالده دیکر طرفدن بوله نا تمام مضبطه نك کسب قطعیات ایش طرزنده اعلانی صکی سبکنه غیر موافق اعلانه مشابه برشی اولدی .

بونکله برابر حضاره معطوف و بشقه بشقه عباره لرله محرر رأیلرک اکثریت عظیمه ایله نتیجه سی محکمه جبه ویریلان حکمک اجرایی مرکزنده و چونکله بر باد شاک قاتلری حقنده بشقه برشی دنیه میه جکی مرتبه بده ائده اولوب شومیانده سعید پاشا حضر تلیرنک رأیی بیهل دایما اولدینی کبی تردد دن حالی اولمسه ده ینه شویله امش : « محکمه تمیزدن تصدیق اولمش اولان حکم مطاعدر. بونکله برابر جزاء محکومک اجراسنده و تعدیلانده حقوق سینه درکاردر . » بونده (مطاع) کله سی واجب اطاعه و لازم ایفا دیمک اوله جفی کبی (جزاء محکومک اجراسنده و تعدیلانده حقوق سینه درکاردر) عباره سی کرچه معلومی اعلام قیلندن بر تعبیر اولسه ده بونکله اجرا جهتی تأیید ایدلمک ایستلیدیکی درکاردر .

آرای سائر صره سنده بالالتزام اختیار کلفتله فوطوغرافینسی آلدیروب نشرینه همت بیوردقلری رأی عاجزانه مده ایسه « حکم قانونک اجرایی رأینده یم . فقط بونک تمامی اجرایی و یا تخفیفی حقنده الهام ربانی قلب شاهانه به هر نه وجهه وارد اولورسه اصابت اونده در » دیمش . آما . فقط بقالم رأی بسیط عاجزانه مله سعید پاشانک رأی مترددانه سی بیننده حکماً بر فرق وارمیدر ؟

نهایت او هیئت فوق‌العاده‌نک دفعهٔ ثانیه اوله‌رق فرداسی کوئی مابین هایونده اجتماعنده برکون اولکی ناکام ضبطک اکللی طریقه کیدیله‌جکی یرده صکره‌لری آکلاشیلدینگه کوره لمقصود بری «محکومین حقنده محکمهٔ تمیزجه تصدیق اولنان مجازاتک تمامی اجراسی» دیگر «محکمهٔ تمیز اعلامنده مندرج بولنان مجازات قانونیه‌نک تخفیفی» صورتنده ایکی رأی بوصله‌سی یازلمش ایدی .

آرده کچن برکون ظرفنده موسوروس پاشانک تلغرافنامه‌سی مآلنه وبوتلغرافنده مدحت پاشا لهنه اعمال نفوذ ایچون موسیو غلادستون جانبندن درساعات انکلتیره سفیرینه ویرلدیکی حکایه اولنان تعلیماتک شکل استعمالنه مطلع اولانلر مجازاتک تخفیفی رأینه یازیلوب حقایقندن خبردار ایدلیانلر ایسه مجازاتک تمامی اجراسی بوصله‌سنه وضع امضا ایشلر وسعبدپاشا حضرتلری طبعاً جزانک تخفیفی رأینه قید اولنوب ایلك اجتماعه رأی بیاننده اظهار عجز ایدنلربیله چونکه بشقه اوچنچی بر شق اولمديغندن جزانک تخفیفی رأینه التحاق اختیار ایشلردر .

بوموال اوزره تخفیف جزا رأینده بولنانلر اقلیتده وسعید پاشا حضرتلری ده او میانده اوله‌رق بوصله‌لرک لقیله تقدیم اولنان مضبطه اوزرینه خاقان سابق دخی کویا مرحمة اقلینک رأینی ترجیح ایشلدر .

ترتیب واقعه ، ایتدیریلان دعوی معهوده‌نک صنیعه‌دن عبارت بولنلینگه ، عدلیه نظارتنده ایکن تنظیمات و اصلاحات لازمه‌ینی کاملاً موقع اجرایه قویدقلری خاطرات علیه‌لرنده کوستریلان سعید پاشا حضرتلرینک کوزی اوکنده جریان ایدن محاکمه‌نک صوری اولدینگه ، او وقت کسب وقوف ایدلمش اولسه ایدی مذاکرته حاضر بولنان اصحاب وجداندن اوحکمی قبول‌ایده‌جک هیچ برکمه‌نک وجودی ممکن اوله‌مزدی .

خاطراتک اوتوز برنجی صحیفه‌سنک نهایتندن بدأ ایله اوتوز ایکینچی صحیفه‌سنک بر قسمی اشغال ایدن شو (مترجم رشدی پاشا معزول ایسه‌ده حیاته ایدی . مدحت پاشا سوریه ، حمدی پاشا آدین ، صادق پاشا جزائر بحر سفید ، احمد وفق پاشا خداوندکار والیکلرنده ، ادهم پاشا ویانه سفارتنده ، محمود ندیم پاشا داخلیه نظارتنده ، عارفی پاشا شورای دولت ریاستنده وصفوت پاشا دوائر مفتشالکنده بولونیورلردی . خیرالدین پاشا معزول ایسه‌ده متوالیاً حضورهایونه لایحه‌لر تقدیم ایدیوردی . بو ذوات عشره صدارتدن منفصل ایدیلر . بونلردن بعضلری

امنیتلرینی ، بعضلری راحتلرینی ، بعضلری ده حیثیت اضافیه و فائده ذاتیه‌لرینی صدرارته عودت‌لرنده آرادقلری و نیم بومأموریتدن ناخشنود اولدیغی بیلمدکلری بالعکس آکا حریص اولدیغیه و وجودم کندی اقبال‌لرینه مانع بولندیغیه ذاهب اولدقلری ایچون اجرا آتمه اعتراضدن خالی دکلردی . ترویج التماسات و تسهیل منافع شخصیه المدن کلدیکندن سرائک داخل و خارجده بر طاقم ذواتده علیهمده ایدیلر .) مقاله‌سندن استدلالانه قالدیشان بعض ذوانک (کوریلورکه سعید پاشا حضرت‌لری الیوم منتقل‌دار آخرت و، ایچلرتدن بری بالاستنا، دیکرلری عیارنده رجال دولتک یتشمسی اخص آمال ملت اولان اکابر اسلاف کرامی بلکه بتون خواص و عوامی کندیلرینه رقیب و خلافت‌کیر عد ایدم‌جک قدر و همه مغلوب ایمشالر . شو حلد مشارالیه حضرت‌لرینک رقبای عشره‌نک اهمی اولان مدحت پاشایی هیچ دکلسه حیات سیاسیهدن بتون بتون اوزاقلمشدرمق ایچون محکمه معلومه‌دن آرزوق استفاده ایش اولسنی حتی مدحت پاشانک خصم جانی اولوب خاطرائک یدنجی صحیفه‌سنگ شهادتی وجهله سعید پاشا حضرت‌لرینک ده دوستی عد اولنماق لازم کلان محمودندیم پاشانک داخلیه نظارتنه کتیرلمسینه رضا کوسترلمسنگ بومقصده علاقه‌دار عد ایدلمسنی استبعاد محمل وارمیدر؛ مدحت پاشانک صورت و قوعی باعث قیل و قال اولان ارتحالانک، مشارالیه سعید پاشانک زمان صدرارتنه تصادفی و خاطراتده خانه و عائله دیدی قودیلری بیله مع التفصیل موضوع بحث ایدلمش ایکن مدحت پاشانک وفاتی حقنده (۱۵۴ نجی صحیفه) « اوچ یوز برسنه‌سی رجب‌ان و درنجی کونی مابین باشک‌تابتدن بر تذکره خصوصیه آندی . مألنده مدحت پاشانک ارتحالی شایع اولدیغدن تحقیقات اجرایی لزومی بیان اولنیوردی . مشار الیهک ۲۵ نیسان ۳۰۰ تاریخنده وفات ایتدیکنه دائر حجاز ولایتدن داخلیه نظارتنه کلان تاغراف نظارت مشار الیه‌دان باند کره کوندرلمکله عرض اولندی . « فقره‌سی ایله اکتفا اولنسی تحف دکلیدر ؟) دیمکه قدر ایلری واردقلری مسموع ایسه‌ده بو کبی شایعاتی برطرفه براقوب مجرد تاریخه خدمت ایچون سعید پاشا حضرت‌لرینک اورتیه قویدقلری معمای لطفاً کندیلری حل ایله جستمکان سلطان عبدالعزیزخانک کیفیت وفاتی حقنده او وقتکی وقوف و اعتقادلرینک تصریحی مناسب اوله‌جفی ملاحظه‌سنی تکرار ایلرم .

خاطراتک یتش ایکنجی دن اعتباراً آلتش صحیفه‌سی آره‌یه دیگر بعض بحار
دخی قاریشدرلق صورتله مصر مسئله‌سی اشغال ایلمکده‌در .

طقسان سکر سنه‌سی شوالی اوائلنده ظهورندن بحث اولتان بومسئله‌خاطرات
عاجزانه‌مده بیان قلندینی وجهله توفیق پاشاک خدیویته نصبندن اول پدري اسماعیل
پاشاک دور مأموریتده اسرافات و سوء تصرفاتی نتیجه‌سی اوله‌رن انکلتزه
و فرانسه دولترینک امور مالیه مصریه مداخله‌یه تصدیلری صورتنده بدأ ايله
کندینی کوسترمکه و دولت متبوعه‌جده اکثریا وقوعاتک ایجاباتنه مخالف تدابیر
اتخاذنده دوام و اصرار اولمنی سببيله کیت کیده اهمیت ووخامتی آرتدیرمغه
باشلامشدر .

سعید پاشا حضرترینک درلو اشکاله تحویل ايله تکرار تکرار قید و تذکار
ایلدکلری حکایات میانه مسئله مصریه‌ی مذاکره ایچون انکلتزه دولتی جانبندن
سفارت فوق‌العاده ايله استانبوله کوندریلان سیردروموندوولفک حامل اولدینی‌نامه
ایله نطقک ترجمه‌لرینک وصولی صره‌سند (اوقاف ناظری کامل پاشا ملاقات
ایچون یانمه کلدی . مترجم داوود افندی اوراقی بکا ویرر ایکن کوردی ایدی .
مترجمک افاده‌سندن نه‌یه دائر اولدینی معلوم اولدیغندن مطالعه‌سی آرزو ایتدی .
وکلادن مکتوم بر شی اولدیغندن ارأه اولندی . کاغدلر اقشام عرضه ویرلدی .
قره‌سنی صیقیشدیرمغه نه دیمک ایستدکلرینی موضع دکاسه‌ده مأمور اولدیغ
نظارت مصالحندن طولایی برای مذاکره مشارلیک نزدیکینه کیتمش اولقلغم
شبه‌دن بری بولان برصره‌ده مترجم طرفندن حین تقدیمده مندرج‌اتندن بحثه محل
اولیان اوراقک مطالعه‌سی آرزو ایتک کی بر تکلیف‌سزلک کوسترمکله‌کمه‌حال و تربیه‌مک
مساعد اولیه‌جنی بی آرز چوق طانیانلرجه تقدیر و تسلیم اولنور اعتقادندیم .
پاشای مشارالیه لوندرده سفارت فوق‌العاده‌سی ایچون مأموریت عاجزانه‌می
عرض و استیدان ایلدیکنی خاطراتک بر کوشه‌سنه درج ایتمکه مقابل برقچ صحیفه
صکره سیر درووندوولف ايله مذاکره ایچون مرخص انتخابی بحثده او وقت
خارجیه ناظری و الیو متواری خاک غفران اولان عاصم پاشا‌لسانندن (کامل پاشاک
دیپلوماسی معاملاتده وقوف و تجربه‌سی سبق ایتدی . آنک تعیینی تقدیرنده‌ایشجه
کوچاک کوریلور .) جمله‌سی صرف ایتدیرمشلردرکه معناسی اولدقجه صریح آثار
توجهکارانه‌دن اولوق کرکدر ! دیلمده کچلم .

بر منوال محرر انواع اشکال تحت‌نده تکرار ایدن حکایات صره‌سنده (وولفک استانبوله وروندن بر قاچ کون صکره کامل پاشانک بنله واقع اولان بر مکالمه‌سی یوقاریده قید ایتشدم که خلاصه‌سی کن‌دینسک بالواسطه تلقی ایتدیکی اراده‌سینه عسکر سوقوفدن صرف نظرله مسئله‌نک بشقه صورتده بر مقاوله‌یه ربط اولمسی و اونک اساسی‌ده انکلتزه اشغال عسکرینسک موقتاً و بلا مدت دوامنه شامل اولمسی ایدی. ایسته بومقصد شو مقاوله ایله حاصل اولمشدر.) بیورلدینی کورلیور. طوغریسنه کذبجه بو خلاصه‌نک پک‌عندی اولدیغنی مع‌التأسف بیلدرمک مجبور ایتدیم. چونکه خاقان سابقدن بن اومالده اراده تلقی ایتدم اصلی اولیان بریشی ایسه سعید پاشا حضر تلیینه سویلیه مزدیم. قالدیکه خاطرتک ۹۹ نجی صحیفه‌سنده کی (جمعه ایرتسی کونی کامل پاشا صاحب‌الین باب‌عالیده نزده مکدی. مایینه ایستل‌دیکندن کیمش اولدیغنی، بسیم بک واسطه‌سیله برطاق ارادات سنه تلقی ایتدیکنی، خلاصه‌سنده مصرده پایله‌جق اصلاحاتک انضمام رأی‌مزله اجرایی و مصری آخر دولت تعرضندن وقایه‌یه دأثر بر معاهده عقدی ایچون انکلتزه دولتی طرفندن استحصال موافقت ایدلمسی و لکن تخلیه حقنده ایلروده بر وعده تعیین اولنه‌رق بو جهتک او وقت ایجابنه باقلمسی مرکزنده اولدیغنی و ایرتسی بازار کونی عاصم پاشا ایله برابر مایینه کیتیمی اراده بی‌ورلدیغنی سویلیدی.) ضبط طوغری ایسه بو عباراتدن عقد اولنه‌جق مقاوله‌نک اساسی انکلتزه اشغال عسکرینسک موقتاً و بلا مدت دوامنه شامل اولمسی معناسی نصل استخراج اولنه بیلیر؛ و بو مقصد پایلان مقاوله ایله حاصل اولدی دینلمسی نه فاحش غلطدر که مقاوله منعقدنک آلتنجی ماده‌سنده (ایکی بیوک قومیسر حدودک امنیتتی و اداره مصریه‌نک حسن جریانی و دوامی تأمین ایدل‌دیکنی مشاهده ایدر ایتز دولت متبوعه لرینه بررپور تقدیم ایده‌جکدر و دولتین مشار‌الیهما انکلیز عسکرینک برمهلت مناسبه طرفنده مصردن چکلمسی خصوصتی تنظیم ایدر بر مقاوله‌نک عقدینه مباشرت ایلیه‌جکدر) دیو تخلیه شروطی وضع اولمش و بو مقاوله‌نک بلا تأخیر اجرای احکامی و سائلی عون حقله بالاستحصال متعاقباً عقد ایدیلان ایکنجی مقاوله‌نک بشنجی ماده‌سنده (اشبو مقاوله‌نک عقدی تاریخندن اعتباراً اوچ سنده‌نک انقضا‌سنده انکلتزه حکومتی عسکرینی مصردن چکه‌جکدر) قیدی بالانفاق درج اولنه‌رق باراده سینه طرفیندن امضا و تختم و انکلتزه قرالیجه‌سی حضر تلی جانبندن دخی تصدیق قلمشیدی .

شو نقطه‌ده باخا صه اخطاره شایاندرکه زمان عاجزانه‌ده عقد اولوب سعید پاشا نك « دیگر طرفك مقصدینی حاصل ایتمك ایچون کافیدر » دیدیکی برنجی مقاوله نك اساسی مشار الیهك کندی مدت مأموریتده قرارلشدیرلمش اولوب تفصیلاتی خاطر اتلرینك ۱۱۲ نجیدن ۱۱۸ نجی به دکن صحائفده باب عالی رجال قلمیه سندن يك حقسز شکایتی حاوی بر مقدمه ایله مسطوردر .

نه چاره که خاطرات عاجزآمده مصرح اسبابك حیولتیه مقاوله اخیره خاقان سابقك تصدیقه اقراران ایده مامه سندن طولانی انکلتره دولتیجه بالطبع حصوله کلان اغبرارك ازاله سیله احکام مقاوله نك موقع تطبیقه وضعنه دولت مشار الیهایی ومقاوله نك تصدیقه ذات شاهانه بی اماله ایچون بر مدت مدیده علی الدوام تشبثات و اخطاراتدن خالی قالمیوب نتیجه ده ایسه خاقان سابقك اقناعی قابل اوله مدیغه مضلع اولان انکلتره حکومتیجه آرتق حقوق حکومتاری سلطنت سینه قاله آلتقمیزین هر نه زمان مصرك اداره ملکیه ومالیه وعسکریه سی بالترقی کندی کندی مدافعه ایده جت درجه ده کسب قدرت واستقلال ایدرسه او وقت مصر دن بالطبع ید حمایتی چکیله جکی بیان ایله او باده کی مخبریه نهایت ویرمسیمه بوحال هیئت دولتیجه بحق باعث اندیشه اولمش ایدی .

مع مافیه عوارض متحدیه قارشى مقنن اولوب قالمق مقتضای حمیه موافق اولمدیغندن ینه بر طرفدن صرف مساعی ایله مقصده وصول چاره سی آرانیله رق انکلتره دولتك اغبرارینی رفع و قرارینی تعدیل ایتیره بیلیمك ایچون او زمان انکلتره ایله آرالرنده مناسبات و دادکارانه جاری و حکمدار عالی تباری انکلتره قرالیچسنگ حفیدی بولان آلمانیا دولتك توسطی تدبیری تصور اولمش وبویولده موافقه من غیر رسم صورت محرمانه ده وعدلر دخی آلتمش ایدوکنندن خاطر اتمده مندرج ۲۸ مایس سنه ۳۰۷ تاریخی عریضه من اوزرینه مابین هایونده منعقدانجمنده مسئله نك اکتساب ایلدیکى شکل وخامت و دوشونیلان تدبیر و صورت بالاطراف موضوع بحث مذاکره ایدیلوب امر توسطك موفقیته عدم اقرانی احتمالی وبونك نتایج ملاحظه می حقنده طول و دراز مباحثان صکره اول امرده مسئله مصریه دائر انکلتره حکومتك موافقتی استحصال ایچون بر واسطه استصالی لزومی رده امکان قالمدیغندن و آلمانیا دولتك دریغ وساطت ایتیه جکنك مجزومیتی ده اثبات اولدیغندن بوراده کی سفیری معرفتیه بر اساس تعیین اوله رق دولت مشار

الیهامیه مراجعته صورتاً اتحاد حاصل اولش ایسده انکاتره دولته وقوعبوله حق تکلیفک شکلی ماده‌سنده اعضای انجمندن مشار الیه سعید پاشا ایله پترسبورغ سفیر سابقی شا کر پاشا اکثریتک قرارینه مخالف اوله رق حقوق دولت علیه‌نک تأمیننه مقتضی قیود ایله برابر امر تخلیه بر وقت تعیینک دخی تکلیفی رأینی سر دایوب مشار الیه سعید پاشا انجمن مضبطه‌سنه مطالعه مخصوصه‌سنی حاوی برده ورقه ربط ایلمش و خنکارک افکارنده مسئله‌نک بدایتندن بری حاصل اولوب نیجه القآت ایله تزايد ایدن تردد به صورتله بدرجه دها تا بد ایلمسینه آرتق یکیدن بیوده تصویل مذاکرات و تضییع اوقاته قیو آچیلمش و برایی آق قدرده بوصورتله اوغراشلارقدن صکره انفصالم وقوعیله ایش نتیجه‌سز قالمشدر .

خاطراتک ۱۲۴ نجی و مابعدی صحیفه‌لرده سعید پاشا حضرتلریک انجمنده وقوعنی یازدقلری افادلهر ماهوالواقعه موافق کوریه‌میوب اکر بو سوزلر انجمنده سویلنمش اولسه جوابی آله‌جقلری شه‌سز ایدی .

مشار الیهما سعید و شا کر پاشالرک انجمنده‌کی رأیلری و بوکا قارشى اکثریتک قراری حضار طرفندن محتوماً تقدیم قانان مضبطه‌ده تصریح اولمغله برابر سعید پاشا حضرتلریک مضبطه‌یه مربوط ورقه‌سی مندرجانه مترتب مطالعات عاجزانده دخی خاقان سابقه عرض اولمش ایدیکه کرک مذکور ورقه‌نک کرک عریضه‌نک صورتلری خاطر اتمده محرر در .

سعید پاشا حضرتلری بندن صکره ایکی دفعه دها مسند صدارتی احراز ایلدیکی حالده مصر مسئله‌سنه دائر نه یابدقلری جای سؤال در .

*
* *

سعید پاشا حضرتلری زمان و کالترلنده تجارت معاهداتک تجدیدینه متعلق تشبثات علیه‌لرینی دور و دراز تفصیلی ایله برابر انفصاللرندن صکره کچن (تاریخ تجریره کوره اوله‌حق) اون درت اون بش سنه ظرفنده مذکور معاهده‌لرک تجدیدینه موفقیت حاصل اوله‌مامه‌سنک اسبابی بیانیه‌مدیکفی اخلافه عز و قصور ایدرجه‌سنه خاطراتک ۱۴۲ نجی صحیفه‌سنده بیان بیوریورلر .

فی الحقیقه بو کیفیتک شرح و تعمیقه و تأخرندن ناشی تأسفلره دگری غیر منکر در . بن‌دخی مدت مأموریتده غوائل سیاسییه‌نک مهما امکان اندفاعی متعاقب

تجارت معاهداتیله بالخاصه مشغول اولدیغمدن دولترلره معاهده جدیده نك شرائطی قرارلشدیرله رق عمومی بر كرك تعرفه‌سی ده تنظیم ایتدیرلش وبونك اوزرینه بالمله دولترك موافققلری استحصال اولنوب حتی آلمانیا دولتیله عقد ایدیلان معاهده امضا وتعاطی دخی اولنلش ایدی .

یالكز صوكنده روسیه دولتی پترول غازینك، اوستریا كبریت وسیغاره كاغلرینك تعدیل رسومی طلبنده بولنوب كرچه بوخصوصلرده اختیار ایدیله‌جك مسامحه اهمیتلی برشی دكلسده بوايكي دولته منحصر کبی اولان شواوچ قلم مالک تنزیل رسومی حالنده بالمقابله دیگر دولتلرده کنسیدیلرینه مخصوص بشقه امتعه نك رسومندن تنزیلات اجراسیله عین مسامحه‌یه نائلیت ادعاسنه قاقشده قلدندن شومشکلک حل وتسویه‌سنه چالیشامقده ایکن انفصال عاجزانم وقوعه کله رك اخلافه قالان بو ایشك عدم اتمامی نهدن ایلروکلدیکنی بیله میور ایسه‌مده بدن صکره سعید پاشا حضرترلی بر قاقچ دفعه ده مسند صدارته سایه انداز اقبال اولدقلری جهتله تجدید معاهداته عدم موفقیت اسبابی حقنده وارد اولان سؤالك از جمله کنسیدیلرینه دخی توجه ایتسی طبیعیدر .



خاطر اتك ۱۴۷ نجی صحیفه‌سنده سعید پاشا حاضر ترلی بر فرانسزك بارسده نشر ایلدیکی بر کتاب طولاییدیله (بیچاره کامل پاشا ایله بنی‌ده سوء اداره نك و اصول تجسسیمه نك مسامحلرندن کوس-تر مشدر . بو آدمك بزه عائد اقوالی شخصی ومشوققلری کبی حکمسز اولدقلرندن موقع تشریحه چکمه حاجت یوقدر .) تعیر یله حق عاجزانهمده لطفاً ابراز نوازشی متعاقب زمان صدارتلرنده حکومته روم بطریقخانه‌سی بیلنده صدور ایدن اختلافاتک تفصیلاتنه کیریشه رك اختلافات واقعه نك مقصد دولته موافق صورتده حل ایدلدیکنی ، لکن زمان عاجزانهمده روم بطریقخانه‌سی امتیازاتی توسیع ومقررات واقعه ارمنی وارمنی قتلوك بطریققرلی براتلرینه دخی ادخال اولندیغنی بیان یعنی بروجه معتادمحد وتخطئه ایله سوزه نهایت ویرمشردرکه ایسته شوتفصیلاتك بکا عائد جهتی ده بك یا کلسدر .

واقعا بطریقخانه‌جه ینه اولدیکی کبی نققه ووصیت دعوالریله روم مکتبلرینه دائر بعض مستدعیاتده بولیه‌رق بونك حکومتجه رد اولنمندن طولای قبولنه باب عالی‌ی مجبور اتمك زعمیله بطریق اقدی كرك استانبولده كرك طشره‌لرده کلیس-الرك

قابلمسی حقنیده برقرار نشر ایش و هر طرفجه مظهر امتثال اولان بوقراری
یالکز از میرده روم جماعتک کثری جهتیله کلیسانک حاصلاتنه خلل کلامک ایچون
از میر متردبولیدی لمنفعه قبول واجرا ایتماش ایدی .

پطریق طرفندن نزد عاجزی یه کوندریلان متردبولیدلر و قپو کتخداسی ایله
برات عالیدرک صورت وقیدلری کونلرجه بالتدقیق حکومتک معاملاتنده کی طوغریلق
تیمین ایدلیدیکی حالدده پطریقخانهک ینه ادعاسندن نکول ایتماسنه بناءً خاطرلرده
اولدینی اوزره کلیسالر طول مدت قپالی قالب بوسبیلده روملرک کلیسالرله دوامدن
وارسته اولملرینک اهمیتندن زیاده رهایینک کلیسالر حاصلاتندن محرومیتله امر
تعیشجه دوچار مضایقه اولملری یوزندن بث شکوی ایله ایشه بر نهایت ویرمسی
ضمننده پطریق تضییقه ابتدار ایدلری ، پطریقخانه یی رفع مشکله مخرج بولمق
ایچون مجلس جسمانی اعضاسندن یکی دنیا دیمترکی افندی یی بالتعین نزد عاجزی یه
کوندرمکه سوق ایتشدی .

افندی مومی ایله ایلهده برقاچ کون تدقیق ماده اولنهرق پطریقخانهک ببرات
عالیشان حائر اولدینی امتیازات خارجنده برشی پایله میه جنی لدی التفهیم اوزمینده
حاصل اولان ائتلاف اوزرینه کلیسالر آچیلوب دغدغه برطرف ایدلمشدر .



خاطرانک ۱۵۲ نجی صیغه سنده کوریلان (دفعه رابعه صدارتمه مصادف
وقایعدن بریده روسیه نک باطوم لیمانی عسکری لیمانی خانه وضعه قرار ویرمسی ایدی .
بونی استخبار ایتدیکم کبی برلین قونفره سنده باطوم لیمانی ایچون تعیین وتصریح
اولنان حاله مغایر اولان قرار مذکور علیه پترسبورغده کی سفیرمنزک شکایت
مسارعت ایتسنی و روسیه دولتی بوقرارده ثبات ایدرسه باب عالی دخی برلین
معاهده سیله کندیسنه تحمیل ایدیلان وظائفک بعضیسندن کندیسنی وارسته
طومتغه و دول متعاهده میه اعلان حال ایتمکه مجبور اوله جغنی علاوه ایتسنی خارجه
نظارتنه توصیه ایتدم . روسیه خارجه ناظرندن دولت متبوعه سی تصور واقعی
قطعاً ترک ایدلیدیکی جوابی آلدق . لکن برزمان صکره باطوم لیمانی صرف بر
عسکری لیمانی حاله قوننش اولدیغندن اولجه و بریلان تأمیناته متناقض اولان
شوحال نهدن نشأت ایتدی و باب عالیجه نه یاپلادی . حسب الانفصال نه آنی
نهده خلفم کامل پاشا ایله جواد پاشانک زمان صدارتلرنده اقضای شرقه عسکر

کوتورمک اوزره بوغازدن کچه جک روس سفان حربیه سنک مرورلری ایچون اختیار اولان موافقتک احکام عهدیه ایله صورت تألیفی بیله میورم . فقره لارینه کلنجه مشار ایله حضرتلرینک آوان معزولیتلرنده دخی بوش طور میوب اسلاف و اخلافک معاملات واجرا آتئی تدقیق و تفحص ایله تقصیرات آرامغه حصر اوقات و بو معاملات و اجرا آتک آزچوق تقدیره شایان نقطه لرندن صرف نظرله یالکیز قصور ظن ایتدیکی خصوصاتی ضبط و تحریر ایله صرهنه کوره توسیع دائرة تعریضات ایلک مسلکنی اختیار و زمان معزولیتده شاید اطلاعی میسر اولمیان مواد قالیسه آنلر حقددهه بالآخره مأموریتده اخذ و اکمال معلومات ایتدکاری محتویات خاطرات ایله مبرهن ایدوکنندن مذکور باطوم لیانی و روسیه سفان حربیه سی کیفیتلرینک اشکال حقیقه سندن تجاهل ایتلری عبدر .

کندیلرینک ده پک اعلا معلوملریدرکه روسیه نک باطوم لیانی عسکری لیانی حالنه وضعی قرارینک اعلانی بزدن زیاده انکلتزه دولتک حدتی موجب اوله رق وقوعبولان پروتستو اوزرینه بو وقعنهک برحاربه یه منجر اوله جفتی ظن و تخمین ایتدیره جک درجه ده شدتلی بر کرکینک حصوله کلشیدی . آنجق بو اغورده محاربه ایقاعی ناهنیکام اوله جفی ملاحظه سی انکلتزه دولتسجه تعدیل حدته باعث اوله رق مرور ایام ایله ایش پروتستو تحتنده قالمش و باب عالیجه ده حسب الحال دهها زیاده ایلرویه کیدیه مامشدر . بلکه اوزمان دخی سعید پاشا حضرتلری موقع اقتدارده بولنسه ایدی سابق کبی قرارینی کری آلمغه روسیه نی مجبور ایدردی .

پاشا حضرتلرینک روسیه سفان حربیه سی تعیر ایتدکاری کمیلر ایسه « فلوت وولونتر » دنیان بر روس قومانیاسنک واپورلریدرکه بونلرک حرب زمانده روسیه دونمسانه خدمت ایتلری مشروط اولمسيله عسکر و مهمات حربیه نقلیاتنده فولانیولرلر ایسه ده اوقات سائردهه یولجی وامتنه نقل ایدرک اکثریا اقصادی شرقه ایشلیان وطوپ و اسلحه مثللو تجهیزات و مهمات حربیه دن خالی اولان بو واپورلردن بعضیلرینک عسکر نقل ایتدکاری بالاستخبار بوغازلردن مرورینه باب عالیجه اعتراض اولدقدقه روسیه سفارتنک شکانی اوزرینه لدی التحقیق نقل اولنان افرادک البسه عادیه لابس و کلیاً سلاحسز اولدقلری ثبوت بولمسيله منع مرورلرینه عهداً مساغ کوریه مامشدر .

بو واپورلر اوتهدنبرو ایشله مکده اولدقلری کبی سعید پاشا حضرتلرینک هنکام

صدارتلرنده ده بلا مانع بوغازدن مرور ایتدکاری و حالاً دخی سائر قومپانیه لره اتباعا استانبول آجنته خانه کشادیه سیر وسفرده بولندقلری درکاردر .
حتی صکره لری حکومت سنیه بیه نقلیات عسکریه ایچون سائر قومپانیه لر دن فرقی اولیان مذکور « فلوت وولونتر » قومپانیاسندن واپور استکرا ایش اولدینی ایشیدلمشدر .

*
* *

حکومت سنیه ایله روم ایلی تیمور یوللری صاحب امتیازی موسیو هیرش بینتده کی معاملاتده متدائر اولوب خاطر انک (۱۷۷ - ۱۸۰) درت تحیفه سنی اشغال ایدن حکایات صره سنده سعید پاشا حضر تلی هیرشک خط التصاقی انشا ایچون سرد ایلدیکی شرائطی رد و بوندن ید مداخله سنی قطع ایده رک خط مذکور « قونتوارده سقونت » دن استقراض اولنان مبالغ ایله یاپدیرلمش ایکن انفصالندن و خط اکمال اولندقدن صکره زمان صدارت عاجزانه مده مالیه ناظری ذهنی پاشا ایله ایشلدیجی قومپانیه نک وکیللری بیننده منعقد بر مقاوله موجبجه خط التصاقکینه هیرشله رفقاسی اللرینه کجدیکی ، بو مقاوله وسیله سیله کیلو مترو باشته حکومته عائد سکر بیک فراتق حصه واردات بیک بشیوز فرانغه تنزیل و مقاوله نامه یه خلاف منافع دولت ده بعض ماده لر تذیل ایلدیکی ، مقاوله یاپلدقدن بر آرز صکره دولت مطلوبات سابقه سنی هیرشدن آراغه باشلایوب هیرش دخی استانبوله بالورود بدل صلح اولمق اوزره درت میامیون فراتقدن زیاده یاره ویرمک ایستمیوب بونک اوزرینه حسن فهمی باشانک تحت ریاستنده وکلای دعاویدن مرکب مجلسلر و مایین هایونده جودت و آلکساندر باشالارک تحت ریاستنده قومسیونر یاپیللمش ایسه ده هر نصلسه ایش ایلرویه کوتوریه مدیکی ، صکره لری ماده کندوسندن سؤال بیورلدیغنده او مقدار بدل صلح ایله ایشی بیترمک خزینه دولته مضر اولدینی یولنده جواب یازدینی ، بوکا منی حسن فهمی و ذهنی پاشالره بر قومیسسیونه کیرلیدیکی ، هیرشده بر قاچ دفعه سعید پاشانک دولتیخانه لرینه عزیمتله اتیانی نامجل بر چوق شیلر سویلیوب بالنتیجه بدل صلحی ایکی میلیون لیرایه ابلاغ ایلمسیله کندوسی (سعید پاشا) اون بش اون آلتی میلیون لیرا قدر آله حق دعواسنده بولندیغمز حالد بو بدل ایله حصول تراضی طرفین جائز اوله میه جغنی سویلیوب بالاخره تبلیغ اولنان اراده اوزرینه هیرشدن ایکی میلیون لیرایه موافقتی متضمن

آلدفی مکتوبی لاجل‌العرض باش کتابته کوندردیکی، الحاصل کندوسی (سعید پاشا) ایکی میلیون لیرایی آز کوردیکندن تزییدی رأینده مصر اولوب فقط هیرشك افاده خصوصیه و محرمانه‌سی صحیح ایسه باب عالیده و شوراده بوراده بر طاقم آدم‌لر کندوسندن جر نقود ارزوسنه دوشمشلر و کندوسیده بوکی شیلردن بیقشمش اولدیغندن ایشی بیتر مکسزین قالقوب کیتدیکی، موخراً باب عالی مسئله‌ینی حکم واسطه‌سیله کوردیرمک طریقی اختیار و برلنده غناست نامنده بر ذاتی حکم انتخاب و امر مدافعه‌ینی بزم حقوق مشاورلرندن غابریل آفندینک همته تودیع ایلمسילה نتیجه دولته بر میلیون درت یوز بیک می بر میلیون بشیوز بیک لیرایی نه آلمشدر، مقدار صحیحی سعید پاشانک بیله مدیکی، موسیو غناستک اعلامنده خط التصاق اخیراً بیک بشیوز فرائق عائدات سنویه ایله ویرلامش اولسه هیرشك دها زیاده تأدیاته محکوم اولسی لازمکلیردی دنیلدیکی بیان، الحاصل زمان صدارت عاجزانه‌مده نافعہ نظارتیه ایشلدیجی قومپانیسه بیننده ۱۵ و ۲۷ شباط ۱۸۸۰ تاریخیه عقد اولنان مقاله نامه‌نک هر ماده‌سی دفته شایان بولندینی صورت التزامکارانه‌ده علاوه و اتیان قانمشدر.

بو مقاله نامه سر رشته‌سیله سعید پاشا حضر تلرینک اسنادات غیر محقه‌سنه بنهله برابر هدف اولان اعیان کرآمدن ذهنی پاشا حضر تلرینک « بیان حقیقت » نامنده کی رساله‌سی و مؤخراً بالمقابله غزته ایله نشرایتدیکی ایضاحات، رد اباطیله و سعید پاشانک کیدی زمانی معاملاتیه سوء استعمال شکننده بشقه‌لرینک حسابنه کچیرمکده کی مهارتی اعلامه کافی اولدیغندن ایضاحات مذکورده‌نک بورایه نقلیه بالا کتفا بالذات تفصیلاته کیریشمکی زائد کوردم.

بیان حقیقتدن (صحیفه ۲۰ الی ۳۱)

(سعید پاشا حضر تلری خاطراتک جلد اولنده (صحیفه ۱۷۶ - ۱۸۰) امور عمومیّه دولته عاقد خدمتلیری ذکر و تعداد بیوردقلمری صروده امور نافعهدن دخی بحث ایله روم‌ایی التصاق خطنک هیرشه یاپدیرلامسی ایچون صرفایتدکاری مساعی مشر اوله‌رق خط مذکور مرضیاری وجهله قوتتوازده سقوتندن اقراض اولنان مبالغله اکمال اولدقدن و کندیلاریده اتصال ایتدکدن صکره « کامل پاشانک زمان صدارتنده بر طرفدن مالیه ناظری ذهنی پاشا دیگر طرفدن ایشلدیجی قومپانیسه وکالت ایدن

آدمیر بینده ۱۵ شباط سنه ۱۸۸۶ تاریخلو بر مقاوله عقد اولنه‌رق خط التصاقینه هیرسنله رفقاسی انله‌کچدی ؛ شویله‌که: یوزده یدی فائض بر رأس المال اقیچه‌سیله حکومت یکریمی اوچ میلیون فرانق استقراض ایدهرک بر طاقم شرائط و تعهدات جدیده تحتہ کیرمشدر . حالبوکه مذکور یکریمی اوچ میلیون فرانق ذاتاً حکومتہ عائد و پارس و فلمنک بانقہ‌لرینه مودوع امانت اقیچه‌سی ایدی ؛ تعبیر آخرله قومپانیہ بزم پاره‌مزی صورت اقراضده بزه ویرمش یعنی کندیبی مدیون ایکن دائن صفتی آلمشدر ؛ بوندن فضله اقراض وسیله‌سیله کیلو مترو باشنه حکومتہ عائد سسکز بیک فرانق حصہ واردات بیک بشیوز فرانقہ تنزیل ایدلمشدر ؛ نقایات عسکریہ اجر تنک تأخری تقدیرنده مقدما فائض ویرلمز ایکن استقراض مقاوله‌سنه کرک وقت حربده و کرک زمان حضرده و وقوعبوله‌حق نقایات عسکریہ ایچون فائض ویرلمی تعهد وادخال قلممشدر ؛ عموم خطوطک اکیال نقایصی عمایاتی ـ مقدما اوروپادن کتیریلان مہرہ مهندسین طرفلرندہ ـ بش میلیون لیرایہ متوقف اولدیغندہ حکم اولنش ایکن اخیراً بو خصوصده حکومتک استقالی فن قومیسونیہ شرکت طرفدن دخی اعضا تعیننه موافقت اولنمسیله تحدید اولدیغندن شرکت پک آز آقیچه صرف ایدرک بولک حقیلہ تعمیری تعہندن قورلمشدر ، حتی استقراض مقاوله‌سنک یدنجی مادہ‌سندہ عملیات ناقصہ‌نک مصارف اکمالیہ‌سی نہایت اون میلیون بشیوز بیک فرانسمز آلتونی درجہ‌سندہ اوله‌جقنہ دائر بر مادہ صوقوشدیرلمشدر » بیوریورلر

ذکر اولنان مقاوله نامہ‌عدلیہ مستشاری و اخان افندی ایله‌دیگر بعض حقوقشایان معرفتیلہ تنظیم اولنه‌رق مجلس وکلاجه بالندا کره قبول ایدلمسی اوزرینه مالیه ناظری صفتیلہ طرفندن اصولاً امضا اولنمسنہ منبی وظیفہ نظارتہ تعلق ایدن اقسامی حقندہ ایضاحات ویرہ‌جکم :

اولا شونی بیلیمک لازمدرکه بو استقراضک زمان عقدندہ اوروپادہ‌کی فائض مقدارینه و دولت علیہ‌جه اوندن اول و صوکره یاہش اولان استقراضات فائضلرینه نسبتلہ یوزده یدی فائض شایان استکثار دکلدی . بر سطر آشایندہ‌کی « استقراض اولنان یکریمی اوچ میلیون فرانقک ذاتاً حکومتہ عائد و پارس و فلمنک بانقہ‌لرینه مودوع امانت آقیچه‌سی اولدینی و قومپانیہ‌نک بزم پاره‌مزی صورت اقراضده بزه ویرمش یعنی مدیون ایکن دائن صفتی آلمش بولدینی » ادعایی ایسہ حقیقتک سادہ‌جه بر تاویل عریبیدر چونکہ اولا : انشا آت شرکتک ـ قبول قطعی اجر

ایدلېکې زمان کورېله جک نواقصی اکال ایدم جکی حقنده کی - تعهدانک ایفاسی
ایچون بانقه یه تودیع و سعید پاشانک حکومته عا ند ظن ایدلېکې یکر می بش میلیون
فرائنک سکز بچق میلیونی بر خیلی زمان اول شرکتی اعاده ایدلمش وبقیمه سنک
مقدار حقیقیسی تحویلات مرهوننک تدنی قیمتندن طولای اون بر بچق میلیون
فرائقه تنزل ایش ایدی. ثانیاً : بواره انشا آت شرکتک مالی اولوب بانقه یه قونولمش
بولنمی شرکتک ایضای تعهد ایدم جکی حقنده بر تأمین یعنی برنوع رهن حکمنده
ایدی . بو درلو تأمیناتی ایضای تعهد مدتیجه صاحبی ده کیف مایشاء تصرف
ایده مزسده اساساً صاحب اولیان عاقد دیگرک کندینه مال ایدینه رک تصرفه قیام
ایلسی هیچ بر زمان قابل دکلدر . بناءً علیه قومپانیه بزم پاره مزی صورت اقراضده
بزه و بردی دیمک بروجهله طوغری اوله مز . حقیقت ایسه چوق ساددر . قبول
قطعی زماننده نواقصنی اکال ایدم جکنی دیو و زیتو وضعیله تأمین ایتمش اولان
شرکت رهنی دیکشدریمک ایسته یور و دییورکه (استقراض مقاوله نامه سی ماده ۶)
« ایشلدیجی قومپانیه اشبو ماده موجبنه درعهده ایدلېکې تعهدک (اکال نواقص
تعهدی) ایفاسی حکومت سنییه قارشی تأمین اولدیغنی مبین اولوق اوزره زیرده
محرر اوچ بانقه دن یعنی ویاننده کی (وینر بانق فراین) ویا (انفلو اوتریشیان)
ویا خود پارسده کی (بانق دوپاری نه ده پی با) نام بانقه لردن هانکیسنی انتخاب ایدم جک
اولور ایسه آنک طرفندن حکومت سنییه نامه سفارت مشار الیه یه (پارس سفارت
سنیه نه) بر بیاننامه ویره جکلدر . ماراللیان کفالت تعهد نامه سنک نمونه سی اشبو
مقاوله یه ربط اولنمشدر . »

ارتق دوشونیه جک نقطه رهن جدیدک رهن قدیم درجه سننده حکم وقوتی
حائز اولوب اولدیغیدر . بونده ایسه شبه اولیوب هله نواقصک بالا کال شرکتیجه
ایضای تعهد ایدلمش بولنمی سلامت معامله یه دلیل فعلیدر . شمدی فرضاً تأمینات
تبدیل ایدلماش اولسه ایدی شرکت ایضای تعهد ایتدکن صکره بانقه یه اولجه
تودیع ایتمش اولدیغی و سعید پاشانک « بزم پاره مز » دیدیکی اقچه کیمه رجعت
ایدم جک ایدی ؟ البته شرکتی .

بو تون اعمالانده آلمان دیو و زیتو اقچه لری اکال اعمالاندن صکره متعهده
رجوع ایتزمی ؟ ارتق بو قدر واضح برشیئی دها زیاده ایضاحه چالیشمق بیهوده
اولور ، ظن ایدرم .

نقلیات عسکریه اجرتنك تأخری تقدیرنده مقدما فائض ویرلمز ایکن استقراض
مقاوله نامه‌سنده فائض اعطاسی تعهد ایدلیدیکی سعید پاشا حضرتلری طرفدن
بیان بیوریلیمورسده فائضك نه قید و شرط ایله قبول ایدلایکندن وخصوصه
بوکا دائر اولان ماده‌نك فقره اولاسندن بوتون بوتون اغماض ایدلشدیر . بوخصوصه
عائد مقاوله نامه ماده‌سی ده عیناً شو وجهله در :

« بشنچی ماده — اشبو مقاوله نامه‌نك امضا ایدلیدیکی کوندن اعتباراً کرک
وقت حربده وکرک زمان حضرده وقوعبوله‌جق نقلیات عسکریه ۱۸ مایس سنه
۱۸۷۲ تاریخی شرطنامه‌ده کی تعرفه اجوراتنك نصفی یرینه ثلثی ایله اجرا
ایدیله‌جکدر . بری و بحری ضابطان و نفراتنك تعرفه‌لرک تزیلندن استفاده ایچون
مأموراً سیاحت ایدلکلرینی مصدق بریول تذکره‌سی ابراز ایلمری لازم‌کله‌جکدر .
قومپانیه نقلیات مذکورہنی اجوراتی بعده تسویه اولنق اوزره مقام سائی
سر عسکریدن ویا مقام مشار الہجه حائر ماذونیت مأمورین طرفلرندن تسلیم
اوله‌جق مضبوطلر مقابلنده اجرا ایلمکی تعهد ایدر . نقلیات مذکورہ‌نك تسویه
اجوراتی بروجه زیر اجرا ایدیله‌جکدر . شوبله‌که : آوانسك برنجی ماده‌ده
تعین اولندینی وجهله فائض ورأس المال اچقه‌سی بعدالاستیفا ماده سابقه حکمنجه
الحالہ هذه ایشلمکده بولان خطوطک حاصلاتندن حکومت سنییه عائد بولنه‌جق
مبالغ متبایقہدن ایجاب ایدن مقدار نقلیات مذکورہ بدلاتنك تمامی تسویه‌سنه
تخصیص ایدیله‌جکدر . شاید مارالیان مبلغ متبایق بر سنه طرفنده اجرا اولنان
نقلیات بدلتنك تمامی تسویه‌سنه کفایت ایتمه‌جک اولور ایسه نقصانی سالف الذکر
نقلیاتہ متفرع حساب سنوبنك حین تقدیمنده اکمال ایتمکی خزینہ جلیله تعهد ایدر
واکال ایتدیکی تقدیرده مبالغ متأخره حساب مذکورک يوم تقدیمندن اعتباراً
سنوی یوزده یدی حسابیله فائض کتوردجک و سنین آتیہ بقیہ حاصلاتندن
واجب الادا اوله‌جقدر . »

کرچه بوماده‌یه کوره نقلیات عسکریه اجوراتی برسندن زیاده تأخر ایدر ایسه
اندن صکره‌سی ایچون سنوی یوزده یدی فائضه تابع اوله‌جقدر . فقط عین ماده‌ده
بالعموم نقلیات عسکریه اجوراتی نصفندن ثلثه یعنی یوزده اون یدی درجه‌سنده
تزیل ایدیلیمورکه خزینہ دولت ایچون جدی بر منفعت اولدینی بدیهیدر : بالفرض
یر سنه اجرتی سنه نہایتنه قدر تأدیله‌ایدیله‌میه‌رک آندن صوکره بر سنه ده‌ها تأخر

ایدوب بوصورتله برسنهك فائضى وىرك لازملكسه بيله اوسنه ايچون وىريله جك فائضك عموم اجورانك تزيلندن حاصل اولان استفاده قارشوسنده اهميتى جزئيدر. بوندن صكرهده عموم خطوطك اكمال نواقصى بش ميلون ايريه متوقف ايكن استقراض مقاوله نامه سنك يدنجى ماده سنه مصارف اكاليه نك اون برحقى ميلون فرائق اوله جفته دائر بر ماده صوقوشديرلد يغندن بحث بيوريامور .

سعيد پاشا حضرتلى بوندهده بعينه نقيات عسكريه اجوراته عائد مادهده اولدينى كى مقاوله نامه موادىك بر قسمندن انحصار ايتك طريقتى اختيار بيورمشلردر. واقعا آنتيجى مادهده : « بوكا (يعنى ديپوزيتونك اعاده سنه) مقابل ايشلديجى قومپانيه انشاءات شركتى معرفيله ياپش اولان خطوطك انشاءات شرطنامه سنه و حكومت سنيهجه مصدق خريظه و رسملره موافق بر حاله افراغى ايچون طرفندن ايكيشر ذات انتخاب اولنق اوزره درت اعضادن مركب بر فن قوميسونى جانبدن لزومى بيان اوله جق اكمال نقايص عملياتى اون ميلون بش يوز بيك فرانكه قدر اجرا ايتكى ويا ايتديرمكى حكومت سنيهجه قارشو تعهد ايدر تساوى آراوقوعنده مذكور قوميسون اعضاسى جانبدن اهل و مراتب عليا احساندن بيغرض بر ذات اوچنچى حكم صفتيله تعيين اوله جق و آنك ويره جكى قرار طرفين ايچون مجبورى اوله جق و قومپانيه طرفندن موقع اجرايه قونيله جقدر» قيد تحيديسى وارسهده يدنجى مادهده : « بالاده محرر قوميسونك اكمال نقايص عملياتى حقهده كى تحميناى اون ميلون بش يوزيك فرائق تجاوزايدة جك اولور ايسه ايشلديجى قومپانيه عمليات مذكوره نى برصورت غير محدودهده اوله رق هر نه مقداره بالغ اولور ايسه اولسون اجرا ايتكى تعهد ايدر . » و سكرنجى مادهده : « اكمال نقايص عملياته دائر التجبى ويدنجى ماده لرده محرر اولان تعهداتدن بشقه ايشلديجى قومپانيه ايشاتديكى خطارك ويانهده منعقد حكومات اربعه قونفرانسى معرفيله ۹ ميس سنه ۱۸۸۳ تاريخنده تنظيم قانمش اولان مقاوله نامه موجبنجه قرار - لشديرلان احكام قيهيه موافق بر حاله ايشا وياخورد عندالحاجه اويله بر حاله افراغ ايتكى و بونك ايچون حكومت سنيهده نى بر كونا تاديات ويا تضمينات طلب ايتماكى درعهده ايدر . » دنيلهرك ايشلديجى قومپانيه اكمال نواقص ايچون صورت غير محدودهده قبول مسؤليت ايش و ويانه قونفرانسى مقرراتك اجراى احكامى ده صريحاً و قطعياً درعهده ايتشد .

ایشته صراحةً ا کلاشیلور که شرکت بو مقاوله ایله سعید پاشا حضرتلرینک ادعاسی کی « یولک حقیله تعمیری تعهدندن قورتلش » دکلدر . بوراده برده کویا تعیین نواقص ایچون تشکیل اولنه‌جق فن قومسیونه شرکت طرفندن دخی اعضا تعییننه موافقت اولنسی حکومتک استقلالنی تحدید ایتدیکی ادعا ایدیلور . حالبوکه طرف دولندن هر نه صورتله اولور ایسه اولسون تعیین و ارايه اولنه‌جق نواقصه شرکت طرفندن قبول ویا اعتراضی متضمن جواب اعطاسی حق هیچ برزمان شرکتندن نزع ایدیله‌مز . شرکتک صکره‌دن بویله بر جواب ویرمسیله ایشک انسای تدقیقنده نقاط نظرینی سولسی آره‌سندله استقلال دولتی تحدید ایدمکک بر فرق اولوب اولدیغنی ارباب عقول تمیز ایدر بو مقاوله‌نامه‌ک بوکا دائر اولان فقره‌سی بالاده عیناً مندرجدر .

سعید پاشا حضرتلرینک دولته عائد حصه واردات بخشیده « استقراض مقاوله - نامه‌سی وسیله‌سیله کیلو مترو باشنه حکومتک عائد سکزیبک فرائق حصه واردات بیک بشیوز فرائقه تنزیل اولمشدر . » قولی ایسه مشار الیهک کندی حقنده ینه کندی طرفندن مؤاخذه دیمک اولویور ؛ چونکه : تنزیل عائدات مشار الیهک زمان صدارتنده ، هنوز صدارت مستشارلغنده بولندیغم صروده ، تنظیم و کندی مهریله تحیم ایدلمش واراده سینه‌یه اقران ایتمش اولان ۱۸ رجب سنه ۳۰۹ و ۱ مایس سنه ۳۰۰ تاریخلی مجلس وکلا مضبطه‌سیله قبول اولنش ، بو مضبطه ایسه باب عالیجه هیرش ایله بالمخابره حاصل اولان ائتلاف اوزرینه تنظیم ایدلمشدر . مضبطه‌ک بوخصوصه دائر فقره‌سی عبارت‌ها شودر :

« موجود مقاوله‌ک اوچنجی ماده‌سندله ایشلدیجی شرکتک مستأجرلری بولمادیغنی خطوطک تعیین اولنان مدت موقتک حتامندن بر سنه صوکره بهر کیلو متروسی ایچون سکزیبک فرائق تأدیه اولنه‌جق محرر اولوب شرکت اشبو بدل ایجارک تأدیه‌سی بعض شرائطه معلق اولدیغنی و شرائط مذکوره موقع اجراه قولنامق مناسبتیه مبلغ مذبوری ایضیه مجبور اولمادیغنی درمیان ایدهرک شمده‌یه دکن بر آقچه آله‌مامسیله کچن مدت بدل ایجاری دعاوی ماضیه عدادینه کیرمش ایسه‌ده بعد ازن ایشلیه‌ک بدل ایجارک تعیین و استیفاسی خصوصک دخی دعاوی ماضیه حقنده ویریه‌ک قرازه تعلیق بر مدت ده‌ها شرکتک مستفید و حکومت سندکک متضرر اولمنی انتاج ایدمکک جهته یالکیز کچن مدت معاملاتی بشقه‌جه یاصلاً

و یا خود حکماً تسویه اولمق اوزره بوندن بویله کی مدت حاصلاتندن حکومت سنیه جه دخی انتفاع واستفاده ایدلمسی خیرلو کورینوب بدل مذکورک تعیین مقداری ایچون بر مقیاس آراندقدن تیمور یوللرک حاصلات عمومیّه غیر صافیسی محاربه زائله مدتی مستمماً اولمق اوزره شمده یه دکن کیلو مترو باشنه حد متوسط اوله رق اون بیک فرانقه بیله بالغ اولمده یی نافعہ نظارتی محاسبه سنده کی قیوددن تبین ایتدیکی نافعہ نظارتندن بیان اولنمسینه حکومت سنیه ایچون حاصلاتدن بر حصّه مناسبه افزاز و اعطاسی لازمکلمسته بناءً مقاوله جدیدنک تاریخ تعاطیسنندن اعتباراً حاصلات عمومیّه غیر صافیه سندن کیلو مترو باشنه حد متوسط اوله رق شرکت ایچون سنوی یدی بیک فرانقه مساوی بر مبلغ افزاز اولندقدن صوکر باقیسنک یوزده الی بشی شرکتیه و قرق بشی بهر سنه ختامنده بدل ایجار اوله رق حکومت سنیه یه عائد اولمقله برابر حاصلات واقعه هر نه مقدار بالغ اولور ایسه اولسون کیلو مترو باشنه سنوی هر حالده و اقل مقدار اولمق اوزره بیک بش یوز فرائقک حکومت سنیه یه تأدیه ایدلمسی و حسابات قطعیته نک سنه ختامندن اعتباراً اوچ ماه مدت ایچنده اعطا اولنمی قرارلش دیر یله رق مقاوله جدیدنک ایکنجی ماده سی بو قراره کوره تنظیم ایدلمشدر .

یابیلان معامله استقرضیه دائر اولوب کامل پاشا حضرتلری صدارتندن تنظیم اولنان ۱۳ ربیع الاول سنه ۳۰۳ و ۸ کانون اول سنه ۳۰۱ تاریخی مجلس وکلا مضبطه سنده یه سعید پاشا حضرتلرینک زمان صدارت لرنده اتخاذ بیورلمش قراره بنای معامله ایدلمشدر که ذکر اولنان مضبطه نک بر فقره سنده : « قومپانیته نک تقسیم حاصلات بختنده شرائط معروضه دن بشقه بر صورت تسویه یه امالیه سی قابل اوله مدیفی کی اشبو صورت تقسیمک اساسی مجلس عاجزانه مزک تحت اراده سنیّه ملوکانه ده بولنان قرارینه موافق اولوب » دینش و ایشته تحت اراده سنیّه ده بولنان قراره که حاصلات صافیته نک الی بش ، قرق بش نسبتنده تقسیمی و حکومت حصه سنک اقلی بیک بشیوز فرائق اعتبار ایدلمشدر - مشارالیه سعید پاشا حضرتلرینک زمان صدارت لرنده کی مجلس وکلا مضبطه سنک جهله مند جاتندن بولنمشدر . مع مافیّه الیوم حاصلاتک یوزده قرق بشی حسابیه بیک بشیوز فرائق یرینه کیلو مترو باشنه آتی یدی بیک فرائق آلمقده در .

خاطراتده بوسط لرلی متعاقب موضوع بحث اولان هیر شده کی مطلوبات سابقه

مسئله‌سنة عائد مذاکرات باب عالی ایله هیرش بیننده جریان ایدرک بالآخره حکمه بیتلش اولمسندن طولانی سعیدپاشا حضرتلری بالطبع اساس حقننده برشی دیمیه‌رک فقط حکمک بر میلیون دوت ویا بشیوز بیک لیرا حکم ایتمسی استصغار ایله بو مقدارک آزلغنه استقراض مقاوله‌نامه‌سنة سبب اولدیغنی اتیان ایندیور. شاید بو ادعا موافق حقیقت ایسه مسئولیتی استقراض مقاوله‌نامه‌سنة دکل بیک بشیوز فرانک قبولی قرارینی متضمن اولوب بر فقره‌سی بالایه درج ایدیلان وسعیدپاشا حضرتلرینک زمان صدارت‌لرینه عائد اولان ۱۸ رجب سنة ۳۰۱ تاریخلی وکلا مضبطه‌سنة راجعدر .

استقراض مقاوله‌نامه‌سنة بالآخره حکم واسطه‌سیله حل اولنان مطلوبات ماضیه مسئله‌سنة تعلق ایده‌میه‌جکی مذکور مقاوله‌نامه‌نک بروجه آتی صراحتی حائر اولان طقوزنجی ماده‌سیله ثابتدر :

طوزنجی ماده — طرفین عاقدین بیننده بر طاقم مطالب و اختلاف موجود اولدیغنه مبنی اشبو مقاوله‌نامه‌نک کاملاً محافظه اولنان و قریباً بتکرار مذکرانه کیریشه‌جک هیئت حکمیه معرفتیه تسویه‌سی مقرر اولان مطالب و اختلافات مبحوویه اصلاً ایراث خلل ایتیه‌جکی قطعاً بیان اولنور. شو قید صریح احترازی ایله‌که اشبو مقاوله‌نامه‌دن مقدمکی مدت ایچون طرفینک حال و موقعی بلا تغییر باقی اوله‌جقدر .

خاطراتک جلد نایسنده ینه بو بحثه عائد اولان سطرلر (حیفه ۶۵) اولکی سوزلری شکل دیکرده اجمالاً تکراردن عبارت اولمسیله مستغنی تذکارددر .

ذهنی پاشانک صباح غزیه‌سیله نشر ایلدیکی مدافعه‌سندن :

(« سعیدپاشا حضرتلری بوندن صکره روم ایلی شمندوفرلرینه نقل وکلا ایله کندوسنک زمان صدارت‌نده یازلمش اولان مضطبه «کامل پاشا زماننده یاپیلان استقراض مقاوله‌نامه‌سنة اصلاً مدار استناد اولدمز. زیرا ذهنی پاشانک احتجاج ایتک ایسته‌دیکي قرار هیرشک او وقته قدر یول یایمقده حق رجحانی حائر بولند. یغندن نشأت ایتمش ایدی. مؤخرأ باب عالینک تمینات و تضیقاتی اثر خصوصی اولق اوزره هیرشک حق رجحانی قانوناً ساقط اولنجه قرارسابقک حکمنی منفسخ اولمشیدی» دیورلر. موضوع بحث اولنان مضطبه‌نک حکومتله شرکت بیننده تقسیم

عوادۀ تعلق ایدن فقر دسی بیان حقیقته عیناً مندر جر. بونک وسعید پاشانک بودفعه غزته ایله نشر ایتدیکی و نائیک و طالعہ سی ادعای طرفین حقندہ حکم قطعی اعطاسنہ کفایت ایدر . او جہتلہ سادہ جہ بر اجمال ایله اکتفا ایدہ حکم : سعید پاشا حضرت تلیزینک زمان صدارتندہ ہیرشدہ کی مطلوبات عتیقہ آیرجہ تعقیب اولفق اوزرہ بعدما حاصلانک دولتہ شرکت بیندہ صورت تسویہ سی اسباب موجبہ سردیلہ مجلس وکلا جہ قرارلشدیرلش و ارادہ سنیہ ایله کسب قطعیت ایدن ۱۸ رجب سنہ ۳۰۱ تاریخی مضبطہ تنظیم اولمشدر . صکرہ مشار لہ سعید پاشا ہیرشک خط التصاق انشایہ رغبتی کورہرک بوندن بالاستفادہ تقسیم حاصلات بخشندہ دولتہ دہا نافع بر صورت اخرایہ دسترس اولق یاخود بو تقسیم حاصلات خصوصندہ ہیرش ایله ائتلاف ایتہرک خط التصاق انشاسنی دہا زیادہ شایان امنیت کوردیکی طالبلرہ احالہ ایدہ بیلیمک ایچون خط التصاق حقندہ کی مذاکراتہ تعلیقاً قرار متخذک اجراسنی تعویق بیورمشدر . خط التصاق دیکرینہ احالہ ایدیلہرک ہیرشہ منفعت دولتہ دہا موافق بر صورت تسویہ قبول ایتدیرہ بیلیمک امکانی قالمینجہ اولکی قراریلہ اتخاذ اولنان صورت تسویہ یاخود سعید پاشانک بو دفعہ صورتلرینی غزتہ ایله نشر ایتدیکی مضبطہ لردہ ایما اولنان « حکمہ وقوہ عدلیہ واسطہ سیلہ استحصال اسباب تأمینہ یہ » مراجعت چارہ سی قالیور . اگر ایکنجی صورت مادہ قابل اجرا و دہا زیادہ موجب منفعت کورونسہ ایدی ۱۸ رجب سنہ ۳۰۱ تاریخی مضبطہ دہ تقرر ایدن صورت تسویہ قبول ایتک یرینہ او زمان سعید پاشانک ریاستندہ کی مجلس وکلا جہ بو جہت اختیار اولنور و ہلہ مارالذکر مضبطہ لردہ تکرار اولنان « قوہ عدلیہ واسطہ سیلہ استحصال اسباب تأمینہ » کیفیتی بالفعل سعید پاشا طرفندن اجرا ایدیلور ایدی . ایشتہ ہیئت لاحقہ شو حال و موقعہ بولنہرق ہیئت سابقہ جہدہ تصویب ایدلش اولان بر قراری اتخاذ ایتمشدر . مادامکہ بو قرار اولا سعید پاشا ہیئت طرفندن منفعت دولتہ موافق اولدیفی بیان و اسباب موجبہ سی اتیان اولنہرق تصویب اولمشدر ، خاطر اتدہ کی تنقیداتہ مستحق اولہ من . شاید مستحق ایسہ اصل مسئولیت دہا ایوسنی بولہ میہرق بو طریقہ مراجعت ایدن ہیئت وکلادن زیادہ دہا ایوسی موجود ایکن بویولی کشاد ایدن ہیئتہ ترتب ایتک لازمکلور . چونکہ سعید پاشا مضبطہ سندنہ « شرکت اشبو بدل ایجارک تأدیہ سی بعض شرائطہ معلق اولدیفی

و شرائط مذکوره موقع اجرایه قوانین مناسبیه مبلغ مزبوری ایفایه مجبور اولدیغنی درمیان ایدرک شمده دکن بر آچه آله مامسیله کچن مدت بدل ایجاری دعاوی ماضیه عدادینه کیرمش ایسه ده بعد ازیں ایشلیه جک بدل ایجبارک تعیین استیفاسی خصوصنک دخی دعاوی ماضیه حقنده ویریه جک قراره تعلیق بر مدت دهها شرکتک مستفد و حکومت سینه نک متضرر اولسنی انتاج ایده جکی جهته یالکز کچن مدت معاملاتیه بشقه جه یا صلحاً، یا حکماً تسویه اولنق اوزره بوندن بویه کی مدت حاصلاتندن حکومت سینه جه دخی انتفاع و استفاده ایدلسی خیرلو کورونوب « دینلدیکی کبی هیئت لاحقه مضبطه سنده ده « قومپانیه نک تقسیم حاصلات بختنده شرائط معروضه دن بشقه بر صورت تسویه اماله سی قابل اوله مدینگی کبی اشو صورت تقسیمک اساسی مجلس عاجزانه مزک تحت اراده سینه ملوکانه ده بولان قرارینه موافق اولوب « فقره سی عیناً موجوددر .

بیان حقیقتده مسئله یی بو صورته تصویر ایتیم . کوریلور که مشارالیهک صورتلرینی نشره لزوم کوردیکی اوزون اوزون مضبطه لر نتیجه محاکمینی تغیر ایتک ماهیتده دکلدر . بوندن صکره مالیه ناظری صفیه وضع امضا ایتدیکم استقراض مقاوله نامه سنه - که حقیقت حالده یالکز بونک شرائطی مدافعه بکا عاندر . - خاطراته سرد اولان اعتراضاته بیان حقیقتله ویریلان جوابلره قارشو سعیدپاشانک غزته ده مندرج مقاله لرده مصلحت اعتباریه خاطرات افاده سی قدردنه قوت یوقدر . قارئین کرامک بیان حقیقتی مطالعه ایتملرینی کافی کوریرم .

.*

دولتک هیرشده که مطلوبات سابقه سی بختنه نقل مقال اولتنجه هیرشک استانبوله ورودنده سعید پاشا حضرتلرینه بالمراجعه بدل صلحی ایکی میلیون لیریه ابلاغ ایلش اولدیغنه دأر پاشای مشارالیهک افاده سی هیرشک احوال و اطوارینی ییلنلرجه مستبعد کوزیلور .

هیرشک بوبابده کی فرانسزجه مکتوبنک صورتی اوراق متممیه اضافه بیورلدیغنی جمله افادادن ایسه ده خاطرانک شمده یه قدر انتشار ایدن نسخه لرده اولیه بر صورته تصادف اولنه مامشدر . بلکه بعد ازیں نشر بیوریلور . دولت علیه جه هر هانگی بر مسئله اولور ایسه اولسون زمان حدوشنده قطعاً

حلی چاره سینه با قلمیوب بیسود تشبّهات و استحصال و تطبیقی غیر قابل مطالب و تصورات ایله تعلیق و تعویق ایدلش ایسه نتیجه سی خیرلو حقیقیدینی مجربا تندن یولنسیله مدت صدارتمده هیرش ایشنک دخی بر تسویه قطعییه ایصالنی مناسب کورمش و بناءً علی ذلک درلنک مومی الیمده اولان حقوقنی و آنک تضمینات ادعاسنی بعدالتدقیق میانه ده کی حساباتک رؤیتی ضمنتده اوروپاده بولنان هیرشک در سعاده کلسنی تکلیف ایلش ایدم .

هیرش استانبوله کلیر ایسه ده عودت ایده جک اولدیغنه ممانعت اولنماسی شرطنی در میان ایدوب بوکاده موافقت اولنمغه مومی الیه استانبوله کلوب بابعالیده مالیه محاسبه جیلرندن و اصحاب و قوفدن بری و بابعالی حقوق مشاورلرندن غابریه ل افندی حاضر اولدقلری حالده کندوسیله بالاجتماع طرفینک حسابلری اورته نه قونیه رق آنک و زرم هر قلمدن نه مقدار مطلوبمز بولندیغنی قرارلشد برلدجقه هیرش کیدوب لیلاً آووقانیله حسابلری طوپلایوب مطلوبات دولنک اهمیتی آ کلا بجه فرداسی کونی کلدیکنده سوزندن دونه رک و تکرار بالندا کره نه اراً حاصل اولان موافقتدن لیلاً نکول ایدرک و هر کون ساعت لرجه صرف ایدیلان مساعی به رعماً اتفاق قابل اوله میه جنی آ کلا شلمسی اوزرینه هیرش حکمه دعوت اولنش و حسب المقاوله کندیسه ده بوکا راضی اولنش ایدی .

استطراد

سعید پاشا حصر تلرینک اوزمان رقبای عشریه بو عاجزک دخی انضا - مندن طولانی تسهیل موفقیتی آرزو ایتسه لر بیله (خاطر اتک ۱۷۹ نجی صحیفه سه مراجعت) حق بیت المال مال یتیم اولدیغنه دائر مجله ده مندرج ماده نک حکمنه رعایه اولسون هیرشک ایکی میلیون لیرا بدل صلحه رضاسنی مین کندولرینه کوندر دیکنی تخطیر بیوردقلری مکتوبی مابین هایون باش کتابتنه ارسال ایله اکتفا ایده جکی یرده کیفیتنی هیت و کلا یه و هیچ دکلسه برلکده قومیسونه کیردیکنی ذاتلره اخباره عنایت بیورسه لر بیت الماله کرچکدن خدمت ایتش اوله جقلری درکار ایکن بونی دریغ ایتلمی نه یه حمل اولنمیدر بیلنه مز .

حق بیت المال مال یتیم اولدیغنه دائر مجله جلیله ده مندرج ماده نک اتیان سیله سیله خاطره کلان احوال دن علی طریق الاستطراد بحث اولنسنه مساعده بیورلسون .

سعید پاشا حضرتلری خاطر اتلرینک یکر می بشنجی صحیفه سنده حال واستقبال ایچون بر مثال صلاح و امنیت اولق اوزره وضع اولنان موازنه عمومیه قانونی موجبجه ۹۶ سمنه سی بودجه سی عموم معاشاتک تنسیقه نقطه توازنه بالتریب مصارف عادیه آچینی سکز یوز بیک لیرایه تنزیل ایدلیکنی و بو میانده غیر از تنسیح طقسان بیک غروش اولان صدارت معاشی یکر می بش بیک غروشه تنزیل اولنسندن قرق آلتی آیده یکر می طقوز بیک طقوز یوز لیرا مالیه خزینهنه و خزیننه خاصه دن کندیلرینه تخصیص اولنان بش یوز لیرا شهریه نک استیفاسنده عرض معذرت ایتکله مدت مأموریتلری اولان آتمشیدی آیده اوتوز اوچ بیک بشوز لیرادخی خزیننه خاصه یه ترک ایدلیکی و اوچ بچق سنه صکره قریحه پادشاهیدن وکلا معاشاتی تزید اولنوب صدارت معاشی ده تمش بش بیک غروشه چیقمسيله اسبقنه قیاساً ومن حیث المجموع ترک اولنان آقچه نک آتمش سکز بیک آلتی یوز یکر می بش لیرایه بالغ اولدیغی بیان بیورمشلردر . (۱)

فی الواقع کاغد اوزرنده جریان ایدن معامله اوله اولوب عموم معاشاتک تنسیجی صروده قوه جنودیه نک موجودی ده یوز بیک نفره تنزیل ایدلمشدی . تطبیقاده ایسه بو مقدارده دکل یوز اللی بیکه تنزیلی بيله ممکن اوله میوب قوه عسکریه دائماً ایکی یوز بیک نفره قریب بر راده ده قالمش ایدوکنندن عادی بودجه نک آچینی ایکی میلیون لیرادن آشانغی دوشمیوب فوق العاده سيله برابر اوچ بچق میلیون لیرادن زیاده ایدی .

حقیقت حالده بو تنسیقادتک زیاده مرکز ، باخصوص طشرده کی کوچک و حامیسز مأمورلر و طولاییسيله اداره دولت متضرر ورخنه دار اولمشدر . چونکه مارالذکر موازنه مالیه قانوننک آتمش بشنجی ، آتمش آلتنجی ، آتمش یدنجی مادهلری ایجابجه معاش تخصیص و تنقیصی و یا بر مأمور معاشنک بشقه جهته تحویلی و یکیدن مأموریت احدائی ، بر طاقم قیوده معلق الحاصل واردات

[۱] سعید پاشا حضرتلری صدارت معاشندن تنزیل اولنان مقدارک مقابلی دیگر صورته تحت تأمین آلوب او درجه فدا کارلق ایتدکاری مؤخرأ آکلاشلش ایدی . فی الواقع خزیننه خاصه دن کندیلرینه تخصیص بیوریلان بشیوز لیرانی معامله تحتنده قبض ايله بونک شیوعنه میدان وبرمکدن ایسه بو محضات بروجه تسبب صورت محرمانده حیب هایوندن صدر مشارالیه ایصال و حتی نومماشک اخیراً بیک لیرایه ابلاغ بیوردیغی مابین هایوندن ترشح ایدن اسرارنددر .

و مصارفات دولتک عندالموازنه تعین ایدہ جک مقدار صحیحہ کورہ ایکی میلیون لیرا فضلہ واردات اولدقہ معاشانجہ تعبدلات تکرر ایتیمہ جکی مصرح ایکن برمدت صکرہ ینہ سعید پاشا حضر تلرینک ہنکام صد رتندہ «خاطراتک ۱۸۴ نجی صحیفہ سنہ مراجعت» و بودجہ سنہ ایکی میلیون لیرادن فضلہ آچیق کوریلان بر سنہ صدرت ایلہ وکلا معاشلرینک ضمی حقندہ صادر اولان ارادہ سنہ «قریخہ شاہانہ دن» دینلہ رک کال شکران و امتنان ایلہ باتلقی ہیئت وکلادن معرض تشکرده بر مضبطہ دخی تقدیم قلمش و بوضورتلہ آچیلان چیغیر رفتہ رفتہ توسع ایدرک طرف و تقریبی بولان ہرکسک موقع حیثیتی فوقندہ معاشلر ، مأموریتلر استحصالہ مانع قالماشدر .

دیگر طرفدن یعنی طشرہ لردہ قائم مقام تلرک و مدیر لکلرک بعد مسافہ و اہمیت موقعہ نظر دقتہ آلمقسزین علی السویہ صنوفہ تقسیماً تخصیص اولنوب حالیلہ بر اقیلان معاشلرینک قاتی یوزندن بومہم خدمت لہ علی الاکثر اوصاف مطلوبہ احبابی رغبت کوسترمدیکندن بر طاقم نا اہل لک انتخاب و سوقی سبیلہ انواع حادثات غیر مرضیہ میدان آلمشدر .

ضم معاش ارادہ سنک در حال قبول و انفاذی پاشای مشارالہک «مثال صلاح و امنیتی» کندی ایلہ تملندن تخریب دیمک اولہ جفی و چیقماز بریولہ قپو آچہ جفی کندیلر نچہ شبہ سز مجزوم بولنق لازم کلیرکن سعید پاشا حضر تلری طرفندن مجلہ نک «حق بیت المال مال یتیم اولدینی» حقندہ کی مادہ سنی اووقت دریش ایلہ ارادہ صادرہ قارشى عادى براعتراض و یا اعتذارہ اولسون بولنماش اولملری مستلزم مراق و استیضاحدر .

*
* *

ہر نہ حال ایسہ طرفیندن تعین اولنان ایکیشر حکم تدقیق مواد ایلہ نتیجہ قرارلرندہ دولت حکملری بڑہ ہیرشک حکملری اکا حق ویرمشلر ایدیکہ ذاتاً حکملردن منتظر اولان نتیجہ دہ بوندن بشقہ برشی دکلدی . شو حالہ بشنجی بر حکم انتخابی لازم کلوب انحق ہیرش نتیجہ دعوادن امین اولمدیغندن ایشی اوزاتمندن ایسہ صلحاً بیتلر سنی بالتفکر کندوسنک دولتہ ہیچ ویرہ جکی اولمایوب بالعکس آلا جفی بولندینی ادعاسندن فارغ اولمقسزین مجرد خزینہ جلیلہ بہ بر خدمت مفتخرہ اولمق سوزیلہ بش میلیون فراتق ویرمکی تکلیف ایتشدی .

بومقدارک اصلاً قبول اولنه میه جنی جوابی اوزرینه هیرش عادتلی اوزره بازارلغه
 کیریشه رک برقاچ کون دها اوغراشدقدن صکره بش میلیون اون میلیونه چیارمغله
 برابر طرف عاجزیدن کوردیکی ثابتدن اورکوب اونه بری به حتی مابین هایونه
 مراجعت ایلدیکی صروده کندی امورنده مستخدم آنطوان آزاریان افدی برکون
 نزد عاجزی به ورود ایله هیرش باب عالینک تضییقاتندن پک صقیلوب اوصامش
 اولدیفندن شو ایشک مطلوبی وجهله نیجه نمنه هانکی واسطه ایله موفق اولور .
 ایسه اکابر مبلغ کلی تقدیمی کوزه آلدیرمش اولدیغی اسماع ایلسنه قارشو
 هیرشک بویولده موفق اوله میه جنی جوابیله انطوان افدی بی صاومش وشو
 افاده دن دعوا مزده پک حقلی اولدیغمزه برفات دها یقین حاصل ایتش ایدم .
 موسیو هیرش موافقت جوابی اله مدیفندن نهایت الامر صووک تکلیفی اولق
 اوزره بدل صلحی اون بش میلیون فرانغه ابلاغ ایتمکه برابر فرداسی کوئی پارسه عودت
 ایچون مساعده طلبنده بولنسیله مابین هایون باش کتایتندن النان تذکره خصوصیه ده
 هیرش حاضر استانبوله کلش ایکن ایشک بیتیرلیه رک عودتنه رخصت اعطاسیله
 کشا کشده براقلمسی موافق مصلحت اولدیفندن شوایشه بر آراؤل نهایت ویرلمسی
 مقتضای اراده سنیه دن بولدیغی تبلیغ قلمنسه بناء اوکون عقد اولنان مجلس وکلاده
 مذاکره کیجه به قدر دوام ایدرک رفقادن اکثری باخصوص سرعسکر علی صائب
 پاشا اون بش میلیون فرانق ایله ایشک بیتیرلمسی رأینده بولوب بن ایسه لاقول ایکی
 میلیون لیرا طلبنده مصر وهیرش دیگر اوطه ده منتظر ایکن علی صائب پاشا ایکی
 دفعه مجلسدن چقه رق هیرشی اقاعه وهیچ اولمازسه تکلیفی یکر می میلیون فرانقه
 ابلاغه کندنجه چالشمش ایسه ده حصول موافقت ممکن اولماسیله تکرار جریانیدن
 مذاکره اون بش میلیون فرانقندن زیاده به طمع ایله دعوائی پاره قوتیه کتد و طرفه
 جلب ایده بیله جکی برشنجی حکمک رأی وانصافنه براققدن ایسه تکلیف ایدی لان
 اون بش میلیون فرانقی قبول ایله ایسه ختام ویرلمسی بین الوکلات رجیح اولدیغی حالد
 یالکز ذهنی پاشا حضرتلی حکمه مراجعت رأینه اشتراک ایلدیکندن و چونکه
 هیرشدن صلاحاً هر نه آلنسه مقداری کیمسه به قناعت بخش اولیه جنی درکار ایدو کندن
 بورأیده ثبات ایله مصاحبتک بر حکمه ابتناسی تدبیر اسلم کوریلرک عتبه سنیه به او
 وجهله عرض کیفیتله هیرشک عزیمته رخصت ویرلمش واودخی فرداسی کوئی
 چیقوب کیتش ایدی .

بعده بشنچی حکمک انتخابنه شروع اوله رق استانبولده مناسب کورینان ایکی ذاتدن هر برینک انتخابنه موسیو هیرش برر بهانه سردیله موافقت کوسترمدیکندن لدی التفحص برلینده مهره علم حقوقدن محکمه استیناف رئیس موسیو غنایستک عقیف و ناموسکار بر ذات اولدینی تحقیق اولمغله بونک انتخابی هیرشه تکلیف اولندقدہ عدم قبولنه بر سبب کوسترهمیوب حصول موافقتی اوزرینه بالخبره مومی الیه موسیو غنایست طرفیندن حکم تعیین اولمش و دعوايه عائد اوراقی مومی الیه تسلیم و ایضاحات لازمه بی اعطا اتمک اوزره غابریل افندی برلینه کوندرلش ایدی .

موسیو غنایست دعوا بی بالتدقیق هیرشی تقریباً بر بقی میلیون لیرا اعطاسنه محکوم ایلش و هیرشده ناقابل استیناف اولان بو حکمه برشی دیهمیه رک همان مبلغ محکوم بی ویرمشددر .

بوصورتله اوتدنبیری حکومتجه قاله آلمسندن تحاشی اولنان دعوی شونتیجه به بالا یشال کرک رفقایه کرک پادشاهه قارشی مسئولیتدن قورتلش ایدم بونک اوزرینه خاقان سابق مرصع بر افتخار نشانی اعطاسیله بی تلطیف ایتدی . مذکور نشان اووقت جستمکان سلطان عبدالمجید خان حضرتلری زمانندن قالمه یالکیزا وچ قطعه دن عبارت اولوب اولجه برر قطعه سی بعدالحاربه غازی احمد مختاریاشا حضرتلریله غازی عثمان پاشا مرحومه ویرلش ایدی . اوچنجیسی بکا احسان اولنان بونشانک قطعه سی کوچک و قیمت مادیه سی دین اولسه ده ابتذالندن اول قدری بکیو اولوب هر حالده معنوی دگری هیرشک آنطوان آزاریان افندی و ساطییه بکاسماع ایتدیردیکی مبلغ کلیدن چوق زیاده در .

کرک ۱۸۸۰ تاریخی مقاله نامه یه و کرک هیرش مسئله سنه ، متعلق معاملات جاریه ذهنی پاشا حضرتلرینک ایضاحاتندن نقلاً و بالاده مجلاً بیان اولنان مرکزده اولوب بونلره سعید پاشا حضرتلرینک تصنیف ایلدکری حکایات موقع تطبیق و موازنه یه قونیلورسه مقاصد علیه لرینک جهت معطوفیتی نمایان اوله جنی بی اشتباهدر .

*
*
*

سعید پاشا خاطراتنک ۲۳۶: ۲۲۷: ۲۲۸ صحیفه لرنده بعض اخباراته عطفاً کویا قلبه وقعه سنک ظهوری عقبنده روم ایلی شرقیده بلغار عسکری کیتلی اولوب وقعه مذکورده بی برقاج مفسد هر کونا تهایت عسکریه و تداییر احتیاطیه دن خالی اوله ر ق

بقهٔ وجوده کتیر مش اولدقلری وقوهٔ عسکریه ايله ممانعت اولونسه ایدی مقاومت ایچون اصلاً قوتلری اولدیغی تحقیقات متنوعه ايله میدانه چیقدیغدن بعدالبحث اولدن بری دولتک سلاح التنده بونان قوهٔ عسکریه سی ۲۰۰,۰۰۰ راده سنده اولوب وقعه دن بر آز اولجه ايسه روم ایلینک احوالی ایجابجه احتیاط طابورلری موجودینک سکزر ویا طقوزر یوزه بالا بلاغ سلاح التنده عسکرک مقداری ایکی یوز بیکی تجاوز ایتدیکی وقله حادثه سی اناسنده قوهٔ مسلحه نك مقداری ایکی یوز بیك اولدیغنك مقام سرعسکریدن تکرار اولندیغی ذکر ایدملکه برابر مواقعه تقسیماتی معلوم دکل ایدیسده (قوهٔ موجودهٔ مشروحه نك قسم کلیسی روم ایلی ده بولندیرلور . ایمش . مع هذا قلبه وقوعاتی مذاکره اولنورکن ادرنه قول اردوسنک « قول اردونک مقداری اوتوز بش بیك اولمق لازم کلیر . ادرنه ده کی دوائر عسکریه دخی بومقداری کوسترر » روم ایلی شرقیه کفایتی محققیدر ؟ سؤالی ایراد اولنسی اوزرینه علی صائب پاشا آرنأؤدلق قطعه سنده کی قرق بیك عسکری ایجاب ایدرسه برهفته ایچنده دهده آغاچه چیقاروب سوق ایتمک و سر عسکر عثمان پاشا ايسه آرنأؤدلق عسکره احتیاجی سرد ايله لزومی تقدیرنده یکریمی درت ساعت ۱) ظرفنده ادرنه ردیف طابورلرینی تحت سلاحه آلمق قابلدردیدکلری ، بناءً علیه روم ایلی شرقیه در حال عسکر سوق اولمغله برابر بونی ایجاب ایدن احوالک دولتره بیلدیرلمسنه قرار ویرلدیکی) تمیق و مجلس وکلادن بو خصوص حقنده قلمه آلمان مضبطه نك صورتی دنیله رک برده صورت تزییل ایدلمشدر .

آلتی بحق صحیفه لک یر طوتان بومضبطه صورتنده ايسه یوقاریده بحث و بیان قلنان (تحقیقات متنوعه) کبی اويله روم ایلی شرقی هرکونا تهیات عسکریه و تداییر احتیاطیه دن خالی اولمق دکل ، ایالتک ملیس عسکر و پاشی بوزوقاریله بلغارستانک قوهٔ د'مه سندن بشقه ردیف فرقه سنک ده سلاح آلتیه جلب ایدلدیکی و تخریرات خارجیه کاتبنک ویردیکی ورقه یه نظراً سفرا ايله وقوعبولان ملاقاتنده روسیه الحیسنک بیان و حکایه اولنان افاداتنک خلاصه سی ایاستفانوس معاهده سنی یاپانلر برلین عهدنامه سنی تنظیم و امضا ایدنلردن زیاده احوال شرقیه واقف اولدقلری و شرقی روم ایلینک بلغارستاندن آیرلمق احتمالی اولمسیغی جهته اهلینک

۱) بونده یکریمی درت ساعت تعبیری آزکون ایچنده معناسنه قبول اولنور . بئوسه ادرنه و سلانیک ولایتلرینک بالجله قراسنده ساکن ردیف طابورلری افرادینی اويله یکریمی درت ساعتده تحت سلاحه آلمق ناقابل ایدوکی تعریفدن مستغیدر .

آرزوسنه مبنی پرنس فلبیه کیدرک ایش اولمش بیتمش حکمنده بولدیغی و دولت علیه بوکا سلاح ایله مداخله ایده جک اولورسه قارشوسنده یالکز روسیه دولتی دکل اسمنی سویلک ایستمدیکی بعض دولترک دخی کورینه جکی زمینده اولدیغی کبی اوستریا سفیری بویولده اداره لسان ایلدیکی حکایه و معلومات سائر علاوه اولنه رق شو حرکات عصیانیه دن طولای دولتره بیان شکایت یا خود حکومت سنیه جه تسکین عصیان ایله محافظه حقوق ایچون قوه عسکریه ره مراجعت اولنسی شقلری اوزرینه جریان ایدن مذاکرات نتیجه سنده بر طرفدن اسباب موجب سی دولتره تبلیغ اولنق اوزره همان عسکر سوقی تدبیرینک ترجیحده اتقاق آرا اولدیغی کوسترلشدر . نتیجه مذاکراتی متضمن مضبطه تقدیمی معناد ایهده فلبیه حادثه سی ایچون هیئت وکلایه مضبطه تنظیم و تقدیم اولنیموب خاطرات عاجزانه مده بیان اولدیغی وجهله قلمه آله جق مضبطه تبیض اولنمزدن اول مسوده سنک حضوره عرض واره سی اراده مقتضاسندن بولدیغندن طرف ریاستدن یازدیریلان مضبطه مسوده سی هیئته قرائت اولنمقسرین عرض حضور عالی قلمسیله مسوده سی نزد شاهانه ایفا اولنه رق مجلسه ختام و یروب عودته مآذون اولدیغمز تبلیغ ایدلمش و احوالده هیئت طاعلمش ایدی .

شو ملاحظه کوره هیئته اوقونامش ولدی العرض نزد هایونده قالمش ایلان مسوده نکل نصل اولوبده مضبطه قطعی حاله کلدیکی جای ملاحظه در . باخصوص حاضر قلمز سوق عسکر خصوصنده کندم مخالف رأیده بولدیغ مثللو ذهنی پاشا حضرتلری دخی عین ملاحظه مبنی عسکر سوقی رأینه مخالف اولوب حالوبله ایکن مذکور مضبطه صورتنده همان عسکر سوقی تدبیرینک ترجیحنده اتقاق آرا حاصل اولدی جمله سنک موجودیتی ده بو بابده کی ترددی تزیدمه بادی احوالنددر . آنف الذ کرسورته موافق بر مضبطه نکل یا خود اول امرده مسوده سنک عرض ایدلمش اولسی شقلرندن هانکیسی نظر اعتباره آلنور ایسه آلنسون بونده روسیه و اوستریا سفیرلرینک بزه قارشو استعمال ایلدکبری اسان تهدیده دائر مندرج بولنان فقره بالوجوه جالب دقتدر . چونکه مشارالیهما سفیرلرک تبلیغات مسروده لری متانت طبع اربابی بیله همان عسکر سوقی بخشنده پک درین تأمللر مسوقه کافی ایکن سعید پاشا حضرتلرینک دخی مصره عسکر سوقه ارضا ایده مدیکندن بحق شکایت ایلدیکی خاقان سابق نزدنده تبلیغات مذکورده نکل نه رتبه تأثراته سبب ویرمش اوله جقی

قولایجه تقدیر اولنه بیلیر وشو حاله کوره مشارالیه سعید پاشانک ایلمک حمله ده اوتبایغاتی حکاکه ایله ذهن هایونی حسب المزاج آرتق رفعی قابل اوله میه جق اندیشه لره دوشوروب دیگر طرفدن همان اجرای سوقيات خصوصنده بالاصرار موقع مشکلدن تخلص کریبان ایچون مخرج تدارکنه چالیشمش اولدینی بحقِ خاطره کلیر .

عید اضحیٰ نك ایکنجی بازار ایرتسی کوننک کیجه سی هیئت وکلانک مسئله نی تکرار مذاکره ایله مضبئه سنی پاپوب عرض ایتدیکی خاطراتک ۲۳۶نجی صحیفه سنده مسطور ایسه ده بوایکنجی مجلسک انعقادینه کیفیت مذاکراتنه دائر هیچ معلومات اولیوب تحقیقات اخیرده دخی بوکا دائر معلوماته دسترس ومضبئه نك ده صورتنه خاطراتک نسخ منتشره سنده مصادف اوله مدم .

قلبه حادثه سنک ظهورنده درحال سوق عسکر رأینه التحاقدن استکفاف ایتمک لکم مجرد ادرنده لزومی مقدار عسکر بولنیوب ولایاتدن عسکر جلب وسوقك ده وقته محتاج اوله جنی ملاحظه سنه وایشک ایچ یوزی بیلنه مامسنه بناء روسیه محاربه سابقه سنک مصائبی تعمیر شویله طورسون تعدیله بیله وقت وقدرت بوله مامش اولان دولتی نتیجه سی مجهول یکی بر محاربه فلا کتنه اوغرا تمخی اجتهد بجه موافق حکمت ومصلحت کوره مدیکمدن ایلرو کیش ومع مافیه اووقتکی رأیمده یر طرفدن تهیئات عسکریه یه مبادرت اولنسی ماده مهمه سی دخی داخل بولنش ایدی .

وقوع تبدل ایله صدارته مأموریتده هیئت سابقه وکلایه منسوب اولوب هیئت جدیدیه ده داخل اولان ذوات اولکی رأیلرنده ثباتی ترك ایدرك الزام حزم واحتیاط وجوبنه قانع اولدقلرندن بالاتفاق او یوله کیدلش حتی پیدرپی جمع وجلب عسکرله ایکنجی واوچنجی اردوی هایونلرك (سعید پاشانک بیانی کبی اووقت قول اردو تعبیری مستعمل دکلدی) . قوتلری درجه کاله کلدکده صربستان وبلغارستان آره سنده وقوع بولان محاربه دن بالاستفاده عسکر سوقي هیئت وکلایه قرار لاشدینی حالده خاقان سابق اراده ویرمیوب بعض اسباب سیاسیه دخی منضم اولغله بو بابده اصرار مناسب کورلما مشدر .

* *

خاطراتک ۳۳۳نجی صحیفه سنده سعید پاشا حضر تلرینک شویله بر حکایه سی کوریلور .

(عزت بك حاضر اولدینی حالده تکرار حضورده بولنلدی کامل پاشایه دائر

كاغدلر كورلدى ، بو كاغدلردن برى كامل پاشانك مفصل بر عريضه سى ايدى .
 كامل پاشا كه فرانسه سفارته كيدوب ايلچى ايله ولايات سته اصلاحاتنى مذاكره
 ايتىش . قرنادان عارف بك كه سفيردن ايشيتىدىكى شىلىرى كامل پاشان صومرغه
 مأمور اولمش . ديكر ورقه ايشته او مذاكرات و ايضاحات حقنده ايدى . يعنى
 فرانسه سفيرى موسيو قانبونه عطفاً كامل پاشا طرفندن حكايه ايديلان سوزك
 قرنادان عارف بك خطيله محرر و امضاسيله مضى و برقاج صحيفه يي محتوى ايدى
 كامل پاشانك عريضه سنده ارمنى مسئله سنك شو حاله كلى جواد پاشا زماننده
 اولمشدر . امنيت شاهانه يي حائز برهيئت وكلا تشكليه اكا توديع امور لازمدر
 يولنده ايكي فقره مهمه وارايدى . ماحاصل مكالمه يي حاوى دينلان ضبطنامه يه
 نظراً ايسه كامل پاشا « انصح وان كذب » عارف بكه ديمشكه « فرانسه سفيرى
 دونمالر صباحه اقشامه استانبول صولرينه كه جكلردر . بو شيلرك مسؤلى ذات
 شاهانه يه عطفاً كنديلريدر » . عزت بك حضورده اراده ايله بكا ويردىكى معلومانده
 فرانسز ايلچيسنى كوردن . كامل پاشانك كنديسنه استاداً نقل ايتدىكى سوزلىرى
 سويله مامش اولديغنى بيان ايتدى ديدى . اندن صكره ذات شاهانه بجه ابتدار
 ايدوب « كامل پاشا ازميزه ويرديكمز واپورله كيتمك ايستمدى امنيتسزلك بيان
 ايتدى » ديديلر . (بيورييلور .

بن اصلاحات مذاكره سى ايچون فرانسه سفارته كيتمدن . پويابده مفصل عريضه
 دخى يوقدر . قرنادان عارف بكك سفيردن ايشيتدىكى سوزلىرى بندن صومرغه مأمور
 اولديغى ده اصلسزدر . بن سفيره اعاده زيارت ايچون كيتمش ايدم ، اندن صكره حالا
 برحيات اولان عارف بكك يوزى بردها كورمدن . نه سفير بكا دونمالر صباحه اقشامه
 استانبول صولرينه كه جك ديدى ونده بن خنكاره اويله برشى عرض ايتدم .
 فرانسه سفيرينه اعاده زيارته كيتديكمده سفيرى اثنائى مصاحبه ده بالطبع احوال جاريه
 اوزرينده ايراد ملاحظه يه ابتدار وانكلتره سفيرينك دخى او بابده كندوسيله
 هم افكار اولديغنى تذكار ايله برابر بعض وصاىاي خالصانه بولنش اولديغندن
 اووقتك احواليله الجآته دائر خاقان سابقه تقديم ايلديكم عريضه خصوصيه ده
 سفير مشار اليك بياناتى ده مختصراً علاوه ايتمش ايدم . خاطر اتمده واقع حال
 مصرح و عريضه مذكوره نك صورتى ۱۹۰ نجى صحيفه ده مقيددر . بناء عليه
 سعيد پاشا حضرتلرينك روايت مشروحه سى « احمد عزت بكك سوزلرينه عطف

اولن‌سده «بلا تحقیق، حکایه شکلنده خاطراتلرینه کچیرمش اولملرینه تعجب اولنور.

خاطراتک، ایکنجی جلدی قسم اولک آلمش بشنجی صحیفه‌سنده بارون دوهریش ایشنک زمان مأموریت عاجزانه عائد صفحہ‌سی شکل دیکرده تکرار اولمش ایسه‌ده بو مسئله یوقاریده مفصلاً ایضاح ایدلمکله یکیدن موقع بحثه قولق کلفتدن وارسته‌در.

مذکور قسم اولک ۱۷۵ نجی صحیفه‌سندن بدآیدن مقاله‌ده سعیدپاشا حضرتلری التنجی دفعه کی صدارت‌لرنده بودجه آچیفندن طولای اتخا ایلدیکی قاعده‌ی صواب کوستره بیلیمک ایچون واردات و مصارف دولت متوازن اولماسیله احتیاجات مالیہ‌ی اداره‌ده پک چوق مشقت چکدیکنی، بوکا قارشی نلر یاییله بیله‌جکنی شرح واتیاندن صکره بزم حالمز اقتضاسنجه تأدیاتک نسبت مختلفه اوزره اجرایی صورتی بالترجیح عموماً مصارف ملکیه یوزده آلمش و مخصصات عسکریه‌نک معینات قسمندن ماعداسنه کذا یوزده آلمش و معینات عسکریه قسمنه یوزده آلمش بش نسبتله تأدیات اجراسنه قرار ویریلرک بو قرارک موقع تطبیقه قولسنی متعاقب هر طرفدن درجه درجه شکایتلر باشلادینی بیان ایله الک زیاده اشتکا ایدن ایکی والینک اسمنی تصریح بیورمشلردر. بونلردن بری اوزمان قونیه والیسی اولان صدر اسبق فرید پاشا حضرتلری اولوب دیکری‌ده بن اولورم که آیدین والیسکنده بولمقده ایدم.

قونیه ولایتی نسبت قرارندن مقدم ارناؤد متعهدلرنامه معینات جنودیه ایچون حواله اولتان مبالغی منتظماً ایفا ایتمکده ایدیه‌ده مصارف سائرته‌نک تأدیہ‌سی مشکلاته اوغرایوب حتی طوخنانه‌نک کهرچله مصرفه «قابل حواله‌سنه» تأکیدات متوالیه اوزرینه‌ده برپاره ویرلمدیکندن باروت اعمالاتی تعطیله مجبوریّت کلدیکی مقاله‌نک جمله محتویاتندن اولغله بوکا جواب اعطاسی بالطبع فرید پاشا حضرتلرینه عائددر. ایدین ولایتنه کئنجه سعید پاشا حضرتلری برطاقم حسابات و مقایساتدن صکره قرار جدیدک اجرایی اولان ۳۱۸ سنه‌سی مارتنده ولایتجه طوغربدن طوغری‌یه دوائر معلومه مرکزیه‌یه کوندریلان مبالغ مستثا اولدینی حالده مالیہ خزینہ‌سنده یوز

یکرمی بیک لیرایه قریب برمبلغ ارسال اولمسیه. قرارمخذک محاسنی اکلایلدینی بولنده کی ایضاحاته علاوه ایلدیکی ملاحظه ده ینه آیدین ولایتی اله آلوب علی الاطلاق تحصیلات و تأدیاته دائر کندنجه بعض احکام سردندن و سنه سابقه و لاحقہ تحصیلات و مدفوعاتی حقیقه قابل نقض مثالر اراء سندن صکره ولایات بقایاسنک قسم اعظمی متفذان و متمولان ذمتلرنده اوله رق سهل التحصیل ایکن بو یولده تدابیر مقتضیه ابراز اولمیدیغدن مالیه نظارتی شکایتله نهایت کویا مخدوم عاجزنی سعیدک ولایات تحصیلات قومیسویننده کی مأموریتی خزینہ جه رسماً طانیدینی حالده سنه غایبه قدر قرق الی بیک لیرا درجه سنده برمبلغ طوغریدن طوغرییه مالیه خزینہ سنه ارسالی تحت امکانده بولدیغنی سعید تأمین ایلدیکی مالیه نظارتی نامه صورت خصوصیه تحریراً باب عالییه اخطار اولمش ایسه ده سنه نهایته قریب اولدینی جهته بواخطاری عدم قبول ایله تحصیل امواله نظر دقت عاجزانه می باتلغراف جلب ایلدکرنی نشر و اعلان ایدیورلر .

فی الواقع سعید پاشا حضرتلرینک زمان صدارته مصادف ۳۱۸ سنه سنده مضایقه مالیه بی تهوین ایچون وضع ایتدیکی مرکزیت اصولی ایجابجه ولایاتک تحصیلات و صرقاتی قونترول آلتنه اله رق خزینة مالیه ممکن مرتبه چوق پاره جلبی مقصدیله ولایاتده هراون کونده تخصیلاتک موجودیله نسبت موضوعه دائره سنده محل صرفی دفتر دارلقدن باتلغراف مالیه نظارته یازیلر و نظارتدن نرلره نه قدر پاره ویرلمسی امر اولنورسه اوله یاییلیرایدی. فقط بویولده وضع اولتان نسبت و مرکزیت اصول مذمومه سی صانکه استانبولک مضایقه سنی تخفیف ایده جکی برده مرکزک مشکلات مالیه سنی ولایاته تعیمدن بشقه دهانجه وقوعات و خیمیه بادی اولدینی هنوز اونودلما مشدر .

اولا شوراسی معلومدرکه مقدمات تحصیلات مختارلر واسطه سیله بالاجرا ضبطیه یاخود ژاندارمه لر کندولرینه معاونته بولندیریله رق امر تحصیلات بویولده تعقیب ایدیلور و اموال مستحصله مأمورین مالیه نک کوستردکاری اقتضا اوزرینه والی و متصرف و قائم مقاملرک « ویرله » اشارتیه صرف اولنور ایدی . اخیراً تحصیل اموال ایشی مختارلرک لندن آلوب تعیین قلنان تحصیلدارلره حواله اولمش و ژاندارمه لره بوایشه قاریش دیرلمسی قطعاً مع ایلدیکی کبی صرفیات معاملات دخی

منحصراً مأمورین مالییه تودیع ایله مأمورین ملکیه نك امور مالییه قارشاملری
اصول اتخاذ ایدلمش ایدی .

حالبوکه تحصیلدارلر اجرا آتده مختارلرک یرینی تمامیله طوته میوب سلاح طاشیان
ژاندارمه لر کی نفوذی دخی حائر اوله میوب مقدارلری ده قرانك کثرتنه نسبتله قلیل
اولدیفندن پاره یه اولان احتیاجک تضییقه تحصیلدارلره علاوه کافیه السابق ژاندارمه لر
تحصیلات ایشنده استخدام اولنمسه قارشلی باب عالینك سرزنشلری دوام ایدر
طورردی .

نسبت و مرکزیت قاعده لرینك جمله نتائج سیئه سندن اولوق اوزره هر قضاذه کی
اساحه عسکریه دبویلرینه مأمور ردیف ضابطانی اولاد و عیال لرینی جزئیاتدن بولان
معاش و تعیین بدل لرله کوچ حال اعاشه اتمکده لر ایکن مخصصلرینك «نسبت قاعده سی»
نامی تحتده آکلایه میه جقلری بر سبیله یوزده اوتوزیش و قرقنك آشانی وارلمسی
یوزندن دوچار فرط ضرورت اولملرله استحقاقلرینی جبراً استحصال فکرینه
دوشه رك بعض قضاالرده قصبه خارجه ردیف نفراتی اقامه سیله ۷ قرادن عودت
ایدن تحصیلدارلری دپویه چویروب اوزرلرنده بولان اموال مستحصله یی و دیگر
بعض یرلرده مال صندوقلرینی بالمحصره مخصصلرینی بلا مأذونیت ویره میان
مال مدیرلرینی حبس و ضرب ایله صندوق موجودلرینی صورت جبریده اخذ
واستیفایه تصدی درجه لرینه قدر واردقلندن شو وقوعات اوزرینه ضابطان
مومی الیه مك آمرلری اولان قوماندان وارده مشیرلرینه ونهایت لامر طرف
سر عسکریه یازیلدقجه کندولرینه تنبیهات مقتضیه اجرا اولنور ایدیسدهه بالطبع
تأثیری کوریله میوب هان هر آی وقوعات مماثله تکرر ایلردی . بو جمله دن مغنیسا
سنجانی محاسبه جیسی بیله عین سبیله مرکز لواده محبوس قالب کوچ حال تخلص
اولنه بیلمش و کرچکدن تحمل شکن بر ضرورتدن ایلری کلدیکنده شبهه اولیان
تجاوزات واقعه دن طولانی ضابطان حقلرنده ترتیب جزا جهته کیدیله مامسیله
اطاعت عسکریه کلیاً خللدار اولوق مرتبه سه وارمش ایدی .

بروجه مشروح داخل ولایتده نسبت و مرکزیت قاعده لرینك اجرا آتندن
متولد احوال حسب الوظیفه باب عالییه بیلدیرلدکجه معروضات عاجزانه می وهله
یازدیغم تلغرافلرک برنده محرر « بوندیر دخی صدره شفا بخش اولماشدر » جمله سنی

سعيد پاشا حضرتلرينك اعتراض معناسنه آلدقلى اوزمان مسموع ومحسوس اولوب شمدى ايسه بو حس بتون بتون تأيد ايلشدر .

مخدوم عاجزى سعيدك تحصيلات قوميسيونندهكى مأموريتنى رسماً تصديق ايتديرمك ايتديكى قوله كلنجه مركزك تضحيقات متواليه‌سنة بناءً امور ماليه‌نك مأمور مسئولى اولازولايت دفتردارينه برأى معاونت تحصيلات قوميسيوتى تشكيل واصحاب املاكدن بولنان اجانبك ايلشكلى وركوبقايلرينى بالتعقيب تحصيلنى تسهيل ايجون مخدومى اوقومسيون اعضالغنه تعيين ايدن بن اولديغ حالده بونك خزينه‌جه تصديقده نه‌فرق وفائده حاصل اوله‌حق ايديكه سعيد اويله برتكليفده بولنش اولسون . اوزمانلر خاقان سابقك حق عاجزیده اغبرارنى تزديد واداميه چالیشان منفعت پرستان ، عليهمده نيجه افسانه‌لر اختراعيله قالموب مخدوم واسطه‌سيلده بكا حواله سهام تعرض تدبيرى بالتصور اكثر خصوصاتده سعيدى هدف اتخاذ ايتمه باشلاقلندن بلکه تحصيلات خصوصنده دخی استانبولجه اويله يرلاف آتمشله وسعيد پاشا حضرتلرى ده بونى دفتر خاطراتلرينه قيد ايديويرمشلردر .



خاطراتك ايكنجى جلدينك قسم ناييسنده « صفحه ۳۴ » ايدن واليلكنده بولنديغ صروده ارتكابه‌مساعد اولديغمه دائر ازميرده فريق شاكر پاشا طرفدن ۲۱ خاقان سابقه كوندريلان عريضه صدارته يعنى سعيد پاشايه توديع اولنمسيله پاشاي مشارايه محتوياتى خلاصه ايدرك عزل وتبديلى ياخود بركره نظر دقمك جلبى ايجون تبليغات ايفاسنى حضور عاليه عرض ايلش اولدينى كورلمشدر .

اوزمانلر التزام وتطيقى مباح عد ايديلان اجراءات اعتساف كارانه‌نك باشليجه آلاتندن بولنان شاكر پاشانك آمال مخصوصيه خادم بعض مقرينك دلاتيله وصورتا بر مأموريتله ازميره كوندريسى اوراجه وسائط مخصوصه ايدينه‌رك خاقان سابقك عليهمدهكى اغبرارنى بسلامك مقصدينه مستند اوله‌رق بو آدمك مأموريت خفيه‌سى ايضا ايجون نهر ياپدينى ونه‌لريازوب نه‌قدر شنيع شيلر يازديردينى اووقت اله‌دوشوب صورتلرى خاقان سابقه بالتقديم اصللرى تزدemde محفوظ اولان اوراقيله

۱[سعيد پاشا حضرتلرينك خاطراتلرنده هويتلرندن بحث ايتديكى بو شاكر پاشا بك معروف و غدار جاسوسلردن اولمسه‌نه بناءً اعلان مشروطيتدن صكره ديوان حرب عرفى قراريله سلك عسكريدن طرد ايله طرابلس غربه نئى اولنان شاكر پاشادر .

تظاهر ایشیدر که کرک بو حرکات کرک شاکر پاشانک تصنیعات غدرانه سیله و کویا حق شانده ده تفوهات لسانیه ده بولندقلری اسناداتیه بر چوق کیمسه لرك بلا محاکمه بلاد بعیدیه نفی و تغریب ایدملری حالاتی صرہسی کلدکده نشر اولنه جقدر. بناء علی ذلک ماهیتی و بلکه از میره سبب مأموریتی سعید پاشا حضرتلری کی هر حاله واقف بر صدر اعظم ایچون مجهول اولماق لازمکلان او یله بر شخصک « بر ماده سیده اوراق فسادیه نک منع انتشارینه باقلمدیغنه تعلق ایدن » اخباراتی « اثر غرض عد ایدلیه رک » اوزرینه عادلانه تحقیقات اجراسنه لزوم کوستیرلک یرینه عزملک تکلیفنه قالدیشلمسی حسن نیته مقارن اولسه کرکدر .

استانبوله عودتم خنکارک مرضیسنه موافق دوشیمه جکی امور معلومه دن بولنسنه و خاطراتک جلد اولنده « صحیفه ۳۳۴ » کاتب ثانی احمد عزت بکک از میره هنوز کیتدیکم صرہلرده « ایشتمه کامل پاشایی آکلادیکز . بو ذاتی بورایه کتیرده لم . اوراقی سزه ویره لم . محاکمه ایدرسکمز . » یولنده بر سوز سویلدیکی مصادف نظر مطالعه اولسنه باقیلنجه ردوسه نفی و تبعیدم حقدده بالاخره ظهوره کلان نتیجه یه اوزمان مقدمه استحضارینه باشلانیدیغی استدلال اولنور .



سعیدپاشا حضرتلری خاطرات علیه لرنده تعقیب ایتدیکی اساسه کوره کندوسی قانون اساسییک لهنده بولندیغنه عکسنه قائل اولانلری اقناع ایچون یدنجی دفعه صدارته مأموریتده « ایکنجی جلدک قسم ثانیسی ۴۴۴ صحیفه » ۱۰ تموز سنه ۳۳۴ تاریخته مصادف اولان احوالی حکایه صرہسنده با اراده سینه هیئت وکلانک مابین هایونده اجتماعی اوزرینه طعام چیقوب ختامتی متعاقب کاتب ثانی احمد عزت پاشانک روم ایلی احوالندن نشأت ایدن مخابراتی حاوی کتیردیکی یوزاللی یه قریب اوراقک قرائتیه مذاکره باشلانیدیغی و سکرز اوز سطر اشاعیده نهایت ساعت ایکی بچغه طوغری قرائت اوراق رسیدۀ انتها و طعام مهیا اولغله عزت پاشا و صرہده غیوبت و حاضرون طعامه مباشرت ایدرک یمک بیتر بیتمز احمد عزت پاشا عودت ایلک طرف ریاستدن حصار بیان افکاره دعوت اولندیغی بولنده بعض افاده لردن صکره کویا اعضانک رجال عسکریه قسمی رفع اختلالده وقوعه کلان تاخراتی تنقید رجالملیکه ایسه اختلالک محرک لرنی تفحص یولنده سوزی تزئید ایلر یله سعیدپاشا حضرتلری کویا « بوقدر تشبثات و مکالماتک موضوع منفردی قانون اساسی دکلکی ؟ بناء علیه

مباحث زائده نك تركيله رايلىرى قانون اساسى يىخنه ارجاع لازم كليورمى؟ اصلاح اداره به چاره منفرده بو دكيدر؟ « ديمريله هر نه دنسه مجلسه ايكي اوج دقيقه بر سكوت مطلق عارض اولديغندن ينه كندولرى بو حالى كورنجه » معلوم عاليكيزدر كه معرض حاجتده سكوت تصديقه مصروفدر . بناءً عليه قانون اساسيتك اعاده سى حقدده حضور شاهانيه بر مضبطه عرضنه قرار ويرلدى ديه جكم مخالف وارمى؟ « وبالخاصه » مضبطيني يازالمى ؟ « سؤالريني ايراد بيوردقلىندن حاضر ونك اكثرى » بوماده بك مهمدر . مضبطيني اطرافلى اولمليدر « ملاحظه سنى استدر اك وسوز سويله مينلرده » « اوت » مقامنده اوملا حظيه اشتراك ايتملى اوزرينه مضبطينك قلمه آلمسى ذهني پاشانك همته حواله اولنديغنى ، احمد عزت پاشانك در حال مشاراليه بالالتحاق ايكي ذات بالمشاركه و مع المشاوره مضبطيني قلمه المنه باشلايوب آنجق ارده دن بر ساعته قريب زمان كچمش ايكن هنوز بيتامسنه و اكالى ايچون مقتضى وقتك تعينى ناقابل اولديغنى محرر لرينك جوابلرندن آكله شلمسنه بناءً مشاراليه سعيد پاشا هيئه « روم ايلندن كلان صوك تلغرافده قانون اساسيتك قبول جوابى تاخر ايده جك اولورسه ولى عهد سلطنته عقد بيعت و خطبه لر آنك نامنه قرائت اولنه جفى اخطار اولتيوردى . عجباً مسئله تاخره متحمل مى؟ اسباب موجب سى بعده تفصيلاً يازلق اوزره همان مختصر بر مضبطيني ياييله رق عرض اولنسه و اطرافلى اولنسه لزوم كوسترديكيز مضبطيني بعده تنظيم اولنسه مناسب اولماز مى؟ » يولنده كي سؤالنه جواب موافق آلدنيغندن ديكته ايله درت سطر دن عبارت بر قرار تحرير ايديله رك امضا قلنديغنى بيان و « صورت قرار » عنوانى تحتده بروجّه آتى عينا نقل اولنان مضبطيني صورتى درج بيور مشلردر :

صورت مضبطيني

« روم ابلى ولايات ثلثه سنده جريان ايدن افعال اختلاليه به متعلق اولوب ۸ و ۹ و ۱۰ تموز تاريخلرله مورخاً كلان يتش يدى عدد تلغرافله محررات اراده سنبه جناب خلافتنا ميللى وجهله ميانه بندكانه مزده بكان بكان مطالعه اولنسى . حادثات موجوده نك اسباب داعيه سنى تشرجه بحاط علم عالى حضرت پادشاهى اولان ايجانجه زمان كافى اولماسنه نظراً اسباب موجب سى آريجه بمضبطيني در دست عرض ايسده متحقق الازوم اولان سرعت حاصل اولنى ايچون نسختين اوله رق لفاً تقديم اولنان مضى ايكي قطعه مسوده به نوبتاً ولايات ثلثه منتشر عمومليكيله واليه سرىاً تلغرافنامه لر تسطيرى و قرار ميجوئك

سائر ولایات ایله الویه غیر ملحقه دخی تبلیغی تصویب اولمقله اراده سنیة حضرت پادشاهی شرف فصدور بیورلدینی حالدہ ایجابی اجرا قلنه جفی محاط علم عالی بیورلدقده اولبابده
۲۴ جاذی الاخر ۳۲۶ و ۱۰ تموز ۳۲۴

شورای دولت رئیس حریه ناظری مجلس وکلايه مأمور عدلیه ناظری صدر اعظم
حسن فهمی عمر رشدی کامل عبدالرحمن سعید
معارف ناظری تجارت و نافعہ ناظری مالیه ناظری داخله ناظری خارجیه ناظری
هاشم ذہنی محمد ضیا ممدوح توفیق
ارکان حربیة عمومیہ رئیس

شا کر

طوغریمی بو تصویر حال دخی واقعہ تمامیلہ موافق دکلدر، اوزمانکی هیئت وکلا اعضاسندن همان جملہ سی بر حیات بولنان ذوات شہہ سز در خاطر ایدر لکرہ روم ایلیدن کلان تلغرافلر مجلسده اوقونور اوقونمز اهمیت حال نمایان اولہرق قیامک واصل اولدینی درجہ یہ کورہ قانون اساسینک اعادہ سرعیتک بلا تأخیر اعلانی مطلق اللزوم اولدیفنہ ہیئتجہ قناعت حاصل اولمش ایسده او بابده جریان ایدن مذاکرات اوزرینہ ایچمزدہ بونی سلطان عبدالحمیدہ تکلیف ایدہ بیسلہ جک هیچ بریکیت تصور اولنہ مدیغندن یاییلہ جق مضبطہده اقتضای مصلحتی تصویرہ تعبیر مناسب بولمقلہ متحیر اولدیغمز حالدہ قرنادن رضا بک احمد عزت پاشا ایله برابر مجلسہ کلوب طرف شاهانہ دن کتیر مش اولدینی بر طاقم تلغرافلری دخی تودیع ایله ہیئتہ خطاباً « شوکتلو افدمنز بوتلغرافلر کده مطالعہ سنی فرمان بیوردیلر. آ کلاشیلان اہالی قانون اساسینک اعلاتی آرزو ایدیورلر مش. بن قانون اساسینک اعلانی علیہندہ دکلہ بیوردیلر. » دیمسلہ در حال ہیئت مجلس کنیش بر نفس آلوب جناب حقہ شکر ایله خنکارہ ثنا خوان اولہرق همان مضبطہ تنظیمنہ مسارعت ایدلش ایدی. شو حالدہ سعید پاشا حضر تلرینک مزاجنہ هر کسدن زیادہ واقف بولندینی خاقان سابقک رضاسی معلوم اولمہ دن تذکارندن توقی اولنان قانون اساسی و ولی عہدہ عقد بیعت الفاظنی مجلس وکلادہ موضوع بحث ایتش اولسنہ نصل احتمال تصور اولنور کہ رضای شاهانہ مجلسہ علناً تبلیغ اولندقدن صکرہ بیلہ « دیکتہ » ایله یازدیغنی بیان ایلدکی بالادہ صورتی مرقم مضبطہده دخی مقصد اصلی نی ملفوف تلغراف مسودہ لرینہ عطف ایله قانون اساسی سوزینک درجندن اجتناب ایتکی موافق احتیاط کور مشدر .

خافان سابق قانون اساسیك اعلانی قبوله سوق ایدن کیفیت یالکیز بونك تأخیری تقدیرده ولی عهد سلطنته عقد بیعت و خطبه لرده نامی قرائت اولنه جغنه دأر کلان تلغراف دکل اوصرده قانون اساسیك تأخر قبولی حالنده یوز بیك عسکرله استانبول اوزرینه یورونیه جگنه دأر سیروزدن ورود ایدن بر تلغرافك دخی بو خصوصده فوق العاده تأثیری اولمشر .

قانون اساسیك اعادهٔ مرعیتی اعلان ایله مجلس مبعوثانك اجتماعه دعوتی اراده سی ایسه « دیکته ایله یازرلدی دینیلان مضبیه مستند اولیوب دیگر بر ضبط اوزرینه صادر اولمشر که صورتی بودر :

صورت مضبیه

مناسره قوصوه و سلانیک ولایتلی اهالی عمومیه سنك واردوی هایونك بعض منطقه لرنده بولنان عساكر شاهانهك افراد و ضابطانك شو صوك كونلرده اتحاد ایتدکلی حرکات سرکشانك ماهیاته دأر ولایات و مناطق مذکوره ولات و قوماندانلردن و مفتش عمومیلکدن ۸ و ۹ و ۱۰ تموز سنه ۳۲۴ تاریخلرلرنده وارد اولان آلتمش یدی عدد تلغرافلرله محررات بر منطق ارادهٔ سنیهٔ جناب خلافتنهای میانهٔ بندگانمزده یکان یکان مطالعه اولندی . اوراق واردهیه نظراً اکثر محللرده بولنان اهالینك قیزی و مواقع کثیرده ضابطان و افراد عسکریهك آنره اشتراکی ایله بعض عسکری دپولرینك قبولخی شکست ایدرهك برچوق اسلحه و جیخانه و طابور صندوقلردن مبالغ موجوده اخذ و غضب و کندیلرینه مخالفت ایدنلری اشد عقوبات و اتلاف ایله تهدید و نهایت طویلر انداختیله و نظرلر ایرادیه اعلان حریت صدنده برطاقم نمایشلرده بولندقلری و دون کیچه مناسترده بعض قوماندانلرک حتی مشیرعثمان پاشانك اقامت ایتدیکی مواقعی ابلوقه ایدرک عثمان پاشایی اخذ و توقیف ایلدکلی و اشیو حرکات باغیانك قانون اساسیك مرعیت احکامیه مجلس مبعوثانك اجتماعه دعوت ایتدیرلسی اساسنه مستند اولدی و بو باده هر کونا نصایحی اصفا ایتوب کیتدکجه توسیع دأره اغتشاش ایده جکلی آکلاشلش و کرچه قانون مذکور مرعی اولوب مجلس مذکورک بر مدت موقته ایچون تعطیلی الجآت حالبه و مضمضیات مملکتدن اولمسیله برمدتدنرو دعوت و کشاد اولنماش ایسهده بین الاهی سفک دمانک وقوعی منع ایتک و دول اجنبیهك مداخلتنه سبیت و برلامک واجبات اموردن بولندیغدن مذکور مجلسك کشادی ضروری اولغله کیفیت میانهٔ عبیدهمزده بالتذکر عرضی شرفند تلقینی اولدیغز ارادهٔ سنیهٔ حضرت خلافتنهای ایجاب عالیدن اولوب فی الواقع مملکتك استقرار آسایشی نقطه سنه معظوف اولان مطامعات سنیهٔ حضرت شهریارلی محض اصابت بولندیغدن انتخاب حقنده ذاتاً موجود اولان اصوله توفیقاً صفات لازمی حائز اعضانك انتخابیه پیدرپی اشعاری

خصوصنڪ تعمېاً ولايات شاهانه و الويه غير ملحقه به تباني و بو قرارڪ اشخاص مرقومه به تفهيم ايله جعيتلرينڪ طاغيدلسي تذڪر وتنسيب قلنمش و اولبايده قلمه آلنان تلغرافنامه صورتى لفاً عرض و تقديم اولنمش اولغله اولبايده امر وفرمان هايون حضرت خلافتپناهي هر نه وجهله شرفصدور بيوريلور ايسه اصابت آنده اولغله اولبايده وقاطبه احوالده امر وفرمان حضرت ولي الامر افندمزڪدر .

۲۴ جاذى الاخر سنه ۱۳۲۶ و ۱۰ تموز سنه ۱۳۲۴

اراده سنيه مبلغ هامش

مجلس وکلانک منظور عالی بيوريلان اشبو مضبطه سی اوزرينه موجبجه اراده سنيه جناب خلافتپناهي شرفصدور بيورلش اولغله اولبايده امر وفرمان حضرت ولي الامرڪدر .

سرڪاتب حضرت شهياري

تحسين

ايشته مجلس مبعوثانك اجتماعه دعوتى حقنده كي اراده سنيه مجلس وکلايه تبليغ اولنان مقدمي ارادهيه بناءً بو مضبطه نك تنظيم و تقديمي متعاقب صدور ايلشدر. مضبطه مذڪوره نك تسويدي اكمال اولنه ميوب محررلى طرفندن بر ساعته قريب اوغراشلقدن صكره دها بر خيلي وقته احتياج بولنديني جواني ويره جك درجه ده مفصل بر شي اولمامسنه نظراً خاطراتك او يولده حكايه سي ارباب انصاف نزدنده تصديقه شاين كوريه مز. سعيد پاشا حضرتلري خاطراتنده بر چون بيلزوم اوراقك صورتلريني نشر ايتمشكن مارالذڪر مضبطه يني قاله آلامسي كويا قانون اساسي تكليفنك قبول واعلاني صرف كندى همتلريه وقوعه كلديكنه حقيقندن بي خبر بولنانلري اقناع مقصدينه مبنى اوله جنى آكلاشيلور .

بر منوال مشروح اصول مشروطيتك قبولى قرارى كسب قطعت ايدرك بوبايده ولاياته خطاباً قلمه آلنان تلغرافنامه نك كشيده سي تحت اراده سنيه كيرمش وايجابي ده اجرا قلنمش ايكن سعيد پاشا حضرتلري ينه اسكي قاعديه امثالندن واز كچه ميوب صورتى زيرده محرر مجلس وكلا مضبطه سييله بالاسنيدان اراده سنيه آلمدجه مجلس مبعوثانك اجتماعه دعوت اولنديني درسعادت اوراق حوادثيله رسماً اعلايه بيله جسارت ايدمه امشدر :

صورت مضبطه

تأسيس جليل جناب خلافتپناهي اولان قانون اساسيده صورت تشكيلي بيان اولنان

مجلس مبعوثانك اجتماعه دعوت اولمسی حقنده بالاستبدان شرفصدور بیوریلان اراده سنیة حضرت پادشاهی حکم جلیلی بالجله ولایات شاهانه و الویة غیر ملحقه به باتلغراف تبلیغ قلنمش و کیفیتك در سعادت اوراق حوادثی ایلله دخی رسماً اعلانی اقتضای مصلحتدن کورعش اولغله موافق امر و فرمان هابون حضرت پادشاهی بیورلدینی حالدہ ایفای مقتضاسنك داخله نظارت جلیله سنه حواله قلنہ جنی و روم ابلی احواله متفرع انجمنه تودیع بیوریلان اوراقل طاقیله تقدیم واعاده قلندینی محاط علم عالی بیورلدقده اولبابده و قاطبة احوالده امر و فرمان حضرت ولی الامر افندمرکدر . ۲۴ جاذی الاخر سنه ۱۳۲۶ و ۱۰ تموز سنه ۱۳۲۴

اراده سنیة حضرت پادراهی بی مبلغ هامش

مجلس وکلانك منظور عالی بیوریلان اشبو مضبطه سی اوزرینه موجبجه اراده سنیة خلافتناهی شرفصدور بیورلمش اولغله اولبابده امر و فرمان حضرت ولی الامر کدر .

۲۴ جاذی الاخر سنه ۱۳۲۶ و ۱۰ تموز سنه ۱۳۲۴

سرکاتب حضرت شهریاری

تحسین

مجلس وکلانك مابینده کی اجتماعی کیجه سی چله مذ کر اتدن اولق اوزره (اوچنی اردوی هایونه اناطولی چهندن مرتب ردیف طا بورلرینک برطاقی سلانیکه واصل اولمش و برطاقیده هنوز یولده بولنش ایدوکندن و شمذیکی حاله کوره بونلره لزوم و احتیاج قالدیغندن اردوی هایونه واصل اولانلرک مملکتلرینده ایش و کوجلیله مشغول اولق اوزره سلانیکجه یومیه و قاتیق بهالری و جقه جقلری از میر اسکلسندهده برر معاش و بربله رک هان مملکتلرینه اعاده سی و یولده بولنلرک دخی بولندقلری محندن ایلرو کیتیرب مملکتلرینه اعاده لری تذکر و تنسب قلنمش اولغله قرین تصویب عالی بیورلدینی حالدہ ایفای مقتضاسنك حریه و مالیه نظارتلریله روم ابلی ولایات ثلثة شاهانه سی مفتش عمومیدکنه حواله اولنہ جنی محاط علم عالی بیورلدقده اولبابده) دیو اوچنی بر مضبطه دهان تنظیم و تقدیم قلنهرق ارانده سی آلمشدر .

هنوز اوچ سنه اول ظهور ایدن بر کیجه لك احوالك اکثری بر حیات ذوات حضورنده صورت جریانی بالاده مجحلاً تصویر اولندیغندن بونکله سعید پاشا حضرتلرینک خاطر اتنده کی حکایاتك مقایسه سی اهل دقتك همتلرینه محولدر .

..

« خاطراتك ایکنجی جلدی . قسم ثانی ۴۵۳ صفحه » ۱۶ تموز چهارشنبه وقایعی صرہ سنده سعید پاشا حضرتلری (فقط استانبولده جراثم عادیه محکوملرینک

تشبثلرینه ممانعت ایچون قوه جبریہ استعمالنی حربیه ناظری احوال حاضرده دن طولانی درعهده ایده مدیکندن ایجابی هیئت وکلانک مذا کره سنه حواله اولندی (قیدینی یازدقدن صکره) (دیگر بر انجمنده ۱) بولدیغم ائشاده یاپیلوب شیخ الاسلام افندی وکامل پاشا طرفلرندن مهرلنش اولان مضبطه بکا کتیرلدهکده هیچ اولمازسه اسباب موجب سنک یازلمسی افاده سیله اعاده ایتمش ایدم . اسبابنک علاوه سیله مضبطه تبدیل اولنش و مضبطه جدیدیه کوره یازیلان مسوده آمدی قلمنه ویرلمشدر . مصحح و ایکی مهرلی اولان مضبطه آروجه محفوظدر (یولنده بر شرح دخی علاوه ایتشدر .

بو مسئلهینی سعید پاشا مقدما اوراق حوادث ایله دخی اعلان ایتش ایدی . فی الحقیقه بو کیفیت مجلس وکلاجه موقع مذا کره یه قوتلسی اوزرینه حربیه ناظری حسب الحال قوه جبریہ استعمالنده وبالدفعات مجلسه کلوب کیدن ضابطه ناظری حمدی بک او وقت موجود فقط حیثیت و اهمیتی کلیاً مفقود اولان ضابطه قوتیه ایشک اوکته کچیه بیلیمکده قطعاً امکانسزلق بیان ایلدیکنندن وقان دوکسنه محل بر اقامامسی ایچون سرایدن تعلیمات آلدیغیده سعید پاشانک حال و قالندن آکلاشیلدیغندن نتیجه مباحثات ضبطیه نظارتنک تکلیف تخریرسنی ترویج ضرورته منجر اولمش و مضبطه سی هیئتجه مهرلنش ایدی . اقشام تقرب ایتمکه رئیس وکلا دیگر بر اوطه یه چیقدیغی صروده تبییضی ختام بولان مضبطه یی مشار ایله سعید پاشانک عودته انتظار ایتمکسزین شیخ الاسلام جمال دین افندی حضرتلریله بنم تخیم ایتش اولملقغمز و اسباب موجب علاوه سیله مضبطه نک تبدیل ایدلمش بولنسی دائره احتمالدن خارج دکلددر .

لکن سعید پاشا حضرتلرینک بوماده یی نقصان تصویرایله « مصحح و ایکی مهرلی اولان مضبطه نک محفوظیتدن » اول و آخر بحثه قالدیشیمی عجبانه مقصده حمل اولنمیدر ؟ اکر مشار ایله بو صورتیه قرار واقعتک مسؤلیتدن شخصنی تجرید ایتمک املنده ایسه بک بهوده یورولمش دیمکدر . چونکه « ایکنجی جلد - قسم ثانی ۴۵۹ صیفه » مشروطیتک تقرر قبولندن بر ساعت صکره (عزت پاشا ! شخصمک اهمیتی اولسون . فقط بوکون رئیس وکلا بولنیورم . اراده یی بکا کوندرمک ایچون بوراده بکلمه می باش کاتبک سویلمسی حمدی خارجنده در . عذرکزی بوکابنا ایتمک

ایسه ده‌ها زیاده خطادر . هر نه‌ایسه بن کیدیورم . تأخر اراده حالنده بریسنک ارسالیله امانتک استرداد بیورلمسنی ذات شاهانه دن تکرار رجا ایدرم . دیدم و آرتق طور میوب یورودم .) کبی مدتی عمر نجه خاطرندن بیله کچیرمکدن قورقدینی سوزلری سویله بیلیم مرتبه‌سنده تقسند شجاعت و متانت تخیل ایدن بر رئیس وکلانک بویله جدأ مهم بر ماده‌ده کوکس کر مکدن قاجمسی واعضای مجلسدن ایکیسنک رأینہ اشتراك عجربی کو سترمسنی غریب دکلیدر ،



« خاطرات ، ایکنجی جلد - قسم ثانی ۴۵۵ صحیفه » تشکیلات وتنسیقاتک تسریبی لزومنه دائر ذات شاهانه طرف عاجزیدن یازلمش اولق اوزره ۱۵ تموز ۳۲۴ تاریخلی بر عریضه خصوصیه‌نک صورتی درج اولوب بونک شرخنده‌ده انقلابدن حاصل اولان هیجان عمومی زائل اولمه‌دن تشکیلات وتنسیقاته باشلامق کندو « سعید پاشا » ملاحظه‌سنه کوره معقول اولیوب مع مافیه بونده عجله و تأنیدن هانکیسی موافق اولدینی زمان تعیین ایده‌جکدر . دینلکدن صکره (رفیق کامل پاشا بونک صوابنه قائل اولوبده مقصدی هیئت وکلایی بر امر مستصوبه تشریک ایسه او هیئتک ریاستنده بولدیغ ایچون خاطره‌سنی بکسویلی ویا یازملی ایدی، ذات شاهانه به بیلدیرمسنی اصول مشروطیه مخالف کوریرم واکر مقصدی رأس اداره‌ده کندی وجودینه لزوم کو سترمک ایسه - کز کون اول صدارت بکاتکلیف اولنورکن اعتذار ایش و بومأموریه کلک ایچون کندیسنی تشویق ایشیدم . کندیسنی ایسه مجلس وکلا مأموریتدن بشقه یر ایستمدیکنی قطعاً سویلش ایدی ، س - کز کون صکره خنکاره بوکاغدی ویرمسنه تأسف اولنور . مع مافیه بوندن طولایی مشار الیه هیچ برشی دیموب ویردیکی صورت عریضه‌ی نزدیده آلیقویتمقله اکتفا ایلدم) بیوریلور ،

صدارته کلککلکم حقنده کی تشویقه قارشى اعتذارم حقیقهٔ بک قطعی واسباب عیدیه مبتنی ایدی ، از جمله از میره عزیمتدن اعتباراً استانبوله عودتمه و بوراجه‌ده بر بحق سنه صکره مابین هایونه دعوت اولندیغمه قدر کچن اون اوچ سنه به قریب مدت ظرفنده ذات شاهانه‌ی کور مامش وقوعات و معاملات یولیله تعقیبه وقت بوله مامش اولدیغمدن خدمت صدارتک مسئولیتنی بالطبع در عهده ایده‌مز ایدم . فقط مجلس

و کلا مأموریتله هیئته دخول اوزرینه دولت و مملکتسه و سعید پاشا حضرتلرینک تسهیل موفقیتنه علی قدر الامکان خدمت و معاونتدن حالی قالدیغمه و جداناً آمینم .

مشارالیه سعید پاشانک اصول مشروطیه مخالف کوردیکی عریضه خصوصیه م ایسه شواهد مدعاندن بریدر؛ هر صاحب انصاف تسلیمه مجبوردر که سعید پاشا حضرتلرینک صدارت اخیره سی اقتحامی جسارت و متانت حقیقیه ابرازینه توقف ایده جک پک مشکل بر زمانه مصادفدر. حال بویه ایکن پاشای مشارالیه مناسبتلی مناسبتسر نمایشلرک، مراجعتلرک توالیسندن جهت جهت متأثر و عادتاً بحران عصبیه به دوچار اوله رق سرانجه ایشله مداخله دن هنوز واز کچیلهمدیکی یولنده حسب حاللره دخی تنزل ایتدکلرندن ذات شاهانه به مذکور عریضه خصوصیه نک تقدیمی موافق حال کورمش و بو عریضه به بالالتزام (اصول مشروطیتی قبول ایدن حکمداران اجراءات واقعه لرینی افکار عمومیه به توفیق ایدرلر . شو حالده مادام که دولت علیه لنجه اصول مشروطیت قبول بیورلمشدر . دوائر حکومت سنیه جه تشکل ایدن هیئتلقاعده اصلیه سی اوزره ترتیب اولنه رق مأموریتلرک اهللرینه تودییی شو بحران سیاسی بی سلامتله کچیرمک ایچون قانون اساسینک مقتضیاتندن اولان اصلاحاتک پیدرپی و اهل قیام طرفندن تکلیفات وقوعندن اول موقع اجرایه وضعی هر حالده خلاف قانون مطالب وقوعنده رد اولنه ییلمک ایچون اداره جه قانون اساسینک ایجاباتندن بولان تشکیلات و تنظیماتک باب عالیجه بالاستیتدان اجراسی حقنده شمیدین اراده اصداری) لزومنی مبین فقره لر درج ایتمش ایدم که مقصد غایزانه اهمیت حال و موقعی پادشاه بر کره ده ا اعلام ایله آرزوی عمومی به و باب عالیدن وقوع بوله جق معروضاته مقدملری کبی مخالفتده دوامک آرتق وقتی کچدیکنی بیلدیرمکدن و بو طریق ایله رئیس و کلا بولنان سعید پاشا حضرتلرینک صلاحیت و قدرتی تقویه غیرتدن بشقه بر شی دکلدی .

عریضه مذکورده نک عرضی متعاقب بر صورتی ده پاشای مشارالیه تقدیم ایتمکلیکم ایسه مقصددن کندوسنیده خبردارایلمک و کیزلی برایش ظوتمامق ایستدیکمه دلیلدر .

سزاوار عبرت احوالندر که سعید پاشانک اصول مشروطیه مخالف کوردیکی مارالبیان عریشه ایله پادشاه (افکار عمومیه به توفیق اجراءات ، مأموریتلرک اهللرینه تودییی الحاصل قانون اساسینک تمامی اجراسی) نصایحده بولندیغ حالده « ایکمنجی جلد قسم ثانی صحیفه ۲۵۷ » وکلانک برقسمندن مرکب انجمنجه اصدار و اعلانی یا مضبصه عرض اولنان خط هایونک صورت ترتیب و تسویدندن

هیئت وکلا، حتی مذکور انجمنده بولنش اولان ذوات بيله خبردار ایدلمیه رک خط مذکور باب عالییه وارد اولمش و بونده قانون اساسینک یکریمی برنجی ماده سنده کی صراحتیه مغایر اوله رق (عاشراً مقام مشیخته و حربیه و بحریه نظارتلرنده بولنه جق ذواتن بشقه وکلای صدر اعظم انتخاب و تصدیق مزه عرض ایده جکی) فقره سنک کورلیسی اعتراضات و مهاجماتی صولک درجهیه واردیروب نهایت دیگر بعض اسبابه ضمیمه سعید پاشانک استعفاى اضطراریسنی استلزام ایلشدر .

استعفای متضمن عریضه مشترکه دخی «ایکنجی جلدک قسم ثانیسنی صحیفه ۴۶۶» غرابته امثالندن کری قالمیه جق و نائقنددر . حربیه و بحریه ناظرلرینک صدر اعظم و شیخ الاسلام مثللو طوغریدن طوغرییه حکمدار یا خود وکلای سائریه قیاساً صدر اعظم طرفندن می انتخابی لازم کله جکی مسئلهسنی بر طرفه براقلم ، فقط مادامکه عریضه مشترکه نك مقدمه سنده مصرح بولدیغی اوزره حربیه و بحریه ناظرلرینک ده طرف صدارتدن انتخاب و عرضه ذات شاهانه مساعدده ایتشدر و مادامکه افکار عمومیه دخی اوجهته متفق ایدی ؛ نیچون بوندن استفاده اولمیوبده عریضه نك آشاغیلرنده خنکاری ترده دوشوره جک یوله سرد افکار طریق التزام ایدلمشدر ؟ بوجهت بالخاصه تدقیقه محتاجدر .



«ایکنجی جلدک قسم ثانیسنی صحیفه ۴۷۲» سعید پاشا حضرتلری صدارتدن انفصالندن صکره حقنده بعض غزته لره و قوعبولان نشریاتی اولادمدن برینک تلقیناته و سرایکده کندی خطالرینی بشقه لرینه عطف ایتک مسلکندن منبعث اولان القاآته حمل ایله بوبابده طرف عاجزییه یازدیغی تذکره نك صورتی نشر ایتش اولوب سرایک القا آتی بيله مز ایسه مده نزد عاجزانه مده حقیقه بادی . تأسف اولان نشریات مذکوره ده بکا منسوب برینک مدخلی اصلا ظن ایتم . عمومک معلومی اولدیغی وجهله مدت مدیده سکونی اختیار مجبوریتده قالان خلقتک لسانی ، قلمی ، بردنبره آچیلوب کرک غزته و کرک رساله لرله ، افراد علیهنده کیلر شویله طورسون ، دولت مملکت حقنده بيله مضراتی جالب نیجه نشریات و تصاویر میدان آلمش و دوائر متعلقه سنک تشبثات نمکهنه سه رغمانعی ممکن اوله ماقده بولنش ایدوکنندن حتی اووقت مقام خلافت و سلطنتده بولان خاقان

سابقه و صدر اعظم اولمقلغمه برابر بکا قارشی دخی پک چوق نشریات وقوعه کلدیکی هنوز اونودلديغندن مشار اليه کندينه متعلق نشر يافته اوغلمک تشويقي توهم ايتسي نصل طوغری اوله بيلير !



« ايکنجی جلد - قسم ثاني ۴۷۳ صفحه »

مجلس عمومينک کشادی کونی مجلس اعيانه دخی عزيمت عاجزانه مده اعضاي کرامی بعدالتحليف سعيد پاشا حضرتلرينه خطاباً (سز اولکی مجلس اعيانک تشکيلنده يمين ايتديککزدن تکرارينه حاجت يوقدر) ووظیفه رياستى ايضامعناسنه اوله رق « ايشاره باقارسکيز » ديمکلكم اوزرينه مشار اليه (تکرار يمين لازمکلسه ايضاً ايدرم . فقط مجلس مبعوثانده وقوعبولان تحليف ائناسنده اعضادن بعضلری يمينک ذات شاهانه قانون اساسی به صادق قالدقجه شرطيله تقييدنی تکليف ايتدکلرينی شمدی استخبار ايتدم . بنم فکرمده بو مرکزده در يعنی ذات شاهانه به صداقت کنديلرينک قانون اساسی به رعايت ايتلری شرطيله مشروطدر .) بيوردقلى و مجلسدن مفارقت عاجزانه مدن صکره اعضاي کرام دخی بو فکره اشتراك ايتلریله تصحيح تخايف صورتنده صدارته تلغراف کوندرلدیکی بيان اولنقمده ايسده مجلس اعيانه عزيمتله اعضاي کرامی تحليف ايتديکم صره ده رياسته کيم تعيين اوله جغنى ا کلامغه مهالکانه برطورايه منتظر بولنان سعيد پاشا حاضر تلرينه ده مجلس اعيان رئيس اوللکنه کندولری تعيين بيوردليغنى تبليغ ايله برابر ذات عاليلى اولجه محلف بولنديغندن تکرارينه حاجت اولمديغنى سويلشدم .

مشار اليه اوتوز اوچ سنه اول مجلس اعيانک تشکيلنده يمين ايتديکنى کورمديکمه و قانون اساسينک اعاده مرعيتى اوزرينه خاقان سابقک حضورنده پاشای مشاراليه باشده اوله رق هيئتجه يمين ايتمش بولنديغمزه بناءً مشار اليه تکرار يقسمه حاجت اولمديغنى زميننده کى افادهم اوتوز اوچ سنه مقدمکى قسمه دکل ، وقوعنده حاضر بولنديغم يمين اخيره معطوف ايدى .

مجلس مبعوثانجه اعضانک حين تحليفنده مبعوثانندن بعضيلری جانبندن سعيد پاشانک بيانى طرزنده بر شرط درميان ايديله رک سلطان عبدالحميدک دخی تحليفى تکليفنده بولنلمش ايسده قانون اساسيده اوليه بر قيد و شرط اولمديغى جوابنک

اعطاسیله ایشه حسن ختام و یروب مجلس اعیانه کچمش اولدیغمدن مجلس مبعوثانده کی تکلفی مشارالیه سعید پاشانك فصل اولوبده همان بالاستماع همده اعیان کرامك اجرای رسم تحلیفندن صکره بکا اولیله بر تکلیف سردایتش و مجلسك دها یوم افتاحنده پادشاهله بر مناقشه قوسی آچق ایستمش اولسنه عقل ایردیر یله مز . مجلسدن مفارقت عاجزانهدن صکره مبعوثاندن بعضیارینك تکلفی اکلاشیلوب هیئت اعیانجده اولیله بر مباحثه وقوعی جائز ایسهده تصحیح تحلیفه دائر . صدارته تلغراف ورودینه مطالع اولدی .

بالاده اعیان ریاستی بختی کچمش اولسی مناسبتیله سوزی بر آز دها اوزا . تمقلغمه اغراض اولتور امیدندیم . اعلان مشروطیتدن صکره مسند صدارته بولدیغ زمان مبعوثان و اعیانك انتخاباتی ختام بوله رق مجلس عمومینك کشادینه صره کلدکده چونکه اعیان رئیسنك انتخاب* و تعیینی پادشاهك اراده سنه منوط ایدو کندن ذات شاهانه بوریاسته اعیاندن حربیه ناظر اسبق عمر رشدی پاشا حضرتلرینك تعیینی تصور واسر ایتشدی .

حالبوکه سعید پاشا حضرتلری کی امور دیده بر صدر اعظم معزولی طور ورکن بوکا عدم دلالت عاجزانهم وفاسزلغه حمل اولنه جنی ، ملاحظه سنه بناء مشارالیه سعید پاشانك مأمورینی خصوصنه صرف مساعی اولندیفی حالد خاقان سابق ، بونجه لطف واحساننه مظهر اولان مشارالیه سعید پاشانك اصول اداره تبدل ایدر ایتمز تبریه نفس ایچون کندی علیهنه دوندیکنی بیان و اظهار اغبرار ایله رأیندن نکول ایتموردی .

مع هذا مقصده موفقیت امید یله ایش ممکن مرتبه تعلیق اولنه رق کرچه مجلس اعیانه رئیس تنسیب و تعیینی حقوق شاهانه دن و عمر رشدی پاشا حضرتلرینك ده ریاسته اهلیتی مسلم ایسهده ریاست اولانك ملکیده دن بر ذاته واکر ملتزم ایسه ریاست ثانیه نك ارکان عسکریده دن مناسبتنه تقویضی ایجاب مصلحته موافق اوله جنی زمینده تلقینات ایله سلطان عبدالحمیدك اقناعی قرناندن امین بکک رویتنه حواله اولدیغندن مشارالیهك همتی و مایین هایون باشکاتجی جواد بکک انضمام معاوتی ایله عرض عاجزی قرین قبول اولوب بوخصوص ایچون سرایه عزیمتده مجلس اعیان رئیس اوللکنه مشارالیه سعید پاشانك تعییننه اراده سنیه تعلق ایتدیکی باش کتابتدن تبلیغ قلمقله موجبجه ایجابی اجرا ولتشدی .

سعید پاشا حضرت تیرینک خاطراتنده منظورم اوله بیلان بکا عائد مسائل حقنده
ویرمش اولدیغم ایضاحات تبیین حقیقه کافی اولوب کرچه مشارالیه حضرت تیرینک
طبع خود پسندی عالیلری اعتراف قصوره مانع اولسه ده نه چاره که حقیقت حال
اومرکزده اولدیغنی ارباب دقت تسلیم ایدرلر اعتقادنده یم .



قسم ثانی

غزته لرله وقوعبولان شریاته جواب

مجلس اعیان رئیس سعید پاشا حضرت تلی رنین و بالآخره نام اصلینی آلان طنین غزته لرله خاطرات عاجزانه مه قارش بر طاقم مقالات متسلله نشرایتدکاری کورلدی. دهامقدمه سنده حقیر لقله سوزه کیریشیلوب کویا معروضات شفاهیه و خصوصیه ایله کندیلرینک مسالکینی تنقید ایتمک ملتزم بولندیغندن و بوبابده کی قساعتلرینک اسبابندن بحث ایدلمشدر.

هر نه قدر معلومی اعلام قیلندن ایسه ده شوراسنی خاصه ایضاح ایلمک بن شونک بونک مسالکینی، حالی تنقید و تزییف ایلمکی کندیبی ایچون بر نوع ذوق عد ایدنلردن دکلم.

مشار الیه سعید پاشا اعلان مشروطیتدن صکره بعض مسائلدن ادعای برائت و بشقه لرینه اسناد قصور و تهمت یولنده اوراق حوادثله نشریاته تصدی ایلامش اولسه وشو میانده بکا متعلق جهت لر دخی بولنسه خاطراتمک بر قسمنی بیله موقع انتشاره قویم یوب مجرد تاریخی خدمت ایچون کلیاتیه برابر زمان مناسبه بر اقیرایدم. خاطراتمک قسم منتشرنده سعید پاشا حضرت تلی رینی کوجندیره جک بعض نقطه لر بولنه بیلیر. نه چاره که بونلر وقیله احوال و وقوعاتک ایجاباته کوره یازلمش ماده لر اولوب بلا تفسیر و تحریف خاطراته کچیرلمشدر.

یاسعید پاشا حضرت تلی رینک خاطرات عنواتی حائر مجلدات جسیمه سنه نه دیه لمکه مناسبتمز دیدی قویدیلردن و حال زمان حاضره کوره تصور اولنمش حکایه لر دن صرف نظرله باشند آشاغی مندر جاتنده مشار الیه هر درلو خطا لر دن بالتبری کافه حسناتی نفسنه حصر و سیئاتی حکمدار ایله اسلاف و اخلافه و رفقا سنه عزو ایتمک امانی التزام و تعقیب ایتمشدر. هله حق عاجز آمده کی معروضات و تصویراتی حیغه لر تولدیره جتی درجه ده در. شو حالده تصحیح ذهاب ایله متشکرا و لاق حق هانکی

جهته توجه ایتک لازمکه چکنی ارباب مطالعه نك تقدیرینه ترك ايله سعید پاشا حضرتلرینك جوابلرینی تدقیقه باشلايه لم .



مشارالیه رینك ۱۰ تموز ۳۴۷ تاریخی نسخه سیله باشلایان ایضاحاتنده شرقی روم ایللی بلغارستانك برلشدیرلسی ایچون وقوع بولان حرکات واجرا آندن باب عالینك کویا خبردار بولندیغی اثباته مدار اولمق اوزره (اولا) اوچوزیرسنه سی ایلولندن اول بلغارستانده عددلری غایت قلیل ارباب اختلال ایکی ایالتك اتحادی یولنده بعض تشبثاده بولملری، اوزرینه روسیه حکومتیه بالمراجعه حکومت مشار الیها ایکی ایالتك اجتماعی آرزوسنه قطعاً مخالف اولدیغی قونسولسری واساطیله شهرک هر طرفنده مطبوع بیاننامه لر تعلیقیه اعلان ایتدیردیکندن بحث بیورلمشدر .

طوغریسی بو تدبیری اوقویانلرجه ، بلغارستان ايله شرقی روم ایلینك صاحبی روسیه ایمشده آکا یازیله حق اعلاننامه لر تعلیقی اجرا آتیله اکثفا اولمش، یولنده حصولی طبعی اولان ذهابه محل قلامق ایچون دهاترلره نه یولده تبلیغات وتشبثاده بولندینی دخی تصریح ایدلسه مناسب اولور . بن باب عالی قیودنده بوکا دائر آثار کوره مدم ، سعید پاشا حضرتلرینك دولتخانه لری سبجلا تنده وارسه بیلنه مر .

(ثانیاً) روسیه سفیرینك وقعه حقنده آلدیغی تلغرافدن خاقان سابقه معلومات ویرمسی استبعاد اولنه من جمله سیله بویابده کی قولی ضمناً تصدیق ايله برابر فقط باب عالی وقعه یی روسیه سفیرینك خبری اوزرینه دکل دها اول حالی استقصاء ایدرك مقام سلطنته بیلدیرمشدر دینلکدن صکره اوچ قطعه تذکره خصوصیه صورتی درج اولنورکه هبسی ۹ ذی الحجه ۳۰۲ تاریخیله مورخ یعنی یوم عرفه یه مصادفدر .

بونلرك برنجیسنده « هوجه بك طریقله غاوریل پاشادن وخارجیه نظارتجه نهاد پاشادن صورلمغله جواب کلنجه عرض اولنه جفی وسفارتلردن سؤال کیفیت دردست بولندیغی » ایکنجیسنده « سفارتلردن لاجل السؤال بیو کدریه کوندیریلان تحریرات خارجیه کاتبنك عودتده آله حق معلوماتك كذلك عرضه مسارعت ایدیله چکی ونهاد پاشایه چکیلان تلغرافك جوابی تعجیل اولئوب صوفیه دن آله حق خبرلوك بیلدیرلسی ضمنتده بکرش سفارت سنیه سنه تلغراف چکلدیکی » اوچنجی تذکره

خصوصیه ده دخی «هنوز بر طرفدن جنوب آلتنه مامش ایسه ده نهاد باشادن رأساً کلان ایکی قطعه تلغرافک مائلرینه نظراً احوال واقعه هیئت و کلاجه مذاکره یه محتاج کورندیکندن ولدی الحاجه عساکر عثمانیه بی جلبه روم ایللی شرق والیسنک حق اوله جغنه دایر برلین عهدنامه سنک اون آلتنجی ماده سنندن بختله برابر والی طرفندن اوله بر طلب واقع واستشعاراتک جوابی وارد اولموب نهایت باشانک اشعاراتنده غاوریل باشانک اسقاطی مروی اولدینی مندرج بولندیغندن ایرتسی کونه قدر ده سائر معلومات آلنورسه آنرکده علاوه سیله نه یالقی ایجاب ایره جکنک بعدالمعایده مجلس و کلاجه تدقیق و مذاکره سی ایجاب حالدن کورندیکی « عرض اولنمشدر .

سعید پاشا حضرتلری مذکور تذاکر خصوصیه بی متعاقب طرف سرعسکری یه ویریلان امرک و ادرنه، سلانیک، مناستر و قوصوه ولایتلرینه یازیلان تلغرافلرک صورتلری علاوه ایتمشلردرکه بونلرده عین تاریخی حاوی وروم ایللی شرقیده قاریشقلق وقوعی روایتی اوزرینه جلب انظار دقتی واجرای تحقیقات اولنمسی توصیه سنی متضمندر .

ایمدی مطالعه ایدنلر طوغریسنی سویلسون. بن خاطر اتمده ادرنه ولایتی جوارنده وقوعبولان بونجه حرکات واجر آتدن باب عالینک بی خبر اولدینی یازدم . خلاصه لری بالاده محرر تذکره و تلغرافلر عجبا بومدعا بی ابطاله یا خود تأییده می دلالت ایدر ؟ اخبارات خارجییه اوزرینه صوفیه ده کی قومیسر مزدن مع التأسف هوجه بک طریقله استعلام حال و بکشرش سفارت سنیه سیله بیوکدره ده کی سفارت اجنبیه دن استحصال معلومات مجبوریتده قالان باب عالینک ظهور حادثه یه قدر درین بر غفلت وعدم وقوف ایچنده یولنش اولدینی انکاره مجال وارمیدر . مذکور تذکره و تلغرافلر آره سنده غاوریل باشادن مرسل بر تلغرافک صورتی دخی مندرج اولوب تاریخی وقعه دن ایکی کون اولنه مصادف و پا نیجه نامنده بر شخصک سوء منویاتنه قارشى محافظه اساسیش ایچون تدابیر لازمه نلک اتخاذا اولندیغندن باحث اولان بوتلغرافک نشری غاوریل باشانک ده باب عالینک و قوفسزلغه اشتراکئی ارأه مقصدینه مبتی ایسه بوکا بردیه جک بولنه من .

سعید پاشا حضرتلری خاقان سابقک صلات عیده چیقارکن کندوسنه اظهار حدت ایتمدیکنی ، باله کس جامعدن سرایه عودت و مجلس و کلاجه مذاکره مصلحت اولنجه یه

قدر سوق عسکر فکرندن فراغت و تعبیر آخرله خاقان سابقک فکرینه تبعیتی ایچون کندوسنه پک نواز شکارانه معامله لر ایتش اولدیغنی یازیورسده اوقاف ناظری صفیه علی العاده قرب شاهانه ده بولندیغمدن خاطر اتمده بیان ایلدیکم وجهله خاقان سابقک صدر اعظمه اظهار حدت ایتدیکنه وقوفم طیبعدر .

سعید پاشانک مابین هایون باشکتابته کوندروب صورتی عیناً رنن غزته سنده و خلاصه مآلی بالاده مندرج صوکه تذکره خصوصیه سنک نهایتده کی « یارینه قدر دها سائر معلومات استحصال اولنور ایسه آنلرک دخی علاومه سیله نه یاپلق ایجاب ایدجکنک بعد المعایده مجلس و کلاجه تدقیق و مذاکره سی ایجاب حالدن کورونمکه عرضی متمنادر اقدم » جمله سنک دلالت قطعیه سیله دخی ثابت اولدیغنی وجهله جامعدن سرایه عودته قدر، نه یاپلق ایجاب ایدجکی تدقیق اولنماش هله سوق عسکر بحی قاله بیله آنلماش ایکن خاقان سابقک جامعدن سرایه عودت و مجلس و کلاجه مذاکره مصلحت اولنجهیه دیکن سعید پاشانی هنوز اورتهیه قولیان سوق عسکر فکرندن فراغت ایتدیرمک اوزره پک نواز شکارانه معامله لر ایتش اولسنه احتمال ویرمک معقول اوله من .

سعید پاشا حضرتلرینک تدبیر عسکری بختده کویا سرایده محبوسیتی وقوعنه قدر مصر اولدیغنه فون درغولتس پاشانی اشهاد ایتسنه کلنجه واقعا فون در غولتس پاشانک فضائی نزد عاجزانه مده دخی مسلم و معترفدر ، آنجق مشارالیه کشف و کرامت صاحبیمیدرکه اکر سعید پاشا سویله مامش ایسه کندولکنندن خاطراتنه اوپله بر قید کچیرمش اولسون .

هرنه ایسه بایرام نمازینک ورسم معایده نک ادا و ایفاسنی متعاقب مابین دأرهنه کلنهرک و کلا او طه سنده عقد مجلس اولندیغنه او وقته قدر اجرانسه امکان بولنه بیان تحقیقات و بلغارلر جانبندن جسر مصطفی پاشا دینامیت ایله بالتخریب روم ایلیء شرقی ایله ادرنه بیتنه مواردنک کلیاً قطع اولدیغنه دأر بایرام کیجه سی آنسان معلومات آرتق وقعنه نک صحتده شبهه بر اقامسیله بوندن جمله من پک زیاده متأثر اوله رق روم ایلیء شرقییه قوه عسکریه سوقیله عصیان ایدن بلغارلرک تأدیجی بولنده مباحثات جریان ایتمه باشلامش ایدی .

سعید پاشا حضرتلری ایسه کرک عتاب شاهانه دن کرک مدت ماضیه ده برلین

معاهده سی ۱) موجباً باینکه حدودینه استحكاملر انشاسی وعسکر اقامه سیله اسباب محافظه نك استكمالی وسائر كی عهدۀ حكومتی مترتب وظائف مهمه نك ایفاسی خصوصند باب عالیجه غفلت ایدلمش اولسی مسئولیتدن متأثر اومیهوتاً دوشو - نمکده ایکن حسن فهمی پاشا بر نطق ایرادیه حکومت سنییه بوشلوتجارتی سگوت ایلکچشدره جك اولورسه ممالك دولت علیه نك برر برر الدن کیده جگنی درمیان ایلدیکندن اساساً حدث شاهانه یه وائف اولان اعضای عسکریه همان عسکر سوقی لزومی تصدیق وجهت ملیکیه منسوب وكلا دخی او رأی تصویب ایدرك سوز بكا دوشنجه ادرنده موجودیتی سؤال عاجزانم اوزرینه سرعسکرپاشانك افاده جوابیه سندن آ كلاشیلان یدی بیک عسکرله هر درلو احتمال قارشى تهیاتده بولنان بلغارلرله نتیجه سی مجهول بر محاربه یه کیریشمك موافق حکمت اولیه جغندن و چونکه باب عالینك بویاده اتخاذایده چکی قراری واسباب موجه سنی استانبولده کی سفرای اجنبیه یه بیلدیرمسی برلین معاهده سی اقتضاسندن ایدوکنندن تهیات عسکریه مبادرت اولنقله برابر دول معظمه یده بالمراجعه استاتوقونك اعاده سنه تشبث اولنمسی بیان ایشدم . بو صورتله بن مخالف رأیده بولندیغ کی ذهنی پاشا حضرتلری دخی رأی عاجزی یه اشتراك ایدوب سعید پاشا ایسه اکثریته التحاق ایلمیه یازدیغی مضبطه مسوده سنی بر موجب اراده خنکاره کوندرمش ایدی . حال بومرکزده یعنی ۱۰ تموز سنه ۱۳۲۷ تاریخی رنین غزته سنك اوچنچی صحیفه سی برنجی ستوننك نهایتده (کامل پاشا ایلک اسمی آتیده مشار الیهك خاطراتنك عبارة عینه سی صره سنده درج اولنه جق بر ذات مستثنا اولق اوزره

۱) براین معاهده نامه سی . ماده ۱۵ - ذات حضرت پادشاهینك بوایالتك برأ وجرأ حدودینی بوجود اوزرنده استحكاملر انشا وعسکر اقامه ایدرك مدافعه اسبابی استحصاله حق اوله جقدر . روم ایلی شرقیده انتظام داخلی محلی ملیس عسکرى طرفندن مظاهرهت اوانور بریلو زاندارمه معرفتیه محافظه اولنه جقدر . ضابطانی طرف شاهانه دن تعیین اولنه جق اولان بو ایکی صنف عسکرک ترکیبده محلنه کوره اهلینك منسوب اولدیغی مذهبه اعتبار اولنه جقدر . ذات حضرت پادشاهی حدودك محافظه سنده نشی بوزوق وچركس کی غیر منتظم عسکر استخدام ایتمککی تعهد ایدر . بو خدمتی ادا ایدیه حك عساکر منتظمه هیچ بر حالده اهلینك اوند اوطورمیه جق وداخل ایالتدن کچرکن اوراده اقامت ایلمیه جقدر .

ماده ۱۶ - ایالتك امنیت داخلیه وخارجیه سی تهدید اولندیغی تقدیرده عساکر عثمانیه بی جلبه والینك حق اوله جق وشو ملحوظ اولان حالك وقوعنده باب عالی اولیاده ویزیلان قراری واسباب موجه سنی استانبولده کی سفرای اجنبیه یه بیلدیره جقدر .

واغنا سائر وکلا کاملاً عسکر سوقنده اتحاد ایتماشاردی (جمله سیله بنم وذهنی پاشانک مخالف رأیده بولندیغمز سعید پاشا حضرت تلرینک تحت اعتراضده ایکن مشار الیهک خاطر اتده بوندن بحث ایتماشی ، بالعکس مذکور خاطر اتده تختم و تقدیم قلمش طرزنده صورتی نشر اولنان مضبوطه مباحث عنایده (همان عسکر سوقی تدبیرینک ترجیحده اتفاق آرا حاصل اولمشدر) دنیلیمی نه یولده تفسیر اولنهیلور ؟

برده (رنین نومرو ۲۷ صیفه ۱ ستون ۴) خاطر اتده کی افادادن « وسائط سیاسیه ایله استاتوقونک اعاده سنه تشبث اولنمی موافق مصلحت اوله جنی رأینده ایدم . » جمله سی اصول منظره ایجابجه سند اتخاذ اولغنه شایاندر بیوردقدن صکره بوکی احوالده وسائط سیاسیه وسائط عسکریه ایله مترافق اولمدقجه نتایج اکثرأ و اغلباً مطلبک خلافه ظهور ایدر یولده ملاحظات حکیمانه به کیریشلمسی سعید پاشا حضرت تلرینک بشه لرینک احوال واقواله متعلق حقایق آرزو سنه توفیقاً تغیر و تصویر غیرتندن بردرلو واز کچه مدیکنی کوستره جک و خاصه سند اتخاذ اوله جق خصوصاتنددر . بونک برهان علنیه سی ده افاداتم « تمیثات عسکریه به مبادرت اولغنه برابر دول معظمه ایله بالخباره وسائط سیاسیه ایله استاتوقونک اعاده سنه تشبث اولنمی » مرکزنده بولدینی حالده پاشای مشار الیهک افادات مبسوطه نک برنجی جمله سنی بالاتزام حذف ایدرک یالکیز ایکنجیسنی سند اتخاذ ایلیک صورتیه ابراز هنره قالمشمسیدر .

سعید پاشا حضرت تلری اثنای وقعه ده موجود عسا کرک مقدارینی تعیین صدندده تا بمحل بر اصول منظره یوروتهرک اوزمان دولتک سلاح آلتنده کی قوتی ایکی یوز بیک راده سنده اولدیغی تبیین ایدیور . واقعا بو مقدار معترض فیه دکدر . آنجق ارضروم ، بغداد ، سوریه ، حجاز و یمن ولایتلریله سائر اوزاق محالرده یعنی دردنچی ، بشنچی ، آلتنجی ویدنچی اردولر داخلنده بولنان عسا کرک درحال روم ایلی شرقیه سوقی مقتضی قوته نه امدادی اوله ییلور ؟ لازم اولان قوت ایکنجی اردودا ثره سننده کی ردیفدرک سلاح آلتنه آلتنسیله حاصل اوله جق ایدی . نته کیم بالاخره اوله ده اولدی . الحاصل هر نصله بروقه در ظهوره گلش و بلغارستانلر روم ایلی شرقی عصیان حاله کیردکلری ا کلا شلمش اولمسیمه مسئله نک حلی بر قوه جزئییه ایله در حال بونلرک اوزرلرینه وارمی یا خود برطرفدن اکمال تمیثاته غیرت دیگر جهندنده

وسائط سیاسیه مراجعت اولتیق شقلرینه انحصار ایلدیکندن اجتهاد عاجزانه بجه بن شق نایک ترجیحی قاعده حزم واحتیاطه موافق کورهرک اورایدبولندم . هیئت سابقه دن ریاست عاجزآمده متشکل هیئت انتقال ایدن ذوات دخی فیکرلرینه سکون کلمی اوزرینه ایثی ده ا طرفلی دوشونمکه وقت بولوب رأی عاجزانه مه التحق ایلدیلر .

وقعه دن برقاچ کون صکره فایه دن کلان جماعت اسلامیه ناظری جمال الدین افندیك پرنس دوبا تمبرغ فلبیه کیتدیکنده یاننده عسکر بولمادیغنه دایر شیخ الاسلام افندی به برتقریر ویردیکی و (سعید پاشانک) ظننه کوره شیخ الاسلامک اوتقریری بکا کونردیکی جمله بیاناتدن ایسه ده بن او یله تقریر کوردمم . برنجی جلد خاطر اتنک ۲۲۷ نجی صحیفه سنده ایسه بوجمال الدین افندی حکایه سی (روم ایلی جماعت اسلامیه سی ناظری جمال افندیك خلفم کامل پاشایله مقام مشیخته ارسال وبر صورتی دخی استانبوله عودتندن صکره بکا اعطاییدیکی ۱۴ تشرین اول سنه ۳۰۱ تاریخی تقریر مفصل) صورتندم محرردر . بوفاده لرك هانکیسنه ایسانلم؟ مع هذا بوتقریری تذکاردن مقصد انای وقعه ده بلغارستانده کی عسکر قلاتی ایما ایسه نصل اولورکه آز مدت صکره یه او پرنس مکمل براردو ایله صربستانه کیدوب اولجه وار قوتیله محاربه یه حاضر لانتش اولان صرب دولتنک اردوسنی مغلوب ایده بیلیمشدر . سعید پاشانک بوصره ده یه مناسبت دوشورمک خاقان سابقدن معاتبه دکل لعله مجامله کارانه معامله کوردیکنه و کندوز عمنجه اسبابنه متدائر تکرار ایلدیکی افاداتنک جوابی اولجه یازمش اولغله برابر یه دیه جکمکه خنکارک هنوز جامعده ایکن وقعه دن متأثراً اظهار حدت ایلدیکی برقاچ دقیقه لاق مدت ظرفنده ، بالاخره سرایه عودتله مجلس وکلانک انعقادندن صکره میدان چیقان ، عسکر سوقی و یاعدم سوقی ماده سنی مباحثیه ودرجه جسارت و متاتی معلوم عالم اولان پاشای مشار الیهک مداخله عسکریه دن صرف نظر اولغنی فکرینه کویاشد بدآخالفت ایدوب پادشاهک ده مشار الیهی بوندن فراغت ایتدیرمک املیه مجامله کارانه معامله ده بولنمسنه امکان متصور میدر ؟

خاقان سابقک یوم عیدده مجلس وکلانک اجتماعنه مخالف و مخالفنده مصر اولدیغی حالده کویا سوق عسکرده تأخر وقوعبولماق ایچون سعید پاشانک ابرام والاحاحی اوزرینه مجلسک انعقاد ایلدیکی فقره سی دخی واقعه مطابق دکلدر .

سعید پاشا حضرتلری خاطراتنه مجلس وکلانک نتیجه مذاکراتی حاوی قلمه آلان مضبوطه مسوده‌سنگ حضوره عرض اولدنیغه دائر ادنا بر قید دوشورما - مشکن ایضاحات اخیره‌سنده بر آزار اضافه کله‌رک بوجهتی اولسون بعدالاعتراف فقط مسوده‌نک مجلسده او قوندیغنی تکرار وخاقان سابقک بعض ارادات ایله ایکیشر دفعه باش کاتبی وحاجی محمود افندی بی ۱۱ مجلسه کوندردیکی ، تکرار مذاکرات جریانندن صکره کویا مجلس حضورنده کندینک (سعید پاشانک) دیکته ایله یازدیردنی مضبوطه مسوده‌سنگ بیضی خاقان سابقه کوندرلمش ایسه‌ده مشار الیهک نزدنده آلیقویوب اریکیچلاک مجلسک طاعلمسینه امر ویردیکنی ، کویا بیرامک ایکنجی کونی دفعه ثانیه اوله‌رق قلمه آنوت خاقان سابقه قبول ایتدیریلان مضبوطه‌ده اوج شق اوزرینه بیان اولان فقره‌لرک تعیین ایتدیکی خط حرکت اساساً حرکت عسکریه اولوب تبدل ایتماک لازم کلیرکن هیئتک تبدلی ایله مسلک موضوع تحول ایلدیکنی ، بیرامک بشیجی کونی کندیسنگ (سعیدپاشانک) سرایه جلیله محبوسیتی وقوعبولدیغنی اشعار ایدیور .

سعید پاشا حضرتلری خاقان سابقک مداخله عسکریه‌یه مخالفتی بر مقصد مخصوصه تبعاً فریاد ایدرجه‌سنه اعلان ایلوب طوررکن کندی افاده‌سنه کوره اساسنی « حرکت عسکریه » تشکیل ایدن مضبوطه ثانیه خنکاره قبول ایتدیرلمش اولسه آرتق آرده بر کونا اختلاف قالماق ومشار الیهک کویا تعیین ایتدیکی خط حرکت دائره‌سنده اداره اموره دوام ایدوب سرایده محبوسیت مخیله‌سی کی حاللر وقوع بولماق لازم کلزمی ایدی ؟

مشار الیهک خاطراتنه جوابدهده قسماً بیان ایلدیکم وجهه روم ایلی شرقیه عسکر کوندریله‌مامسی اساسنی سعید پاشا حضرتلری بالذات وضع ایتمشدر . چونکه سفرانک افکارینی برای استکناه بیوکدریه کوندردیکی تحریرات خارجیه کاتبک ویردیکی ورقیه نظراً « خاطرات جلد ۱ صحیفه ۲۳۰ » (سفرایله وقوع بولان ملاقاتده روسیه اچیسنگ بیان وحکایه اوانان افادانک خلاصه‌سی ایستفانوس معاهدسنی یاپانلر برلین عهدنامه‌سنی تنظیم وامضا ایدنلردن زیاده احوال شرقیه واقف اولدقلری وشرقی روم ایلمنک بلغارستاندن آیرلمق احتمالی اولمدیغنی جهتله

۱) کرک اووقتکی باش کاتبک کرک حاجی محمود افندی‌نک بر حیات اولیوب ایوم اشهادلری ممکن اولهمیه‌جفته قارئین البته دقت ایدرلر .

اهالینک آرزوسنه مبنی پرنس فلبیه کیدرک ایش اولمش بتمش حکمنده بولدیغی و دولت علیه بوکاسلاح ایله مداخله ایده جک اولورسه قارشوسنده یالکزر وسیه دولتی دکل اسمنی سویلک ایستمدیکی بعض دولتلرک دخی کورینه جکی زمینده اولدیغی کبی آوستریا سفیری دخی بویولده اداره لسان و آلمانیا سفیری وقوعات مذکوریه اظهار تعجبله عدم معلومات بیان ایتمش و انکثره ایلیچیمی دخی روسیه سفیرندن بویله بر وقعه ایشتمش اولدیغنی بیان ایله بلغارستانک اشبو تشبثات عسکریه سنده روسیه ضابطلرینک نه حرکتده بولنه جقلری سؤال ایدلسه مناسب اوله جغنی افاده ایلش اولدیغنی آکلاشلمشدر) سوزلرینی عرض ایله کنسیدی قدر وهم و وسوسیه مغلوب اولان سلطان عبدالحمیدی آرتق وقتاً من الاوقات رفع وتعدیلی قابل اوله میه جق درجه ده تهدید وتوحیش ایلشدر .

سعید پاشانک خاطرانته کوره فلبه وقعه سنک اوچنجی کونی روسیه خارجیه نظارتندن سفارنه بالورود سفارت مستشاری طرفندن کندوسنه (سعید پاشایه) قرائت اولنان تلغرافنامه ده ایمراطور حضر تلرینک وقعه یی تقبیح ایله بو حرکاتی ترویج ایتیه جکلری و بوکا عدم اشتراک ایچون روسیه ضابطلرینه امر ویردکاری محرر ایدیسه پاشای مشار الیهک بو تلغراف مألنه کلیاً مبین اوله رق بیوکدرمدن آلدیغی خبرلری بالتحقیق و تمیز عرض ایله خنکارک توحشنه سببت ویرمش اولسی جای بحدرد . ارباب دقت وبصیرتک رأی وقولنجه سعید پاشا حضر تلرینک بو مسئله ده التزام ایلدیکی مسلاک ایشک وخامتنی کوره رک خاقان سابقک وهم وتلاشنی اوخشایه جق مقدمات موحشه ایله سوق عسکر ماده سنی امکانسز بر حاله کتیردکن صکره کویا کندوسنی عسکر سوقی طرفنده کوستروب خلفنه دور مسئولیت ایچون اختیار عزالت طریقی تأمین ایلک . بالاخره فرصت ظهورنده حکمدار ایله بنم مخالفتمزدن طولایی عدم موفقیتنی و معزولیت ومحبوسیتنی اشاعه ایله انظار عوامده برائت قزانه بیلیمک مقصد منفردینه مستنددر . پاشای مشار الیه حق عاجزانه مده نهدیرسه دیسون جوابی آلور و احجاب انصاف عندنده حق ایله باطل یک اعلا تمیز اولنورسده مشار الیهک کنیدی انواع نم والطافنه مستغرق ایدن خاقان سابقک حسب القدر اختلاطدن ممنوعیتنی و مدافعه یه بالطبع عدم اقتدارینی فرصت اتخاذایله کنیدی مسئولیتنی آکا بالتحمیل فصل ومنمته کیریشمسی شعار انسانیتّه موافقمیدر ؟

بلغار حکومتی صرب حکومتنه اعلان حرب ایتدیکنده شرقی روم ایلی بی تخلیه ایلدیکنی و دولتیك سوق عسکرله ملکنه صحاب ایتسنی تلغرافیه بکایدیردیکی جمله حکایاتدن ایسهده بو مالدیه بر تلغراف وارد اولموب بالکس او ائنده کلان تلغرافنامه لرده بر نسك صرب محاربه سندن عودتنده روم ایلی شرقی مسئله‌سی حقوق شاهانه توفیقاً حل و تسویه ایدمچکی تأمیناتی مندرج ایدی . کیفیت وقوعی آتیا تاریخده کوریه‌جك اولان بلغار و صرب محاربه‌سی هنکامنده روم ایلی شرقیه عسکر سوقك هیئت وکلایه تذکر و عرض اینلمش اولدینی خاطر اتمده مقیددر . آنجق خاقان سابقك ، کرک سعید پاشانك اولجه بیوکرده دن آلوب عرض ایتدیکی دهشت انکیز خبرلرک تأثیری تحتنده بولمخسندن ، کرک برنس دوباتبرغک تأمینات مبسوطه سینه علاوه روسیه سفیرینك دخی مجلوی اولان یوسف رضا پاشا و ساطیه خنکاره تسلیت آمیز معروضاتدن خالی قالماسندن طولای سلطان عبدالحمید وسائط صلحیه بی سوق عسکره ترجیح تدبیرندن دونموب او صروده بعضی الجآت سیاسیده انضمام ایتمکه هیئت وکلایه اصراره و بناء علی ذلک رئیس وکلا جانبدن یعنی طرف عاجزانه مدن دخی عرض استیفیه لزوم کوریه‌لماش و مصر مسئله‌سینک اولیاننده سعید پاشانك لعله بر مدت موقته ایچون عبدالرحمن پاشا حضر تلرینه سلف و خلف اولدینی مللو استغفای عاجزانه وقوعیله بکا دخی خلف اولسی خصوصنده کی آرزوسی مع التأسف برینی بوله مامشدر .

روم ایلی شرقی مسئله‌سی اوزرینه حکومتجه بر طرفدن ترتیبات عسکرینه کماله سعی و اهتمام دیگرجهتدن صلحاً تسویه مساحت تدبیرندن اوله رقی بلغارلره نصیحت ایچون مأمورین مخصوصه اعزام اولنمش ایدی . او وقته قدر اوچ ایمپراطور بیننده کی اتفاق مؤخرأ منحل اولوب روسیه‌نک پولیتیه‌سینه رغماً آلمانیا ، آوستریا و ایستلیا دولتلری آره‌سنده یکی بر اتفاق مثلك منعقد اولمسه و انکلتره دولتی ده بو صورتی مسلك سیاسیسه موافق کورمسه بناء مسئلهده باب عالی‌یه مظاهر بولان بو درت دولت روسیه پولیتیه‌سینه عدم امنیه روسیه‌نک بلغارستانده ضایع اولان تفویزی اعاده ضمننده فعلاً مداخله‌سینه سبیت ویرنامک ایچون معامله صلحیه بی ترویج ایله برابر بلغارلرک سر بستمده یازدیم ایتمکه ایدیلر . بلغارستانده تظاهر ایدن حاله کلنجه ، بر فرقه جزئیهدن ماعدا بلغارلر روسیه‌نک دست تغلب و تحکمندن تخلیص کریسان ایله حریت حرکتلرینه مالک اولمق املنده استنادگاهاری دولت

متبوعه لرینک حمایتی اولدیغنی بیلهرک دولت علیه یه التجا و دول معظمه اربعه دخی کندولرینی بو طریقّه سوق ایدوب روسیه ایسه نفوذینه تابع قالان فرقّه قلیله یی بالتقونه جمعیتلرینی توسیع و تکثیره اوغراشمقده ایدی .

ایشته شو حاکمه قارشى باب عالی جه اتحاد اولان مسلك ایله دولت علیه مرخصندن و دول معظمه سفرا سندن مرکباً تشککل ایدن طوپخانه قونفرانسنده مسئله یه نه وجهه قرار ویرلیدیکی و صدارتدن انفصال عاجزانه ده دکیمن روسیه نفوذینک بلغارستانده تقرینه میدان ویرلیوب بلغارلرک دولت متبوعه لرینه صداقتلری نصل محافظه ایدلیدیکی خاطر اتمده مصر حدر .

روم ایلی شرق مسئلهسی طولا ییسمیله مجرد « احوال عمومیه نك الجا آتته تبعیت ضروری و جبراً محفظه حقوق دولت غیر ممکن بولدیغنه دلیل مقامنده اولمق اوزره » بلغارستانک اعلان استقلالی ماده اخیر سینه دائر خاطر اتمک بر جهتنده مندرج بش آتی سطرلق مقاله نك سعید پاشا حضر تیرنجه دریعه اتحاد اولانه رق رثیه عضلیه اضطرابی آره سنده ستونلر طولوسی یازی یازمیش اولسینه تأسف و تعجب دن بشقه برشی دییم . مقاله مذکوره ایله کیمسه یه اعتراض و یا خود عزو قصور اتمک قصدنده بولنمدم .

بلغارستان و بوسنه و هر سک مسئله اخیر لرینک ظهورینی و رفقای محترمه نك انضمام معاونت لر یله حل و تسویه لرینی انتاج ایدن مقرر اتمک اقسام اصلیه سی زمن مأموریت عاجزی یه مصادف و صفحات کامله سی تماماً مضبوط اولمقلا برابر بو ماده لر ی شمیدین موقع مناقشه یه قویتمق پکده مناسب دکلدر . مع هذا سعید پاشا حضر تیر ی ۱۴ تموز تاریخلی رنینک ایکنجی صحیفه سنک اوچنجی ستوننده عن قصد و یا عن جهل (اوستریا بوسنه و هر سکک مالکنه الحاقی و بلغارستان استقلالنک تصدیقنی طلب ایتدکاری ائنده دول خمه بر قونفرانس عقیدنی تکلیف ایدیلر . اوله بر مجلس دولی یه حواله مصلحت اولسه ایدی دولت علیه خصوصاً بلغارستان استقلالنک تصدیقنی ایچون روم ایلمینک حال اصلیه سینه رجعتنی بحق شرط اتحاد ایدردی و بو ایالت بلغارستانک جزؤ منضمی عد اولنمی حقنده تصدیق دولی بولمدیغندن مباحث عنه اولان الحاق واستقلال تکلیفلرینی نظریات سیاسیه لرینه موافق کورمیان بعض دولتله بینمزه اتحاد افکار حصولی اقوای احتمالاتدن ایدی . حتی اوستریا بوسنه و هر سکک کندی مالکنه الحاقنی طلب ایتدیکی حالده بلغارستان استقلالنه بلکه

علماً و یا معناً مخالفت ایدردی . فقط باب عالی قونفرانسه دخوله اولاتردد کوستردیکی و درجه ثانیه قایتولاسیونلرک لغوی واجنبی پوسته لرینک رفی ماده لرندن بدایله ده بر چوق مواد حقنده مطالبمک دولتر طرفندن قبولنی والا بویکی مسئله یی علاقه داران بینده یعنی بر طرفدن حکومت عثمانیه و دیگر طرفدن اوستریا و بلغار حکومتلری آره سنده بالذا کره فصل ایده جکی مقام تهدیده تبلیغ ایلدی . دول مشارالیه بوتکلیفمزه مطلع اولدقنرنده موضوع بحت اولان الحاق واستقلال مسئله لریله باب عالینک بیان ایتدیکی مسائیل قدیمه بینده قطعاً مناسبت و ارتباط کورمدیلر . باب عالینک طوغریدن طوغری به مذا کره و معاقده ایچون اظهار ایتدیکی تمایل ایسه بعض دولتلرک نظریات و فوائدینه موافق کلدیکندن انلرکده تشبثاتیه دولتلرک کافه سی بوماده لری برلین معاهده سنک بمضایی اولان دولتلرک انضمام آراسیه دکل منفرداً مذا کره و قطع ایتمک ایچون باب عالی یی مختار بر اقدیلر الخ » یولنده ، حقیقت حاله کلیاً مغایر تصویرانده بولنش و افکار عمومی یی تحریک و اغفال ایچون بوتصیر عجیب ایله دخی عرض محضک اهانت درجه سنه وارمش اولدیغندن آرتق بوخصوصلرده بتون بتون اختیار سکوت اولنه میوب بعض مرتبه ایضاحات سردینه مجبورت حاصل اولمشدر .

اولا سعید پاشانک تعریفی کبی اوستریا بوسنه وهرسکک کندی مالکنه الحاقی و بلغارستان دخی استقلالک تصدیقنی طلب ایتدیلر . بالعکس اولباده اولان قرارلریخی خود بخود اجرا و اعلان ایلدیلر . کذلک مشارالیهک زعمی وجهیه اوئانده دول خمس بزه قونفرانس تکلیفنده بولنمیوب بلغارستانجه اعلان استقلال اولنمی اوزرینه باب عالیجه پروتستو طریقه کیدمکه برابر حل مسئله ایچون قونفرانس عقدینی بز تکلیف ایتدک .

ثانیاً بواعلان استقلال وقعه سی متعاقب آوستریانک بوسنه وهرسکی مالکنه الحاق ایلیمک طرزنده ظهوره کلان قراری جانب حکومت سنیه دن پروتستو وکأن لم یکن حکمنده عد ایدیلرک آوستریانک اشغال واداره موقه سی تحتنده بولنان بوسنه وهرسکک ایلترینی کماکان ممالک دولت علیه دن واهالیسنی تبعه عثمانیه دن طانیوب اولوجهیه معامله اولنه جغنی دخی آوستریا حکومتنه تفهیم ایلدک .

هرایکی مسئله یی بر قرار موافقه ربط ایچون تشبثات و تعقیبات متوالیه من

اوزرینه قونفرانس عقدی حقیقده کی آرزو قوت بوله رق حتی دول سائره نك قبوله معاقاً قونفرانس پروغرامنی تشکیل ایده جك موادی حاوی بیاننامه نك صورتی بر دولت معظمه طرفندن باب عالی یه تبلیغ قلندی سعید پاشانك قونفرانسه موافقت ایچون کویا مقام تهدیده باب عالی دن وقوعی تصنیع و تحریر ایلدیکی مطالبدن عهد عتیقه واجبی پوسته لری ماده لری ایشته بو بیاننامه نك مندرجاتی جمله سندنر .

مذکور بیاننامه نك تبلیغله برابر اجرا وایما اولمان وصایای دوستانه ده دولتلر بر امر واقع قارشو سنده بولنوب کرچه بلغارستانك حرکت واقعه سی شایان تقییح ایه ده جبراً استرداد حقوق دولت علیه عائد و حالوکه حکومت عثمانیه نك هنوز داخل اولمش اولدیغی دور جدید مشروطیتده تنظیمات و ترقیات مملکت ایچون حضور واسایشه احتیاجی بدیهی اولدیغندن بر معاوضه تقدیه ایله تسویه مسئله بلکه ده زیاده موافق حال اوله جفی زمیننده بیانات ایله یزه توصیه صلح و مسا - لمتدن خالی قالماقده وزیرده بیان اولنه جفی وجهله آوستریا دولتی ده بوسنه و هر سك ایچون اولجه دولت علیه ایله ائتلاف حاصل اولمقجه قونفرانس مذاکرانه اشتراك ایتیه جکنی بیلدیر مکده ایدی .

بلغارستان ایه بو مخبرات انانسانده کال کر می ایله محاربه یه حاضر لاقمده و حدوده پیدر پی عسکر و مهمات حربیه تبعیه ایلکده اوله رق بزم استرداد حقوق خصوصنده اولان مجبورت و خدمتزه مقابل بلغارلر دخی استقلال لرینی پاره ایله صاتون آلق دکل قانلریله قازانلق ادعاسنده بولنلریله بو اطوار متضاده میاننده شمیدلک ایضاحی مناسب اولیان بعض احوال معکوسیه صلح و مسالمت عمومیه یی التزام ایدن دولتلرک نصایح واقعه سی انضمام ایله بزى قونفرانس عقدی خصوصنی تعقیدن و بالآخره اختیار محاربه دن توقیه اماله ایلش ونهایت الامر تعویضات تقدیه نك تعیین مقداری ایچون جریان ایدن مخبرات نتیجه سنده بلغارستانك قلت اقدار مالیسی وسیله سیله و کندو حساب لرینه کوره بزجه بوجه تنسیب طلب اولنان بش میلیون انکلیز لیراسنه مقابل سکسان ایکی میلیون فرانقندن زیاده بر شی ویرمامک عزمنده بلغارلرک تعهد و تدارکات حربیه ده دوام ایده کادک لری کوریلوب مع هذا باب عالیجه دخی هر احتمال قارشى استکمال اسباب مقابله یه صرف مساعی ممکنه ایله اظهار اولنان ثبات و مقاومت میانه ده محاربه وقوعی انتاج ایتسون ایچون

روسیه دولتی مقدار مطلوبک فرقی کندی طرفندن تسویه اولمق اوزره بش میلیون انکلیز لیراسی دیمک اولان یوز یکرمی بش بیک میلیون فرانک اعطاسنی تعهد ایلدیکندن اولوجهه ایشه ختام ویریلش ایدی .

بوسنه هر سیک مسئلهسه کلنجه دول معظمه دن بر قسمنک تصویبیه اقتران ایدن قونفرانس عقدی تکلیفک دهها بدایت سردنده آوستریا دولتی بوکا یناشمیوب مسئلهیه ینناده قرار ویریلهرک امر الحاقی دولت علیهجه تصدیق اولندیغی حالده قرارواقعی تسجیل ایچون قونفرانسه کیدرسهده عکسی تقدیرد . قونفرانسهده ایشی اولدیغی قطعاً بیان ایلدیکندن شو حالده آوستریا دولتی قونفرانسهده بولخهجنی کبی آلمانیا دولتنک دخی کندی متفق علیهنده غیباً قرار ویرهجک اولان بر قونفرانسه اشتراک ایتیهجکی آشکار اولدیغندن قونفرانس عقدی تصویری بالضروره وجود بوله مامش ایدی . بناءً علی ذلک آوستریا ایله بزیزه قاهره قیلمهده آیلرجه دوام ایدن انواع معاملات و محاوراتک و دیگر دولترلرله اجرا اولنان مخابراتک نتایج حاصله سندن استنباط اولندیغنه نظراً بو مسئلهده دخی جبراً استرداد حقوق دولت علیهیه عائد اولهرق بر کره محاربه بدأ ایدنجه نرملره قدر توسع ایدهجکی مجهول و تأمین موفقیت بالوجوه مشکوک بولنغله برابر صلح و مسالمت عمومیه نک دوامنی التزام ایدن دولتلرک نصایح خالصانه سیده لازم الاصفا و صایادن اولسنه مبنی چار و ناچار صلحاً تسویه اختلاف طرفنه کیدلمش و آوستریا حکومتنجه یکی بازار سنجاغنک عسکرن تخلیه سی حقنده کی تعهده ضمیمه سرد اولنان مواد جزئیات قیلمندن بولندیغی حالده باب عالینک اقدامات واقعه سی نتیجه سننده حکومت مشار الیها تحت اشغال و اداره سننده بولنان یکی بازار سنجاغنک تخلیه سی و دفعهً ایکی میلیون بشیوز بیک لیرا ایفاسیه برابر کمرک رسمنک تزییدی و قایتمو لاسیونلرک لغوی و اجنبی پوسته لرینک رفی مثللو بعض منافع سیاسی و اقتصادی دخی تکلیف ایدوب کرچه منافع مذکورنک حصولی دیگر دولتلرک قبولنه منوط اولدیغندن بونلر حالاً منافع مادیه حکمنده عد اولنه مرستهده صره سی کتیریلهرک سائر دولترلرله موقع مباحثیه وضعی مقتضی اساسلردن بولندیغی جهتله تکلیف مذکورک قبولنه قرار و مسئلهیه بو وجهه نهایت ویرلمشدر .

بلغارسناک اعلان استقلالی و آوستریانک بوسنه هر سیک ممکنه الحاق مسئله لرینک ظهوری اوزرینه دول متحابه ایله جریان ایدن مخابراتک تفصیلاتی

کورمیش اولسه او هنکامده بولندیغمز حال و موقمک اهمیتی آکلاشیلور ایسه ده وقایع هنوز یکی اولدینی جهتله دول مشارالیه مک رأی و رضالری استحصال اولقمسزین مخبراتک نشری موافق اصول اوله من .

آنجق سعید پاشا حضرتلرینک آرزوسنه موافق خصوصاتی تجسس ایله تحقیق ایلدیکی کبی وقایع مذکورهنک صحتی باب عالیدن اوکرنه بیلمه سی ممکن ایکن نشریات ممائله سنده کی اغراض خسیسه یه تبعاً موقع حاضر رسمیسینی اولسون نظر ملاحظه آلمقسزین اوچ سنه اولسکی احوالی بیله انواع تحریقاته و اغراضه و هله پاشای مشارالیهک (دول خسیه قونفرانس عقدینی تکلیف ایتدیله) دیهرک کندینه مخصوص بعض نظریات سرد ایلدکن صکره (باب عالی قونفرانسه دخوله اولاترد کوستردی و درجه ثانیه ده قایتولاسیونلرک لغوی و اجنبی پوستلرک رفی ماده لرندن بدأ ایله دهابرچوق مواد حقنده مطالجیزک دولتلر طرفندن قبولی و الایو ایکی مسئله یی علاقه داران بیننده یعنی بر طرفندن حکومت عثمانیه دیگر طرفدن آوستریا و بلغارستان حکومتلری آره سنده بلذا کره فصل ایده جکنی مقام تهدیده بیان ایلدی) طرزنده دولت عثمانیه مجلس اعیان رئیسنه یاقشیدیر یله میه جق جداً هفواتدن معدود سوزلر یازمسنه تکرار اظهار تأسفدن بشقه بر شی دنیلهمز .

سعید پاشا حضرتلری مقالات طویلله سنک بر جهتنده اخیراً اروپایه عزیمت و عودتنده کویا حاصل ایتدیکی حسیاتک سوقیله (وضعیت جغرافییه سنده کی اهمیتیله برابر زراعت و اقتصاد جهتلرندن و سائر نقاط نظرندن بر چوق اهمیتی حائر اولان و شمندوفرله طولی اون ساعتده قطع اولنان بر ولایت واسعه نک اسباب مقبولیه مستند اولقمسزین اضاعه ایلدلمسی تأتراتی تجدد ایلدیکندن) و مقالاتک دیگر بر طر ففده (تسویه صالحیه خصوصنده مقام سلطنتله مقام صدارتک اتحادی حال حاضر الیمی انتاج ایلش اولدیغنه شبهه اولیوب طرفین مسبیندن بری غلبه و هم ایله بونی یامش دیگر طرفک فعلی ملاحظات سیاسیه ایله وقوعه کلش اولدیغندن ضیاعی تمامیت ملکیه مزه بر ضربه اولان و تأثیراتی بوندن صکره دفع ایتمک متمتع بولنان شو حال ایچون هانکی طرفک قصوری آغیر اولدینی تأمل و موازنه یه شایان) بولدیغنی بحث ایتدکن صکره طنین غرته سنک ۱۵ تموز ۳۲۷ تاریخی نسخه سنه انتقال ایدن مقالاتک مابعدنده (۷۶۵ سنه هجریه سنده سلطان المجاهدین خداوندکار غازیسنک فتح ایلدیکی قلمبه ایالتی ۱۳۰۲ تاریخنده

غریب بر خطای سیاسی به قربان اولدی . او زمانه قدر بو مملکت واسعه نك ساحه فیاضنده سعادت حال ایله یشایان و عددی ایکی یوز اون بش بیکه بالغ اولان نفوس اسلامیه بو کونکی کون بی نام ونشاندرلر .) دیه روم ایللی شرق مسئلهسنه ختام ویریورلر .

پاشا حضرتلرینک اوروپایه عزیمت فحیمانه لرنده حسیات و تأثراتنک غلیان ایتش اولسنه اینامق ایسترم . آنجق بو قدری کافیمیدر ؟ مشارالیه یاد ماسبق و تخطر آخرت ایله لیل و نهار سینهن اولسه یری یوقیدر ؟ شخص عاجزیه تعلق ایتدیرلمسه طوغریسی جداً موجب تأثر و الم اولان بو وقایعی تکرار ایله قارئین کرامی ده یکیدن دلخون ایتمک ایسته مزدم . نه چاره که ضروری کوردم .

سعید پاشا حضرتلری سلطان عبدالحمیده جلوسندن اول (منسوبیت شرفه نائل اولمديغنی) مقدمه حاضراتنده ذکر ایللی بر حکمته مبتنی اولمیدر . اگر بویولده یعنی مشارالیهک قبل الجلوس تطبیقنه باشالاندیغندن بحث ایدیلا ن بعض تداییر عجیبیه اشتراکی طرزنده بعض روایات موجود و مشارالیه ایچون بوندن تبری مقصود ایسه او یله (بو مأموریتده سعده پاشا مرحومه خاف اولدیغندن اوکون مشارالیه سعده پاشا بکا « ذات شاهانه منسوبیتکیز نه زماندندر » دیمسیله بوکوندن جوانی ویرمشمدم الخ . . .) کبی سوزلرک حصول مقصوده عدم کفایتی بدیهیدر . مع هذا هایدی شو افاده قبول ایدلسون ؛ فقط ده ا یوم جلوسده مابین هایون باش کتباتی مقام رفیعنه رونق افزا و کندو آتارینک دلالتی وجهله هر فنده صاحب ید طولی اوله رق او وقتک تعریف مشهورنجه « ییلدیز هیئت مشاوره سی » ارکاننک الک نفوذلیسی صقیله حل و عقد اموری قبضه تصرفه کچیرمک ایچون باب عالینک سلب اقتدارینه غیرتی هر کسک معلوم و مسلمیدر . سعید پاشانک برنجی دفعه صدارته نصبنده مراسم معتاده ایله طولمه باغچه دن قایغه را کبأسر که چییه کیدرکن نزدنده بولنسان باش کاتب علی فؤاد بک مرحوم کندیسه مخصوص ظرافتله مناسبت دوشورمک « پاشا حضرتلری اقتدارینی سرایه نقل ایتدیککیز باب عالی ده نصل ایضای وظیفه بیوره جقسکیز ؟ » دیهرک پاشای مشارالیهک جانی صیقیدنی بک مرویدر .

سعید پاشا حضرتلری بو مسئله دن وهله صدر اسبق صفوت پاشا مرحوم کبی الیوم بر حیات اولمان بر ذاتی اشهادایک صورتیه روسیه محاربه سی مسئولیتندن

تبری ایچون خاطر اتک مقدمه سنده سرد ایلیکی تفصیلات « شم الندارك » قوله ماصدقدر .

پاشای مشارالیه باش کاتب ایکن پادشاه نزدنده نه رتبه محرم وتوجه اعتماده مظهر اولدینی کتابندن انفصالندن بر سنه اون آی صکره باش وکالته ارتقاسیله ثابتدر . ذاتاً بویله اولسه خنکاره جلوس کونی اتساب ایلیکی ادعاسنده بولنان برباش کاتبك « سعید پاشانك تعریفی وجهله . خاطرات جلد ۱ صفحه ۹ » (محاربه ده مستلزم مصائب اوامرك تحریرنده بیله وظائف کتابت محتمل اولدینی مرتبه قیود احترازیه کوزتمك واجرا آتی وکلا ایله امرای عسکریه نك رأی وتقدير لرینه معلق انواع اخطارات وتلمیحاته مساعی قلمیه صرف ایتك) درجه سنده بالا پروازانه حرکت ایده بیلمسی نصل ممکن اولور ؟

الحاصل بتون عالم کبی سعید پاشا حضرتلری ده پك اعلا بیلیر که جتتمکان خداوندکار غازی حضرتلرینك فتح ایلیکی قلبه ایالتك ضیاعی اساسی ، کندوسی کبی مقتدر بردیولوماتك ، ماهر بر قوماندانك رأس ادارسنده بولندینی بیلدیز ارکانك ترتیب وتدبیریه اعلان واداره اولنان روسیه محاربه سی نتیجه سنده تشکل ایتمشدر . یالکز قلبه ایالتی دکل ، فاتح سلطان محمد خان ثانی زمانلرینه قدر ودها صکرملری فتح اولنان افلاق ، بغداد ، صربستان ، بوسنه وهرسك ، بلغارستان وانا طولی جهتمنده باطوم ، قارص واردهان کبی نیجه ممالك واسعه او محاربه مشئومه نك تحتنده مستر مقاصده قربان ومیلیونلرجه نفوس اسلامیه محو و پریشان اولوب کیتمشدر .

سزاوار دقتدر که سعید پاشا حضرتلری دهها عدلیه نظارتنده ایکن ذات شاهانیه تقدیم ایتدیگی مخطرمده « خاطرات . جلد اول . » صفحه ۳۸۹ « اولاً برلین قونفرمی دولت عثمانیه نك مقاسمه سنه اساس وضع ایتمشدر . شمدی بعض بدخواه لر کیجه گوندز بواساسك تقویه دیله مشغولدرلر) و کذا پاشای مشار الیهك اصلاحات حقنده خاقان سابقه وبردیگندن بحث ایتدیگی لایحه ده « خاطرات . جلد اول . » صفحه ۴۲۸ « تفصیلک اجمالی روم ایلی شرقینك بلغارستانله برلشه جگی ، آوستریانك یگی بازارده راغوزنه بالقانی ایچنده قلمیه جنی ، آسیای عثمانی دخی انکلتره و روسیه بیننده شطرنج رقابت اوله جق بر حاله گیرمکه برابر نه اینده منفعت مختلفه لرینك بالضروره امتزاج ایده بیله جگنی گوسترر .) فقرملری

منظور اولقمده در . حقیق احواله بودرجه وقوف گوسترن سمیدپاشا حضرتلری
 عفوی آنحق جناب غفار ذنوبك لطف صمدانیسنه قالان خطایای سابقه سنی هیج
 دكسه بندن اول بش آلتی سنه مدت اشغال ایتدیکی مقام صدارتده ایکن تعمیره
 وینه پاشای مشارالیهك خاقان سابقه اولان عریصه لرندن برنده « خطرات . جلد
 اول صحیفه ۵۵۶ » (پرنس دوباتمبغ ظاهراً مطیع وسوق زمانله نائل اولدینی
 اقباله فوق الحد متشكر و قانع گورینور ایکن باطناً محرك و متحرك و مسلك طول
 امله سالك ایدی . انكلتر خاندان قرالیسی ایله اوکلاسنگ توجیه وتشویقلرینی
 گورمه سی اوزرینه مقیاس حرس و آمالی بیونمش و برده معلومات و تجربه سی
 نه قدر محدود ایسه دعواسی ونفسنه اهمیت و اعتناسی اول درجه زیاده اولدیغندن
 برقچ سنه بولتیقه ایشلریله اشتغال ایتمكه و غرضلری عرزلرینه موافق اولانلر
 طرفندن جمعی ستانشلر ایشتمكه گندوسنی گزچكدن بردیلولمات لرین ایدرك وهر
 امرعسیری یسیر بیلرك غریبه براسلاو حكومتی احداثی و حكمدارانیه وقع و موقع
 احرازى خلیلرینه دوشمش اولدیغندن ۶ ایلول ۱۸۸۵ وقعه سنی بغته وجوده
 گتیردی) طررنده احوال و آمالی تصویر ایتدیکی پرنس مشارالیهك تصمیماتی
 ممکن مرتبه وقت وزماننده استطلاع ایله ثمره سز برافعه بذل همت ایتسه ایدی
 ینه آز جوق معذور کوريله بیلیر ایدی . زیرا آیاستفانوس عهد نامه سنگ معدلی
 بولنان برلین معاهده سی منافعه مزه عائد والده قالان لرلك مهما امکن تأمین استقباله
 مساعد شرائطی جامع ایدی . عجبا سمید پاشا حضرتلری بندن مقدمکی مأموریتلری
 زماننده شرائط مذکورنك هانکیسندن فعلاً اسفاده یه یول بولمشلردر ؟

پاشای مشارالیه برلین عهدنامه سنگ اون بشنجی ماده سی موجبجه روم ایلیء
 شرقی ایالتك برأ و بحراً حدودینی بو حدود اوزرنده استحكاملر انشا و عسکر
 اقامه ایدرك مدافعه اسبابی استحصال ایچون پادشاهه براغیلان حق اولسون زمان
 مأموریتنده استعمال ایده بیلسه ایدی بلكه وقایع اخیرنك هیچ بری ظهوره
 گلز ایدی .

واقعاً کاغد اوزرنده اصدار اوامر و نظامات و اسلاف و اخلافه عطف
 خطیات ایله سرد اعتراضات يك قولایدر . لیکن اصل معرفت ، اوامر و نظامات
 موضوعنك حسن تطبیق و اجراسنه بحق غیرت و اقدام و تنقید و تعریضده
 حقانیتی التزام ایتمکدر .

سعید پاشا حضرت تلیزینک بومشروع یوللری ترک ایله اول و آخریلره ریلیمه رک
اختیار ایستدیکی سیاسی و عسکری خطالرك ینه کندی زمانه مصادف نتایج مؤسسه‌سی
جهله سندن اولان روم ایلی شرقی وقعه سنده خلفنک دولتی دهابوک
مخاطره لره دوشور مامکه مصروف بولنان مساعیسنی ایستدیکی قابله بالا فراغ تبریه
قالقشمسی سابقلرینی برقات دهاترین ایده جک مهارتکارانه دیلوماتلقلردندر .



سعید پاشا حضرت تلیز روم ایلی شرقیدن مصره نقل مقال ایله مسئله مصریه یه
دائر خاطرات عاجزانه مده مندرج وقایع قارئین ایچون علم اجمالی حصولی ضمنده
مختصر آتصور ایدلمش اولدینی حالده مشارالیه بحثک صورت ترتیبی بهوده
تقدیم و وقوعانک هانکیلری کندی ویا سانی زمانه عائد بولندینی تفریقی ایستدکن
صکره، عساکر مصریه نک عصیانئ اثناسنده فرانسه خارجیه ناظری موسیو فرسینه نک
مجرد وقت قزاق مقصدیله در سعادته عقدینی دولتره تکلیف ایلدیکی قونفرانس
خارجیه ناظری سعید پاشانک ریاستی تحتنده بر ماه ظرفنده یدی دفعه اجتماع
ایلمش ایسه ده جریان ایدن مذاکرات نتیجه سز قاله رق قونفرانس عقدی برشینه
یاراماشدر . دیمش اولدینغه بالاعتراض کویا جواب مقامنده اوزون بر مضبوطه
صورتی درج ایدیورلر . (طنین ۱۵ تموز)

مذکور صورتی و بونی تعقیب ایدن افاداتی دقتله مطالعه ایدنلر اووقت
دخی نه مثللو تحولات و ترددات ایله نصل وقت کچیریلره رک فرصت لر ضایع ایدلمش اولدینی
قولایجه اکلارلر . هله قونفرانس صره سنده انکلترونک طلب ایلدیکی مقاوله
عسکریه (طرفین مرخصلری بیننده پارافه دخی ایدلمش ایدی بویله شیلرده
موقفیتک شرفی دولته عائد اولوب مکالمات واجرا آتسه واسطه اولانلرک حرکتلری
وظیفه طبیعیله رنی ایفادن عبارت عد اولنق لازم کلیرکن هر نصلسه خدمت طبیعی
ناچیزانه م اعظام و موفقیتی گسر و ابطال ایچون مقاوله عسکریه یه درلو درلو
نقیصه لر اسناد اولمشدر .) بولنده کی تمدحاتی کورنلر شبهه سز دوجار حیرت
اولورلر . چونکه قونفرانسک دوامی مدتجه ده انکلزلر بر طرفدن محاربه یه دوام
ایدرك پاشای مشارالیه ک اعتراف اضطراریسی وجهله تل الکیرده عراقی
هزیمته اوغراندقلرندن آرتق مصره عساکر عثمانیه سوق ایچون نه مقاوله عسکریه
عقدینه محل قالش ونده دیدیکم کبی قونفرانس عقدی تیره بخش اولمشدر .

سعید پاشا حضرت تلمی افادہ لرینک بر فقرہ سہندہ (قونفرانسک برایشہ یارامدینی دعواسنہ کلنجه بوراسی کلیاً نفس الامرہ مخالفدر۔ قونفرانسک مذاکراتی بزہ بیوک فائدہ لرتہیہ ایتشدی۔ حیفاکہ بز استفادہ ایتدک) بیوریورلرکہ افادہ عاجزانہمی تکذیب دکل بالعکس تأیید ایدن بو تعریفدن مقصدلری بزم استفادہ ایدہ مدیکمز قونفرانسک عقدی یالکمز انکیزلرک تداییر و حرکات عسکر یه لرینی ایلرولمکک میدان بر اقوب آنلرک ایشہ یارادی دیمک ایشہ، بونی و ایلک فرصتک شو وجهلہ ضایع ایدلدیکنی بن دخی مع التأسف تصدیق ایدرم۔

بعده سعید پاشا حضرت تلمی مصوع ایشہنہ تحویل بحث ایدوب خاطرات عاجزیدہ، «مع ملحقات مصوعک حسب الحال ضبط و ربطی کسب مشکلات ایدرک عسا کر مصریہ اورادن قالدیر یلہ جغندن اوراسنک کما فی القدیم طوغریدن طوغری یہ تحت ادارہ دولتہ آلمسی خدیو توفیق پاشا طرفندن اشعار و انکلتزہ دولتک تبلیغاتسندہ باب عالی عسا کر مصریہ نک حین رجعتندہ تاحورہ ایلہ زیلع اوزرنده کی حکم و نفوذینی محافظہ ایچون تداییر مقتضیہ نک اتخاذینہ مقتدر اولمدینی حالہ آسایش و انتظامی محافظہ زیلعک انکلتزہ جانبندن اشغالنہ مجبوریت حاصل اولهجنی اخطار اولمش ایکن باب عالی اورالرک طوغریدن طوغری یہ ادارہ آلتہ آلمسی استاتوقو اساسنی اخلال ایدرک محاذیری داعی اولهجنی ملاحظہ سیملہ خدیو ایلہ اتحاد افکار حصولندن صکرہ دولترہ بالیان اتخاذ تداییر اولنسی رأینده بولمش و حال بوکہ خدیو اورالرک محافظہ سنہ عدم اقتدارینی اتیان ایلہ طرف دولت علیہ دن تحت محافظہ یہ آلمسنی اولجہ باب عالی یہ عرض ایلمش ایدی « دینلمسنہ مقابل ۳۰۰ سنہ سی کانون ثانیسنده خدیویتہ کوندردیکی تلغرافک صورتی درج ایدیورکہ بونک خلاصہ مالی ایتالیا نک تکذیب رسمیسنہ رغماً مصوعی اشغال تصمیعندہ بولنہ رق بونک ایچون لوندرہ قاینہ سنہ مراجعتندہ لورد غرانوویل عدم موافقت جوابی ویرمش اولوب مع هذا استخیاراتک شکل وماهیتی نظر دقتی داعی اولدیغندن و (قوہ جنودیہ مصریہ نک مقداری سواحک محافظہ سنہ کافی اولمدینی خدیویتک اشعارات سابقہ سندن اکلا شلمش) ایشہدہ مملکتک حکومت موضوعدن رسماً خالی اولمامسی اوپک جزئی بر عسکرک وجودی امر تصرفی ابفا ایدہ جکی جہتلہ مصوعده بولنان هیئت حکومت وزاندارمہ و آز چوق نہ قدر عسکر وارسہ آنلرک چکلمسی حالندہ ایتالیا نک خدیویتدن آرادینی مساع ضمنی حاصل اولهجغندن

بخانه بوكا محل و برلامسی توصیه‌سنی محتویدر . مارالذ كر تاغرافدن صكره ينه ۳۰۰ سنه‌سی كانون نائيسنك يكرمی دردنجی، يكرمی سكرنجی و يكرمی طقوزنجی كونلرنده خدویته چكلكدیكى بیسانیه (طنین ۱۷ تموز ۲۳۷) صورتلری درج اولنان اوج قطعه تلغرافنامه‌ك خلاصه‌الخلاصه‌لری ایسه ایتالیانلرك بیلولی و مصوعی صورت اشغاللرینه دائر آلان خبرلر اوزرینه مصلحته اصلاً تأثیر فعایسی اوله‌میه. جنی بك ساده تبلیغاتدن عبارتدر. ایشه غنیه‌ده بنه برابر بك آز ذواتك اوقومش اوله‌جقلى طننده بولندیغ سالف‌الذ كر تلغرافلرك مندرجاتیه‌ده ثابت و خاطراتمه مندرج اولدیغی اوزره مصوع ایله دیگر سواحل معلومه‌ك امر محافظه‌سنده خدیو توفیق پاشا طرفندن کوستریلان عجزه بناءً اورالرك کافی السابق بمن ولایتدن اداره‌سی قابل ایکن باب‌عالیجه استاتوقو اساسنه خلل کلیر ذهابیه قوت و بریله‌رك وایش برمعداد ترددات و مخبرات وادیسنه دوکوله‌رك ایتالیا دولتی ایسه بوخالدن بالاستفاده سوق سفائن و عساكر ایله بیلولی و مصوعی تحت اشغالنه آلمش و دیگر محالرده بولره پیرو اولمشدر .

حقیقی بو مرکزده بولان وقوعاتك مسئولیتدن قورتلق غرضه تبعاً (شو مخبرات واضحاً اثبات ایدرکه مصوعك اسباب استیلاسی کامل پاشانك دیدیكى کبی دکلدر . كرك اوراسی كرك بیلول ایچون باب‌عالی وظیفه‌سنی ایفا و خدوتی و قیله ایقاپ ایتمشدر . لکن او وقت خدیو بولان توفیق پاشانك مادهً و معنأً عدم اقتداری و باب‌عالیدن یازیلان و صایانی تقدیر ایده‌مامسی حصول مقصده مانع اولدی) جمله‌سیله سعید پاشا حضرت‌تلینك ارواح امواتی دخی اینجیتمکه دوامی و اوتنه‌کی محللر ایچون نتیجه‌سز مجلس و کلاضطلرینه و کندی دولته‌خانه‌لری سبجلا‌تنه مراجعت زحمتی اختیار ایله سواحل بحر احمرک جهات معلومه‌سنده حق ملکیت‌مزه خلل طاری اولمسنك سبیلرینی زمان مأمویت عاجزانه‌مه مصادف وولف مقاله‌سیله سویش قنالی مقاله‌سنه عطفه اقدامی قطعا محق و واقع حاله موافق دکلدر .

آثار منتشرده نظراً حکم اولنق لازم‌کلیورکه سعید پاشا حضرت‌تلینك كرك مصالح دولته متعلق محرراتده و كرك تصویر خاطراتده ، تعقیب ایلدیكى مسلکك مقتضیاتندن بری دخی التزام مالا یعنی ایله بك بیسود تفصیلاته کیریشه‌رك وایشنه الیرمیان نقطه‌لری سکوتله کچشدره‌رك قارئینك فکر و نظریلری یورمق و بوضورتله

استباط حقایقه بول بر اقامتدر . ایسته مصر مسئله‌سك مذاكره ایچون مرخص تیمینی استیذاتی متضمن تذکره معروضه‌نك و عاصم پاشا مرحوم ایله بنم تقریر مشـترك صورتلری مشارالیهك خاطراتنده مندرج ایکن بونلرك تکرار غزته ایله ده نشر ایدیلهرك ستونلر طولدرلمسی اومسلكك جمله ایجاباتنددر . مع مافیه مشارالیه آرده صیتیشدیردیغی « طنین ۱۷ تموز ۳۲۷ » (حسن فهمی پاشانك تعینی خاقان سابق نزدنده قبول اولمویوب اراده کامل پشانك مأموریتنه تعلق ایتدی) جمله سیله مأموریت مذکوردهنی استحصال ایچون طرفندن تشبث اولدیغنی ایما ایتك استیورسه بو صورت بهتان عظیمدر .

سلطان عبدالحمیدك حسن فهمی پاشانی عدم قبول ایله عاصم پاشایه ترفیقاً مأموریت عاجزانه مه اراده ویرمسی . سعید پاشا حضرتلرینك مقدماتی لوندردنه سفارت فوق العاده‌سی ایچون بنی انتخاب و عرض اینش و مذکور سفارت فوق العاده تشبثك ثمره‌سز قالمسی اسبابی بر معتاد آخره اسناد ایچون خاطراتك جلد اولك ۹۰ نجی صحیفه‌سنده (مسائل مودوعه‌نی نتایج مطلوبه‌یه ایضاً پكده موفق اولمه‌مدیغندن) دیه بحث ایلدیكى زواللی حسن فهمی پاشا حقدده کیم بیلیر شفاهاً و یا تحریراً دهانه کی معروضاتده بولنش اولسندن منبعث اولمق کرکدر .

کذلک مذکور خاطراتك جلد اولك ۹۹ نجی صحیفه‌سنده خاقان سابقه عطفاً محرر (برده کامل پاشانی بن انتخاب ایتیمورم . ذاتاً مصر مسئله‌سی ایچون اونی لوندردنه وکلا انتخاب ایتشدی) فقرده‌سی صحیح ایسه بو دخی تخمین عاجزانه می مؤیددر .

مذاکرت رسمیه‌نك کشاندندن مقدم سیر دروموند وولف ایله وقوع بولان ملاقات خصوصیه‌ده اساس و فروع مسئله حقدده مرکز اختلافه واصل ولنه جغنه دائر هم مشارالیه و همده سعید پاشایه اطمینان کش و باخصوص سیر دروموند وولف خاقان سابقه سعید پاشانك مکالمه‌یه مأموریتندن بحث اتمش ایسه پاشای مشار ایله نهدن طولانی بووظیفه مهمه‌نی بالذات در عهده ایچون کوچك بر آرزو اظهار و هر دفعه مکالمه عقبنده مذاکراتك طرفیندن امضاسنی منع ایدن (خاطرات جلد اول ، صحیفه ۹۴) خاقان سابقه قارشى او خصوصده و مذاکراتك وضع طبعیسنی (طنین ۱۸ تموز سنه ۳۲۷) محافظه ماده‌سنده نیچون اصرار ایتامشدر ؟

صدارت مأموریت عاجزانه‌مدن صکره سیر دروموند وولف ایله جریان ایدن مذاکراتك بدایتلرنده انکلین عسکری مصردن چکلیدیکنده خدیوک معتبه ایکی

طابور ترك عسكرى تعيين و اعزامه يا خود روم ايلدين كوكلى ارناؤد عسكرى جلب و استخدامنه مساعده اولوب اولئيه جغه دائر مرخص مشاراليه جانبندن وقوع بولان استیضاحلره سلطان عبدالحميدك ممانعتنه بناءً عدم موافقت جوابی و ير مش اولقلمغى سعيد پاشا بعدالتنقيد مقام سلطنتك شو ممانعتى قارشوسنده استعفا ايتمش اولقلمغى لازمكده جكنى و حفظ منصبى مصلحت عامه يه تقديم ايتيانلر هب بويله حركت ايدوب كندوسنكده استقلال افكار خسيصه سنى هيچ برقوته قارشو فدا ايتديكنى يازيورسده بو تنقيدات و مسروداتك دخى مشاراليه برشى قزاندير ميه جنى دركارد ر .

يوقاروده بيان ايشدمكه خاطر اتم له الحمد تغيير و تحريف شائبه سندن كاملاً برى اولوب وقايع عينا جريان ايلديكى كې ضبط قيد ايدلمشدر . بو حكايه دن مقصد ايسه بنم دخى دها بدایت مذاكره دن اعتباراً نه بولده مشكلاته مصادف اولديغى اراهن دن عبارتدر . خاطر تنك جلد اولئك ۹۱ و ۹۲ نجى صحيفه لرنده (مصره عسكر سوقى نه دنسه فائده لى عد بيورليوردى . سودانه ، بحر احمر سواحله عسكر كوندركدن دخى امتناع اوليوردى كه سواحل مذكوره ده واقع مصوع ، سواكن ، زيلع ، تاجواره ، عصب ، بربره حرار ! قطعه منبته و واسعه لرى و صومالى اراضي و الحاصل باشدن باشه بحر احمر سواحل غريبه سى كه يالكز طولى اوچ بيك كيلو متر لوق يعنى مشى عادى ايله آلتوز ساعته لك بر مسافه در . بو سواحلك و ايجريلرنده واقع محلك مملكت عثمانيه دن چيقمسنة هپ سوق عسكر كرن امتناع ايديشمز سبب اولمشدر . بونلر ايجون ياييستان مضبطه لر لاتعددر .) جهلر نى يازان و برده ضبط صورتى علاوه ايدن ذات فضايتسماتك خاقان سابقدن مصره ترك يا خود كوكلى ارناؤد عسكرى اعزامنه استحصال موافقت ايدمه ماملكمكى نصل اولوبده سرمايه اعتراض ايلديكنه شاشماق قابل دكلدر .

استعفا ، حفظ منصب ، استقلال افكار جهتلىر نه كننجه سعيد پاشاتك روم ايلي شرق مسئله سنده اورتيه سورديكى بو استعفا بحثى شمدى ينه تكرار ايتمى اويله بر استعفا ايله كندوسنك صدارته كچمسنة فرصت براقلاماسندن وبالآخره مدت مأموريتم تمتد اوله رقى « رقبای عشره يه » منضم اولقلمغى دن متولد

حادث آثارندن معدود در. حفظ منصب واستقلال افکار نقطه‌لرنده کیما رنه دینلک
لازمکه چکنی ایسه افکار عمومیہ تمیز و تعیین ادر .

سعید پاشا حضرتلری دوشونمیدر که خاطراته ۱۳ دفعه استعفا ایلدیکنی
و استعفانامه صورتلری قید ایدیورکه حرص جاهدن تجردنی اثبات ایده مز .
بالعکس حمای احتراض و تفرد ایله یاتوب قاورولمقدن برآن خالی قالمدیغنه انار
و افعال سابقه و لاحقہ سندن یوزلرجه مثال کتیرمک ممکندر . از جمله « خاطرات
جلد اول صحیفه ۳۵۷ » سعید پاشا حضرتلری خداوندکار ولایتنه تعیینندن برآز
اول یعنی سلطان عبدالحمیدک جلوسنک ایکنجی سنه سندن اعتباراً زقافده ایکی
خفیہ طرفندن تعقیب اولدیغنی ؛ « خاطرات جلد اول صحیفه ۱۳ » ایلک دفعه
باش وکالتہ تعیینندن یکرمی کون صکره حضور هایونده عتاب عظیمه معاتب
و بر معامله شدیده ایله معاقب ولوب ذات شانک بلنده اولا کوچک خنجری
سل ایله اوزرینه هجوم ایلدیکنی و کندوسی استعفا ایتش ایسده قبول اولنوب
تأمینات عالیہی حاوی اولدیغنی خط هایون معامله سابقہی تعدیل ایلدیکنی ؛
« خاطرات جلد اول صحیفه ۸۵، ۸۶، ۸۷ » اوچوز سنه سی محرمک اون طقوزنجی
یعنی اوچنجی دفعه باش وکالتده پادشاهک شدتله صیحه و معاتبه لرندن صکره
پانتالونک یان جیلرینه طوغری مشین بر محفظه ایچنده طاشیدیغنی کوچک
بر رولوری مهوراً کشیده ایله ایکی دفعه سہید پاشانک باشنده طودیغنی و بالاخره
حرمله دائره هایون بیتنده براوطهده اون سکرز ساعت حبس و توقیف ایلدیکنی
و سعید پاشانک ذات شاهانہی طانیدیغنی کوندن بری بعضاً جلی و اکثریاً خفی صورتده
حقندہ اثر افعاللری اکسک اولمادیغندن و ہونک بر قضایہ نتیجہ ویرہ یلسمنی و ہما
دکل مقتضای مسلک و دلائل و امثل و احوالہ نظراً محتمل عدایدرک شاید برکون
مابینده توقیف و تضییق اولمہ جق اولورسہ انکثرہ سفیری لورد دافربنہ معلومات
سریعہ ویرلمنی حرمہ توصیه ایتدیکندن بو احتمالک تحقیق خبر آلمنی اوزرینہ
حکم وصیت اجرا اولنوب لورد دافربن دخی نزد سلطنتده تشبثات و اختطارات
لازمہی بالغاً مبالغ اجرا ایش اولمسلیله مداخلہ محقہ مددرس اولدیغنی
و ایکی کون صکرہ مدارتہ کلدیکنی ، « خاطرات جلد اول صحیفه ۲۴۵ الی ۲۵۰ »
اوچوز اوچ و اوچوز درت سنہ ہجریہ لرنده ترصدا و تعقیبات چوغلوب حتی
استراق ایچون یاوران پادشاهیدن بری حریہ قدر کیرمکہ سعید پاشانک

ذات شاهانه شکایتی حاوی بر عریضه یازمی اوزرینه سرایه جلب و حضوره قبول اولدینگی و بعداً حضورده «منشیانه یازلدینی ا کلاشیلان بر ژورنالک» قرائتی متعاقب ذات شاهانهک «کل» خطابی اوزرینه محمود افندی کلوب «کو تور» امری اوزرینهده کندوسنک (سعید پاشانک) ایکنجی قاتده بر مضیقہ کوتورلدیکنی و محمود افندی اوتنکنایه کندوسنی (سعید پاشانی) ادخال ایله چیقوب کیتدکن اوج چاریک صکره بر بکچینک کتیردیکی قهوهی سعید پاشانک خاطرنه کلان احتمال ضعیفی رد ایده میهرک مندیلنه دوکدیکنی و بر ساعت مرورنده زدینه کلان محمود افندی به کویا سعید پاشا «بودقیقه دن اعتباراً بر دقیقه دهها بوراده قالمیه جغم نه یایله جق ایسه یایلسون بنی دوشونلرده یاپه بیله جکارینی یاپارلر.» دیمسیله شوسوزلر فصله مؤثر کورندیکندن تکرار حضوره بالادخال خنکار سعید پاشانک عودتنه رخصت ویرمکله برابر سالون قپوسنه قدر تشیع لطفنده بولنوب فجره قریب بر زمانده مسکنه داخل اولدینگی؛ «خاطرات جلد اول. صحیفه ۲۶۳، ۲۶۴، ۲۶۵، ۵۸۰، ۴۸۱» بشنبی دفعه صدارته تعیینندن بر آز مدت اول سرایه چاغریلوب قرنادن بکر بک واسطیله خلافته صادق اوله جغمه دائر تکلیف اولنان تحلیفی قبول و ایفا ایلدیکنی و ابرتنی کونی صورت تحلیفی تصریحاً تقدیم ایلدیکی عریضه مفصله «شو حمل ثقیل تحمل ایتمککم فرضیات نوعدن اولیوبده جدایله تکلیف بیورلسه حسب العجزانی ایفا ایدم» فقره اعتذار کاریسنی حاوی اولوب صکره لریده برقاج عریضه ایله معذرتی تأکید ایلش ایکن اوج یوز اون ایکی سنه سی ذی الحجه سنک اوز بشنبی کونی تکلیف عالی وقوعنده برقاج دقیقه قدر تجدید استعطفانه چالشمش ایسه ده اعتذار واستعطفاده دوامه حال و موقع مساعده ایتدیکندن امثاله مجبوریّت کوردیکنی؛ «خاطرات جلد اول. صحیفه ۳۲۹ الی ۳۶۴» سعید پاشانک تقریباً درت ماه قدر سورن صدارت خامسه دن انفصالندن بر آی صکره مشار ایله ینه صدارته مأموریت تبشیرات متوالیه سیله مابینه کیدوب کلهرک و ابرامات واقعه یه بناء قبول صدارته روی موافقت کوستره رک نتیجه ده چیت کوشکننده اوتوروب اصلاحاته دائر لایحه لر تنظیم و صدارتک فوقنده اوله رق باب عالیدن کلان معروضاتی بالتدقیق تصدیق ورد اوله جق شیلری خنکاره عرض ایلسی ودها صکره مأموریتک وظائفی بیان اولتمسزین مراسم قصرنده اقامت و ایضای مأموریت ایتسی تکلیفاری ظهوره

کدیکندن کندنجہ (سعید پاشا جہ) اون یدی قدر دلیل تشکیل ایدن احوالک
آجا آنتہ تبعاً انکلتره سفارتنہ مراجعت و مسافرتی اختیارده مضطر قالدیغنی ؛
« خاطرات جلد ثانی . قسم اول . صحیفہ ۶ الی ۱۲ » سعید پاشانک انکلتره
سفارتندن خانہ سنہ عودتندن صکرہ ترصدا ت و تعقیباتک آرقہ سی کسلیلمدیکنی ؛
« خاطرات جلد ثانی . قسم اول صحیفہ ۱۴ » زمان معزولیتده اصلاحاتہ
و « خاطرات جلد ثانی . قسم اول صحیفہ ۱۸ » زراعت بانقہ سنہ دائر ۲۵ رجب
سنہ ۳۱۴ و ۱۸ شعبان سنہ ۳۱۴ تاریخریلہ ایکی قطعہ عریضہ یازوب بر مدت
صکرہ « خاطرات جلد ثانی . قسم اول صحیفہ ۲۲ و ۲۳ » سعید پاشانک ایفای
وظیفہ و سعی متحمل بولندیغنی مرتبہ چالشمق اوزره خدمت صدرتی درعهده
ایده جکنی تحریراً عرض ایسی حقندہ حاجی محمود افندی وینہ صدارتہ تعیین
اولورسہ فعالانہ حرکت ایدوب ایتیمہ جکک کذلک تحریراً عرضہ دائر باش کاتب
تحسین بک طرفلر فلرندن تبلیغ اولنان ارادہ لراوزرینہ زمین مناسبدہ و (مأموریت مقدر
ایسہ احوال غیر مشروعه یہ تدابیر فعالانہ مشروعه ایلہ مقابلہ ایدیلہ جکی محل اشتباه
اولمیدیغنی) مین یازدیغنی عریضہ لری مشارالیمایہ تودیع و تسیرایتدیکنی ؛ « خاطرات
جلد ثانی قسم اول . صحیفہ ۲۴ الی ۲۸ » بر کجہ سرایہ عزیمتندہ حاجی محمود
افندی ک خنکارہ عطفاً « بو کجہ بر فلاکت ایچندہ بولنیورم . سعید پاشانی یانمدہ
آلقیومق ایستیورم » دیمسی اوزرینہ کیجہ یاریلرینہ قدر مومی الیہ وذات شاهانہ ایلہ
نہ بولده محاورده لرده بولندیغنی ؛ « خاطرات جلد ثانی . قسم اول . صحیفہ ۳۵ الی ۳۷ »
۴ شوال سنہ ۳۱۴ ده باش کاتب تحسین بک سعید پاشانک خانہ سنہ کیدوب مشار
الیمک خدمت صدارتہ تعیینی تصمیم بیورلدیغندن مقصد عالی وجهلہ حرکت
اولنہ جغنی ویمینی حاوی بر عریضہ تنظیم و تقدیمی ارادہ بیورلدیغنی بیان ایتیمسنہ
مقابل پاشای مشار الیہ مأموریت تقرر ایتدیکی و آرزو بیورلدیغنی تقدیرده یمینلہ
دخی تأمینده تردد ایتیمہ جکنی سوباش ایسده اوکون اقشام اوستی باش کتابتندن
کلان تذکرہ او قدر تکلفلر جدی دکل بشقہ بر مقصده مبتنی اولدیغنی و یوم
مذکورده ۲۲ جمادی الآخر سنہ ۳۱۶ تاریخہ قدر ایکی بیجق سنہ اوچ کوندر
بومدندہ آرتق صدارت ایچون بر بحث و تکلیف وقوع بولمیدیغنی ؛ « خاطرات .
جلد ثانی قسم اول صحیفہ ۷۱ » ۱۵ رجب سنہ ۳۱۶ تاریخندہ مابین کاتبلرندن
کامل بک ایکنجی دفعہ اولہرق سعید پاشانک خانہ سنہ بالورود صادقانه خدمت

ایده‌جکته دائراً اول باول برعریضه ویرلمک قیدیله صدارت تکلیفنده بولنسی اوزرینه (مأموریت مقدر ایسه صداقله حرکت طبعیعدر . استیلان عریضه‌نک ملتزمیتی ایجابجی، قدیمی محل تردد دکلدر .) زمینده جواب ویردیکنی ؛ « خاطرات جلد ثانی . قسم اول . صحیفه ۷۳ الی ۷۹ » اوچ یوزاونیدی سنه هجریه‌سی اواسطنه طوغری سعید پاشانک سرایه عزیمتلرندن برنده زیاده‌جه بکله دلمسندن انفعالی وسیله اتخاذ ایله تقدیم‌ایتدیک عریضه‌نک باشنده ذات شاهانه کمال عبودیتله متحسس اوله‌رق بونک ایچون ذاتاً و قدیماً یمین ایتمش اولدینی کبی انی تجدید و تأکیدده حاضر بولندیغندن وحانی وجودینه منحصر کوستره‌جک مشکلاتدن بحثه کیریشه‌رک و آریه صدارته عودت ماده‌سنی ده صیقیشدیره‌رق دیگر صورتلرله عریضه‌یه نهایت ویردیکنی ؛ « خاطرات جلد ثانی قسم اول صحیفه ۹۸ الی ۱۰۰ » نهایت رفعت پاشا مرحومک ارتحالنده سرائوابی عصمت و منسوبین شاهانه‌دن عاصم بکلر نام شاهانه‌یه اوله‌رق یا مجلس خاص مأموریتی یا خود صدارتی قبول ایتسنی تکلیف ایللریله سعید پاشا مجلس خاص مأموریتی قبول ایتک بعض اسباب اقتضاسنجه ملاحظه‌سنه الیرمیوب ینه بعض احوال طولانیسیله صدارتدن دخی عفوینی نیاز ایتمش ایسه‌ده مشار الیها ایرتسی کون کلوب منحصرأ صدارتی تکلیف ایتدکلرندن (افراد عائله‌سنی کندی یوزندن اوغرادقلری نوابدن قورنارمق و مملکت‌سده خدمت ایدیبیلک ایچون) تکلیف واقعه موافقت کوستروب ۶ شعبان سنه ۳۱۹ تاریخده آلتنجی دفعه اوله‌رق صدارته تعیین اولدینی ؛ « خاطرات . جلد ثانی . قسم ثانی صحیفه ۱۷۷ الی ۱۸۶ و ۲۱۹ الی ۲۶۱ و ۴۴۰ » بو صدارت سادسه‌ده درلو مشکلاته مصادف اولوب نصل استمفا و اختیار انزوا ایلدیکنی و انواع ازعاجات ایچنده کچن درت بچق سنه‌یه قریب معزولیتدن صکره بر ایکی آیلق مقدمات تلطفیه‌نی تعقیب ایدن تکلیفه بالواقعه یدنجی دفعه صدارته کلدیکنی سعید پاشا حضرتلری بالذات اعلان و بیان ایدیور .

بو حالله باقیلنجه اردهه شهر سلاخ و حبس و تضییق معامله‌لرندن بشقه اعتراف اولنه‌یه‌جق دیگر بعض جلوه‌لر دخی جریان ایلدیکنی کندیلگندن نمایان اولیور . حکمداران عظام دخی انسان اولملری اعتباریه عمومک اوصاف مطلوبه ایله اتصافنه بالطبع حکم ویریه‌مز . هله بعضارینک زیاده وهام و عصبی و محافظه موقع واستقلالی متمنی اوله‌رق معیارنده بولنانلریده ایستدکاری بوله‌سوق و اماله‌یه

غیرتد خالی قالمایری دائرهٔ احتمالدن خارج طوتیه من . فقط مأموریندن برذاتک مابین باش کتابته تعینندن وباخصوص سلاک وکلایه دخواندن اعتباراً پادشاهک انفعالاتنه واقف وبالاده تعداد ایدیلوب قبول وتحملی هرکسک کاری اولمیان انواع تهدیدات وتحقیقات اگر صحیح ایسه انلره مصادف اولوبده ینه بر طرفدن اعمال تدابیر ایله اشغل مقام صدارته چالیشدینی وزمان زمان صره‌سنی دوشوروب یدی دفعه نائل امل اولدینی نظرامعانه اندقده ارتق اوزاتک حرص منصبدن نه‌درجه متجردواستقلال افکارینی وحقی عزت نفسی محافظه‌یه نه‌رتبه مستعدبولندینی وافندیسیله بندهٔ خاص الخاصی آره‌سندده اسرار آمیز وانحلال ناپذیر بر ارتباطک وجودی قولایجه آکلاشیله جغندن بوبابده دها زیاده اطنابدن صرف نظر اولنور .

بزینه صده کلام :

سعید پاشا حضرتلری (طنین نومرر ۱۴۷) تفصیلاتنه دوام ایله مسئلهٔ مصریه ایچون اصرار عاجزی اوزرینه مابنده منعقد انجمنک اجما‌عنندن اول خاقان سابق کوردیکی انکار ایدیوسوده سرایده چیت کوشکنه عزیمت عاجزانه‌مده پاشای مشارالیه پترسبورغ سفیر اسبقی شا کر پاشانک دخی انجمنده بولنجه مأموریتلری خبرینی کتیرن قرنادن بر ذاته مشار الیه‌مانک کلوب کلدکلی ندی‌السوال حضورده اولدقلری جوانی آلنوب مذکور کوشکده طوبلانیلان او طه ذات شاهانه‌نک بولندینی صالونه قریب اولمقله بر آز صکره مشار الیه‌ما حضوردن چیه‌رق انجمنه ککشلر ایدی . مع هذا بوجهت پکده حائر اهمیت دکلدن . خاقان سابقک امل وامرینی بالذات اولمسه بیله بالواسطه تبلیغ ایش او ندینی روش حالدن مستدلر . اتناى مذاکرده آلمانیا ایمپراطوری حضرتلرینک توسیطی تکلیفنه اعتراضلرینی دخی پاشای مشار الیه هفواتدن عد ایله شمدی قبول ایتمامک صدندده بولنیور . واقما بو اعتراض رای محلنده دکل مذاکره صره‌سندده سرد اولنان کرچکدن هفواتدن معدود سوزلر اولمسیله مضبوطیه بیله درج اولنماش ایدی . حالبوکه پاشای مشارالیهک هر حالده ویریه‌جک قراره بالاعتراض اشتراک ایتماسی ، بلکه‌ده تلقی ایلدیکی اراده‌یه مستنداً ، کندوسنجه مقرر ایدوکندن مشار الیه ایمپراطور حضرتلرینک نفوذ وموقع ذاتیسندن استفاده ایچون المانیا دولتنک توسیطی لزومنه دائر ویریلان ایضاحات مقنعه‌یه اتجمن هیئت‌نجه برشی دنیلیمه‌رک طریق توسطه مراجعت لزومنده اتحاد حصوله کیکله برابر

پاشای مشار الیه انکلتره حکومته ایدیه‌جک تکلیفک شکلده آریلوب مضبوطیه ربط اولتیق اوزره برده رأی ورقه‌سی ویرمش و بونک صورتی کرک کنده‌ی خطر اتنده و کرک خاطرات عاجزانه‌ده مندرج اولدینی حالدہ بو دفعه ینه غزته ایلده نشر ایتدیرمش اولدیغندن اکا جواباً خاقان سابقه متقدم و خاطرات عاجزانه‌ده مسطور عریضه‌نک صورتی دخی مشار الیهک اثرینه بالامثال بروجه آتی درج اولندی .

صورت عریضه

فرانسه حکومتک بیاناته مبنی انکلتره حکومتک کنده‌ی عسکرخی بیک سکزیوزسکسان سکز سنه‌سی اولانده کیرو چکمه موقتی دولترک حصول رضاری قیدله مقید و بناءً علیه اولابده دولترله بر قول و قرار تنظیمی مقدر ایدی . امر تخلیه دائر موسیو وولف ایلہ تنظیم اولبان مقاله‌ده اخیرده تعین قلنان مدتک نہایتی تاریخ مذکورہ موافق و ینه دولترک رضاسی قیدله مقید اولدینی کبی حالا بو کونکی کون حکومت مشار الیهک امر تخلیه‌ی تعلیق ایتدیکی ماده دولترک رضاسی قیدی اولوب راضی اولیان دولت ایسه فرانسه حکومتیدر . بو قیدک حکمی اولیویده انکلتره‌نک بروجه محرر بیک سکزیوزسکسان سکز سنه‌سنده عسکرخی گپرو چکجکنه دائر اولان بیاناتی کافی و اولابده مقاله عقدی بی لزوم ایدیه ، بو خصوص ایچون حسن فهمی پاشا مأموراً انکلتره‌ی گوندیرلمالی ایدی . ثانیاً مادامکہ لورد غرانویلیک پاشای مشار الیه و بردیکی لایحه‌ده لدی الحاجه مصره طرف سلطنت سنیه‌دن قوۃ بریه و بحریه سوق ققره‌سی موجود ایدی ؛ او حالده بو تکلیفک بلا توقف قبولیله انکلتره دولتی طرفندن لدی الحاجه مصره عسکر سوق تکلیفک وقوعنه محل بر اقلاملی ایدی . مع مافیه تعاطیسی تأخرایدن مقاله‌ده ، وقت حاجتده دولت علیه‌ایله انکلتره دولتنک مشترکاً مصرجه مداخله عسکریه اجرا ایللری ققره‌سی قوندینی، قوی غلط اولوب طوغریسی : دولت علیه‌نک مصری عسکرله اشغال اتمک حقنی استمال الیه‌جگی و احوال مشروحه‌ده انکلتره حکومتی دخی مصره عسکر سوقه مأذون اولوب شاید بعض اسباب مانع‌دن طولانی حکومت سنیه مصره عسکر سوق ایتدیگی تقدیرده بر قومیسر بولندیره جفی مصرح و بو جهته انکلتره‌نک ایفا ایدمه‌جگی خدمت دولت علیه‌یه مجرد بر معاونندن عبارت اوله‌رق اشتراک حقوق معنسانی تضمن ایتیه‌جگی بشقه‌جه ویریلان بیاننامہ ایلہ مؤیددر .

« تأمینات دولیه تغییر احوال ایلہ تبدل ایدر . » مضمونه کلنجہ بونک اسبابی قننی طرفندن اولدیغنک تمینی اقتضا ایدوب « بودعه‌کی صورت تنظیمه‌نک حکمنه دخی حیلولت عوارض ایلہ خلل کلامک و یاخود تخلیه مقاله‌سی مذاکره‌سنه کیریشلده کده ، شرائطی تشدید و یاخود زمان تخلیه پک زیاده تطویل اولفماقی و یا ده سائر مشکلات و محاطرات حدوث ایتماک

ایچون بر اساس امینه بناء حال ایدلسی الزم و مستعجل ، اولدینی عباره‌سی ایسه ، معاملات سابقه فصولی برعزو و قصور دن کنایه اولدینی کبی ، تأمین حقوق ایله تعین زمان تخلیه مطلبلرینه برلکده تثبیت اولغسی مطالعه‌سی و بونک حصولنده مذاکره‌یه تثبیت ائناسنده صرف مساعی ایله اسباب امنیت ارائه‌سی چاره حکمنده یاد قلمشی دخی ، برتصوردن عبارت ایسه ده خطه مصریه ده حقوق مقدسه خلافتناهنک گرفتار اولدینی حال تهلکک تک تصدیق‌یه برابر امر تخلیه مدت تعییننک موقوف علیهی و حتی شرط اصلایی آق دکرده ساحلدار اولان دولترک مقاوله‌یه موافقتی قیدی اولدینی و بونی قبول ایتمک ایچون برطاقم القا آت علنیده بولان فرانسه‌نک شمدی اختیار شرمساری و خجالتله بلاتحویل ، قید مذکوره موافقتی مستحیل ایدوکی بیانورکن ینه تأمین حقوق ایله برابر تخلیه مدت تعییننک انکاتره تکرار تکلیفی رأینده بولغنی کبی بر خطا ، احوال سیاسیته تأثیراتی تحتنده بولغیانلر ایچون قابل عقو اولسه ده ، حیات سیاسی ایله اقتضای مصطلعی تقدیر ایده بیله‌جک بر موقعه بولانلر ، حب وطندن وارسته اولمدقجه ، انکاز عسکرینک کبرو چکلمسنه شمبدن قرار ویرلیه‌جک اولدینی حالده مصردن بالکلیه واز کچکک و نتایج وخیمه سائرهمه قائل اولغی دبتک اولان اویله بر رأیه اشتراک ایده‌میه‌جکی درکاردر . حقیقت حالده مسئله‌نک کسب ایلدیکی درجه اهمیتیه وما سبق احواله نظراً شو صروده فرانسه حکومتک وساطتی انکاتره دولتی عقد مقارله‌یه اماله ایده‌مدکن بشقه ، دولت علیه ایله انکاتره بیننده موافقت حصولی برقات دها تصعیب ایده‌جکی بدیهی و فرانسه‌نک بزه یالکیز بر نصیحتله اکتفا ایلسی دخی بوکا بر دلیل کافی اولدیغنه و روش حاله و حسیات کمتراهمه گوره ، بر ایکی آی ظرفنده لوندره‌جه صورت مناسبه‌ده اجرای تشبثات جدیه ایله خطه مصریه اوزرنده اولان حقوق ملکداری حضرت پادشاهی بر سند رسمی ایله تحت تأمین آلمدقجه ، چوق زمان کچمکسزین مصرک الدن کیمسی تهلککسی تظاهرا ایدرک ، معاذالله تعالی اویله برحالدن تولد ایده‌جک نتایج وخیمه عرض و بیاندن وارسته بولندیغنه بناء ، بلاتأخیر لوندره سفیری رستم پاشا قوللری واسطه‌سیله لورد سالیسبورگی نزدنده بوجه معروض اجرای تشبثات اولنهرق ، مصرک انکیز عسکرندن تخلیه‌سی خصوصیه ایلرده بین‌الدولتین برقرار ویرلک اوزره خطه مصریه ده اولان حقوق سلطنت سینه‌نک تأمیننه مدار اوله‌جق شرائط ایله بر مقاوله‌نامه عقیدنه انکاتره قاپینه نک موافقتی استحصال ایچون پاشای مشار الیه تعلیمات اعطاسی و بو بایده بی طرف دوست بر دولته وساطتی حصول مقصده خیلی یارم ایده‌جکندن ولی نعمت بی منتز پادشاهنر افندمر حضرتلرله آلمانیا امپراطوری بینده موجود اولان مصافات وحب وموالاته رعایه آلمانیا دولتی حقوق مقدسه شاهانه‌نک محافظه‌سی ضمننده انکاتره حکومتی نزدنده اجرای وساطت دوستانه‌یه دریغ همت ایتیه‌جکی مجزوم بولندیغندن موافق امر و اراده حکمت افاده حضرت خلافتناهای اولدینی تقدیرده وساطت مطلوبه‌نک استحصاله طرف اشرف ملو‌گاهدن آلمانیا سفیری موسیور رادویک مأمور ایدلسی موافق حال مصلحت اولورایسه‌ده

اولیادہ ہرنہ وجہلہ ارادہ و فرمان بیوریلور ایسہ اصابت آئندہ اولہ جہنی محاط علم عالی بیورلدقندہ اولیادہ وقاطبہ احوالہ امر و فرمان حضرت منلہ الامرکردر .

۸ ذی القعدہ سنہ ۳۰۸ و ۳ حزیران سنہ ۳۰۷

سعید پاشا حضرت تلیرنیک (مادامکہ ہم رائم کامل پاشانک رأینہ توافق ایتمامش و تعیر آخرلہ کنڈیسنہ ترتب ایدن مسئلویتہ اشتراکی قبول ایتمامک ایستہ مشم ، مشار الیہک بالباحثہ بنی الزام وافحام ایتمسی و بونلر قابل اولہ مزایسہ افادات طرفینی علی الاصول انجمن مضبطہ سنہ درج ایتدی رسمی واجب ایدی . کنڈیلری ایسہ بونی یامڈیلردی . بالعکس بو طریق طبیعیہ بدل خاطر اتنک آلتش دردنچی صحیفہ سنہ قدر اولان غریضہ خصوصییہ خاقان سابقہ یازمشدر .) دیملری نفس الامرہ غیر موافقدر . چونکہ سعید پاشائی مباحثہ الیہ الزام بالطبع قائل اولدیغندن انجمن مضبطہ سنہ مشار الیہک رأی ورقہ سی ربط اولنقلہ برابر افادات طرفینک درجی وجوبندہ دخی اہمال کوسترلماش و مضبطہ نک او قسمی مجبوراً بروجہ زیر یازمشدر .

» دولت مشار الیہا الیہ دولت علیہ بینندہ موجود اولان ود و مصافاتہ نظراً آلمانیا دولتک بوبادہ دریغ وساطت ایتیمہ جکی مجزوم بولندیغندن بونک ایچون بورادہ کی سفیری واسطہ سیلہ بر اساس تعین اولنہ رق دولت مشار الیہا بہ مراجعت اولنسی بالاتحاد تنسیب اولنوب انکترہ دولتنہ اولنہ حق تکلیفک شکنہ کلجہ حصول مقصدی تسہیل ایچون مدت تخلیہ بعدہ دولنن بینندہ بال مذاکرہ بر قرار ویرلک اوزرہ اول امردہ خطہ مصریہ دہ اولان حقوق مقدسہ حضرت شہنشاہینک تأسیبی صورتی اوزرینہ جریان ایدن مذاکرات عمیقہ نتیجہ سنندہ صدر اعظم سابق سعید پاشا ویاور اکرم حضرت شہریاری شا کر پاشا قوللری مقصد اصلی اولان امر تخلیہی بردن وجودہ کتیرمک ایچون بروجہ معروض آلمانیا دواتی وساطتیلہ ووع بولہ حق تشبث اوزرینہ انکترہ حکومتک مصر مسئلہ سنہ دائر مذاکرہ بہ موافقتی استحصال اولندیغندہ حقوق مقدسہ حضرت پادشاہینک تأمیننہ مقتضی قیود الیہ برابر امر تخلیہ بہ بر وقت تعیننک دخی تکلیفی رأیندہ بولنوب و مشار الیہ سعید پاشا بومجتمہ متعلق ملاحظاتی اسبابی ملفوف ورقہ دہ بیان قلنمش اولوب آنحق معلوم عالی اولدینی اوزرہ انکترہ حکومتی امر تخلیہ بہ بر مدت تعینی ماذہ سنی تخلیہ دن صکرہ لدی الحاجہ دولت علیہ الیہ برابر ویاخود دولت علیہ جہ عسکر سوئقہ بر مانع اولدینی حالدہ یالکزجہ مصرہ عسکر سوئقہ اولدن مأذون اولسی و بو مقاولہ بہ آق دکرزہ ساحلدار اولان دولترک اولجہ موافقتی آلمسی شرطنہ تعلیق ایتش اولدیغندن و بو بابدہ شمسیہ قدر فرانسہ نک استحصال موافقتی میسر اولدیغندن شمسی لدی التجربہ ثمرہ سز قالان بر یولہ کیدلمسی حالندہ اولآ آلمانیک بوشرطلہ

توسطی قبول ایتسی مستبعد اولدیغه ثانیاً دولت مشار الهانک قبولی وانکتره نك دخی امر تخلیه یه به دائر مجدداً مذاکره موافقتی فرض اولنسه بيله ابتدا شرط مذکورک فرانسه به قبول ایتدیرلسی مسئله سنی درمیان ایده چکی درکار اولوب بونک ایسه شمعیکی حالد استحصالی قابل اولمیه جفته نظراً بوصورتله اولنه جق تشبثک بر حسن نتیجه ایتقانی تحت امکانده کوريله - مامش و بویولده اضاعه اوقات ایدلسی اسباب معروضه به مبنی غیر جائز بولنش اولقله تذکره مذکورده « انجمنده مطالعه اولنان ده اولکی عریضه خصوصیه مده » عرض اولندیفی وجهله ایشک ایکی مرحله به تفسیمله مصرک انکیز عسکرندن زمان تخلیه سنک تعیین خصوصنه بعده بین الدولتین بر قرار ویرلمک اوزره اول باول خطه مصریه ده اولان حقوق سلطنت سنیه نك تأمیننه مدار اوله جق شرائط ابه بر مقاوله نامه نك عقدی صورتنک تکلیفی اکثریتله تذکر اولغش اولقله الخ) .

ایشته بونکله ده ثابتدرک افادات طرفینک مضبطه به درجی و جوبنده سعید پاشانک تخیلی کبی تجویز قصور اولنماش و صورتی کنذک خاطراتمه وبالاده محرر عریضه خصوصیه مده صکره جه تقدیم قلمشدر . مذکور مضبطه ایله رأی ورقه سی و عریضه اوزرینه ، صدارتدن انفصال عاجزانه مه دکن کچن بر ایکی ماه ظرفده ایسه انجمنلر توالی ایدرک مقصد اصلی کشا کسه دوشمشدر .

سعید پاشا حضرتلری بر قسمی ده طنینک ۱۰۴۸ نوسرولی نسخهنه انتقال ایدن مقاله مفصله لرینک بر فقره سنده (بر قرارک اجراسنده اتحاد آرا آراق سلطان مخلوعک عادت ایدیه شو عادت باطل اولدیفی و هر شیده اکثریت نافذ اولدیغدن آکا اعتبار ایتامک امور دولتی تطیل ایتک دیمکدر حقیقتلرینی افهام ایتک و متمر اولمزسه ایشدن چکلمک لازم کلزمی ایدی . نته کیم بونی یابانلر اولمش و اکثریت حکمنی دائماً موقع اجرا به کتیرمشدر . مجلس وکلا ضبطاری و اوراق سائر بونک شاهدیدر) و مقاله نك دیگر جهتلرنده سیردرومون وولف ایله عقد اولنان ایکنجی مقوله یی کندی فکر و آرزوسنه کوره تفسیر و تنقیددن صکره (حال حاضرله ثابتدرک انکتره خطه مصریه اوزرنده حقوق حکمرانیزی غیر منکردر و حد ذاتنده دخی بو حق تمتع الاعتراضدر . لکن کامل پاشانک دیدیکی یولده بر تشبث فکر مه کوره ذاتاً معترض فیه اولمیان بر حق اضعاف ایده بیلیر ایدی . بوراسی تسلیم اولنسه بيله ذات مصلحت بر حکمدار معظمی توسط تکلیفنه محتاج دگل ایدی . زیرا صرف نظریاته عائد اولان تأیید حقوق مطالبنی واسطه سز بيله استحصالده کوجاک چکلزم ایدی . حتی امنیت

مقابلہ اسبابہ بزم طرفدن اعتنا اولنسه انکلهتره جه کائن لم یکن عدایدیلان متاوله‌ینی اعاده قابل ایدی . بناءً علیه کامل پاشانک رأینہ اشتراکده بالطبع اعتذار اولنشدی . بن تأیید حقوق وتعیین زمان تخلیه خصوصاً صلیرینه برلکده چالشلمسی رأینده بولنش ایدم . کامل پاشا اکر بنم رأیمک بطلاننه ، کنددی اجتہادینک صوابنه قناعت حاصل ایتش ایسه نزد سلطنتده اصرار وعدم تأثیری حالده استعفا ایتلی ایدی .) بیوریورلر .

واقفا سعید پاشا حضرتلرینک منافع حقیقه دولته خادم فعلیاتدن صرف نظر اولنورسه قلمی اله آنجه یاخود « دیکته » یه باشلا نیجه اوزون اثرلر وجوده کتیره بیلیمکده کی اقتداری اوتهدنبری مسلمدر . فقط بواققدار « تعیر معذور کورلسون » کوز بویاجیلنی درجه سنه قدر سوء استعمال اولنق ایستیلور ایسه بر مهارت مدوحه عد اولنقدن پک اوزاق قاله جنی دخی امر غیر مبهمدر . سعید پاشا حضرتلرینک بو بولده سوء استمالی اختیاردن چکنمیدیکنی اثبات ایچون هر کسک واقف اوله میه جنی « مجلس وکلا ضبطلرینک » اشهادینی عبث عد ایدرک انتظار قارئینی مشارالیهک خاطر اتنک جلد اولنک یتش سکزنجی ویوز یکر می اوچنجی صحیفه لرینه جاب ایله اکتفا ایلرم مذکور یتش سکزنجی صحیفه نک نهایتده مسئله مصریه دائر حکایات صره سنده هیئت وکلانک اکثریتی رأیمه موافق ایسه ده محمود ندیم پاشا جودت پاشا مخالف رأیده بولنیورلردی . یعنی نه قونفرانس نه ده عسکر سوقتی قبول ایتیورلردی . سوز توکنوب نوط استحصال آرایه کلنجه محمود ندیم پاشا رأی مخالفده ثابت قالدی . رأی واحدن عبارت اولان اقلیتله برابر اکثریتک قراری حضور عالییه عرض اولندی . لکن اراده سینه صدور ایتدی . (ویوز یکر می اوچنجی صحیفه نک نهایتده ده) فقط بوماده مجلس وکلاده مذاکره اولنورکن صبحی پاشا قومیسرک مسلمان اولسندہ اصرار ایتدی . مقصد اصل مصر مالیه سنه مداخله ایچون براساس وضعی ماده سیدر . ایلروده قومیسرک تبدیلی لازمکلور ایسه مسلمان انتخابیده دولتک السده در . دینلدی ایسه قانع اولدی اکثریتله سرکیس افندیکنک تعینی ایچون بر مضبطه یاپیش ایسه ده آنکده اراده سی چیقمدی وجوق کچمکمزین تفصالم وقوعبولدی) دیه محرردر . ده ا نیجه دلائل اقامه سی ممکن ایسه ده سعید پاشانک بالاده محرر ایکی فقره سیده خاقان سابقجه مقررات معروضه ده اتحاد آرانک ملتزمیننه شاهد کافی و بناءً علی ذالک

پاشای مشارالیهک (هر شیده اکثریت نافذ اولدیغندن اكا اعتبار ایتامک امور دولتی تعطیل ایتمکدر . حقیقتلرینی افهام ایلک و مشمر اولمزه ایشدن چکلمک لازم گلزمی ایدی ،) سؤالی معناسیله کندوسنه راجعدر . و (نته کیم بونی یاپانلر اولمش واکثریتک حکمنی دائماً موقع اجرایه کتیر مشلردر .) قولی نزهده قالمشدر .

مصر حقنده انکلتره دولتیله برنجی وایکنجی مقاوله نامه لرك اسباب و صورت عقدی وایکنجی مقاوله نامه نك کیفیت تأخر تعاطیسی خاطر اتمده مصر ح اولمقله بوجهتملرك تکراری وسعید پاشا حضرتلرینک مشکلاتدن قورتلقی ایچون امدادینه یتیشن روم ایلی شرقی حادثه سندن بالاستفاده ایشدن چکلدکدن صکره مشکلات موروثه ممکن مرتبه حل ایله عقد ایدیلان مذکور مقاوله نامه لرك احکامنه قارشو معتادی وجهله « دیکته یه » بالمراجعه کلیشی کوزل سردایلدیکی افتادات تنقیدکارانه یه جواب اسطاری عثله اشتغالدر یالکمز شوراسنک بیرتی لازمه دن عد ایدرمکه اجزای ممالکمزدن بولنان بر قطعه مهمه یی قوه عسکریه ایله اشغال ایلسنه خدمت صدارته مأموریت عاجزانه مدن اول میدان ویرلمش اولان حکومت اجنبیه نك « دوسالغنه وحق شناسلغنه اعتماددن خالی قالمدیغ وقله یه جغم انکلتره دولت فخریمه سی اولدیغی حالده بیله « قطعه مزبورده بلا مقاوله دوام اشغال یاخود اشغالک بر متاوله مخصوصه ایله تعین ماهیت و تحدید مدتی آره سنده کی فرقی هر عقل سلیم صاحبی تقدیر ایده بیله جکندن سالف الذکر مقاوله نامه لرك عقدینه موفقیت اجتماعه دولته بیوک بر خدمت ایدی . خدمت وطنه وقف نفس ایدن بر دولت آدمی ایچون باشلادیغی کاری اتمامه صوک درجه یه قدر بذل وسع واققدار وطریق عزمی سده چالیشان اغیارک القآآته قولاق آصمیوب ممکن مرتبه حصول مقصده صرف افکار ایلک وامر استغفایی چو حقی اوینجاغنه چویرمک اک بیوک وظیفه حیت اولدیغندن مذکور مقاوله نامه لردن ایکنجیسنک دخی موقع تطبیقه وضعی ضمننده ایقاع اولنان تأخراتی ازاله ایچون سعید پاشا حضرتلرینکده دیدیکی کبی کاه وعد وکاه تهدید صورتلریله مراجعت ایلدیکم انواع تداییرک عقیم براغلدیغی کورلمسی و نهایتده لورد سالیسیوری طرفدن خاطر اتمک یکریمی برنجی صحیفه سنده محرر صوک نبایغات رسمیه وقوه کلهرک اولدن بری ایکنجی مقاوله نك تصدیقی علمینده بولنان فرانسه حکومتنک در سعادت سفیر نجه ده مشارالیه لورد سالیسیوری نزدنده بلا تأخیر تجدید تشبثات ایله حقوق شاهانه نك تأییدینه تأمینات بخش

اوله‌جق بیانات استحصالنه اعتنا اولمق رأی در میان اولمسی اوزرینه صوڪ تدبیر مقامنده سعید پاشانك بگنم‌دیگی تشبثانك اجراسنی موافق حال ومصلحت کورمش وتشبثات متصوره‌نك موفقیتیه اقترا نی وسائلی‌ده اولجه استحضار ایلش ایدم . پاشای مشارالیهك بوباددی رأینك بطلاننه وکندی اجتهادمك اصابتنه قناعتمك درجه‌سی ، صورتی خاطراتمه وبالاده مندرج ۳ حزیران سنه ۳۰۷ تاریخی عریضه‌می مطالعه ایله تعین ایدر . مسئله مصریه‌ده بدایت‌دنبری علاقه‌کلیه‌نی درکار اولان سعید پاشا حضر تلرینك‌ده بولنه‌جنی بر انجمندن اتفاق آرا ایله حقیقه‌جق قراری آرتق سلطان عبدالحمیدك رد ایده‌مامسی ملحوظ ایکن پاشای مشارالیهك نشریات اخیره‌سیله ثابت اولدینی اوزره بوماده‌ده نی استغایه مجبور قلمق مقصد خصوصیه قاریشق بر مسلك اختلافکارانه التزام وتعقیب ایتش اولسی عظیم تأسقلره شایاندر .

واقعاً بو اختلاف آرانك الجا ایلدیکی دیگر مذاکرات ومعرضات ایله بیروده بر ایکی آی وقت کچکدن صکره ذاتاً علیهمده بشقه‌جه جاری اولان انتزیه‌لر نتیجه‌سنده انفصال عاجزانهم وقوعه کیش ایده‌ده نه‌چاره‌که سعید پاشا حضر تلرینك بکا خلف اوله بیلیمك امید ینه بوشه حقیقه‌شدر .

مع مافیه مشارالیه ایرکچ یولنی بولوب اعلان مشروطیه متصادف برنجی صدارتدن بشقه ایکی دفعه ده‌ا اخلافه خلف اولدینی حالده بروجه بالا یازدینی « صرف نظریته عائد اولان تأیید حقوق مطلبنی واسطه‌سز بیه استحصالده کوجاك چکلمزدی حتی امنیت متقابله اسبابنه بزم‌طر فدن تشبث اولنسه انکلتزه‌جه کائن لم‌یکن عر ایدیلان مقاوله‌نی اعاده قابل ایدی .) قولك ابراز فعلیاتنه نیچون بذل همت و عنایت بیورمدقلر جای مر اقدر .

« ظنین نومرو ۱۰۴۸ » . مصرك تخلیه‌سنه دائر انکلتزه ایله منمقد ایکیجی مقاوله‌نی تنقید ابدن فرانسه سفیرینه بالمقابله تونس حقه‌ده دخی کندوسیه اوله برمتازله عقدی امننده بولندیغمی افاده ومکالمه‌نی دیگر بعض سفرايه‌ده حکایه ایکنکلم اوزرینه او وقتکی آلماتیا سفیری موسیو را دو یچ ماجرای دولت متبوعه‌سنه یازوب پرنس بمارقدن آلدینی تعایمه توفیقاً طرف عاجزی‌یه نه یوله تبلیغات اجرا ایلدیکنه دائر خاطراتمه مندرج افاده‌یه سعید پاشا حضر تلری لورد غرانویل ایله پرنس بمارقك بشقه وقلده ایراد ایلدکری نطقلردن استدلالاً

اینامق ایستیمور ایسه یرنس بسار قك جواب خالصانه سنی بكا تبلیغ ایدن موسیو رادویچ حالا بر حیات اولدیغندن مشارالیه مراجعتله حل اشتباه ایده بیلور. یگر می بش سنه اول جریان ایتمش اولان بر مکالمه نك خاطر اتمده بالمناصبه حکایه سی ایسه سعید پاشانك نابجا اسنادی کبی تونسك استردادی تصویرنی تضمن ایله حال حاضرده افکار ناسی خیالاته سوق و دولت علیه ایچون مضرت تولید ایتمز.

افکار عمومی نی مهیج و دولتجه مضر قیود اصل سعید پاشا خاطر اتمده تصادف اولنور. مذکور خاطر اتمك جلد اولنك ۲۷۱ تجبی صحیفه سنده کوریلان شو: (لورد سالیسبوری بو تبلیغات ایله اکتفا ایتمیوب خاتمه ده دیگر بر تبلیغ مهمده بولنشدی که بكا اوقونان تلعرافنده بو خاتمه نك علی طریق الاشاره ضبط ایتمیگم عباراتی شو ایدی: نه آلمانیا، نه ایثالیا نه، آوستریا انكلمتره نك مسئله شرقیه پولتیقه سنه خائل اوله مزلر. فرنسه روسیه یه صادقدر. دولت عثمانیه نك بقاسنه مدار اولان شی یالکزر انكلمتره نك روسیه ایله متفق اولماسیدر. اگر اتفاق واقع اولورسه تهلكه نهایت درجه یه کلیر. دولت عثمانیه زائل اولور.) فقره سی ایشته او جمله دندر.

مقصد ایقاظ اولسه بیه بونك حصولنی، مذکور تبلیغ مهمی قورقیلان حالك قوه قریبه یه کلدیگی صروده خاطرات صحیفه لرینه کچیرمکه دكل سائر وسائط مناسبه ایله ارکان دولته ابلاغده، آرامق وجائب دور اندیشیدن عد اولنق لازم کله چکی محل تردد دكلدر.

سعید پاشا حضرتلرینك دیگر بر ماده استطرادیه عنوانیه طنین نومرو ۱۴۰۸ و ۱۰۴۹ « یازدینی مقاله مفصله نك خلاصه مألنده خاطر اتمك واردات مصریه انكلمتره وفرانسه دولتری طرفندن تأمینات مقامنده قبول اولنه رق بر سندق تأسیس اولندیغنه متعلق فقره سنی زمین اتخاذا ایله کندی صدارتمده بو صندوق اداره مجلسنه دولت متبوعه قومیسری صفتیه بر مأمور تعینی ایچون وقوعبولان تشبك محسنانندن یخله و بوبابده تقدیم اولنان مضبطه صورتنك درجیه کویا صدارته نصبمدن صکره بومضبطه نی تکرار مبحثه قویوب دولت علیه نی سائر دولترلره منزله مساوانده طوته مه یز دیملگم اوزربنه اهل مجلسده بكا اتباع ایتدکلرنده مساعی مصروفه نك هدر اولدینی کوسترلمشدر.

خاطراتك جلد اولك ۱۲۴ نجی صحیفه‌سندہ ایسه پاشای مشارالیه بو بجنده (خارجیه ناظرى سعید پاشا مصر مالیه‌سی ایچون حکومت سنیه‌نك قومیسر کوندرمسی مصر اوله جغه دائر اولان فکر پادشاهی‌نی مع الاستصواب مجلس وکلاده بیان و دیگر ذوات دخی اکا اشتراك ایدرک قومیسر تعینندن بتون بتون صرف نظر اولمش الحاصل بواشده‌ده مسئله شخصیه مسئله اصلیه تقدم ایشدر .) دینلمشدر .

زمان معزولیتده‌ده مجالس وکلا مذاکراته قدر احاله سمع تجسسہ انهماکی بوضوئله تحت اعتراغده بولان سعید پاشانك قومیسر تعینی خصوصنك تأخیری جاننك ایستدیکنه کوره خاطرانده مرحوم سعید پاشایه نشریاتنده بکا عطف ایتسندہ کی غرابلردن صرف نظر اولسندہ بواشه دائر ۸ جاذی الاخره سنه ۳۰۲ و ۱۳ مارت سنه ۳۰۱ تاریخده اکثریتله یایلان مذکور مضبطه‌نك تقدیمندن صکره صاحب خاطرات و نشریات سعید پاشا دها آلتی آی موقع اقتدارده قالمش ایکن یوز سکسان کونه واران بومدت ظرفنده « هر ایشده اکثریت نافذ اولدیغندن اکا اعتبار ایتماک امور دولتی تعطیل ایتمکدر حقیقتلری افهام ایتک و متمر اولمزه ایشدن چکلمک لازم گلزمی ابدی » جمله‌سنی که مشارالیه بکا قارشو ایراد ایتشیدی . اعاده کندوسنه توجیه ایتماک پک محق اولور .

حقیقت حال شو و جله ظاهری اوتجه سعید پاشانك آلتی آی مدت ایچنده اراده‌سنی استحصالدن عاجز قلدیغی مضبطه‌نك صورتی نشره واکا بناء درلو ملاحظات سردینه تصدی ایلمسی انظار و افکار قارئینی بهوده یورمق مقصودینه خدمتدن عبارت قالور .

سعید پاشا حضرتلری نشریات واقعه‌نك بر قسمی‌ده ارمنی مسئله‌سنه دائر خاطرات عاجزده کوردیکی و نائیک و هم مخصوصنه کور » تفسیر و تنقیدینه حصر ایله بعض عبارله غندی معنار ویره‌رک تبیل وکلا صره‌سندہ بنم ایچون آجیق براقلدیغی تبلیغ ایدیلان شورای دولت ریاستی عدم قبولی دلیل عد ایله کویا کندیسنی خدمت صدارتدن بالاسقاط سرکاره کچمک املنده بولدیغمه ذاهب اولیور رده خاطر ایتماک ۱۸۱ نجی صحیفه‌سندہ صورتی مندرج عریضه خصوصیه‌نك « بوندن اوچ درت ماه مقدم یعنی انکلترونک بومسئله‌یه حین مداخله‌سندہ اتخاذ تدابیر لازمه ایله بلد دفعه اومثالو خطرناک اصلاحات تکلیفات و قوعنک ارکنی آلمق قابل

ایدیسه ده الخ» مع مافیه باب عالیجه طوغری بر مسلك اتخاذ اولنسه ظن عیدانه مه کوره دول ثلثه نك و باخصوص انکلترونك یا کلش اولان اعتقاد لرینی تصحیح ایتک ممکن اولور. یوقسه آناتولیجه حقوق حکومت - نیه یه دیگر دولتلرک تشریک اساسنک قبولی تقدیرده عهد قریده عین حال روم ایلی ایله جزائر بحر سفیده و بعده ولایات سائرده دهخی وقوعه کله رک فقره لرندن استنتاجاً بنم یا کلش اخطار و ملاحظه لریمک کویا کندی حقنده خافان سابقک تشدید غیظنه عامل مؤثر اولدیغی سویلور .

شورای دولت ریاستی قبول ایتمک کلکم خاطراتمه یازدیغ کبی مجرد ماسبق احوالی تفکرله وکلالقدن تحاشی نتیجه سیدر . موضوع بحث اولان عریضه خصوصیه مک ایسه تاریخچه باقیله یجه سعید پاشانک دفعه خامسه صدارته نصبدن یعنی ۲۸ مایس سنه ۳۱۱ تاریخندن اون برکون اول سوال عالی یه جواباً تقدیم اولوب مندرجاتی پاشای مشارالیهک سلسلی زمانه عائد احوال دن باعث بولدیغی صراحتاً آکلاشیلور. هله مذکور فقره لرندن برنده کی « بوندن اوچ درت ماه مقدم . . . الخ» جمله سی مقصدی هیچ بر شبهه محل قائمه حق صورته تأید ایدر . اساساً سعید پاشا دهخی خاطراتنک جلد اولنک ۳۳۳ نجی صحیفه سننده محرر « کامل پاشانک عریضه سننده ارمنی مسئله نك شو حاله کلسی جواد پاشا زماننده اولمشدر . امنیت شاهانه یی حائر بر هیئت وکلا تشکیلیله اکا تودیع امور لازمدر . یولنده ایکی فقره مهمه واردی» جمله سیله شو حقیقتی تصدیق ایشدر . حال بویله اولنجه سعید پاشانک نشریات اخیر سننده عریضه مذکور ه بی کس دی حقنده تراید غیظه عاملی مؤثر صورتنده کویسترونک یوروتدیکی ملاحظاتنک نه درجه واهی و غرض آلود اولدیغی طبیعتیه ظاهر اولور .

ارمنی مسئله سنه متعلق معروضاتم یک محدود و معدود وسعید پاشانک زمان صدارتنه مصادف ۱۷ اغستوس سنه ۳۱۱ تاریخی عریضه جوابیه مده دهخی « تکلیفات واقعه نك بر صورت عمومیه ده قبولی » توصیه صریحه سی موجود اولوب یالکیز کندی ملاحظه یجه مناسب کوردیکم بر قید احترازینک پروژه یه درجی علامه عرض و اخطار ایشدمکه بوضو رته بنم وظیفه وجدانیه می ایفا ایتمش اولمقلغمه مقبل اخطار عاجزانه مک مقتضای حال و مصلحت کوره ساحه فعله ایصالی ممکن اولوب اولمديغک تقدیری دهخی بالطبع هیئت مسئله یه راجع ایدی .

جریان احوالک شو مختصر اجمالنه نظراً پاشای مشار الیهک حق عاجز نه مده
« خاقان سابقه مخبرات عیدیه و عمیقده بولنش . خاطرات بونی ارانیه ای دیور »
دیمی و مندرجات عریضیه ایستدیک کی معنی ویرسی فصل طوغری اوله بیلیر
بیلنه مر .

سعید پاشا حضرتلرینک کندندن اول و صکره مسند صدارتی احراز ایدنلری
برر صورتله کوزدن دوشورمه و بتون حسناتی نفسنه مال ایدنمهک چالش مقدن
بر آن خالی قلمامش اولدیغه آثار منتشره سندن بوزلرجه مثال اقامه سی قابل اولوب
از جمله بنم جواد پاشا مرحوم زماننده کی عریضه جوابیه یی بالمجوریه یازدیغم صره ده
کندیسنک (سعید پاشانک) بالذات سرایه طاشینه رق و « خلافت صادق اوله جغه »
دائر بعد التحلیف کیم بیلیر دهانه مثللو مواعد و تأمینانده بولنه رق سلفنی اسقاط
ایله یرینه کچمه اقدام و صوکرملری ایشک مشکلاته صاردیغنی درک ایله مکر ترین
خاطرات ایچون ینه برطاقم اوراق طویلادقدن صوکره بروجه معتاد گوشه عزله
چکلمک اسبابی استحضاره اهتمام ایئش اولدیغه خاطراتنک جلد اولنک ۲۶۲ نجی
صفیه سندن اعتباراً باشلایان تفصیلات شاهد عادلر .

سعید پاشا حضرتلرینک نشریانه دوام ایله خاطر آتمک ۱۵۵ و ۱۵۶ نجی و
۱۹۰ و ۱۹۱ نجی صفیه لرده مندرج اولوب زمین تنقیده بحث ایلدیکی ایکی
عریضه مک برنجیسی انکلتزه سفیرینک تبلیغات محرمانه سندن بمحلّه بعض مطالعاته
تردیفاً « ارمیلردن فسادده مدخلی تبیین ایدنلرک اجرای مجازاتندن کیرو طور مامقله
برابر سائر ارمیلر حقنده اظهار آثار خصوصت وعدم امنیتیه هیجانلرینی موجب
معاملاتدن توقی ایدلمسی و الحاصل کار و کسبیه مشغول و افکار پولتیدن خالی اولان
ارمنیلرک حسن معامله ایله توثیق رابطه تابعیتلرینه اعتنا اولنمسی » توصیه نی شامل
اوله رق ۲۱ تموز سنه ۳۰۶ و دیگرکی « سعید پاشانک مابین باش کتابتده ایکن
سرایه آلدینی » اداره امور دولتی کما فی السابق باب عالی یه نقل ایله هم خنکاری
مستبدانه اجرای حکومتک نتایجندن طولایی مسئولیتدن وارسته و مصون قلمق
همده اداره مملکتی تحت انتظام و انضباطه آله رق اجرای عدالتله خشنودی
عمومی یی استجلابه چالش مق ایچون اعتماد شاهانه یی حائر بندکان مقام و کالتده
بولنه حق اولان کیمسه یه مسئولیتی نسبتده مأذونیت اعطاسیه و یونک طرفندن
دخی برلکده ایشلیه جک ذواتک انتخابیه بر هیئت و کلا تشکیله مساعده بیورلمسی

استدعاسنی متضمن اولمق اوزره ۲۳ تشرین اول سنه ۳۱۱ تاریخلرنده یازمشد ر . ایلاک عریضه ده محرر وصایایه توفیق معاملاتده صدارتدن انفصال عاجزانه مدن سوکره دخی دوام ایدیه جک اولسه ایدی سعید پاشا حضر تلی امین اولسونلر که پای تحت سلطنت سینه ده کندی کوزی اوکنده دولتک یوزینی قیزارتوب بالاخره طشره یه ده سرایت ایدن فجیع قتالر وکندیسنک « سعید پاشانک » او هنکامده بر کون آقشام اوستی کچ وقت باب عالی دن آراهه سنه ادملرینی ارگب وکندوسی ده . تنکراً بر کرا آراهه سنه رکوب ایله خانه سنه جان آتشی کی کولنه جک یاخود آغلانه جق غریب حاللر وقوعنه محل قالمزدی .

ایکنجی عریضه ده کی استدعا دخی کیم بیلیر . هانکی مستشار مؤتملرک القا آت بدخواهانه سیله ثمره سز قالمش اولسه ده اوزماندن طریق مشروطیتده بیوک بر آدم آتیش ورفته رفته هرشی یولنه کیرمش بولنوردی .

*
* *

بعد الانفصال زیارت قبول ایتماکلکم اراده سننی تبلیغ ایدن قراندن بر ذاته « زوارک بنده لر نجبه عدم قبولی خلاف عادت و مغایر شعار تراکت اوله جغه نظراً اراده بیورلدینی حالده کلنلرک ذاتاً قبولک اوکنده بوئان پولیسلر طرفندن منع دخولی اولی اوله جغی » بیان ایش اولدیغه دائر خاطر اتمک ۱۷۱ نجی صحیفه سنده مندرج افاده یی سعید پاشا حضر تلی سر رشته انحاذ وکندینی کورمکه کلان روسیه سفیر بنده معهود مأمورلرک مخالفت کوسه تردکارندن بحث ایله « مکر بر جرأتلر پولیسلر واسطه سیله منع زیارت امکانی خاقان سابقک ذهنته القا اولندیغندن نشأت ایش بونی بودفعه کامل پاشا خاطر اتندن آکلادم « بیورملری طوغریسی پک مغاسزدر .

یوم انفصالدن اعتباراً مخدوملرله خدمت جلرم حتی حرم خلقی حقلرنده بیهل خانه مه کیروب چیقارلرکن قبو اوکنده کی مأمورین مخصوصه طرفندن اجرای تعیداتدن خالی قالمیوردی اوله بر صروده نجی زواری عدم قبول ایله مکلف طومتق ایچون تبلیغ ایدیلاز اراده یه قارشی باش اوسته دیموبده « خیر بن بونی یاهم ایستره کز مأمورلرک معرفتیه یادر یکز « مقابله سنده بولمقلغم ظن ایدرمکه قباححت دکل اوزمانه کوره خیلی مهم عد اولنه جق متانت ائارندندر .

مصر ایشلرینه متعلق مبحثده سعید پاشا حضر تلرینک خاطر اتندن اقتباساً ایراد

و تعداد اولیان و قایع آرمسند کورلش اوله جنی اوزره پاشای مشار الیه ده
 خداوندکار ولایتیه تعیینندن اول زقاقده ایکی خفیه طرفندن تعقیب اولدنی ۳۰۳
 و ۳۰۴ سنه هجریه رنده ترصدا و تعقیبات چو غالب حتی یاوران پادشاهیدن
 برینک استراق اوراق ایچون حریمه قدر کیردیک ادعاسنده بولمنه نظراً « اصول
 نجس و تعقیب » ك « خاقان سابقك جلوس کونندن » بدأ ایله تأسس ایتدک
 باشلادنی و بناءً علی ذلك بالاخره کنديسنك ده « الجزأ من جنس العمل » سرینه
 مظهریتنی اعتراف و تصدیق الیمسی موافق انصاف نورینور .

خاطر اتمك ۱۷۷ نجی صحیفه سنده کی عریضه خصوصیه مده مندرج « وقوع
 تبدل ایله اصحاب اغراضك مقصدلری حاصل اولمش ایسه ده ملاحظه سنیه وجهله
 بر مدت بونلرك مقریات و تعقیباتندن وارسته اوله میه جنم بدیهی اولمنه منافی استراحت
 قلب شاهانه بی التزام ایله ترك مکانی اختیارده یا سرای هایونك برکوشه سنده یا عکاده کی
 چیفتلك عاجزیده اقامته مساعدۀ سنیه استرحامنده بولنشم الخ » . فقره سنی دخی سعید
 پاشا حضرتلری تنقید ایله برابر بوققره نك كمنده موجب مضرت و کویا کنديسك
 خاقان سابق طرفندن سرایده حبسنه تشبث ایدلمسی قدیم برغیظ و انفعالك نتیجه سی
 ایسه ده طرفندن تحریراً کوستریلان استعدادك باعث جرأت اولدنی درمیان ایدیور .
 خاطر اتمده و بالاده علی وجه الاختصار بیان ایلدیکم اوزره صدارتدن انفصالی
 متعاقب منع اختلاط ایچون خانه عاجزانم آبلوقه تحته آلدقدن برآز زمان صکره
 « اغلب احتمال کوره زدمه کیمسه نك قبول اولنماسی حقنده کی اراده وقوع
 بولان مقابله مك ثمره سی اولق اوزره » محاصره فك اولمش ایسه ده حقمده
 ژورنالر و صور سائر ایله القاءك توالیسنه بناءً مجرد برقات دها تأمین سربستی به
 مدار اولور مطالعیه سیه مذکور عریضه یی یازوب آکا سعید پاشانك بکنمادیکی
 فقره بی ده بالالتزام علاوه ایشیدم یوقسه ذات شاهانه نك بر صدر اعظم معزولی ایچون
 سرایده او طه تخصیصنه حتی چیفتلك کمنه عنیمته مساعدۀ کوسترمیه جکینی بیلمز دکل
 ایدم مراجعتك بوشکلی اختیاردن مقصد اصلی الی نهایت ترصدا و مزعجه به معروض
 قالمق غائله سنی تخفیفه یول آرامقدن عبارت بولوب او دخی بالتدریج حصوله
 گلشدی . فقره مبحوث عنهانك سعید پاشای ده اضرار ایتدیکي بحثنه کمنجه بو
 عریضه ممدن چوق زمان مقدملری « اگر صحیح ایسه » پادشاهك خنجر طبانجه
 چکمك ، سرایده بالادفات حبس ایلک ، صداقتی حقنده مکرراً یمین ایتدیرمك

متللو انواع تهدیدات و تحقیراتنه کوکس کروپ ینه آمال معلومه‌سندن واز کچمدیکی خاطراتیه ثابت اولان پاشای مشار الیهک فقره مذکوردهن کنایه « زیرا صدارتی احراز ایتمش اولان برذات هر نه سببه مبنی اولورسه اولسون سرایده کندیسنه او طه تخصیصی نعمت مخصوصه بیلیر و اونی بالذات طلب ایدرسه او یله بر معامله‌یی امالی حقنده اجرا ایچهن هم امکان همده جواز تصور ایتماکه مانع قالمز » دیهرک انکلتزه سفارته مراجعتی بوصورتلهده معذور کوسترمهک یلتمسی مغالطه‌نک حقیقه کولنج نوعنددر .

شو مناسبتله دنیه بیلیرکه سعید پاشا حضرتلری کندی خاطراتنه کوره برچوق دفعه سرایه کیدیش کلشلدن ودرلو محاوره و معامله‌لدن صکره چیت کوشکنده اوتوروب اصلاحاته دائر لایحه‌لر تنظیم و صدارتک فوقده اوله‌رق باب عالیدن کلان معروضاتی بالتدقیق تصدیق ورد اوله‌حق شیرلی خنکاره عرض ایلک ودها صکره ماموریتک وظائفی بیان اولتمقسنزین مراسم قصرنده اقامت وایفای ماموریت ایتک « یولنده وقوع بولان تکلیف‌لره قارشلی اوهامه تبعاً پکده ایشی اوزاتمقسنزین روی اجابت کوسترسه بر قاچ کون ایچنده » اووقت پک زیاده امل ایدندیکی آکلاشیلان « صدارته ، بلکهده بروجه افاده آنک فوقنده بر موقعه ارتقا ایله ایستدیک یولده اقبال واستقلاله نائل وکندنجه اون یدی‌یه‌قدر حساب وکتاب ایدوب حقیقه‌ده جمله‌سی بر انخیر چکردهکی طولیدرمغه قابلیتلی کوریلهمیان دلایله مستنداً انکلتزه سفارته مراجعت و اختیار مسافرت ایلسی طولایسسه‌یه علیهنده حقلی حقسنزینجه قیل و قاللر تکنونه حائل اولوردی .

پاشای مشار الیهک اعترافات و معاملاتندن استنباط ایدیلان حقیقه کوره خاقان سابقله عقد رابطه مناسبت ایلدیکی کوندنبری (البته برطاقم خصوصات مهمه و محرمانه‌دن منبعث اولمق اوزره) خاقان مشار الیهه قارشلی دائمی خوف و حجاب ایچنده بولمقی ایجاب ایتدیره‌جک بر موقع الیه‌دوشمش و بوسبیلله وسوسه و اندیشه‌دن اصلاً قورتوله‌میوب خاطراتک جلد اولنک ۷۶ نجی صحیفه‌سندن بروجه زیر عیناً نقل اولنان (۱) مقاله‌نک شهادت قطعیه‌سی وجهله ده‌ها جلوسدن بش آلتی سنه

(۱) آدم احمد آغا خلی زمان عسکرلک ایتمش درایتلی و بکا صادق ایدی . چانه‌یی ایسته‌مه‌ک کیدن ذاتک بونی بر طرز مهالکانه ایلله ایسته‌مسندن و آتیده بیان اولنه‌جی اوزره امانت هاپونک عقیب نزعنده دائره مخصوصه پادشاهیده توقیف وجسم وقوع بولسندن طولانی

صوکره انکلترة سفارتنه التجا ایلش اولدیغندن سعید پاشا حضرتلرینک اولوجهله سفارت مشار الیمایه دخاتی کیندنجه اساساً قرارلشمش برتصمیمی بالآخره اوهامه تبعیتله موقع فعله قویمسی یولنده تلقی اولنه بیلدرک یوقسه مشار الیهک شو حرکتیهل دیکر بر مقصد مخصوصده خادم اولدیغنه دائر روایتلره وجود ویرمک بکده موافق انصاف اولهمن .

*
*
*

سعید پاشا حضرتلری حاتم نشریاتنده ینه مصر و شرقی روم ایلی و ولایات سته مسئله لرینی قاریشدریور ایسهده بونلر حقنده کی تفصیلات یوقارولرده یازمش اولغله تکراردن مستغیدر .

سعید پاشا حضرتلرینک آثار منتشره سی نظر دقت و عبرتله مطالعه اولنجه تاریخه، حقیقته خدمت املیه دکل کندوسنی ده وجداناً مضطرب ایتسی لازم کلان وقایع معلومه دن تبریه ذمت و بشقه لرینه اسناد مسئولیت ایچون املای صحائف زحمته کیردیکی منفهم اولوب خاطرات و نشریاتنده کویا مدافعه مقصدیهل اختیار ایتدیکی اصول و طریقک ایسه کندوسنی قرار برائی استحصاله یاخود تماماً معکوس برجهته ایصاله می دلالت ایلش اولدیغنی قارئین کرام تقدیر ایدرلر .

*
*
*

بر مملکته معروف اولدیغنه حکم ایتسیله وقوع بولان تشبث فداکارانه سنی اوکیجه کی غائله می تخفیفه سبب اولدیغنی سیاق حالدن استدلال اولنور . شویله که کیجه دائره مخصوصده توقفک اوزامسی اوزرینه مطلقاً بی کورمک ایسته دیکنی بکجیلر واسطه سیله ایچروه اخبار ایدر . ذات شاهانه یه عرض اولنوب جواب رد کوندریلنجه مطلقاً افندی بی کوره حکم کورمکه براقازسه کز چرکس حسن کی اولمکی کوزمه آلمشدر ، غریولرله مابین دائره سنی تلاشه دوشورر . آنک اوزرینه آدم تحت توقیفه آلمش لکن مرد غیورک تهدیداتی تاثیراتی محافظه ایتش ایدی . برده ذات شاهانه یی طانیدینم کوندنبری بعضاً جلی و اکثریا خنی برصورتده حقده اثر انعاملری اکیسک اولدیغندن بونک بر قضایه نتیجه ویره بیلمسنی وهما دکل مقتضای مسلک و دلائل امثال و احواله نظراً محتمل عد ایتدیگدن شاید برکون مابینده توقیف و تضیق اولنه حق اولورسه انکلترة سفیری لورد دافرینه معلومات سریعه ویرلسنی حرمة نوصیه ایدردم . بو احکام تحقیقی خبر آلمسی اوزرینه حکم وصیت اجرا اولمش ونای و مؤثر انسانیتی مادام الحیاة خاطره احترامده جایگیر اولان لورد دافرین دخی نزد سلطنتده تشبثات و اخبارات لازمه یی بالغاً مابلق اجرا ایلش اولسیله مداخله واقعه محقه مددرس اولمشدر .

سعيد باشا خاطر انك طرف عاجزانهه تعلق ايدن جهتلرينه جواب اولمق
اوزره پكن سنه سياحتدن عودتده قلمه آلنان اشبو مجموعك ختام طبعي متعاقب
بنم حسب الحال اجتناب ابتديكم قدر مشار اليهك حريص اولديني مسند صدارته
نائلي اوزرينه بونك نشريني خلق نظرنده كندوسني كوچك دوشورمك وياچورومتك
مقصدينه عزو ايله شكايته قلقشنامه‌سى ايچون وقت مرهونه تعليق ايلش ايدم .
وهم وسوسه ايله مخلوط نظرياتنه مغلوب اولان مشار اليهك اشبو سكونجي
ويا طقوزنجي صدارتنده دخی نمایان اولان احوال غريبه ومعاملات مستبدۀ
متكبرانه‌سيمه خلق نظرنده اعتباردن دوشمسيمه اولجه وارد خاطر اولان ملاحظه
محل قلماش اولديغندن اجوبۀ عاجزينك موقع اتشاره وضعي تنسيب ايدلدي .
محتوياتك تقديرى قارئین حقیقتین کرامک رأيلرينه حواله اولور .

من تواضع رفعه الله ومن تكبر وضعه الله

صو



3 1761 06981450 7

DR
571
.5
A23A29
1922